

COLLECTANEA
GENEALOGICO - HISTORICA
ILLUSTRIUM HUNGARIAE
FAMILIARUM,
QUAE JAM INTERCIDERUNT.

E X
MS. POTISSIMUM ERUIT, ET SCUTIS
GENTILITIIS AUXIT
C A R O L U S W A G N E R,
CONDAM BIBLIOTHECAE UNIVERSITATIS REGIAE
BUDENSIS CUSTOS.

D E C A S I.

Cum XVII. Scutis gentilium aeris incisis.

POSONII, PESTINI, ET LIPSIAE,
TYPIS ET SUMPTIBUS
JOAN. MICHAELIS LANDERER, DE FÜSKÚT.

AD LECTOREM.

Cum Analecta Scèpusii , quæ dum supremam manum acceperunt , & Saárostenia , quæ primā in præfens subeunt , colligerem , illustrium Hungariæ Familiarum personas , & res gestas , quæ hic , atque illuc suæ apte occurserunt , haud indiligenter adnotavi . Atque eas quidem , quæ ad Scepsum attinebant , Parte Analectorum IV. conscripsi , non exiguo cum Diplomatū , aliorumque monumentorum , qui legentem facile offendet , apparatu : ne cæteras eum in modum persequerèr , præterquam quod plurima Tabularia , ad quorum alia perdifficiliś , ad alia vix ullus accessus patet , pérreptare oportuerat , res in ingentem molem succrevisset . Itaque vela contrahere , & reliquas

A D L E C T O R E M.

compendiario , quem vides , habitu vestire necessum fuit. Delegi autem non alias , quam quæ olim fama , opibus , gestisque Magistratibus insignes , ab stirpe demum interierunt : scilicet in vetustates Hungaricas , ut nescio , quo studio , amore que feror ; ita in iis progressum , quatenus licet , facere , quidquid alii contra æstiment , cononor , conaborque .

De utilitate porro hujusmodi veterum Collectaneorum non est , quod hic multis differam ; in re pene simili ita Lazius : A) Quæ ut jucundum est , inquit , scire -- ita utilitatem non minimam administrationi rerum , & lucem Historiis , atque Annalibus adfert , & successiones docet , & mutationes nominum Provinciarum ostendit , denique Genealogias Principum , Comitumque explicat , & quæ interciderunt stemmata in singulis Provinciis , eorum memoriam revocat , & Provincia-

A) Præfatione ad libros XII. de migrationibus Gentium.

A D L E C T O R E M.

ciarum, in qua coluerunt ista; reddit illu-
friorem. Hactenus Lazius.

Origines non paucæ, fateor, obscuræ sunt, interrupta saepe generis series, sequioris sexus proles, Uxores, Uxorūmque cognomina saepissime tacita; at qui propterea opus carpendum, aut plane premendum existimat, illud Varronis habeat: A) *Cur scriptoris industriam reprehendas, qui Herrois atavum, tritavumque non poterit reperire, cum ipse tui tritavi Matrem non possis dicere; certe & hæc, & annos natales, emortualesque, & id genus plura, quæ rebus Genealogicis lucem non modicam affunderè, extra controversiam est, posterior dies fortasse ex tenebris evolvet.* Ad quod ut ii, quibus neque facultas, neque animus deest, aliquando aggrediantur, maximopere cupio. E rebus meis interea in eos, qui de hujusmodi cineri-

A 3

bus

A) Libro de Lingva Latina.

A D L E C T O R E M.

bus Phænices suscitaverint, id com-
modi, ni fallor, redundabit, ut Hun-
garicorum stemmatum Tabellas Ge-
nealogicas, quæ hactenus quod sci-
am, apud nos desiderantur, & prom-
ptius, & curatius confiant,

Præfigo singulis, quas perscribo,
familiis scuta gentilitia, e Sigillis,
potissimum, nummis, & faxis sepul-
cralibus petita; interim in eadem
domo, ubi vel paululum diversa, vel
auctiora esse observavi, cum nanci-
sci licuit, bina adjeci; explicandis,
quod id nunç non ago, consulto ab-
stinui; intuentes alioquin advertent:
atque hæc, quemadmodum & mo-
numenta litteraria, quibus insertis
res Familiarum illustrandas putavi,
maximam partem debeo Cl. Georgio
Pray: servient scuta artis Sigillaris,
& Heraldicæ amantibus Hungarisi;
monumenta univerfim omnibus, ut
qui ea legerint, in Majorum facino-
ra intuiti, vitia, quibus illi nomen
ob-

A D L E C T O R E M.

obscurarunt, defugiant; quibus amplificarunt, æmulantur.

Illud ad extremum monendus es,
Decadem I. jam anno MDCCCLXXVIII.
Typis Budensibus vulgatam fuisse;
verum abhinc cum & Amici nonnulla suggerissent, & ipse non pauca offendissem, quæ me eatenus latebant, altera hac editione loco non uno suppletam, emendatamque esse.
Vale. Scribebam Budæ die 14. Febr.
Anno a partu Virginis 1789.

CONSPECTUS FAMILIARUM

D E C A D I S I.

- I. BÁNFI DE ALSO LINDVA.
 - II. ——— DE BÁTHOR.
 - III. BEBEK DE PELSÓCZ.
 - IV. ——— DE CHETNEK.
 - V. ——— DE HEDERVÁRA.
 - VI. ——— DE KANISA.
 - VII. OLÁH.
 - VIII. ——— DE STYBORICH.
 - IX. ——— DE ÚJLAK.
 - X. ——— DE ZRIN.
-

I.

BANFI DE ALSO LINDVA.

(Fig. 1. & 2.)

Banfiorum de Also Lindva, vel Lend- *Origo gentis ex*
va Tabellam Geneologicam supe-
riori Seculo dedit Gabriel Bucellini Or-*Comiti-*
dinis D. Benedicti; a) orditur porro *bus Orla-*
ab Haholdo Magno eo haud dubie,
cujus in Chronicis Hungarorum M.
Thuroczius, cum generationem Buzad
enarrat, in hæc verba meminit: b) *De*
generatione quidem Buzad, inquit, *est*
dicendum. Hujus enim generatio per Re-
gem Stephanum, c) filium secundi Belæ
in Hungariam adducitur, in adjutorium
Regis memorati. Ex Comitibus enim Or-
lamundi D) sunt; primitus enim qui ve-
nit, Hadolth est vocatus, cuius filius si-
militer Hadolth, & Arnoldus. e) Ex istis
origo procedit Buzad Bani: hic enim Ha-
dolth exprimi non potuit, sed paralogi-

A 5

zan-

-
- a) Germaniæ Topo-chrono-stemmatographicæ Tomo III.
 - b) Parte II. Cap. XIX.
 - c) Qui præfuit Hungariæ, sed interrupto regimine, ab anno 1161. ad 1173.
 - d) Urbs Saxoniam ad confluentem Salæ,
& Orlæ.
 - e) Fortasse is, qui Abbatiam S. Margarethæ de Peleske condidit.

xando Hobolt dicitur. Generatio quidem Chák, cum aliis quibusdam generationibus conspiraverunt contra istum Regem, quas per Hoboldum, & suam militem, quam cum ipso adduxerat, dicitur contrivisse. Hactenus Thuroczius.

Buzadi
fragmen-
tum Ge-
nealogi-
cum.

Comes BUZAD habuit Filium BUZAD II. anno 1226. Sclavoniæ Banum, A) qui rebus caducis nuncio missō, Prædicatorum ordinem ingressus est. Exstant eatenus literæ, quæ fidem faciant, hujus tenoris: „ Universis præ- „ sens scriptum inspecturis, Buzad quon- „ dam Banus, nunc vero Ordinis Præ- „ dicatorum Frater minimus, salutem „ in Sion, & gloriam in Hierusalem: „ significamus univeritati vestræ, cha- „ ritatem vestram scire volentes, præ- „ dium nostrum quoddam, quod vulgo „ Szobor nuncupatur, filio nostro ma- „ jori Buzad nomine cum omnibus per- „ tinentiis suis jam dudum nos tradi- „ disse. Ut igitur hæc nostra donatio „ firma, & stabilis in temporibus fu- „ turis extra omnem portionem, divi- „ sionemque omnium hæreditatum no- „ strarum, quæ inter jam dictum Bu- „ zad, & alios Filios nostros est afflu- „ tura, permanere valeat; ob testi- „ monium solennius, litteras præsen- „ tes Prioris nostri sigillo studuimus

„ 10-

A) Kerchelich Hist. Eccl. Zagrab. pag. 80.

„ roborare, Anno gratiæ 1233. Datum
„ apud Pesth XVI. Kalend. Martii. A) „

Buzadus hic, de eo enim Tho- *Buzadus*
mam Cantipratanum loqui Sigismundus II. *cœfus*
Ferrarius conjicit, factus est *egregius*, ^a *Tarta-*
ac devotissimus prædicator. Irruentibus er- ^{1241.}
go Tartaris, B) Priore domus cum Fra-
tribus fugientibus, petivit idem Frater
quondam Dux, ut in solatium dimit-
teretur popolorum, dicens se confectum
senio, & etiam si non occideretur a Tar-
tariis, in proximo tamen moriturum. Per-
missus ergo remansit in domo Fratrum,
& admonitione dulcissima pauperibus, &
debilibus, qui fugam inire non poterant,
ad patientiam confortatis, ipse usque ad ir-
ruptionem Tartarorum, pronus in oratione,
& lacrimis, in Ecclesia in modum crucis
extensus, ante altare jacebat, & sic ab
impiis est occisus. Recedentibus ergo Tar-
tariis, ad domum Fratres reversi sunt,
& Fratrem quondam Ducem, lanceis te-
rebratis pedibus, & manibus, atque con-
fossis omnibus membris, & cerebro ex-
cusso de capite, coram altari, ut dictum
est, invenerunt.

Præter BUZADUM III. natu maxi- *Ejus po-*
mum, reliquit insuper Filios THOMAM, *steri.*
ad

A) Sigismundus Ferrarius de rebus Unga-
rica Provinciæ Ordinis Prædicatorum
Partis I. Libr. I. Cap. 7.

B) Quod evenit a nato Christo an. 1241.

ad annum 1254. Præpositum Albæ-Regalensem, quem ex Filia Comitis Sol genuit, & TRISTANUM anno 1255. Comitem Præconum Domini Regis. Ex Buzadi genere alium præterea non reperi, quam JACOBUM FILIUM PONICH: cui anno 1277. Elisabetha Regina duas Villas Dubcza vocatas, in Comitatu Segusdieni, donum dedit.

*Majores
caetero-
rum Ban-
fiorum.*

Memorato Bucelinio Authore HAHOLDUS I. cui CYRIACO nomen fuisse lego, ex cognomine Filio HAHOLDO II, præter Anonymum nepotem habuit quoque HAHOLDUM III. alias MICHAELM, hic in Comitatu Szaladiensi terras filiorum Jurk, qui de furtis, & latrociniis publico judicio convicti sunt, a Dionysio Palatino Comite de Oklich anno 1273. acquisivit, & duos Filios reliquit: MATHÆUM videlicet *απαιδα*, & STEPHANUM I. sub annum 1282. totius Sclavonie Banum. Ab hoc Castrum Also Lindva A) conditum idem Bucellinus memoræ prodidit; at ego auctum potius, reparatumve crediderim. Stephani Filiorum alter JOANNES I. sine prole, ut videatur, decepsit;

*Nicolaus
primus
dictus
Banfi.*

Alter vero NICOLAUS I. quod Banni Filius esset, Hungaris Bánfi dictus est. Floruit anno 1343. Magister Agazonus Reginalium, & Comes Szaladien-

A) In agro Szaladiensi situm, unde genti axioma.

ensis, amplissimis a Ludovico I. Rege possessionibus in eadem Szaladiensi, & Castriferrei Provinciis donatus; de quo jam Banus totius Sclavoniæ, & Croatiae idem Rex 1347. hæc litteris suis inferuit: „ dum partes Croatiae per *Ejus præ-*
 „ quosdam æmulos nostros potentiali- *clara fa-*
 „ ter olim in præjudicium nostræ Ma- *cinora.*
 „ jestatis fuissent occupatæ, viriliter se
 „ opponens, per suam industriam, &
 „ sagacitatem easdem partes laudabili-
 „ ter restauravit, & nostro dominio
 „ subjugavit: ubi non pauci proximi; &
 „ famuli sui morte corruerunt; & plures
 „ demembrati, lethali vulnere exstite-
 „ runt fauciati. Præterea cum nos per-
 „ sonaliter ante Civitatem Jadrensem
 „ quoddam Castellum Stigach dictum,
 „ quod per Venetenses detinebatur,
 „ obsidentes expugnare cum nostro exer-
 „ citu voluissimus, idem Dominus Nico-
 „ laus Banus audacter dimicans, duo
 „ lethalia vulnera, nobis intuentibus,
 „ in se recipiens, plures ex suis ibi-
 „ dem exstiterunt interfici. „

Ex quatuor, quos genuit, Filiis, *Nicolai I.*
NICOLAUS II. hærede caruit: *STEPHA- posteri.*
NICHOLAS II. Vir clarissimus, Zagoriæ Comes,
 ac sub Ludovico Rege, ejusque Filia
 Maria totius Sclavoniæ Banus in *LA-*
DISLAO II. & *NICOLAO III.* Filiis defec-
 cit. *JOANNES II.* itidem Zagoriæ Co-
 mes, & Banus per *STEPHANUM III.* &
JOANNEM III. de quibus infra, genus
 pro-

propagavit. LADISLAUS I. denique genuit SIGISMUNDUM I. Atque hic, ejusque Fratruelles, cum juri Episcopi Zagrabiensis, quod in Murana peninsula hactenus exercuerat, obturbarent, ab Sigismundo Rege, hujusmodi mandato

Prohibentia coerciti sunt: „ Datur nostræ intelligitur ab in- Majestati, quomodo vos quosdam juria Ec- Plebanos vestros ad Diœcesim Eccle- cleſiae Za- sis Zagrab. semper, & ab antiquo grab. in- ferenda. pertinentes, ab eadem Ecclesia Za- grab. sequestrando, ad Diœcesim We- sprimicalem conferre niteremini, & velletis --- Unde nos ipsam Eccle- siam Zagrab. suis juribus, seu ju- dicialiter destitui non volumus; igitur fidelitati vestræ firmiter præcipi- endo mandamus, quatenus præfatos Plebanos vestros trans-Muranos, qui alias ad prædictam Diœcesim Zagrab. pertinuisse, & spectasse debebant, vos a prælibata Diœcesi Wesprim. penitus removentes, & sequestran- tes, justam ad obedientiam, & do- bitam subjectionem prætitulatæ Ec- cleſiae Zagrab. exhibendam compel- latis, & adstringatis. „ A) Habuit autem SIGISMUNDUS conjugem Beatam Filiam Joannis de Salamonvára, & ex ea natas DOROTHEAM Joanni Forgách de

A) Datae sunt literæ in Sara, fors Gara, feria quarta proxima post festum Pen- tecostes anno Domini 1398.

de Gymès, SARAM nescio cujus nominis Banfio, & CATHARINAM Joanni Osth eruptas.

JOANNES III. JOANNIS II. Filius *Continua-*
vixit sub annum 1398. reliquitque Ni-
COLAUM cognomento puerum, qui post-
quam adolevit, genuit BARBARAM Ni-
colao Széchy de Felsö Lindva in ma-
trimonio elocatam. STEPHANUS III. Jo-
NNIS II. Frater natu major Pater ex-
stitit LADISLAI III. qui liberis caruit,
PAULI I. & STEPHANI IV. Hos duos
Ladislao Neapolitano contra Sigismundum
Regem adhæsisse clarum est ex épi-
stola, quam ad vicinos circum Nobiles
scripserunt, & cujus medium ita habet:
 „ quia nunc Castrum nostrum Papa per
 „ Bohemos, & alios vestros adversa-
 „ rios foret obseßum, pro eo vestram
 „ amicitiam præsentibus requirimus di-
 „ ligenter, quatenus uti melius, &
 „ quam pluribus potestis, cum cæteris
 „ Amicis vestris, feria quarta nunc
 „ ventura, ad Castrum ferreum circa
 „ nos, nobis in adjutorium venire ve-
 „ litis --- Datum Lindvæ die Domi-
 „ nico ante festum B. Gregorii Papæ
 „ A. D. 1402. „

Stephanus, & Paulus filii Ban
 de Also Lindva.

Cæterum in gratiam cum Sigismundo utrumque rediisse, ex iis, quæ mox dicturi sumus, patebit. Atque ab his duo Banfiorum palmites, videlicet Bo-
 lon-

londoczensis, & Lindvensis propullula-
runt: quos jam exequemur.

*Linea
Bánfio-
rum de-
Bolon-
docz et
Lindva.*

PAULUS I. anno 1437. Agazonum Regalium Magister, & itinerum Sigismundi comes, quæ idem Rex in literis suis ita describit. „ Cum nos alii „ as pro acquisitione sacri tituli Imperialis, fuscipendiisque finaliter ultimi „ mis duabus coronis Imperialibus, per „ partes Alamanniæ versus Lombardiæ, „ Thuscianæ, ac alias Italiam partes iter „ arripimus, & usque ad Mediolanum „ inclusive, ubi secundam coronam nostram Imperialem de manibus Reverendissimi Patris, & Domini Archiepiscopi Mediolanensis, in domicilio B. Ambrosii Episcopi gratiose su-
Ex qua „ scepiimus, accessimus, ipse Paulus „ Paulus Magister Agazonum nostrorum, cum „ Sigismundi copiosa Familiarium suorum comitidi Imper. „ va, nostram sequendo Majestatem, „ itinerum „ per totum ipsius itineris spatium, „ Comes. „ nobis fidelia jugiter impedit obsequia; tandem nobis de Mediolano „ per dictas Lombardiæ, & Thuscianæ „ partes pertransiuntibus, ac usque ad „ Civitatem nostram Senarum, per mul- „ tas, & varias infidias nobis, & gentibus nostris per Florentinos, & quamplurimos alios nostros, & Sacri Romanii Imperii rebelles, & inimicos positas, Deo Duce, absque molestia, & offensione aliquali procedentibus, „ ipse Paulus Magister Agazonum no- „ stro-

„ strorum, ubique nobiscum profici-
 „ scendo, laterique nostro jugiter adhæ-
 „ rendo, tam contra ipsorum nostrorum
 „ rebellium, & hostium insultus, se va-
 „ riis, & multiplicibus fortunæ casibus,
 „ pro nostri honoris exaltatione, abs-
 „ que metu lethi exponere non formi-
 „ dans, quam etiam in aliis securitatem
 „ nostri itineris concorrentibus, Celsitu-
 „ dini nostræ placibiles impendit famu-
 „ latus. Demum vero ab ipsa nostra
 „ Imperiali Civitate Senarum nobis per-
 „ sonaliter, Domino conducente, Ur-
 „ bem Romanam adeuntibus, tertiam-
 „ que inibi, & ultimam coronam, seu
 „ insulas Imperiales de manibus Sanctissimi
 „ Domini nostri, D. Eugenii Pa-
 „ pæ IV. consuetis ceremonialibus so-
 „ lennitatibus laudabiliter, ac honori-
 „ fice præhabitibus, suscipientibus, ubi
 „ & eundem Paulum Magistrum Agazo-
 „ num nostrorum aureo accinximus ci-
 „ gulo, & honore decoravimus milita-
 „ ri, ipse Paulus semper, & ubique
 „ juxta nostræ Majestatis libitum grata,
 „ & fidelissima servitia nobis curavit
 „ exhibere. Porro susceptis gloriose
 „ hujusmodi sacris coronis, seu insulis
 „ nostris Imperialibus, de dictis Italiae
 „ partibus ad Civitatem nostram Basi-
 „ leensem, ubi Sacrum generale Con-
 „ cilium in Spiritu sancto legitime con-
 „ gregatum celebrabatur, nobis adve-
 „ nientibus, & deinde ad peculiare
 DECAS I. B „ Re-

„ Regnum nostrum Hungariæ, auspice
 „ Deo feliciter, & votive remeantibus,
 „ & ab illinc tandem arduissimis cau-
 „ sis nos perurgentibus ad hoc Regnum
 „ nostrum Bohemiarum ingredientibus -- se-
 „ pe latus Paulus Magister Agazonum
 „ nostram in prætermis sequens Maje-
 „ statem, nobis tam in expugnatione
 „ cuiusdam Castrum, quod quidam no-
 „ ster infidelis Rohacz nominatus in
 „ contemptum nostræ Serenitatis tene-
 „ bat, & conservabat, quam etiam in
 „ aliis nostris arduis agendis, alta, &
 „ præclara, atque a nostri cordis arca-
 „ no nunquam excidenda obsequia mul-
 „ tifarie, multisque modis exhibuit,
 „ & impedit. „ Duas autem Conjuges
 habuit, alteram Catharinam filiam Sty-
 borii de Styborich, per quam eum
 posteris in jus Castrum Bolondocz, vel
 Bolondvára, alias Beczko venit; al-
 teram Margaretham de Báthor Michaelis
 Szilágyi de Horogszegh Vidiuam.

Eius li-
beri. Præter DOROTHEAM Joannis de
 Rozgon, ELISABETHAM Georgii de Ka-
 nisa, BARBARAM Nicolai de Zéch, &
 CATHARINAM Nicolai de Báthor Con-
 juges, reliquit filium JOANNEM IV.
 dictum Sissák, Dominum de Lindva,
 & Bolondocz anno 1514. Pincernarum
 Regalium Magistrum.

Eum Istvanfus, quanquam non sine
 nominis errore, Jacobum vocat, virum
 impigrum, & promptum, ac ostenden-
 dæ

dæ adversus communes hostes virtutis cupidissimum fuisse ait: ei certe confecti ad Batxiā rustici belli gloriam tribuit. A.) Stephanus quoque Taurinus, cum eodem bello Joannem Dragfum ex confosso equo prolapsum descripsisset, Bánfi virtute servatum ita canit: B)

Hunc ubi plagatum, multoque cruento madentem

Ramphius aspergit, comes, & vincimus illi

Gentilis; veri nec dissimulator amoris,
Non impune sinit socium cecidisse,
citatum

Pulsat equum, plebemque feram mucrone cruento

Propulit, & mecum tibi sint certamina, dixit &c.

Conjugem ejus priorem Margaretham Henning de Zomzédvára, alteram relictam ad annum 1525. lego Catharinam de Fuis, proles vero: SIGISMUNDUM II. qui confœderationi, quam nonnulli Proceres, anno 1522. Budæ inierant, subscrispit. LAURENTIUM, ANTONIUM I. cuius Coniux Potentiana Dersff. FRANCISCUM I. de quo mox, & DOROTHEAM, quæ sublato in pugna Mohatsiensi Marito Nicolao Tharczaj, alterum delegit Mathiam Loboczky de Loboszitz, & in Kamenitza Polonum.

Et nepotes.

A) Histor. Libro V. sub finem.

B) Servilis belli Libro V.

FRANCISCO I. Helena filia Blasii de Raska enixa est LADISLAUM IV. ab anno 1556. ad 1574. Janitorum, abhinc vero ad annum 1586. quo obiit, Agazomum Regalium Magistrum. Terno hic connubio illigatus, primum Annæ Keglevith de Buzin Casparis Ernusth de Chaktornya Viduæ, deinde Barbaræ de Som, demum Catharinæ Mindszenti, duas Filias ANNAM videlicet Gabrielis Majlath de Zwnyogszegh Perpetui Terræ Fogaras confortem, & ELISABETHAM Georgii Rátkaj de Nagy-Thábor Uxorrem, totidemque filios progenuit; sed neuter posteros vidit: PAULUS II. enim a Turcis in acie cæsus est, JOANNES VI. vero in ipso ætatis flore anno 1595. occubuit, & Margaretham Forgách de Gymes Viduam reliquit. Atque sic pleraque rami Bolondoczenis latifundia in Lindvensem, ad quem regredimur, per venerunt.

*Linea de
Also
Lindva.* STEPHANNS IV. PAULI I. cuius progeniem descripsimus, Frater, & STEPHANI III. Filius, Vir clarus, in campo Merulæ fortiter pugnans anno 1448. cecidit relictis duobus Filiis JACOBO I. & NICOLAO V. Ille Maximiliani Cæsaris partes secutus, pace subinde compolita, ab Wladislao Rege in gratiam receptus est. Hic sub Mathia Corvino Comes Posoniensis, egregias ab eodem laudes emeruit. Verba Diplomatis anno 1474. dati sunt: „ ubi æstate, & pru- „ den-

*Ex qua
Nicolai
V. laudes*

„ dentia crevit, in exercitiis militari-
 „ bus, & aliis arduis negotiis Curiæ
 „ nostræ decus esse cœpit, legationes
 „ adiit, & præcipue duas vias magnas,
 „ & laboriosas pro nobis, & Regno fe-
 „ cit: primam cum Reverendo Geor-
 „ gio Præposito Quinqueecclesiensi ad
 „ Serenissimum Principem Ferdinandum
 „ Regem Siciliæ; alteram cum Venera-
 „ bili quondam Johanne de Rabenstein,
 „ Præposito Vißehradiensi ad Ducem
 „ Mediolani semper in facto fidei, &
 „ rebus nostris, ac Regni; unde juxta
 „ votum nostrum, optatas reportavit
 „ relationes, in exercitibusque nostris
 „ contra inimicos, & rebelles nostros
 „ instauratis interfuit, maxime in ex-
 „ peditione contra Stephanum Vajvo-
 „ dam Moldavicum, ubi pro salute
 „ personæ nostræ viriliter, & strenue
 „ agens, plura pro nobis prope morta-
 „ lia vulnera suscepit, & mori non
 „ dubitabat. „ Sub Wladisao II. Rege
 Janitorum Regalium Magister decessit
 annum circiter 1501. Conjugemque su-
 am Margaretham Ducem Saganensem,
 Joanni Ernusth de Cháktonya reliquit.

Fuit Margaretha non virtutibus mo- *Propter*
 do, sed etiam formæ venustate præcel- *conjugem*
 lens Matrona, cuius pudicitia Maritus *fere bien-*
 cum metueret ab Mathia Rege, qui *nio capti-*
 Posonium, ubi illa agebat, venturus
 erat, eam Also Lindvam perducendam
 curavit. Quo facto Regem, quasi per
 ejus

ejus lasciviam Margarethæ pudicæ esse non liceret, adeo commotum ferunt, ut Nicolaum machinæ bellicæ, quæ curru vehebatur, catena adstrictum, in captivitatem abripi juberet. Biennio post & libertati quidem, & muneri Comitis Posoniensis restitutus est, sed duabus arcibus Lippa, & Solymos mulctatus, quas nec ipse unquam, nec ejus posteri, ut in loco dicemus, recuperarunt. A) Suscepit porro ex Margaretha sequentes proles:

*Ejus pro-
les.*

JOANNEM V. de quo infra.

PETRONILLAM Francisco Osthi,

BARBARAM B) primum Christophoro de Reichenburg, deinde Caspari de Stubenberg.

SARAM Petro Erdödy de Monyarokerék nuptas;

JACOBUM præterea II. quem primam lucem anno 1488. aspexisse Bucelinus ait, ac

FRANCISCUM II. cuius Viduam ad annum 1521. Annam ab Eckarthsau invenio.

Jo-

A) Rei gestæ Historia extat apud Belium Decade II. Monumento II.

B) Lapsus est itaque in Theatro Nobilitatis Europææ Spennerus, cum Barbaram semel, atque iterum Ladislai Bánfi, & Margarethæ Comitis de Corbavia filiam fuisse scribit.

JOANNES V. NICOLAI V. Filius quo- Joannes
modo ex clade Mohatliana se evolverit, V. ex cla-
verbis Istvánfi dabimus. Haud dissimi- de Moha-
li fidelis obsequii genere, inquit ille, Ale- tsiana
xander Bacacius Joanni Bánfio equum postu- evadit.
lanti opportune obtulit, quum equus illius
laboribus, & vulnere nimium debilitatus
fatisceret; & Joannes quidem vitato pe-
riculo, manus hostium effugit, Alexan-
drum vero a Turcis captum, grato ani-
mo redemit, & aedem, quam D. Joanni
Baptistæ in prælio, si incolumis evaderet,
reverat, Lindvæ aedicandam, dedican-
damque curavit A) Abhinc Joannis de Fit Za-
Zapolya partes, quoad vixit, constan- polyæ Ro-
ter fovit, tuitusque est, & ab eodem gis Palar-
Regni Palatinus creatus, anno 1533. tinus.
in arce sua Saproncia, ut idem Ist-
vánfius habet, b) e vivis excessit, ma-
gno Zapolii dolore, quum eum præ cæ-
teris ob fidem, integritatemque charum
in primis haberet. Conjux Margaretha
Filia Jacobi Székely de Kevend auxit
eum Filio

STEPHANO V. qui quanquam in partibus Ferdinandi Regis esset, nihilque intentatum relinquere, impetrare tam non potuit, quo Arces, quibus Nicolaum Avum excidisse diximus, recipere, quoad Temesvaro anno 1552. a Turcis expugnato, ex quoque in bar-

B 4 ba-

A) Istvánius Histor. Libro VIII.

B) Libro XII.

barorum potestatem venirent. Inde ab anno 1554. ad 1568. quo e vivis ex-cessit, splendidum Dapiferorum Regalium Magistri munus gescit. Magdalena Országh de Guth thori Socia peperit ei tres Filias, ANNAM anno 1544. natam Joannis de Réwa, MAGDALENAM Michaelis de Maroth confortes & CATHARINAM, nec non duos Filiós NICOLAUM VI. & GASparem I. Hic ex Catharina Pethö de Gerse numerosam problem suscepit, sed vel sequioris sexus, vel quod nobilioris erat, præmaturo fato subreptum. Filii certe

Gasparis I. liberi.

FRANCISCUS III. anno 1595.

STEPHANUS VII. 1607. in vivis esse desierunt. Filiaz vero postquam ad nubiles annos pervenerunt, his elocatæ sunt: MARIA Nicolao Széchy de Rimaszéch.

MAGDALENA Caspary Konsky,
SUSANNA Stephano Pinnyei,
URSULA Balthasari Vragovics,
CATHARINA primum Thomæ Cenki-
ri (ita exerte Bucelinus, sed in nomine
mendum cubare suspicor) deinde Fran-
cisco de Battyán, ac

JUDITHA Nicolao Nyári de Bedegh.

NICOLAUS VI. CASPARIS I. Frater

Et Nico. anno 1547. in lucem editus, & tertium,
lai VI. ac viceimum etatis vix egredius, ani-
mum ad nuptias applicuit, Ursulamque
a Zrinio, Joannis Prényi de Nyaláb,
nisi fallor, Relictam, in thori confor-
tium

tium adscivit. Ex eo nati sunt STEPHANUS VI. anno 1571. CATHARINA, quæ Stephanum Zibrik de Szarvaskend, & Joannem Ujfalusi de Divékujfalu Mariatos habuit. GEORGIUS I. qui miserabili nece anno 1607. Styræ in Austria confosus est: Magdalenum Doczi de Nagyluche ejus Sponsam reperio, num etiam nuptiis juncta fuerit? incertum, ac denique

CHRISTOPHORUS I. Vir ab animi constantia, & a fide in superos æque, *Christo-*
ac Regem clarissimus. Viros Apostoli-
cos, quos Missionarios vocant, domi
fuz aluit: horum opera non finitima
modo regionem, sed quidquid terrarum
Quinque-ecclesiás procurrit, excoluit;
Tumultu Bethleniano, & Rakocziano,
qui semel atque iterum Hungariam tur-
binis instar pervaaserat, adeo se abripi
non sivit, ut unus fere Transdanubia-
niam regionem in fide Cæsar is contine-
ret. Pincernarum & Tavernicorum Re-
galium Magistri officio plures annos
persunctus, gentem Banianam de Al-
so Lindva ultimus omnium tumulo in-
tuhit: quanquam enim ex gemino con-
nubio Annæ videlicet de Mere, & Eleo-
noræ Draskovich de Trakoſtyán nu-
merosæ prolis Pater effectus est, Filios
tamen omnes præmortuos vidi, quos
demum & ipse anno Christi 1646. con-
secutus est. Conjicio id ex epistola
Ferdinandi III. Imp. quam ad Civitates
Hungariæ dedit, & cuius pars, quæ huc

facit, ita habet: Prudentes, & Circum-specti, fideles nobis dilecti. Siquidem Tavernicorum Regalium in Hungaria Magistri officium, quod per mortem, & dece-
sum Spect. & Magnifici quondam Comitis Christophori Bánfi de Alsolindva vacare contigerat, fideli nostro itidem Magni-fico, & Spect. Comiti Stephano de Chiak Comitatus Scapus. Supremo Comiti, & Consiliario nostro -- clementer con-tulerimus &c. Datum in Arce nostra Regia Poson. die 26. mensis Novembris anno Domini 1646. Liberorum porro Christophori e priore thoro natorum Syllabus hic est:

STEPHANUS VIII. HEDVIGIS

NICOLAUS VII. natus 1599. † 1627.

SOPHIA trium Maritorum Conjux, nempe: Stephani Listhy de Köp-csény, Stephani Széchy de Ri-maszéch, & Emerici Senioris Czobor de Ozobor Szentmihály. Ex posteriore vero prognati sunt:

EVA. PETRONELLA nata 1615.

CÆCILIA FRANCISCA nata 1617. Con-fors Ladislai L. B. Recziczki.

HELENA nata 1619. ELISABETHA nata 1621. PETRUS. PAULUS. JOANNES. A)

II.

▲) Præter Bánfios de Alsolindva, celebres etiam erant olim Bánfii de Thallócz, de Nagymihály &c. sed jam dudum exstincti. Superant hodie Bánfi de Lossoncz; verum nec hi, nec illi Alsólindvanius ulla necessitudine, ut appareat, innexi.



II.

DE BATHOR.

(Fig. 3.)

Sunt, qui Báthorios a Wenceslao, seu *Báthorii de genere Guthke-*
Wenczellino celebri S. Stephani Re-*gis Duce profluxisse velint. De eo hæc Guthke-*
pauca adnotavit Thuroczius A) *Ascendit led ori-*
quoque de Bavaria Wenczellinus videlicet undi.
de Vazumburg, qui cum S. Stephano in
Symigio, Cupan Ducem interfecit, Capi-
taneus enim exercitus exstigit illo die.
Ex ipsis, Jak nascitur principium, & origo.
Sed ii quidem cum iplius Thuroczii,
tum veterum chartarum fide satis re-
felluntur, ille enim Wenczellinum gen-
ti Jak principium, & originem dedisse
exeunte memorat; hæc contra Bathorios
de genere Guthkeled prognatos esse per-
hibent. Guthkeledii porro, ut idem
Thuroczius scribit: b) *per Petrum Re-*
gem, dum idem fugit ad Heinricum Ca-
farem, in adjutorium sunt ei adducti de
Castro Stboph; sunt exorti de Svevia,
unde Imperator Federicus ortum habet.
Ista enim generatio de Primatibus Sveviae
ex-

A) In Chronicis Hung. Parte II. Cap. XII.
B) Ibidem Cap. XVI.

existit; pauperes enim sunt hæreditatibus, sed probi, & valentes sunt in patria memorata. Istius siquidem Guthkeled generatio temporibus Salomonis Regis, Ladislai & Geychæ Ducum extitit exaltata. Nam tum ipsa generatio in duas partes divisa fuit: quidam Ducibus adhærebant; quidam vero Salomoni, & specialiter Wyd quem Salomon exaltasse perbibetur, super alios de generatione supra dicta. Genus porro Guthkeled in varios subinde ramos divisum est; Zelemérios enim, Szokolios, Butkajos &c. cum universim prima bonorum divisio, tum seorsim horum tres dentes, quos alii lupinos, alii Draconis esse malunt, quoque pro armis habent, ejusdem originis fuisse satis ostendunt; sed nos missis cæteris, ad Bathorios veniamus.

*Majores
Batho-
riorum.*

Primus autem, a' quo series non interrupta fluit, occurrit ANDREAS, qui tres Filios reliquit BENEDICTUM, BRICCIUM, & GEORGIUM; sed BENEDICTUS absque hærede decepsit, GEORGIUS vero in MICHAELE, & JOANNE Filiis defecit Unus BRICCIUS natu medius, qui anno 1310. cum agnatis Michaele, & Vid fundos divisit, nomen Bathorianum propagavit, genuit enim præter CLARAM nuptam Battiz filio Jakou de Ungh, quinque filios JOANNEM I. ANDREAM II. LAURENTIUM I. NICOLAUM I. & LEWES,

KES, seu Lucam. A) JOANNES I. trium liberorum Pater fuit: LADISLAI I. GEORGII II. STEPHANI I. sed GEORGIUS II. in GEORGIO III. Filio, & JOANNE V. nepte, STEPHANUS I. vero in JOANNE III. Filio, cui Margaretha Drugeth Conjux fuit, & GEORGIO IV. MICHAELI II. & LADISLAO IV. nepotibus sine prole mascula obeuntibus exstincti sunt. LADISLAI I. natu maximus anno 1351. Co-
 mitatus Szaboltsensis Supremus Comes,
 duxit Annam filiam Mauritii, filii Nico-
 lai Vajvodæ de Moroczhida, & Megyes-
 allya ex genere Puk, vel Pok oriundi,
 quæ cum præter bona in Comitatu Kraz-
 nensi sita, portionem etiam Somlyovi-
 ensem jure, quod quartalitium vocant,
 a Fratre Simone acquisivisset, in Filios,
 nepotesque Bathorios axioma de Som-
 lyo, ut in loco dicemus, transfudit.
 Sustulit autem Ladislaus ex ea ELISA-
 BETHAM Georgii de Debreczen Uxo-
 rem, & tres filios: GEORGUM, B)
 LA-

-
- A) Fratribus his Carolus Rex anno 1325.
 contulit possessionem Eched; aliis vero
 literis indulxit eis facultatem ædificandi
 fortalitium in pratis, seu paludibus ejus-
 dem possessionis Eched, ita tamen, ut in
 perpetuam rei memoriam, & signum fi-
 delitatis eadem ædificanda arx fidelitas,
 quæ vulgari sermone Hivseg dicitur, ab
 omnibus nominetur.
- B) Hic genuit Joannem, & Barnabam,
 utrumque imptolem, ac Antonium,
 cui

*Andreas LADISLAUM II. á Varad., & STANISLAUM,
II. Episc. de quo, quia peculiaris lineæ author
Varad. fuit, infra agemus. ANDREAS II. BRIC-
ab anno 1329. ad CII. filius, modo de Báthor, modo de
1345. Rakomáz dictus, primum Ecclesiæ Ve-
tero Budensi Präpositus, deinde Episco-
pus Magno Varadinensis, Sanctimonia-
les D. Claræ Oppido Velencze intulit.
LAURENTIUS I. & NICOLAUS I. ANDREÆ
II. Fratres sine liberis obierunt. A) LEU-
KES demum seu Lucas e vivis excedens
duos Filios reliquit BENEDICTUM II. &
PETRUM I. huic in partitione obtigit
Castrum Etsed cum amplissimis bonis
Prouinciæ Szatmariensis, atque ab eo
inde tempore de Etsed scribi, vocari-
que cœpit, novamque propaginem Ba-
thoriorum de Etsed inchoavit.*

*Báthori
de Etsed.* Ex duobus autem, quos procrea-
vit, Filiis, BRICCIUS II. sine hærede
obiit, JOANNES IV. vero, qui sub an-
num 1400. floruit, ex Catharina filia
condam Joannis, filii Pethö de Zántho
filiam URSULAM, quæ Stephano GYU-
LAFI de Ráthoth juncta est, & sex fi-
lios suscepisse legitur. Nomina eorum
sunt:

STE-

cui Conjugx Anna peperit filium Ladis-
laum; sed hic post annum 1455. de-
fecit.

A) Serius comperi Nicolao I. duas filias
fuisse: Agnetam, & Barbaram, quæ a
Ludovico I. Rege in Sexum masculinum
præfectæ sunt.

STEPHANUS III.

BENEDICTUS III.

THOMAS. I. b)

MICHAEL III.

JOANNES VI. &

BARTHOLOMÆUS I. sed hic prælio cum
Hussitis commissio, in flore ætatis in-
teriit. MICHAEL III. unam filiam CA-
THARINAM reliquit, cæteri, cum non-
dum virilem ætatem attigissent, morte
abrepti sunt.

Unus STEPHANUS III. ducta ex fa-
milia Somossiorum, altera item Barba-
ra, nisi fallor, de Butka: prius Cha-
ppiana conjugè, Bathorianum nomen pro-
pagavit. Geffit is sub tribus Hungariæ
Regibus Sigismundo, Alberto, a quo
Castro Buyák donatus est, & Wladis-
lao I. splendidos Magistratus. Nam &
Dapiferorum Regalium Magistri, & Ju-
dicis Curiæ Regiæ munere plures annos
perfunctus est. Obiit in clade Varnen-
ii anno Domini 1444. cuius Thuroczius Stepha-
nus III. non sine laude meminit in hæc verba:
*Vir Magnificus Stephanus de Báthor, cadit ad
in Curia Regiæ Majestatis, homo mili-
tari virtute conspicuus, cui & vexillum
Re-*

b) Ex Consorte Christina suscepit Vero-
nicam Dominici Dobo de Ruzka, Mar-
garetham Joannis de Kálló Uxoës, &
Ladislauum filium, qui Conjugem suam
Potentianam Petri Jakch de Kusal thoro
fociandam reliquit.

*Regium, tanti discriminis in tremore,
sua exigente strenuitate, deferre confisum
erat, bujus conflictus in fluctibus perem-
ptus extitit. Uxor ei fuit Ursula filia
Georgii de Kis Tapoltsa, proles vero:*

I. STEPHANUS V. Judex Curiæ Re-

Proles
Stephani
III.

Stephani
*V. præ-
clara fa-
&ta.*

giæ, ac una Vajvoda Transilvaniæ, Dux clarissimus, & primis Heroibus comparandus; ad annum 1477. quo ei Matthias Rex bona Marothiana contulit, cum universim, quid in Turcia, Bohemia, Moravia, Silesia egerit, perfrinxisset, seorsim hæc subjicit: „ superiori siquidem anno, cum post obsi-
dionem Castris Szabach, quod faven-
„ te Deo a' Turcis gloriose expugna-
vimus, cui quidem expugnationi idem
„ Comes Stephanus non modo inter-
fuit, verum etiam latis animi, &
„ qualitatis viribus affuit, feliciter Bu-
„ dam reversi fuissimus, & inter alias
„ varias curas, & solitudines nostras,
„ quibus pro statu & defensione Regni
„ impliciti fueramus, Serenissimam Re-
„ ginam Beatricem de Aragonia spon-
„ sam nostram ad hoc Regnum nostrum
„ traduxit, & solennitati nuptiarum,
„ quas jam tandem Deo auxiliante fe-
„ liciter celebravimus, vacare habeba-
„ mus, Turcorum Imperator, qui Chri-
„ stiano sanguine satiari nequit, no-
„ stram sentiens occupationem, coactis,
„ & adunatis undique viribus, & co-
„ piis, maxima cum manu Regnum, &
„ Pro-

„ Provinciam nostram Moldaviæ , cum
 „ ope , & adjutorio perfidi Bozorad
 „ Vajvodæ Partium Transalpinarum Re-
 „ gni nostri , a Majestate nostra , & Sa-
 „ cra corona defecerat , subintravit ,
 „ & totam eam ferme Provinciam di-
 „ tioni suæ subjugavit : cui cum pro-
 „ pter præfatas curas , & occupationes
 „ nostras subito personaliter occurrere ,
 „ & obviare non poteramus , Majestatis
 „ nostræ in persona ipsum Comitem
 „ Stephanum de cætu aliorum fidelium
 „ nostrorum delegimus -- qui cum auxi-
 „ lio & ope certorum fidelium nostro-
 „ rum præfatum Turcorum Imperato-
 „ rem in turpem fugam convertit , Pro-
 „ vinciamque ipsam liberam , & nobis
 „ pacatam reliquit . Tandem vero su-
 „ gato , & expulso de Moldavia ipso
 „ Turcorum Imperatore , de nostra com-
 „ missione , & speciali mandato se , &
 „ gentes suas adversus prædictum per-
 „ fidum Bozorad Vajvodom , & Pro-
 „ vinciam Transalpinam convertit , ibi-
 „ que ipsum Bozorad simul cum reliquis
 „ Turcorum , quos Imperator ipse pro-
 „ prædio , & defensione ipsius Bozo-
 „ rad & Provinciæ illius Transalpinæ
 „ locasset , similiter fudit , & profliga-
 „ vit , ac de ipsa Provincia turpiter
 „ aufugere coegit , & alterum Vajvo-
 „ dam , quem nos elegeramus , in ea-
 „ dem Provincia fideliter reliquit . ”
 Idem Stephanus fide Coronensis Inseri-
 DECAS I. C ptio-

ptionis anno 1479. LXV. millia Turcarum in campo Rouyer prostravit in fæsto Colomanni. Ante obitum, qui anno 1493. evenit, honores abdicavit, sepultusque est Bathorini in loco gentilicio, cum hoc elogio marmori inciso:

Et Epitaphium. Qui Curios vita vicit, probitate Catones,
Æquavitque Numam relligione Dei:
Nam coluit verum prisca pietate To-

nantem,

Et nunquam domuit fœda libido
Virum. A)

Hic capit Alpinos, Moldavos, protegit idem,
Sanguine Silvanos & tegit ipse
suo;

Egregius Stephanus, sæuos qui pe-
ctore Turcos

Prostravit toties, hac requiescit
humo,

At vos, o Bathorum gens! hunc lu-
gete Parentem:

Nam Bathorum cecidit firma colu-
mna domus.

2. ANDREAS III. cui donationem Ca-
stri Buyák Wladislaus II. Rex Hung.
anno 1495. confirmavit. Quis autem
qualisque Vir fuerit, ex epigraphe,
quam Arci Etsedensi inscribi curavit,
non obscure colligi poterit, ea est hu-
jusmodi:

Ma-

A) Cælebs vixisse scribitur. Addit Cl. Samuel Timon famam habere, ejus cor-
pus esse incorruptum.

Magnanimus Andrcas de Báthor, *Arcis E-*
Pater Patriæ suæ, construxit hoc Ca-
strum gentilibus suis, pro quietudi-
ne, & tuitioне eorum, cernens, at-
que intelligens quandoque paci inter-
miscebi bella, & discordias, qui ro-
gat suos hæredes, ut nominis Batho-
rei non velint esse immemores; pri-
num inter se sint concordes: con-
cordia enim res parvæ crescunt, di-
scordia vero maximæ dilabuntur. De-
inde ne inventa perdant; nam non
minor est virtus, quam querere, par-
ta tueri. Postremo tolerate, & ab-
stinete; nam divertere a malo, &
facere bonum, est felicitas hominis.

Anno MCCCCXCII.

Ex Conjuge Juliana Drágfi de Bél-
 thek plures sustulit liberos, quos infra
 memorabimus.

3. LADISLAUS V. Comitatuum Szat-
 már. & Zarand. Supremus Comes, ma-
 trimonium cum Elisabetha de Berzevi-
 cze sterile nactus est. Obiit ante an-
 num 1474.

4. PAULUS I. cognomento mutus,
 quod ab ipso ortu facultate loquendi
 destitutus fuit.

5. THOMAS II. cuius filia Anonyma
 in domum Zokolianam enupsit.

6. NICOLAUS III. ex Episcopo Syr-
 miensi inde fere ab anno 1474. usque
 ad 1507. Vaciensium Antistes, quem cienfis
 Nicolai III. Episci scopi Va-

C 2 Galeo- laudés.

Galeotus Martius Narniensis A) his laudibus effert: *Virtute, & animi generositate, dignitateque corporis cumulatus maxime: studii namque humanitatis in Italia eruditus, cura, & diligentia doctrinam adaugens, nihil laboris, nihil vigilium, nihil impendii subterfugiens, quod ad doctrinam conveniret: brevi efficit, ut doctissimis, acutissimisque Philosophis, ejus doctrina, & literatura summa cum admiratione probaretur.* -- Non referam, qua magnificentia templum instauravit, Architectis, fabrisque ex Italia accitis maximo cum impendio, ut generositate animi sui & templum, & domus Episcopalis responderent. -- Perplacuit etiam mihi illa familie suæ dignitas, & elegantia, semper enim in ejus domo oratur, aut studetur, aut carmen cantatur ad lyram, aut sermo habetur honestus, nullum ibi otium, nulla ingnavia, nulla temporis dispendia internoscuntur. Nam ab arce ad hortos, quos ipse munivit, piscinisque ornavit, ab hortis vero ad arcem frequens deambulatio, non sine proborum hominum commercio, comitibus libris efficit, ut iter quoque disputationibus teratur. Plura illic de Nicolao Galeotus, sed hæc ad eum noscendum attulisse sufficerit. B)

7. CA-

A) De dictis, & factis Mathiae Regis Cap. XXXI.

B) Plenum etiam est laudibus epitaphium quod Nicolao quondam appositum, in Epistolis Petri Colocensis Archiepiscopi dedimus pag. 76.

7. CATHARINA Uxor Georgii de
Marczal, cuius Filius Ladislaus cum
improlis decepsisset, fundi, possessiones-
que Marczalianæ, ad Bathorianam fa-
miliam pervenerunt.

8. MARGARETHA primum Michaelis Szilágyi de Horogszegh, Regni Hungariae Gubernatoris, eo vero ad Pozazinum a Turcis intercepto, Constantiopolique obtruncato, Pauli Bánfi de Alfo Lindva Conjux. Antequam huic nuberet, ab Mathia Rege quo se commodius aleret, anno 1461. arcem Dyodonum accepit, pro arce vero Világosvár cum Oppidis Thúr, & Varsán 7. millia fl. dependit.

Jam proles ANDREÆ III. quemadmodum supra promisimus , compensio dabimus. Habuit vero tres Filios , STEPHANUM VII. videlicet , ANDREAM IV. GEORGIUM V. & duas Filias : BARBARAM aliis MAGDALENAM & ELISABETHAM , utramque in Clarissimas domos enuptam : illa enim Emericum de Perén Regni Hungariæ Palatinum , hæc Joannem de Thelegd Maritum accepit. Fratrum natu maximus STEPHANUS VII. Urbi , Comitatuique Temesiensi , ac subinde Palatio Regio , quæ suprema in Hungaria dignitas est , præfuit. E clade Mohatsiana ægerrime evolutus , cæso Ludo-vico II. Rege , totus eo incubuit , ut Ferdinandus Austriaco contra Joannem Zapolyam solium firmaret , quare ab

*Proles
Andreae
III.*

Ex quibus Stephanus VII. Regni Hung. Palatin.

hoc fundis pene omnibus exutus , illius liberalitate arcem Dévéniam accepit , ubi etiam supremum diem anno 1535. clausit. Ex Conjuge Sophia filia Ducis Massoviensis , unicam Filiam CLARAM reliquit , quæ Carolo Duci Münsterbergensi despensa , ante fato , quam nuptiarum dies advenisset , prærepta est. Sophia autem altero thoro se illigavit Ludovico Pekry de Petrowyna , ex minoribus Præfectoris , ad Dapi erorum Regalium Magistri munus evecto.

GEORGIUS V. STEPHANI VII. Frater sub tribus Hungariæ Reribus Wladi Iao II. Ludovico II. & Ferdinandō I. Agazomum Regalium Magister , ac Comitatus Simegiensis Comes vixit in matrimonio cum Catharina filia Moysis Buzlaj de Gergelylaka inito.

ANDREAS IV. denique Banus Castrī Nándoralbensis , & Comes Szatmariensis in thori societatem adlegit primum Barbaram Joannis de Kálló , deinde Ccharinam filiam Stephani de Rozgon , a cuius obitu , quod Stephanus masculo hærede careret , vi Diplomaticis a Ludovico II. probati in sex Castrorum possessionem venit. Ea sunt Clitsva , Mogyros , Varano in Zempliniensi , Cserép in Borsodiensi , Rozgon in Abaujvar , ac Thora in Pesthieni Comitatibus. Conjugium omnino sœcundum nactus est.

Et

Et tres quidem Filios JOANNEM *Proles*
 videlicet: STEPHANUM, & LADISLAUM *Andreae*
IV.
 in adolescentia euulit, cæteri Patri su-
 perstites non modo ad virilem ætatem,
 sed ad summas etiam opes, honoresque
 pervenerunt. Natu maximus BONAVEN-
 TURA ab Hungarico exercitu, cui præ-
 erat, quod id nomen peregrinum quid
 sonaret, nec facile exprimi posset, An-
 dreas compellatus est. Præfuit plures
 annos Comitatui Szatmariensi, & Sza-
 boltensi, una Tavernicorum Regalium
 Magister, inde Judex Curiæ Regiæ,
 qua in dignitate vitam clausit anno
 1566. die 4. Oct. sepultus in Ecclesia
 Thallensi Ordinis D. Pauli I. Eremitæ.
 Geminum matrimonium contraxit, sed
 utrumque infœcundum; nam neque ex
 Elisabetha Thurzo de Bethlemfalva,
 neque ex illius ancilla Catharina Mind-
 szenti ullam prolem vidi.

GEORGIUS VI. BONAVENTURÆ Fra-
 ter, quod a Ferdinando Rege defecisset,
 Castro Buják mulctatus, ducta Anna
 Báthori de Somlyo Casparis Drágfi ul-
 timi deficientis Vidua, Erdödium, cæ-
 terasque Drágfiorum arces, quæ alio-
 quin in Fiscum redigendæ erant, occu-
 pavit. Sed iis haud multo post a Swen-
 dio privatus, ut ne pôrro turbas ul-
 tra Tibiscum cieret, Csitsvam ad ha-
 bitandum se conferre jussus est, ubi
 etiam, ut videtur, obiit relictis qua-

tuor liberis STEPHANO XII. & tribus
Filiabus , de quibus infra.

NICOLAUS VI. priorum Frater anno
1568. Judex Curiæ Regiæ nominatus est,
de cuius morte Istvánhus ad annum 1585.
hæc prodidit : *Excessit etiam Nicolaus
Bathorius Prætorio præfetus, vir rarae
probitatis, ac amplissimæ ultra Tibiscum
ditionis, atque authoritatis; tum quod quod
quadriga, qua vehebatur, a ferocientibus
jumentis ranta, crure supra talos fratio
immane vulnus accepisset, tum quod alias
supervenientes morbos superare non po-
tuisse. Vidua ejus Anna A) de Los-
soncz celeberrimi illius Hérois Stephani-
ni, qui anno 1552. ad Temesiam oc-
cubuit, filia, primum Christophoro Un-
gnad de Sonnegh Regnorum Dalmatiæ,
Croatiaæ, & Slavoniae Bano, deinde Si-
gismundo Forgach de Ghymes, qui
postea Palatinus creatus est, nupfit.*

Præter sex , quos modo memora-
vimus , Filios genuit ANDREAS IV. Fi-
liam quoque CLARAM , verum & hoc ,
& Bathoriano nomine indignam. Quatuor
Maritos habuit : primus erat Stephanus
Drugeth de Homonna , qui cum haud
ita diu vixit ; alter Antonius de Los-
soncz , Stephani illius , quem supra lau-
davimus , Frater Germanus , Vir opti-
mus , & laudatissimus , hunc illa , quem-
ad-

A) Alii Euphrosynam electam volunt.

admodum taſtatur Franciscus Forgách
A) adjutore Antonio Scriba, Mæcho
ſuo iuſſocavit. Inde omni pudore ab-
jecto, imparis omnino conditionis Vi-
ros Joannem Belko, & Valentiniū
Benkó adſcivit B)

STEPHANI XII. qui GEORGII VI. si-Stepha-
lius erat, indolem ex Istvanio utcun-^{nus po-}
que condicas, ita vero ad annum 1605. ^{ſtremus}
de eo ſcribit: *Reſtabat in partibus Cae-*^{Batho-}
saris Stephanus Bathorius, qui Jūdicatum ^{Riorum de}
Etsed.
Curiæ, uti apellant, primam post Pala-
tinum dignitatem obtinebat, in arce ſua
Echedia, in insula lacus cuiusdam muni-
tissimo loco ſita. Sed etiam is, praeter om-
nium opinionem, ſive affiduis bellorum in-
commodis fractus, ſive Germanorum odio,
& ulcifendis eorum injuriis, quas into-
lerabiles ab iis ſibi illatas querebatur,
ſeu religionis Calvinianæ afferendæ studio,
cui erat additissimus, ad Botskajum de-
ſcivit-- Sic Vir ille alias nobilissimæ,
& antiquissimæ stirpis, paulo ante obitum
rebus novandis animum applicuit, ac quod
ſæpe in ore habebat, honestum vitæ usque
ad funera curſum ſervare non potuit: tan-
tum in animis hominum infatiabilis inju-
riarum ultio, ac vindictæ cupiditas potest.
Nec multo post ultimus illuſtris, & anti-

C 5 que

A) In Historia MS. Libro II.

B) Sunt, qui Joannem: Belke, vel Bé-
kesi; Valentiniū vero : Benkó de
Pály, aut Pályai ſcribant.

*quæ familie bæres, nulla relicta sobole,
annum agens ætatis 55. extinctus est.
At in anno mendum cubat, ex epitaphio enim, quod illi positum est, quinquennio minorem decessisse constat. Illud ita habet:*

Eius epitaphium. Spectabili, ac Magnifico Domino, Domino Comiti Stephano de Bathor, Comitatum Sümeghiensis, Zathmár, & de Zabolch Perpetuo Comiti, Herói Magnanimo, Patri Patriæ inclyto, Religionis Orthodoxæ Vindici acerimo, Musarum Mecænati benignissimo, Pauperum nutritori liberalissimo, Deo, & hominibus charissimo, anno ætatis 50. Christi vero 1605. die 25. Julii pie, & sancte defuncto, perpetuæ gratitudinis ergo Fratri defæ optime merito, Magnif. D. Gabriel Bathory mœstus posuit.

Frusina, seu Euphrosina filia Francisci Drugeth de Homonna Conjux ei fuit. Soror vero ELISABETHA C. Francisco de Nádasd Agazonum Regalium Magistro nupta, foemina, si quæ unquam, venustratis, formæque appetentissima. Eam cum humano sanguine perfici posse sibi persuasisset, in eodem per cædes, & lanienas expresso balneare non dubitavit. Tanti criminis damnata, perpetuoque carceri inclusa, ibidem expiravit anno 1614. die 21. Augusti. Altera Stephani Soror fuit SOPHIA Andreæ

dræx Figèdy, tertia CLARA Michaelis
de Kiswarda Conjux.

Alterius Bathoreorum rami Author, *Lineæ Stanis-*
ut supra innuimus, fuit STANISLAUS, *lofitorum,*
a quo posteri modo Stanislofy, mo-*jeu Ba-*
do Báthory de Somlyo nominati sunt. thorio.
Ipse autem hoc titulo ut ex vero uti *rum de*
pollet, jure experiri debuit, anno 1390. *Somlyó.*

coram Emerico Bubek Judice Curiæ
contra Joannem, & Stephanum filios
Simonis condam Bani, atque causa vi-
cit. Ex tribus Filiis LADISLAUS III.
qui sub ann. 1462. Dapiferorum Rega-
lium Magistri munus gerit, & JONNES
in filio GEORGIO defecit; STEPHANUS
II. vero, qui anno 1422. Vice Vajvo-
da Transilvaniae, & 1458. Dapiferis Re-
giis præfectus fuit, plures liberos pro-
genuit, a) quorum nomina sunt:

NICOLAUS II.

DOMINICUS I.

GERARDUS.

ANNA Confors Dionysii de Nagymihály,

& Ladislai de Agárd,

DOMINICUS II.

JOANNES VII.

STEPHANUS IV.

MAR-

a) Duas is Conjuges habuit: alteram ad
annum 1399. Dorotheam: alteram Ur-
sulam filiam Benedicti Thuróczki de
Tóthpróna.

MARGARETHA Uxor Ladislai de
Sempſe. A)

Ex Filiis DOMINICUS I. & GERARDUS in tenera ætate obierunt; DOMINICUS II. candidum Præmonstratensium Ordinem ingressus, Præposituræ S. Joannis Baptistæ de Jaszov anno 1498. præfuit, cæteri autem tres Bathorianum nomen amplificarunt, sed NICOLAI II. posteros, quod summas quasque dignitates affecuti, & postremi omnium e-mortui sunt, postremo quoque loco ad-servamus. JOANNES VII. itaque ex tribus Filiis LADISLAO VI. PETRO II. & EMERICO I. (nam GEORGIUS, & JOANNES defecerunt) copiosos utriusque sexus nepotes habuit, & LAPISLAI quidem filiæ MAGDALENA Emerico Tu-nyoghi, BARBARA Francisco Irinyi, SOPHIA Antonio Tegzes de Artand in matrimonium datæ sunt, filius vero JOANNES VIII. FRANCISCUM progenuit, qui ex Conjuge Susanna Strausz nulla relicta sobole, sub exitum Seculi XVI. naturæ debitum persolvit. PETRI II. Filius ALEXIUS I. qui Annam Jakchy de

A) Addendæ hic sunt reliquæ Stephani II. proles, quæ sexius innotuerunt, vi-delicet : Ladislaus, qui filias solum Margaretham, & Christinam reliquit, Georgius, Petrus, Matthæus, Barbara, Veronica Nicolai de Zokol, Potentiana Laurentii Lewkes de Kálló, & Adviga Ladislai Kenderes Consortes.

de Kusal Conjugem habuit, demortuo ejus Fratre CASPARO I. & CATHARINA Sorore, in CASPARE II. & PETRO IV. Filiis defecit, Filia CATHARINA, postea quam ad nubiles annos pervenit, Stephano Lonyai de Nagy Lonya matrimonii vinculo adstricta. EMERICUS I. pariter in PETRO III. Filio defecit, nata unica BARBARA Balthasari Horváth elocata.

STEPHANI IV. progenies paulo diutius floruit. Ejus Filius SIGISMUNDUS I. ex Anna de Macedonia generavit WOLFGANGUM I. & NICOLAUM V. A) Ex WOLFGANGO nati sunt ANNA Condux Francisci Kállaj de Nagy Kálló, & SIGISMUNDUS III. qui SIGISMUNDUM IV. Filium in adolescentia amisit; SOPHIA autem Filia, Thomae Bánfi de Loffoncz, eoque demortuo Gabrieli Perneszi de Ofztopan conjuncta est. NICOLAO V. ex Susanna, filia Georgii de Makra duæ proles erant: ANNA Uxor Georgii Erdöteleki, & STEPHANUS XI. qui Filiis carens SUSANNAM Filiam ex Barbara Parlaghi suscepitam Andreæ de Chetnek elocavit, verum hoc præmatura morte erepto Michaeli Uraj, ac demum Michaeli Aranyassi Susanna nupfit,

*Proles
Stephani
IV.*

A) Reliqui Sigismundi I. filii: Andreas Kallajanæ Maritus, Joannes, & Stephanus defecerunt.

pli, & utriusque plures proles peperit.
sed jam ad NICOLAUM II. redeamus.

*Proles
Nicolaui
II.*

Ex Conjuge Barbara Casimiri vel Kazméri, & Sophia Stephani Bánfi de Lóssoncz filia tres natos, totidemque natas suscepit. Ex his CATHARINA Ladistaum Sarmasaghi, Elisabetha Georgium Bánfi de Nagymihály, BARBARA Andream de Chiere Maritum habuit. Filii BARTHOLOMÆUS II. & MAURITIUS ad maturiores annos non pervenerunt. b) STEPHANUS VI. postquam eos ingressus est, totum se militari studio ad-dixit, hinc anno 1523. Vice Vajvoda, anno vero 1529. Vajvoda Transilvaniae præsumisse legitur. Joannis de Zapolya partes, quas principio amplexus est, ad mortem usque fovit, quam obiit anno 1534. ætatis vero 57. Conjugem ha-buit Matronam lectissimam Catharinam de Theleqd, quem Maritum consecuta est anno 1547. ætatis 55. Ex hoc matrimoniis proles octonæ prodierunt, vide-licet :

*Proles
Stephani
VI. Vaj-
vodæ.*

NICOLAUS IV. in pueritia moſte sublatus. ANDREAS V. Vir summa tem-perantia, bonitateque naturæ, & ab omni cupiditate remotissimus, matrimoniis iniit cum Margaretha Maj-láth filia Stephani Perpetui Terræ Fo-

gæ-

a) Ab Amico nuper admodum edocutus sum, Bartholomæum II. in matrimonio habuisse Claram Jakchy de Kusal.

garas, ex qua proles aliquot, quas infra recensebimus, suscepit. Obiit diuturna infirmitate consumptus anno Domini 1562. Margaretha non multo post ad altera vota Joannis Iffu de Mihályfi Viri Clarissimi transiit. CHRISTOPHORUS I. cuius vitam, & dotes quia epitaphium, quod Albæ Julie in marmore visitur, paucis exhibet, visum est hic adscribere:

D. O. M.

Christophorus Bathoreus de Somlyo; Stephani Filius, alteri Stephano *Epita-*
Fratri in Regem Poloniæ creato, in phium
Principatu Transilvanico succedens, ma-
gna animi moderatione Provinciæ præ-
fuit, pietati studuit, pacem coluit, fe-
lices Fratris sui contra Moscos cona-
tus opibus juvit, amans patriæ, bona-
rum parens literarum; mansuetus, pa-
tiens, justus, atque munificus fuit, cum-
que continua articularium morborum
molestia premeretur, ob amissam etiam
paucis ante mensibus charissimam Con-
jugem, & tenellam Natam, gravi ani-
mi angore occupatus, postquam ex
Comitiis Colosváriensibus (ubi Si-
gismundum Filium unicum, optimæ spei
puerum, nonum agentem ætatis annum
mirifico omnium Ordinum consensu Suc-
cessorem nominavit) Albam Julianam æger
rediisset, paucis post diebus, invale-
scen-

scentibus cum lethali febre doloribus, animam Deo perpetuis, quamdiu hincere potuit, precibus pie commendans reddidit. Vixit annos LI. Provinciae præfuit annis V. mensibus XI. diebus XXIII. Obiit Albæ Juliæ anno MDLXXXI. XXVII. die Mensis Maji.

Gemino matrimonio illigatus fuit; altero, quod certum, Elisabethæ Bocskaj de Kis Maria, altero, si Czwitin-gerus non fallit, Polonæ ex Clarissima Principum Radziviliorum familia oriundæ: utramque tamen prior etulit. Proles suo loco memorabimus.

STEPHANUS VIII. CHRISTOPHORI I.
Frater natu minor in domum Bathorianam ipsum nomen Regium invexit. Multa de eo Patrii, exterique Scriptores memoriae prodierunt, nos quia compendio studemus, ejus epitaphium, ut ex ungue, quod ajunt, Leo noscatur, solum adferemus; sic autem habet:

*Et Ste-
phanus
VIII. Re-
gis Polo-
niae.*

Stephanus Magnus Rex Poloniæ, Magnus Dux Lithvaniæ, Victor, Triumphator, Pater Patriæ, Stephano Palatino A) Catharinaque Thelegdia, natus anno MDXXXIII. V. Kalend. Octob. excessit MDLXXXVI. Idib. Decembr. Regnavit annos X. Menses VII. dies XII. Judicia constituit, Livoniam, Polotiamque Provincias recepit, Fines Lithvaniæ latissimo

A) Transilvaniæ nempe, quem veteres Vajvodam dixerunt.

simo Velisiensi agro adjecto protulit, perterritis Mechmete primum, ac deinde Achlam Tartarorum Chamis, Podoliam pacatiorem, cultioremque reddidit; Amurathem Turcarum Imperatorem, ut a Tartaro legatione missa pacem peteret, & Benderia a Cosacis deleta nihil moveret, novaque Caietella finibus imponi pateretur, opinione virtutis permovit, continuoque, stipendium majus Transilvaniæ Imperium inueniti Sigismundo Fratris Filio imputeri, imponere moliente in deterruit, Janculum Valachiz Regulum ob injurias, quas vicinæ Nobilitati intulerat, dejicere adegit, thesaurosque, qui cum ipso Valacho in potestate suam venerant, repetentem sprevit. Omnum Regum, Principum, ac populorum, nationumque cum ora in se convertidet, majora pro re hac publica, & Christiana animo agitans; ac in primis Moscoviam Poloniæ, Lithvaniæque aggregare studens; sexta die subito extinctus est. O mors invida! non existixisti virtutem Bathoreorum: immortalis est. Stephano Poloniæ Regi, Victori, Triumphantori, Pio, Patri Patriæ, Joannes de Zamoscio Cancellarius, & Summus Dux Exercituum Regni pro vita, quam saluti, gloriæque ejus omnibus belli periculis devoverat, Deo, non se ita volente, superstes, has lacrimas cum Grifelde Bathorea Uxore sua, Regi Patrono,

no , Affinque suo fundit. Viveres Stephane maxime ! viveres ; nec Polonia , Ungariaque , ac nomen Christianum lugeret , nec improbi Barbari gauderent : sed vivit Deus , haud solidō exultabunt gaudio.

Hæc Zamoscius in laudem defuncti Regis Poloni quoque Milites , ut luctum testarentur , sequentia subjecerunt : Devoti animi , meritisque erga Rēpublicam Stephani Magni Poloniæ Regis invicti , Patrisque Patriæ pientissimi . Te superflite pro salute , gloriaque tua sanguini non pepercimus : nunc quid aliud ? quam lacrimas miserabiliter fundere possumus : quo Duce patriæ fines proferemus ? quo vel Barbaros a cervicibus rejiciemus ? Stephane ! terror hostium ! quam subito quoque modo te amisimus ? O nimis atras Polonis , omnique nomini Christiano Idus Decembres !

Habuit Conjugem STEPHANUS Annam Jagelloniam Sigismundi Augusti Poloniæ Regis Sororem , quam Virginem quidem , sed natu grandiorem anno 1576. cum Regno accepit : ea iterilis deceffit.

Præter hos quatuor Filios habuit STEPHANUS VI. una pauciores filias , quæ postquam ad nubiles annos devenierunt , clarissimis Familiis innexæ sunt ; ANNA quidem Antonio Drugeth de Homonna , deinde Caspari Drágfi de Bélték , & eo decedente Georgio Báthori de Etsed ; SOPHIA Demetrio de Chák ;

ELISABETHA Ludovico Pekry de Petrowina, & ab ejus fatis Ladislao Kerechényi de Kanya föerde, mortua Gyulæ anno 1562. & in Somlyo Majorum sepulcris illata.

E CHRISTOPHORI prolibus, quas *Proles complures* habuit, pleræque non ultra *Christophori cunas* vitam produxerunt. NICOLAUS *Principis Transilv.* VI. obiit die 30. Januar. anno 1576. ætatis 9. cuius memoriam tuetur lapis in Templo Albenii cum hac inscriptione:

Hic jacet eximiæ puer indolis, ortus ab alto

Stemmæ Bathoridum, nomine Nicoleos.

Sarmatiæ Stephanus Rex est huic sanguine jundus;

Dacicus at Pater est Wajvoda Christophorus.

Botsakaj generosa Parenis Elisabetha stirpis

Huic tantum brevis hæc vita caduca fuit.

At GRISELDIS Filia, SIGISMUNDUS II. Filius justam ætatem attigerunt, & illa quidem Joanni Zamoscio Magno Poloniæ Caneellario in matrimonium data est; hic vivo Patre, ut supra memoravimus, Transilvaniae Princeps inauguratus, ab ejus excessu Provinciam varia fortuna administravit. Bello præclarara facinora edidit, sed animo mobilis, volatiusque, fasces, quos semel, atque

D 2 iterum

iterum dimiserat , pœnitudine ductus resumſit , quoad ſalutata ultimum patria , & Christierna Austria , quam Uxorem duxerat , in Styriam remiſſa , Pragam ſeceſſit , ibidemque ad obitum vixit . Cadaver maxima cum Pompa ab ejusdem Urbis Archiepifco elatum eſt , & ad S. Vitum in Sacello D. Sigismundi Regis tumulatum . Septemdecim post annis epitaphium adjecit , qui ei a Cubiculis fuit , in hæc verba :

Epitaphium Sigismundi Principis Transilvaniae. Georgius Nemes de Váradgya Transilvanus , Principi Optimo , in utraque fortuna a Cubiculis , cum lacrimis Posuit 12. Martii anno 1629.

D. O. M. A.

Obiit 1613.

Lector disce , quibus fortunæ ictibus pateat humana Majestas : Sigismundum Bathoreum Transilvaniæ Principem exſtinctum Boema tegit terra ; huc e folio arreptum immitis fortuna dejecit . Caruiffet ſepulcro , qui ſederat in folio , niſi famuli fides etiam in tempeſtate inconcuffa ſtetiffet .

Proles Andreæ V. ANDREAS V. ex Margaretha Majláth , cuius ſupra meminimus ſex liberorum Pater effedus eſt . Filia altera ELISABETHA , primum matrimonium cum Chriſtophoro Hagymáſſi de Berekfſzo , alterum cum Franciſco Dobo de Ruszka , qui

qui anno 1602. fato perfunctus est, contraxit, altera ANNA primum Dionysio Bánfi de Loffioncz, deinde Sigismundo Josika, a quo separata est, ac tertium fortasse sub annum 1581. Clementi Dóczy de Nagy-luche enupsit; cæteri mares erant.

Ex his GABRIEL I. in pueritia vitam amisit.

BALTHASAR a Sigismundo II. suo ex Fratre nepote miserabili morte anno 1594. sublatus est; cum enim consiliis, quibus Princeps Turcicam societatem diffuere, atque ad Austriacam se adjungere parabat, intercedere videretur, ac præterea in affectati Regni suspicione venisset, Claudiopoli captus, & Szamosujvárum deductus, indicta causa, lictoribus nequidquam obluctans, laqueo interiit, relicta Vidua Maria Kendi filia Alexandri, qui eodem anno, eademque de causa capite plexus est.

ANDREAS VII. & sua virtute, & *Andreas* Patrui Poloniæ Regis commendatione, *F.H.S.R.* in Senatum Purpuratorum Patrum anno *E. Cardinalis.* 1583. adscriptus, sexennio post Var-
mieni etiam Episcopatu, aliisque opimis beneficiis in Polonia potitus est. Cæso Balthasare Bathorio, cum Stephano Fratre, metu Sigismundi Principis eo se recepit, ibique delituit, quod ab eodem ad fasces Transilvaniæ evocatur. Sed & hos, & vitam haud multo post perdidit. A Michacie enim Trans-

alpinæ Valachijæ Vajvoda, qui Præfecturam Transilvanijæ spe devoraverat, prælio attritus, cum in fuga salutem quærerit, a Rusticis Siculis de 31. Octobr. anno 1595. interfactus est.

STEPHANUS X. Miles egregius, & bellicarum expeditionum, quas Stephanus Rex Poloniæ in Moscos, aliosque hostes suscepserat, assiduus Comes, geminas nuptias init: cum Sophia vide-licet Bebek de Pel'ocz, Georgii Filia, & Sophia Kostka Germana, ut nonnulli volunt. S. Stanislai Sorore.

Filius Stephanus X. Ex priore Matrimonio natus est Gabriel II. Sigismundi Rakoczii Transilvanijæ Principatu sponte decedentis Successor. Eum ille quinquennio adeo avare, crudeliterque administravit, ut omnibus invisis, Varadini, quo se receperat, multis vulneribus a suis confoderetur, Conjugemque Annam Palochaj Viduam reliqueret. Evenit ea cædes 6. Kalend. Octobr. anno 1613, Cadaver toto triduo inhumatum, vili deinde carro injectum, bobus in conditorium Majorum illatum est; ei Laurentius Toppeltinus hoc epitaphium inscripsit:

Hic jacet Princeps non Dacorum, sed Satyrorum, qui Cibiniensi Civitati pedes sustulit; & quamquam tota Transilvania, parteque Hungariæ affinitates junxit, abominatus tamen erat bonis omnibus, semperque male audit.

Ex

Ex posteriore suscepimus est ANDREAS *Andreas VIII.* Gabriel Fratri vita , moribusque *VIII. ultimus* diffimillimus. Indolem nactus moderatissimam , rebus publicis gerendis absti- *Báthori-
nuit , curis sere domesticis intentus. Ex-
finita est in eo Bathoreorum familia ;*
quanquam enim Annam Zakreska Polo-
nam Conjugem sibi adjunxit , nullos
tamen ex ea mares vidit. Duæ Natæ
superstites manserunt : HEDVIGIS nem-
pe , & SOPHIA. Illa demortuo Marito
Lupstovskio , Ordinem D. Benedicti in-
gressa in Cœnobio Stanguska supremum
vixit ; hæc Georgio Rakoczi Principi
Transilvaniae nupta , in utraque fortuna
Matronarum exemplar habita est. A)

A) Præter Bathorios de Etsed , & de Somlyo floruerunt insuper in Provincia Abaujvár. Báthorii de Gagy , sed cum hi a Comite Perench de genere Aba ortum ducant , clarum est iis sanguine innexos hanc fuisse.



III.

BEBEK DE PELSÖCZ.

(Fig. 4.)

*Origo
Belæk-
orum Pa-
storituum.*

Bebekii olim aliter, atque aliter scri-
bebantur, modo enim Bebek, modo
Bébek, modo Bubek compellatos lego. E-
orum origo Timonis opinione admodum
humilis est. Is enim postquam montem,
quem annes Sajo, & Csetnekienfis re-
spurgunt, paucis descripsisset, hæc sub-
sistit: A) In parte ejus subjecta Orienti
cavernæ altissimæ præsertim due. In eo-
dem, ut fertur, Bubecius pater illustris
quandam gentis, & septem Arcium in
rupibus conditor, reperit thesaurum. Rari
sunt tam fortunati opiones! Hæc Ti-
mon. Pastorii itaque generis Bebekos
esse oporteret.

PRIMA DONATIO. Exstant interim
literæ Belæ IV. Regis, quibus e domi-
nio familiae Bors, Arce Diogewra in pe-
renne Regale præmium redacta, cæteras
Arces nempe: Krazenborka, Berzethe,
Somlyok-w, Thorna, Zendrew, Peisewcz,
Gumur, Chytnuk, cum uis appendicibus
vastis-

A) In notione Tibisci pag. mihi 101.

vastissimis, a fontibus rivorum Göncz, & Zmulnuk, usque fluvios Sajou, & Buldva protensis, idem Rex Comitibus Philippo, & Detrico filii Matthaei, ob insignem sibi & Colomano Fratri suo, Illustri Ballicie, & Sclavoniae Regi contra Tartaros Regnum fede lacerantes, ac adversus Ducem Austriae Fridericum Civitatem Suprun oppugnantem, atque in maritimis Dalmatiae partibus, forti brachio fideliter natatam operam donavit. Utinam autem has literas nancisci licet, aliam fortasse Bebekiorum originem ab ea, quam ex Timone narravimus, haberemus. Maiores hos adservavit & epitaphium in Templo oppidi Csetnek positum, quod sic habet:

Clara Bebecorum fuit una, eadem-
que propago *Eorum
Majores*
Csetneki anorum pariter: nam tem-
pore Belæ *epitaphio
adservati*
Hungariae Regis genuit Detricum at-
que Philippum
Matthæus Comites, Dominos, Castris-
que bonorum
Csetneki, Natus Detrico Benedictus
habebat
Progenitos Domicumque Bébek, Cu-
numque vocatum;
Nicoleon, Ladislaus, Janumque,
Petrumque:
His dum Csetneki venit, & Pelsö-
cza Bebeko,

Magnificumque genus multis dum
floret ab annis,
Et virtute animi, simul ac præstan-
tibus actis,
Ultimus hic mansit major de stirpe
fusorum

Csetnekienis honos Franciscus &c.

Ex quo claram est in primis, MATTHÆ-
UM totius gentis Patrem suisse, deinde
per DETRICUM Filium, & nepotem BE-
NEDICTUM stemma propagasse, demum
DOMINICUM, qui carminis gratia Do-
micus vocatur, Bebek Kun appellatum,
ex partitione bonorum, in dominium
Castri Pelsöcz; cæteros vero Fra-
tres in possessionem Castris Csetnek ve-
nisse. At quia tituli, quem nobis præ-
fiximus, memores nos esse oportet,
Csetnekios alio loco reservamus, in
præsens de Bebekiis acturi.

*Proles
Domini-
ci I.*

Ex DOMINICO itaque nati sunt,
GEORGIUS, STEPHANUS, ANNA Nicolai
Forgách de Gymes anno 1333. Consors,
ac fortasse DOMINICUS II. qui ab anno
1362. ad 1370. Episcopus Csanadiensi
Ecclesiæ præfuit.

GEORGIUS anno 1358. Comes Ly-
ptovieensis, Filios, nisi fallor, habuit EME-
RICUM, & DETRICUM II. utrumque splen-
didissimis persunctum Magistratibus A)

Et

A) Emerico, & Detrico ætate suppar erat
NICOLAUS Ecclesiarum Colocensis, &
Bacsensis Archi-episcopus circiter an-
num 1401. mortuus,

Et Emericus quidem primum Dalmatiæ
 & Croatiarum Banus, tum Capitaneus to-
 tius Russiarum, & Comes de Sáros, dein-
 de Judecator Curiarum Regiarum, ad extremum
 Vajvoda Transilvaniarum creatus est, ad-
 jecta simul, cum uxori fatis cessisset, &
 ipse Ordinem Crucigerorum S. Joannis
 Hierosolymitani ingressus esset, Prioris
 Auranae, & Comitis Lubicensis digni-
 tate. Sed tot honoribus grandem ma-
 culam inussit, cum senior ad perduel-
 les Sigismundi Regis se adjunxit, imo
 eorum Antesignanus evasit. Rem idem
 Rex diplomate, quo Joannis de Ma-
 roth Bari Machov. facinora recenset, *Sigis.*
 hunc in modum narrat: „ tandem vero, *mundo*
 „ inquit, nobis in Regno Bohemiæ *Regi per-*
 „ pro Sacri Romani Imperii, & nostri *duellis,*
 „ Patronatus honore laborantibus, dum
 „ nonnulli Prælati, Magnates, Proce-
 „ resque nostri ingrati, & immemores
 „ beneficiorum, a celsitudine nostra co-
 „ piose perceptorum, rebellionis calca-
 „ neo ducti, a sinu nostræ clementiarum
 „ se abducere, acceptando, & in cri-
 „ men læsæ Majestatis nostræ inito frau-
 „ duleto consilio simul conspirantes,
 „ alium eis ignotum Regem, utpote
 „ Ladislauum filium condam Caroli de
 „ Duracio, in hoc Regnum nostrum
 „ in opprobrium nostri culminis intro-
 „ ducere voluissent, Emericusque Bu-
 „ bek Prior Auranae, qui fere totius re-
 „ bellionis, & dissensionis origo fuerat,
 „ &

Emeri-
cus Prior
Auranae

„ & causa efficiens , recepta sibi , &
 „ aggregata plurima potentia , Fidelem
 „ nostrum , Virum Magnificum Paulum
 „ Bissemum de Eszdege , Dalmatiæ , &
 „ Croatiarum prædictorum , & Sclavoniæ
 „ Regnorum nostrorum Banum , qui se
 „ suæ exquisitæ dolositati opponere dis-
 „ ponebat , fraudulenter captivasset ,
 „ captumque presato Ladislao filio Ca-
 „ roli pro encœnio destinasset : tum i-
 „ dem Joannes Banus suæ fidelitatis lau-
 „ dabilem constantiam contestando , ele-
 „ vato suo vexillo proprio , & totali sua
 „ potentia instaurata , & adversus annota-
 „ tum Priorem , suæ fidelitatis audacia
 „ properando , eundem Priorem de Regno
 „ nostro Sclavoniæ ad Regnum Bosniæ
 „ simul cum suis sequacibus , & sauto-
 „ ribus expulit , ausugavit , quosdam
 „ ad eum pertinentes , & contra Ma-
 „ jestatem nostram rebellantes terribili-
 „ ter opprimendo , & quosdam ad vi-
 „ am veritatis reducendo , ipsoque Pri-
 „ ore Auranz sic expulso , & ausugato ,
 „ volens pro nostri honoris exaltatione ,
 „ magis in suis fidelissimis actibus in-
 „ sudare , quoddam Castrum annotati
 „ Prioris Thorne vocatum , de quo
 „ multa mala , incendia , damna , & de-
 „ prædationes nostris fidelibus irroga-
 „ bantur , cum ipsa sua potentia obse-
 „ dit , & convallavit . „ Hactenus Si-
 „ gismundus , in cuius gratiam anno 1403.
 „ receptus quidem est Emericus , sed adeo

La-

Ladislai partes non deseruit, ut idem Rex in literis biennio post datis fateatur, Priorem Auranæ non modo non resipuisse, verum in priore perfidia perseverasse.

Reliquit filium ANDREAM, qui anno 1404. ac LADISLAUM II. qui anno *Ejus post 1417.* vixit, & genuit EMERICUM II. *steri.* & LADISLAUM III. utrumque in campo Rigomezö, seu Merularum post acre bidui certamen anno 1448. a Turcis cæsum, cum hic Comitatum Gömöriensem, ille Transilvaniæ Præfecturam administraret. Habuit Emericus thori socrim Veronicam Matthæi de Palócz Palatini Filiam, ex qua in lucem editi sunt PAULUS, sed qui immaturo fato præceptus sine hærede obiit, SOPHIA Simonis Drugeth de Homonna, & URSULA Emerici de Zapolya ad annum 1489. Viduæ.

DETRICUS II. EMERICI I. Prioris *Detricus II. Hung. Palatinus.* Auranæ Frater, & ipse ad prima honorum subsellia evectus est. Cum enim Dalmatiæ, & Croatiæ, deinde Zewrieno, demum Sclavoniæ Banus præfuerit, Leustachium de Ilsva in Palatio Regio moderando excepit, eamque dignitatem tenuit ad annum 1401. a) Abhinc fra-

▲) Apud Jongelium, aliosque Scriptores confusa est Palatinorum hujus temporis series, quare non abs re fuerit eam fide Di-

fraternæ conspirationis particeps , officioque perturbatus , reliquum vitæ , quamquam in gratiam cum Rege procul dubio redierit , inglorius egit . Illud certum est duos Filios procreasse NICOLAU M I. de quo aliud non reperio , & PETRUM anno 1424 . Siculorum , sexennio vero post Borsodiensem Comitem , ac Tavernicorum Reginalium Magistrum , qui Catharinam filiam Geor ii de Chák Viduam reliquit , altero matrimonio Joanni de Peren conjunctam . b) Sed iam ad Dominici I. alterum Filium STEPHANUM redeundum est

Stephani I. Proles. Fuit perinde , ut GEORGII I. Frater , Liptovienium Comes , & ab anno 1360. ad 1369. Judex Curie Regiae Filios ejus hos reperio : GEORGII II. quem .

Diplomatum in luce collocare . Fuit itaque Palatinus

- 1391. III. Kal. Aprilis Stephanus.
- 1393. IV. Kal. Maji Leustachius de Ilsva.
- 1394. Idib. Novembr. vacat.
- 1395. IV. Kal. Maji Leustachius de Ilsva.
- 1397. VIII. Id. Decembris. Detricus Bubek.
- 1399. IV. Kal. Decembris. Idem.
- 1400. Idem. & sub principum 1401.
- 1401. 1405. 1406. 1407. 1409. Nicolaus de Gara.

Conferantur hæc , si placet , cum Jonglino , & apparebit eum loco non lapsum fuisse .

b) Ladislaus Petri filius , quem in Synchronis literis reperio Patri præmortuus videtur .

quem alii Gregorium legunt, LADISLAUM, & FRANCISCUM. Georgius in Templo Görgöiensi Provinciæ Tornensis conditus est, cum hac sepulcrali inscriptione rubeo marmori incisa:

Hic jacet Georgius Bubek, Magister Tavernicorum Reginalium, qui fecit exstruere Ecclesiam Visitantis Virginis, Fratribus Heremitis S. Pauli primi Heremitæ Anno Domini 1371. A)

Cæterum Georgius vitam ultra annum 1376. produxit; Ecclesia autem illa, una cum Cœnobio prope Gombaszegh ad Sajó fluvium surrexit, quo & LADISLAUS Frater symbolam contulit. Erat autem LADISLAUS ad annum 1390. itidem Tavernicorum Reginalium Magister, & quod cum FRANCISCO Fratre commune habuit, Abaujvariensis Comes, sustulitque ex Margaretha filia Joannis de Ida JOANNEM, qui sub annum 1401. Agazonum Regiorum Magister, quod conspirationis, qua cognatum Emericum implicitum esse diximus, aut particeps erat, aut esse credebatur, loco, gradiisque motus est. Verum anno 1410.
seu

A) Amicus, cuius beneficio Epitaphium habeo, annum 1121. appoluit, sed in altero, ac tertio numero errorem cubare manifestum est, eos itaque correxii, & alias substitui ex Ordinis Paulinorum Annalibus.

*Joannes
Taver.
Regal.
Magijter* seu quia omni suspicione criminis se purgavit, seu quia in gratiam Regiam receptus est, ad Tavernicorum Regalium Magistri munus sublatuſ fuit, in quo obiit anno Domini 1419. relictis duobus liberis NICOLAO II. & STEPHANO II. hos anno 1425. cambium fecisse lego, & pro Castro Hruffo Provinciæ Barſiensis, Caſtrum Zokolya Provinciæ Sárofensiſ accepiffe. Vixit NICOLAUS adhuc anno 1433. STEPHANUS vero 1451. supremum habuit, mem' nit ejus Thuroczius, cum Joannem de Hunyad ab Loffonczino proditione depulsum scribit in hæc verba: *Hanc quidem proditionem, inquit, Vir Magnificus Stephanus de Pelszcz munitione sub prætacia, fortuito ičiu bombardæ ad mortem vulneratus, antequam moreretur, proprio ore exstīt confessus.*

*Emeri-
cus III.
ex Præp.
Albenſi
Maritus.* Ex Conjuge Margaretha reliqui filium GEORGIUM III. Patrem MARGARETHÆ Stephani de Thelegd Uxor, JOANNIS II. & FRANCISCI II. a) JOANNES II. sub exitum seculi XV. Pinceriarum Regalium Magistri Filii erant EMERICUS III. & FRANCISCUS III. Ille Sacerdos factus, & inter Secretarios Lu-

a) Quibus Parentibus progeniti sint Stephanus III. anno 1511. Dapiferorum Regalium Magister, & Margaretha Confors Christiophori Warkotsh de Nobischütz, nondum reperi.

Ludovici Regis adlectus , etiam Præposituram Albensem S. Nicolai consecutus est , sed ut scribit Conradus Sperfogel , circa festum D. Mauritii anno 1534. duxit Uxorem , & celebravit nuptias : quare præsummitur , quod in gratiam Regis Ferdinandi non recipietur . Certe & Joanni Zapolyæ , cui Emericus perdite addictus erat , facinus id admodum displicuisse , constat ; sed ut tum omnia non solum militari licentia , verum etiam Religionis novatione fervebant , res novo Marito impune cessit . Duxit autem viliis conditionis fæminam , cui Helene Kreta alias Arbanas nomen fuisse comperio , ex qua sublatis duobus liberis JOANNE III. & ELISABETHA , qui anno 1563. in vivis erant , fatis cessit ; ipsa vero elato Marito , alterum Petro Dobronoki nupsit .

FRANCISCI III. Supremi ac Perpetui Comitatus Gömöriensis Comitis , in Analectis Scepusii plus vice simplici meminimus , quare hic solum tristem ejus exitum , quem cum duobus Kendiis habuit , ex Verancii Episcopi Agriensis literis ad Thomam de Nadasd Palatinum datis , adnotare placet ; hunc in modum autem scribit : „ In Transilvania Franciscus Kendy , cum Fratre suo Antonio , rebellionis suæ nefariæ ac tot aliorum scelerum , die Septembris prima , ultimas patriæ , quam in servitatem , & ad extrema rerum sua- DECAS I. E „ rum

*Franciscus
II. infelix
exitus.*

„ rum perduxerunt , dedere pœnas.
 „ Miserat Regina (Isabella) Oratores
 „ suos in Turciam petitum , addi fini-
 „ bus Transilvaniae , si non cætera annis
 „ adempta superioribus , at saltem Lip-
 „ pam , cum ea portione terræ , quæ
 „ a Lippa ad arcem Hunyad pertin-
 „ tingit ; idque Galli suos , & spe con-
 „ cepta de illius patrocinio , quod ei
 „ per proximum Legatum fecisse di-
 „ cebatur. Vicissim quoque duo Fran-
 „ cisci cum Antonio , triumviratus pe-
 „ stilentissimus eodem suos destinant
 „ Oratores , iisque dant **contraria** , &
 „ plena accusationum mandata : Regi-
 „ nam denuo exitum ex Transilvania
 „ meditari , & ad Germanos defecturam ,
 „ ubi primum Lippa , & postulatis fini-
 „ bus potiretur , eaque causa petitioni-
 „ bus ejus Bassas locum nequaquam de-
 „ btere dare. Periclitari tunc magnop-
 „ ere Oratores Reginæ , & de illorum
 „ captivitate Bassæ consultare , vixque
 „ jam etiam manus ab iis abstinere.
 „ Cum hoc interim cum & casum eorum
 „ dem Oratorum suorum , & causam
 „ ejusdem casus fama celeriter extulerat ,
 „ clanculariæ a Regina literæ super-
 „ veniunt. Quibus perlectis , & cogni-
 „ tis , confessim & Reginæ fides firmiter
 „ est habita , & tota vis indignationis Bas-
 „ sarum in accusatores ejus versa , remis-
 „ sique utrorumque Chiausso Oratores ;
 „ nec plane referunt ; quali cum responso .

Con-

„ Conjectura tamen est , quod cum tali ,
 „ qualem effectus demonstravit . Nam Be-
 „ bekii , & Kendiorum callide apud Vala-
 „ chos in itinere remoratis Oratoribus ,
 „ cum aliis Chiausus ad Reginam festina-
 „ vit . Quæ mox ex iis , quos jam morti
 „ destinaverat , & aliis ejus Provinciæ
 „ summis ac selectis pro more Viris
 „ Consiliariis suis ad audiendum , quæ
 „ Turca renuntiaverat ei de reddendis
 „ petitis finibus , consultandumque ,
 „ quid deinceps illis esset agendum ?
 „ Albam Julianam accersitis , convenientur.
 „ Regiuæ tum , quæ jam dudum cum
 „ Melchiore Balassa , & cum quibus-
 „ dam aliis de omnium cæde transege-
 „ rat , ipso Melchiore , ut totius praxis ,
 „ & parricidii Duce , quique non ita
 „ longe cum ducentis equitibus , & tre-
 „ centis peditibus latere jussus fuerat , per
 „ posticum in Arcem nocte intempesta
 „ recepto , ipsamet dicitur eundem magno
 „ animo fuisse alloquuta , moram ut om-
 „ nem rumperet & patrare maturaret ,
 „ quod se patraturum commodo publico
 „ receperat . Ibi mox Thoma Daczo ,
 „ & Gaspare Perussych in Franciscum
 „ Rebek immisso , Franciscum , & An-
 „ tonium Kendy , qui una erant , ipse
 „ Balassa occupat , momentoque , & sine
 „ magno negotio iis ambobus inter-
 „ fectis , ut qui nunquam fortes habiti
 „ fuerunt . Bebek , tametü nec ipse mul-
 „ tum insignis quapiam præclara nota

„ bellica , facile tamen non cessit in-
 „ vasoribus , sed simul ac ab eis cir-
 „ cumveniri se vidit , ensem corripuit ,
 „ & primum in Gasparem , ut quidam ajunt ,
 „ Peruffych , ut quidam alii , in Thomam
 „ Daczo inventus , quod ii ante alios cum
 „ duobus Militibus gregariis irruperant ,
 „ ita est tutatus vitam , ut omnibus magnis
 „ & prope lethalibus vulneribus affectis ,
 „ plane visus est declarasse , quod iis
 „ sese eripere non ægre potuisset , si
 „ rem cum solis habuisset ; verum ir-
 „ rumpente multitudine , quæ illos se-
 „ quebatur , plurimis gladiis vietus suc-
 „ cubuit . -- Huic autem facinori , ne
 „ majus quoddam , & magis memora-
 „ bile corollarium desit , ajunt cada-
 „ vera Kendiorum honesta pompa se-
 „ pulturæ suisse tradita ; Bebekianum in
 „ partes disiectum quatuor , Carnificis
 „ securi , & furcis totidem inditum . -
 „ Vienaæ 18. Sept. 1558. „ Hactenus
 Verancius .

Habuit FRANCISCUS duas Conjuges :
 Margaretham Warkotsch , & Dorothe-
 am Blasii de Raska Filiam , totidemque
 proles : CATHARINAM Francisco de Pe-
 ren anno 1552. die 18. Maji nuptam ,
 & GEORGUM IV. qui a tenebris annis
 militæ , armisque assuetus , cum non levia
 detrimenta Turcis intulisset , Hasanis
 tandem Filekienis Præfecti astu , apud
 Balogum arcem interceptus , & Con-
 stantinopolim transmissus est . Hinc cum

Cujus fi-
lius Ge-
ogius I v
postre.
-mus stir-
pis.

a Maximiliano Cæsare liberari se posse desperaret, ad Joannem Transilvaniæ Principem confugit, cuius deum ope dimissus, Dacicas copias cum summo imperio gubernandas accepit, & quoad vixit, a Transilvanis contra Cæsarem stetit. Obiit anno 1567. de quo Istvánus: *Haud dissimili sorte inquit Georgium Bebekum illustri ortum familia, ac pud Joannem Sigismundum, ad quem -- relicta fortunarum sede, quæ sub Cæsare erat, malesanis adductus consiliis transfugerat, in Transilvania fata sustulerunt, qui quum nullos mares liberos reliquisset, erces ejus, & bona, pro quibus tantisper armis erat certatum, Cæsar's fisco cesserunt -- atque in eo, ut vetus, ita iustiris familia, & progenies defecit.*

Quanquam enim Sophiam Pathoczi virilis animi sæminam, ut quæ arcem Szadvariam contra Lazarum Schwendium tueri ausa est, in matrimonio habuit, non alias tamen, quam sequioris sexus proles eduxit.

Nomina earum sunt:

1. SUSANNA Conjux Stephani de Báthor.
 2. SOPHIA.
 3. JUDITHA.
 4. ANNA. Quæ quidem omnes anno 1563. in vivis erant, sed abhinc quid illis factum? nuspian reperio.
-

I V.

D E C H E T N E K.

(Fig. 5. & 6.)

*Origo
Csetneki-
orum vi-
denda in
Bebek.
familia.*

Chetnek, Csetnek, vel veteri scri-
bendi ratione Chytnuk est Oppidu-
lum Provinciæ Gömöriensis, in valle
cognomine situm; atque Rosnavia in
occasum brumalem duobus fere milliari-
bus sejunctum, olim Castro, cuius vix
rudera superant, insigne. Istud cum
in partitione honorum, quæ inter Do-
minicum Bebek, ejusque Fratres facta
est, his otigisset, cognomen Csetneki-
orum, quemadmodum in loco indicavi-
mus, assumpserunt. Ex quo clarum est,
utrique Familiaz eosdem Majores fuisse:
quia tamen pauca Instrumenta Csetneki-
orum in manus pervenerunt, ieorum
quoque series, pluribus locis, quam Be-
bekiorum habuit.

Annum circiter 1320. NICOLAUS,
LAPISLAUS, JOANNES, & PETRUS Fra-
tres Castrum Csetnek adierunt.

Ad annum 1371. exstant literæ,
quibus Chetnekiani Cœnobio de Gom-
baszegh, cuius supra in Georgio II.
Bubek meminimus, villam Zavayallya
do-

donant, hunc in modum exaratæ: „ No-
 „ verint universi, quod nos Magister
 „ Ladislaus de Czutnuk, de consensu
 „ Filiorum nostrorum, & Dominae Re-
 „ licetæ quondam Magistri Petri Consor-
 „ tis de eadem, in personis Filiorum
 „ Magistri Nicolai Ruci, Georgii, &
 „ Petri, volentes cælestibus terrena
 „ commutare, & per hoc effici hære-
 „ des, & cives Regni cœlestis, nec
 „ non ob remedium, & salutem ani-
 „ marum nostrarum, nostrorumque hæ-
 „ redum terram, seu particulam terræ
 „ in villa Zavayallya, alio nomine
 „ Gombafzegh vocatæ, ad nos jure
 „ hæreditario spectantem, Claustro B.
 „ V. de novo ædificaturo pro Fratri-
 „ bus S. Pauli I. Heremitæ Ordinis S.
 „ Augustini in prædicta Villa Gomba-
 „ fzegh, & per consequens præfatis
 „ Fratribus, ibidem jugiter Deo famu-
 „ lantibus, nullo contradicente, sed
 „ tanquam veri Patroni jam dictæ Ec-
 „ clesiæ, seu Claustræ, perpetue, &
 „ irrevocabiliter contulimus, & dona-
 „ vimus pacifice, & perpetuo possiden-
 „ dam. -- Datum in prædicta Civitate
 „ nostra Czutnuk anno Domini 1371. ,,

1393. Floruit GEORGIUS Dapifer Georgius Dapifer
 rorum Regalium Magister: & 1416. ejus Magister
 filius SIGISMUNDUS. Ex Ladislao vero,
 quem supra minoravimus, nati sunt
 NICOLAUS II. JOANNES II. & LADISLAUS
 II. Præpositus S. Georgii Martyris de

viridi campo Strigon. postea sub anno 1438. Gubernator Præposituræ Budensis Sanctissimæ Trinitatis, seu de superioribus aquis calidis.

1412. NICOLAUS II. & JOANNES II. subscripserunt tabulis fœderis, quod Sigismundus Rex Hung. cum Wladislao Rege Poloniæ die 15. Martii Lubloviae iniit.

1460. circiter vixit ANDREAS trium Filiorum Pater: LADISLAU III. NICOLAI III. & JOANNIS III. hic anno 1505. pro Comitatu Görmöriensi Orator, ratum habuit Decretum, quod Ordines Regni condiderant, ne unquam exterus Rex Hungariæ optaretur. Duas, quas reliquit, Filias; CATHARINAM Nicolao Loranti de Serke, DOROTHEAM Ladislao itidem Loranti Fratribus Germanis Sorores elocavit, sed hæc defuncto Ladislao, alterum Stephano Szentannaj nupsit. NICOLAI III. quatuor proles lego: URSULAM Casparis Skartii Conjugem, SIGISMUNDUM II. partium Zapolianarum sautorem, qui anno 1533. a Ferdinandæis interceptus, Catzianeri beneficio liber evasit. PETRUM III. in vestigia Fratris perinde ingressum, & Montanarum Civitatum, quæ in Scepusio sunt, vastatorem. Dedit tamen pœnas anno 1537, captus, & in Castro Scepusiensi carcere diutius detentus. EMERICUM denique, qui anno 1540. vixit, sed omnes sine hærede extinctos.

LA-

LADISLAUS II. ANDREÆ Filius genuit BERNARDUM, hic LADISLAUM IV. ex quo nati sunt SOPHIA Christophori Görgey, CLARA Michaelis Csernej Coujuges, ANDREAS II. qui improlis decedens Uxorem suam Susannam Báthori alteri Marito Michaeli Uraj elocandam reliquit. MICHAEL anno 1588. mortuus, qui ex Anna Mariaffá de Markusfalva plures quidem liberos suscepit, sed quorum nullus stemma Csetnekianum propagavit: nam CHRISTOPHORUS, LADISLAUS, SOPHIA, & FRANCISCUS in tenera etate obierunt; una ANNA postquam ad nubiles annos pervenit, Nicolao de Monok nuptum tradita est.

Gentem tumulo intulit STEPHANUS *Stepha-*
ANDREÆ, & MICHAELIS Frater, cum *nus ulti-*
ex nescio qua Conjuge MARGARETHAM, *mus gen-*
& SOPHIAM procreasset; nulla relicta
virili sobole, ipse omnium extremus
mortuus est. Exstat ejus epitaphium in
Templo Csetnekieni hoc tenore scri-
ptum: A)

Ultimus inter ego numerosos ordine *Eius Epi-*
Fratres, *taphi um,*

Haç gelida Stephanus Csetneki con-
dor humo

Obdormivi in Oppido Dobschina
Anno 1594. die 15. Junii post mer. 6.

E 5 Cre-

A) Incisa sunt marmori & arma gentilitia,
quibus usus est.

Crediderat Stephanus capto paulo an-
te Fileko,

Se placida terris posse quiete frui;
Ast illum subito diri excepere dolores,
Abstulit & celeri Parca cruenta manu.
Sorte quid hac homini melius? dum
cura, laborque
Prætereunt, requies ecce beata
venit.

V.

DE HEDERVÁRA,

(Fig. 7. & 8.)

Hedervariorum natale solum, &¹ in Hungariam adventum M. Thuroczius A) paucis hunc in modum indicat: *Hedervári ex Corus cum Fratre suo Hedrico, de Comitibus tibus Houmburg ortus, & trecentis dexterratis pableratis introivit. Cui Rex Geyburg echa montem Kiscen, & insulam Danubii riundi. circa Faerum dedit pro descensu aterno, ubi Castrum ligneum faciens, fecit quoque in eodem monte Cænobium, ubi & est tumulatus. De istis Hedrici generatio derivatur. Hactenus Thuroczius. Majores, certe de Hedrich, aut Heddrewára compellatos lego quoad sequiori tempore nomen utrumque in Hedervára commutatum est.*

Sub annum 1150. floruit Comes *Chephamaurus*, ejusque natus *STEPHANUS nus*, & quinque Filiorum parens: *ALEXANDRI Poth Pa videlicet, SERAPHIMI, CHEPHANI*, seu *Stephani anno 1206. Regni Hungariæ Palatini & Comitis Bachiensis, Phoconis*, seu *Poth itidem Palatini ac Comitis Musuni-*

nienfis, qui cum Fratre Chéphano Abbatiam S. Jacobi de Lében Ordinis D. Benedicti condidit, ac SAULIS denique anno 1188. Chanadiensis Episcopi electi, demum ad Metropolim Colocensem, in qua obiit, translati. Andreas II. Rex Hung. in certis literis anno 1208. exaratis non dubitavit ei attribuere hujusmodi elogium: „ beatæ memorię Sauli „ tunc Colocensi Archiepiscopo, qui „ apud Deum, & homines sancte & „ innocentis vitæ merito valde ex- „ stitit commendandus. ”

Anno 1232 Proregis dignitatem tenuit DIONYSIUS de Vialka de gente Heddrehwára sub Andrea II. Rege, sed ab ejus Filio Bela IV. ut Bonfinius, aliquie referunt, oculis privatus.

A clade Tartarica Magister KEMEN cum sua virtute, tum duobus Filiis LAURENTIO videlicet, & DIONYSIO II. inclaruit. Ille Aulæ Regiæ Judex, & Rector, ac Comes Musunienfis, quas laudes a Bela IV. emeruerit, juvabit ex literis Regiis A) audire, quarum pars, quæ huc facit, ita habet: „ Pri- „ mo siquidem cum adhuc in numero, „ seu Collegio juvenum domus nostræ „ famam pollentem, & nomen du- „ ceret gloriosum, ipsum cum cha- „ rissimo Genero nostro Ratislao Duce „ Galliciæ, in partes Rusciæ cum ex- „ teris

*Saul Ar-
chiepi-
scopus
Colacen-
sis.*

*Diony-
sius
Hung.
Palati-
nus.*

*Encomi-
um Lau-
rentii.*

„ teris Regni nostri Magnatibus duxi-
 „ mus transmittendum , qui sub Castro
 „ Iroslo , A) Ruthenis quam plurimis
 „ in perniciem ipsius Generi nostri ex-
 „ euntibus de eodem , & armatam in
 „ expeditionem nostram dirigentibus
 „ aciem , zelo devote fidelitatis arma-
 „ tus , volens potius post mortem vi-
 „ vere per famæ gloriam , quam ter-
 „ gum hostilitati hujusmodi vertere , se
 „ objecit , ubi transfoſſo hostili lancea
 „ crure suo exſtitit lethaliter vulne-
 „ rates . Deinde cicatrice ſui vulneris
 „ nondam obducta , cum Daniel Ruthe-
 „ norum Rex ad campeſtre prælium con-
 „ tra ipsum nostrum Generum prodiis-
 „ ſet , strenuitas ejusdem Magiftri Lau-
 „ rentii , defidiæ obscuritatem abhor-
 „ rens , in lucem prodiit probitatis , &
 „ singulariter hostili ſe immiscens aciei ,
 „ quendam de Rusciæ Baronibus impulſu
 „ dejecit lanceali , quem ſupra dictus
 „ Gener noster fecit capite detruncari :
 „ in quo conſtru cum equus ſepe dicti
 „ Ducis Generi nostri perdilecti fuiffet
 „ interfectus , idem Magister Lauren-
 „ tius ſolitæ fidelitatis iſtens fervori ,
 „ vitamque jam dicti Ducis præferens
 „ vitæ iūx , equum , quo vehebatur ,
 „ eidem Duci tradidit , & ſe inter ho-
 „ ſtes

A) Latinis Jaroslavia , ad Sanum fluvium ,
auspiciis Mariæ Theresiæ Auguſtæ cum
Gallicia , & Lodomeria ad Coronam
Hungariæ rediit .

„ stes cōfertissimos posuit, variis pe-
 „ riculorum fluctibus involutum, sicut
 „ prēmissa supradicti Ducis, & multo-
 „ rum fidelium ac fide dignorum nobis
 „ relatio patefecit. Ea vero, quæ in
 „ subsequentibus annexuntur, certioris
 „ sensus, vilus videlicet certa indica-
 „ tio nobis demonstravit; nam cum
 „ essemus in congresu campestri con-
 „ tra Fridericum Dux nostrorum pro-
 „ stratus armis interiit, ipse Magister
 „ Laurentius, hostili se immiscens aciei,
 „ maguanima constancy, & constanti ma-
 „ gnanimitate dimicavit in eadem, ubi
 „ equo suo, quo insidebat, imperfecto, pe-
 „ destribus gressibus, armorum se de-
 „ fendens prælidio, ad nos per Divinam
 „ gratiam remeavit. Porro cum de ob-
 „ fidione Olomucensis Civitatis redire-
 „ mus, idem Magister Laurentius sub
 „ quodam Castro, quod leonina auda-
 „ cia manuali prælio capere attemp-
 „ vit, lethalia receperit vulnera, quæ
 „ nos ipsi vidimus, ad visitandum ipsum
 „ personaliter accedentes. Cæterum cum
 „ essemus sub Castro Parduch, & idem
 „ armatos milites clandestinis insidiis
 „ contra nostram militiam produxisset,
 „ supradictus Magister Laurentius no-
 „ stri, & nostræ gentis honoris Zelator,
 „ aciei hujusmodi non modicam multi-
 „ tudinem militum continent se objecit,
 „ „ &

„ & quendam militem , qui de se præ-
 „ sumens , ad singulare certamen para-
 „ verat contra ipsum , dejecit pariter
 „ cum equo. Sub Castro insuper Kar-
 „ chalag , quod expugnari tecimus ,
 „ in fortiori loco conflictus sub tur-
 „ re superiori se posuit , & ibi quam lau-
 „ dabiliter nobis videntibus dimicavit ,
 „ quod æmolorum nequit malitia occul-
 „ tare. Sub Grinhous etiam , cum ar-
 „ mato militum se immiscuit et equus
 „ fuus , sub eo exstigit interemptus , si-
 „ cut ocularis demonstratio nostris , &
 „ plurimorum aspectibus id expressit.
 „ Denique cum Bulgarorum temeritas
 „ tempore guerræ inter nos , & Regem
 „ Boemiarum , Ducem Austriæ , & Styriæ
 „ exortæ , Banatum de Zewrino hosti-
 „ liter devastassent , & plerique de Ba-
 „ ronibus nostris defensionem ipsius Ba-
 „ natus nolent assumere , per nos etiam
 „ diligenter requisiti , sæpedictus Ma-
 „ gister Laurentius , collato tibi per
 „ nos ipso Banatu , Bulgarorum devicit
 „ exercitum , ablatis spoliis , & prædis ,
 „ quibus iidem Bulgari fuerant honera-
 „ ti , de quibus etiam quosdam in ri-
 „ pa Danubii suspendi fecit in patibu-
 „ lo , & sic ipsorum Bulgarorum pro-
 „ tervia quiescente , ipsum Banatum ad
 „ pristinum bonum statum virtute per-
 „ maxima restauratum , nostræ restituit
 „ Majestati . „ Hæc Bela de Laurentio ,
 „ qui

qui haud ita multo post palatio Regio
moderando praefectus.

*Et ejus
Filiit Ke-
men II.* Reliquit non degenerem Filium KE-
MEN II. De eo enim Ladislaus Rex ita
loquitur: A) „ consideratis fidelitatibus
„ & servitorum meritis Kemen Magistri
„ Pincernarum nostrorum, & Comitis
„ de Barana, filii Laurentii Palatini
„ bona memoria, dilecti & fidelis no-
„ stris, quæ nobis in diversis expedi-
„ tionibus Regni nostri, non parcendo
„ rebus, nec personæ a tempore obi-
„ tus charissimi Patris nostri Stephani
„ Regis, illustris recordationis - idem
„ nullo temporum spatio se retrahen-
„ do, nec his, qui ex Baronibus no-
„ stris contra nostram præcedebant Ma-
„ jestatem, adhærendo, indesinenter im-
„ pendit, sic devote. „

Andreas vero Rex, Ladislai Suc-
cessor, obsequia, quæ illi Kemen præsti-
tit, seorsim sic recenset: B) „ idem
„ Comes Kemen virtutum coalescenti-
„ bus incrementis, nedum prædictorum
„ Serenissimorum Regum temporibus,
„ verum etiam nostris, qui eidem D.
„ Regi Ladislao sublato de medio, in
„ folium Regalis culminis Divino mu-
„ nere successimus e vicino jure, & or-
„ di-

A) In Diplomate dato anno Domini 1289.
Regni 18.

B) Literis exaratis 4. Non. Octobr. anno
Domini 1291. Regni 2. do.

„dine genituræ, diversis studuit famulatibus fideliter insudare, primo quidem circa nostri adventus principia, felicibus auspiciis divinitus initiata, idem Comes Kemen nos suis exceptit laribus honorifice, & munifice pertractando, usque ad apicem Regalis culminis, & nostræ coronationis insignia, nostro lateri jugiter adhærendo, expensis propriis, quantum suæ nobilitatis industriam decuit, sumptuosis. Ad hæc cum D. Ladislaus inclytum Ducem Sandomiriæ, Cracoviam, cognatum nostrum charissimum urgeret in Ducatu suo nimia necessitas, & adversitas præliorum, fatigentes eidem, prout postulantib[us] sublidiūm opportunitas, & commoditas exigebat, necessariis auxiliis nostræ armatae militiae subvenire, inter ceteros Satrapas eidem militiæ ipsum Comitem Kemen, cum suis armatis hominibus elegimus destinandum: ubi cum ceteris, & specialiter inter ceteros gloriosi certaminis victoriam reportavit, eodem D. Duce Ladislao in suis literis de prosperitate gestorum, ipsum multipliciter attollente. Ceterum cum a tempore Inlyti Regisi Ladislai charissimi Fratris nostri Patruelis, D. Albertus Magnus Dux Austriæ, & Styriæ confinales partes Regni Hung. sibi vicinaliter adjacentes, collecta tunc potentia
 DECAS I. F Pa-

„ Patris sui D. Rudolphi inlyti Regis
 „ Romanorum plurimum devastasset
 „ nosque circa regiminis nostri princi-
 „ pia de omnibus Regni Hung. clima-
 „ tibus exercitum generalem duxisse-
 „ mus convocandum, ad tantam inju-
 „ riam propulsandam, & Regni nostri
 „ justitiam prosequendam, in toto Du-
 „ catu, & districtu Austriæ virtute ex-
 „ lesti felici duplomate procedentes, nul-
 „ lius adversitatis obice relistente, præ-
 „ fatus Comes Kemen tanta se exhibi-
 „ buit bellorum efficacia virtuosum,
 „ ut omnibus dignis meruerit praæconiis
 „ commendari. „

Uxorem porro habuit KEMEN Nicolai Sinistri filiam, per quam: quod Frater ejus Michael sine hærede deces-
 sisset, amplissima latifundia in Provin-
 cia Baraniensi adiit. Ex eo thoro na-
 tus est CORRARDUS, qui anno 1322.
 sub Rege Carolo I. floruit; num pro-
 les habuerit, non constat, certiisse veri-
 similius est, exstant enim Capituli Quin-
 que Ecclesiensis literæ, quibus Corrardus spondet, se bona, quæ cum LAU-
 RENTIO, JOANNE, & DOMINICO Fra-
 tribus patruelibus communiter posside-
 bat, nec venditurum, nec ullo pacto
 alienaturum. De hoc quidquid sit, ut
 reliquos Hedervarios persequamur, ad
 DIONYSIUM II. LAURENTII Palatini Fra-
 trem redundum est.

Vixit

Vixit is anno 1280. & Magistro KEMEN suo ex Fratre nepoti possessionem Turda cessit , cum ipie ab eo Dejtam in Provincia Nitrienii sitam accepisset. Genuit Filium NICOLAUM , qui nescio , unde ? Bako dictus est , Patrem Laurentii II. JOANNIS , & DOMINICI , quorum supra meminimus. De Dominico quod addam præterea , non habeo. De Laurentio vero , a quo Ujlakii profluxerunt , cum eam gentem pertixemus , dicendi erit locus.

Ex JOANNE itaque progeniti sunt , DIONYSIUS III. & PAULUS , quorum ille anno 1320. in vivis fuit , & post fata tres Filios superstites reliquit , videlicet Magistrum DESEW ad eundem annum Judicem Curiæ Reginæ Elisabethæ , & Comitatus Soproniensis Comitem , qui in bello , quod a Carolo Rege cum Bazarad Vajvoda Transalpino infelicitate gestum fuit , cum arma Regis , ut eum periculo subduceret , induisset , a Valachis circumventus , & crudeliter occisus est.

2. Magistrum NICOLAUM II. ad annum 1356. Comitem Jaürinensem , de quo infra.

3. HEDRICUM de Hedervára , seu *Línea* Heunicum , qui vitam ultra annum 1378. *Hedervári* produxit , relicis tribus Filiis : NICORIORUM , LAO , JACOBO , Hontensium Supremo qui didici Comite , cui Euphrosyna de Thelegd *de Támasi* Uxor erat , & JOANNE. Hic ab anno

1404. ad annum 1410. cum Jacobo de Lachk Transilvaniæ Præfecturam, quam Vajvodatum vocant, non sine laude ges- fit; & Tolnensis Provinciæ nobilem di- tioneum Tamássi dictam acquisivit, jure- ne uxorio? an quod Franciscus Filius Emerici filii Thomæ de Tamássi libe- rorum expers obierit? incertum: illud satis constat, & JOANNEM inde ab an- no 1411. quo Janitorum Regalium Ma- gister creatus est, ad annum 1418. quo obiit, & ejus posteros cognomen de Tamássi usurpasse. Habuit autem Filios LADISLAUM, & HENRICUM.

LADISLAUS anno 1419. in Janitorum Regalium Magistri munere Patri suc- cessit, sed genus haud propagavit, ex Uxore Helena filia Nicolai de Chák, nulla prole sublata. Henricus contra, et si quam thori sociam habuerit, non constet, duos tamen Filios eduxit NI- COLAUM, & JOANNEM, verum & hi improles deceperunt. Fuit autem Hen- ricus Vir strenuus, pluribusque pugnis exercitus, quoad clade Varnensi in- volutus, anno 1444. cum Wladislao Rege occubit.

*Nicolai
de Heder-
vra li-
beri.*

NICOLAUS II. quem supra diximus, Comes Jaurinensis præter natam Elisabetham, homonymum Filium habuit NICOLAUM III. Janitorum Reginalium Magistrum, & trium Comitatuum Co- mitem: Mosoniensis videlicet, Albensis, & Tolnensis. Floruit anno 1371. ge- nxit-

nuitque quatuor Filios, & Filiam CATHARINAM, quæ anno 1415. Ulrici Wolf-fard de Vöröskew & Owār consors fuit. Filiorum autem series hæc est:

1. DIONYSIUS IV. qui Ordinem Ecclesiasticum complexus, in Collegio Sacerdotum Jaurinensium vixit ano Christi 1382.

2. STEPHANUS II. cum Joanne de Horváthy Bano Machoviensi Mariæ Reginæ hostis.

3. NICOLAUS IV.

4. EMERICUS, cuius progenies cum ultra duo Secula duraverit, Fratrum autem multo prius interciderit, non abs re facturi sumus, si morem nostrum secuti, eos quoque prius expediamus.

Itaque STEPHANO II. cuius memoriā ad annum 1388. reperio, suere *Proles Stephani II.* duo Filii: GEORGIUS, & MICHAEL, qui quorum iste hærede caruit, ille ex UXORE Helena, nisi fallor, Kanisaiana, tres Natos suscepit: PAULUM II. qui sub annum 1471. nescio cui prædium Esztergeto inscripsit, LADISLAUM II. Episcopum Agriensis Ecclesiae, quam supra viginti annos gubernavit, & FRANCISCUM, qui virili stirpe carens, duas tantum Filias reliquit, nomen alteri MAGDALENA, quæ Ladislao de Marezal, alteri AGATHA, quæ Emerico Zemere in manus convenit.

NICOLAUS IV. qui sub principium *Succes-
res Nicou-*
Seculi XV. floruit, progenuit Filium *lai IV,*

LAURENTIUM III. hic ex Agazonum Regalium Magistro, quod munus fere novennium administravit, Prorex Hungariæ anno 1437. feria 5. proxima ante festum B. Gregorii Pape creatus, sub Regibus Sigismundo, Alberto Austria-co, Vladislao Polono, itemque Joanne de Hunyad Gubernatore vixit, & anno 1447. obiit. Conjugem ejus Margaretam, filiam Antonij de Ballaga, proles vero tres lego: EMERICUM II. NICOLAUM VI. & ANCELICAM, quæ priusquam ad nubiles annos pervenisset, morte sublata est. EMERICUS ad annum 1450. Banus Machoviensis, ex Anna filia Ladislai de Gara Regni Hungariae Palatini, reliquit unicam filiam DOROTHEAM, quæ subinde Bartholomæo Drágfi de Bélthek nupsit. NICOLAUS VI. denique, qui novam quam vocant, donationem bonorum anno 1491. impetravit, & in cana senectute excessit, procreavit Filios LAURENTIUM IV. & FRANCISCUM II. ac Filiam CATHARINAM, sed LAURENTIUS vivo, ut videtur, Patre, sine hærede extinctus est; FRANCISCUS vero, tametsi Barbaram Benedicti de Chák filiam thoro sibi illigavit, nullos tamen ex ea liberos vidit; amor nihilominus, quo in Conjugem ferebatur, fecit, ut ei cognatisque Chakianis, amplissima, quæ in Provinciis Tolensi, & Vesprimensi habebat bona, solennibus tabulis trans-

transcriberet. A) CATHARINA demum Stephanum de Rozgon Maritum accepit, cui homonymam Filiam enixa est, Andreæ de Bathor, ut suo loco diximus, in matrimonium traditam.

EMERICUS I. ante ante annum 1420. *Series mortuus*, Conjugem habuit Dorothéam *Successo-* de genere Osl, Filios NICOLAUM V. *rum Emerici*; JOANNEM II. LADISLAUM I. sed hi duo *I.* postremi defecerunt, NICOLAUS vero per OSWALDUM, qui anno 1447. in vi- vis fuisse legitur, stemma propagavit, genuit enim OSWALDUS FRANCISCUM II. JOANNEM III. & STEPHANUM III. FRANCISCUS Nandoralbæ, seu Belgrado, cum illud Solymannus Turcarum Imperator obsidione cingere parabat, Banus præserat. Iis rerum adjunctis quid consilii ceperit, malo Regiis, quam meis verbis dare. „ Itaque cum anno su- „ periori, inquit Ludovicus Rex, vi- „ delicit 1521. proxime transacto, uni- „ versa bona, & jura possessionaria *Franci- scus Ba- nus Ndn- dor-alb.* „ Magnifici Francisci de Hedervára, *bonis pri- vatur.* „ alias Castrum nostri Nándor-albensis „ Bani - - occupata per illam ejusdem „ Francisci de Hedervára infidelitatis

-
- A) Est, qui alteram Uxorem ei adscribit, Dorothéam de Rokonok, & ex ea has proles: Stephanum, cui unica filia Dorothéa fuit, Joannem, Georgium, Sophiam, Catharinam, & Franciscum. Ego, qui nullum eatenus monumentum viderim, rem in medio relinquo.

„ notam , quam ex eo , quod ipse re-
„ bellionis spiritu ductus , Castrum il-
„ lud Nándor albense - - consequenter
„ que Banatum , & Capitaneatum ejus-
„ dem , quod ipse pro officio sub de-
„ bito fidelitatis , & obedientiæ resti-
„ tutionis illius a Majestate nostra te-
„ nebat , per eandem Majestatem no-
„ stram & personaliter , & per literas ,
„ & per internuncios nostros sæpenumero
„ requisitus , amonitus , & exhortatus ,
„ imo postulatus , licet Turcorum Cæ-
„ sarem Solymananum illud obsidione cin-
„ gere - - decrevisse dietim audiret ,
„ manibus nostris Regiis , prout ex fi-
„ delitatis , & obedientiæ , debitoque
„ jure tenebatur , remittere & resigna-
„ re palam recusavit ; fama deinde , &
„ rumore hujusmodi obsidionis magis , ac
„ magis invalescente , ad aliquot manda-
„ ta nostra in idem Castrum , ut illud con-
„ tra hostiles impetus interea tueretur ,
„ & observaret , ingredi , & intrare ,
„ ipsumque viçtualibus , & hominibus ,
„ licet opibus , & divitiis afflueret , &
„ præterea stipendum quoque compe-
„ tens . & condignum ad id - - tulerit ,
„ & acceperit , reficere , & instaurare ,
„ vel homines saltem fideles , & proba-
„ tos in illud immitteret , non solum
„ neglexit , sed crebro , ut præfertur ,
„ amonitus palam contempsit , & quod
„ deterius est , quendam Michaelem Mo-
„ re hominem sceleratissimum , omni-
„ bus

„busque vita , & moribus despctum,
 „contra multorum reclamationem . Ca-
 „stro in ipso pro vices gerente sui lo-
 „co reliquit. „ A) Haec tenus Ludovicus.
 Franciscus interim , cum se judicio , *In exilio obit.*
 quod eatenus institutum erat , subtraxis-
 set , Ordinum decreto damnatus , & bo-
 nis , quorum pars magna Paulo Bakith
 obvenit , mulctatus , mærore in exilio vi-
 tam finivit , cum nec ipse , neque Fra-
 ter ejus Joannes hæredes reliquisset.

Unus STEPHANUS III. Comitatus *Stephani*
Jaurinensis Vice Comes per LAUREN- III. po-
 TIUM V. Filium (nam GEORGIUS II. im-*steri.*
 proliis deceffit) stemma continuavit. b)

Vixit porro LAURENTIUS anno 1548.
 & jure nequidquam sèpius expertus ,
 tandem bona , quæ Patruum Franciscum
 amisisse supra innuimus , genti Bakitsia-
 næ & ipse cum Fratre cessit. Ex duo-
 bus ejus Filiis , quos Helena Nyári de
 Bedegh , deinde Leonardo Amade nupta ,
 in lucem effuderat , JOANNES IV. ἄτεκνος
 obiit ; STEPHANUS vero IV. qui jam
 anno 1522. adolescentiam egressus est ,
 ex Conjuge Susanna filia Gregorii Ba-
 logh de Neboysza , altera item Catha-
 rina , filia Petri Andrásii de Sz. Király
 duos Filios sustulit : EMERICUM III. de-
 ficientem , & STEPHANUM V. qui sub

F 5 ini-

A) Ex literis datis anno 1522. in festo
 Cathedræ B. Petri.

b) Erant præterea Stephano III. duæ fi-
 liæ : SOPHIA , & CATHARINA.

initium Seculi XVII. cum Susanna Károlyi de Nagy Károly in matrimonio vixit, ejusque fructum duos Filios & totidem Filas vidit; haec altera ANNA primum Andreæ Kerekes: deinde Stephanus Soos de Poltár, altera SUSTANNA Sigismundi Horváth de Vegla Conjux fuit. Ex Filiis JOANNES V. Sacerdos factus, deinde Canonicus Posoniensis, & Abbas de Zirts, demum cum titulum Scopiensis Episcopi gereret, anno 1662. ad superos abiit

*Stephanus VI.
natus VI.
ultimo
familiae,*

Frater hujus STEPHANUS VI. claram vetustamque Hedervariorum progeniem clausit, quanquam enim ex Elisabetha Eszterhazi de Galantha, quæ aenam 1668. supremum habuit, LAURENTIUM VI. progenuisset, hic ad maturorem ætatem non pervenit: pari fato prærepta est & HELENA Soror, una CATHARINA cæteris superstes, ac Joanni Viczaj de Los in matrimonium data, nobilem eam, vetustamque gentem, quam in præsens Michael Comes Viczaj virtutum omnium, literarumque decus ornat, propagavit. Obiit autem Carharina Posonii, quo se valetudinis causa reperat, anno 1680. ibidemque in Templo PP. Franciscano-rum tumulo illata est.



V I.

D E K A N I S A.

(Fig. 9. & 10.)

Kanisaji, si Wolfgangum Laziūm A) audimus, olim Comites de Lavanū, *Opinio Lazii de* & Sponhaym dicti sunt. Eos ille ab origine Rheno, & Westrasia primum in Carinthiam, deinde in Hungariam ducit, *orum* amplissimasque eorum ditiones hunc in modum enumerat: COMITES, inquit, de Lavant, Sponhaym, Gussingen, & Martersdorf in finibus Austriae, Hungariae, & Styriae late patentem ditionem tenebant, ubi & Gussingen Castrum, arcemque Pfarrtenstein construxerunt, aliaque in vicinia Slanig, & Pernstein, & Kobolsdorf oppida habuere. Günzium obsidione Turciā nobile, Rechnitz, Martersdorf, & Antau, a quibus locis quoque cognomina bi Comites traxere, & in Diplomatibus passim Comites nominantur non solum a Gussingen, verum etiam a Martersdorf, Slanig, Antau, & Rechnitz. Hæc Laziūs, qui subinde nominat Bernhardum filium Engelberti, Berchtramum, Eustachium, Wil-

A) De Migrationibus Gentium Libre VI.
pag. 236. & sequ.

Wilhelmu[m], aliosque, quos in Regum Hungariae Diplomatibus nuspiam reperio, ut adeo unde eos acceperit, incertum sit.

De gene-
re Osl
• oriundi: Non negaverim quidem Arces illes Austriae, Styriaeque confines, a Kanisajis, seu Comitibus Ginsiensibus, aut Güssingensibus, ut id temporis vocabantur, possessas esse, verum origine Germanos suisse vix credibile est. Vetustissima enim Instrumenta, quorum non pauca videre licuit, quæque vera non esse non possunt, eos ab genere Osl, quod cum Lavant, vel Sponhaym nihil commune habet, derivant. Verisimus itaque videtur eos Hungarici generis suisse.

Genus
hoc in
plures ra-
mios divi-
sum. Ex antiquitatis porro tenebris primus emergit Comes Osl alias Ost, qui sub annum 1200. floruit, plurium liberorum Pater, quorum posteri ab Arcibus, Castellisque, que divisione sortiti sunt, diversa nomina acceperunt; alii enim Herbortii, alii Ostii, alii Csornaj, alii Viczaji &c. Kanisajque dicti sunt. At horum vetustissimum nomen, & supra monuimus, Comitum Ginsienium, aut Güssingensium fuit.

Kanisaji
sub nomi-
ricus gessit bellum teste Lazio cum Otne Comi tocaro Bohemo Austriae Principe protum Ginpter fines, idemque Belæ Regi Hungarienium, triginta millia armatorum duxit ad vel Güs. Güssingensium versus Austriam, ejusque Principem Ottocar-

tocarum. Filios Emerici hos lego, BE-
LID, seu Belud, LADISLAUM, ac qui
in Historia s̄epe nominantur, JOANNEM,
aut Ibanum, vel Ibonem, & EMERI-
CUM II. seu Henricum. Hi, ut refert
idem Lazius, gesserunt bellum pernicio-
sum pro finibus cum Alberto I. Duce Au-
striae, Rudolphi Habsburgensis Cæsaris Fi-
lio, in quo bello amiserunt ab Austriis
expugnatæ Martersdorf, Kobelsdorf,
Katzlsdorf, & Rechnicz, & Ginsium diu
obsecum vix in fide retinuerunt. Fa-
cta sunt bæc anno nostræ Redemptionis Ibanus,
1298. Ceterum Ibanus & Emericus & Hen-
ricus in
quædam confecta pace amissa rece-
perunt, turbas tamen, quas foris da-
bant, domi quoque aluerunt, & pri-
mum Carolo I. contra Regem Andream
faventes, patriam miserum in modum
divexarunt; verso subinde proposito,
in Carolo additos, ac Ecclesiam Stri-
goniemsem in primis tanta immanitate
graffati sunt, ut eos Thomas ex Alben-
si Præposito, Strigonensis Metropolita
electus, lenioribus mediis nihil profi-
cientibus, anno 1305. pridie Kalend.
Augusti, communione fidelium emove-
ret. Causas porro, quibus ad id im-
pulsus est, has fere recenset: „ quod
„ idem Joannes vivente adhuc felicis
„ recordationis Domino Gregorio electo
„ Strigonienſ Ecclesiam Strigoniemsem
„ occupaverit, Castrum usque modo
„ occupata detineat, & Regis Wen-
„ ces-

„ cœslai Filio , recepta ab ipso maxi-
 „ ma quantitate pecunie consignatet ;
 „ quod non obstante eo , quod Roma-
 „ nus Pontifex Carolum pro Rege Hun-
 „ gariæ agnoscit jussit , ipse Wences-
 „ lao contumaciter adhæreat , quod
 „ Henricus Frater ejus Ecclesiæ , & de-
 „ polita bona in eisdem , & fidelium
 „ auferri , & extrahi , Vidoras Dœo de-
 „ dicatas , & Virgines extractas viola-
 „ re non est veritus ; quod coronam
 „ Sacram B. Regis Stephani cum ce-
 „ teris Regalibus insignijs in Bohemiam
 „ asportantibus consilium , & auxilium
 „ præstiterint , quod præfatus Magister
 „ Joannes predictam Strigoniens. Ec-
 „ clesiæ , ejusque munitiones , & Ca-
 „ strum detinenda ab eodem Bohemæ
 „ Rege resummiens , tot mala per suos
 „ commisit , ut in eorum ferro , & cu-
 „ stodia carcerali plures quam centum
 „ quinquaginta de Jobagyonibus Eccle-
 „ siæ Strigoniens. perierunt , præter vi-
 „ lationes dignitatum , mutilationes
 „ membrorum , incendia , & destructio-
 „ nes Ecclesiæ circumiacentium ;
 „ quodque possessiones , & villas ejus-
 „ dem Ecclesiæ secere desertas , & fa-
 „ ciunt quotidie , denique quod ean-
 „ dem Ecclesiæ per eundem Magistrum
 „ Joannem in 500. millibus marcarum
 „ argenti damnificatam compererit , ex-
 „ ceptis solemnieribus ejusdem Ecclesiæ
 „ Privilegiis , & literis , ac aliis bo-
 „ nis ,

„ nis , quæ de Camera ejusdem Ecclesiæ per suos iniquos satellites sunt excepta . „ Vixit adhuc Emericus anno 1309. quo in variis literis de Choruna compellatum invenio .

Reliquit autem Filium LAURENTIUM Virum clarissimum , sibique omnino Lauren-
dissimilem , qui propter egregiam , quam ^{tius pri-}
Carolo Regi diversis bellis navarat ope- ^{mus de}
ram , Castro Kanisa donatus est , atque
abhinc cum ipse , itum posteri de Kanisa.
scribi , vocarique cooperunt . Faci-
nora vero idem Rex hæc percenset :
„ Cum quidam Andreas filius Gregorii
„ quondam infidelis noster in infideliti-
„ tate sua nobis , utpote Domino suo
„ naturali præsumptione temeraria re-
„ bellaret , ipse Magister Laurentius -
„ relicta societate ejusdem Andreæ ,
„ indissolubili fidelitatis vinculo , no-
„ stræ Majestati adhæsit . - Demum cum
„ nos quandam militiam , seu exerci-
„ tum contra ipsum subjiciendum , &
„ terram suam nostro regimini armasse-
„ mus , præfecto eidem militiæ , seu
„ exercitu in Capitanum Nicolao tunc
„ Comite Soproniensi , nunc vero Banò
„ totius Sclavoniæ , quidam Teutonici
„ potentissimi Barones , præbentes ipsi
„ Andreæ auxilium ; prædictum Nico-
„ laum Banum bello aggressi fuissent ,
„ idem Magister Laurentius per nos ad
„ ipsam expeditionem in succursum dicti
„ Nicolai Baii destinatus , in eodem
„ con-

„ conflictu pro exaltatione nostri regi-
 „ minis & conservatione Republicæ
 „ strenue dimicavit ; ubi obtenta divi-
 „ na præstante gratia , de iplis hostibus
 „ nostris laudabili victoria , idem Ma-
 „ gister Laurentius licet diversa lethা-
 „ lia vulnera in suo corpore pertulerit --
 „ tamen ex iplis hostibus nostris quam
 „ plures Milites , numero fere quadragin-
 „ ta , præter peremptos gladio proprio ,
 „ militiæ suæ probitate nostro carceri
 „ mancipavit . „ A) Si Lazio credimus ,
 Laurentius Mardersdorf , Pfortenstein ,
 & Ginsium possederat , conjugemque ha-
 buerat Margaretham Joannis Baronis de
 Haselau filiam Austriacam , ex qua pro-
 gnati fuerint STEPHANUS , & JOANNES
 II. Filii .

Eius Fili STEPHANUS administrata Præpositu-
 ra Budensi , Ecclesiam Zagrabensem an-
 no 1356. accepit , quam pie , prudenter
 que annos prope 19. gubernavit . In-
 termedio tempore anno videlicet 1363.
 Locumtenens , in sequenti vero Vica-
 riis Generalis Regni Sclavoniæ legitur .
 JOANNES Castra secutus , & testimonio
 Thurozii strenuus Miles , bello cum
 primis Neapolitano inclaruit , adicu-
 que posteris ad summos Magistratus a-
 peruit . Floruit sub annum 1359- atque
 ut Lazius habet , vulgo a Sede apel-
 la-

A) Datae sunt literæ III. Idus Decembr.
anno Domini 1324.

latus Comes de Hoflyn, ex nescio qua
Coujuge, GEORGIUM Comitem de Hof-
lyn progenuit. Atque hic ille fuerit, qui
anno 1405. Cænobio B. M. V. de Ere-
nyes, seu Erményes Ordinis D. Pauli,
quod Majores sui quondam construxer-
rant, peramplos fundos in Provincia Sza-
ladiensi adjecit. Cæterum fide Diploma-
tum certum est, Joanni hos præterea *Joannis*
Filios suisse: NICOLAUM; JOANNEM III. *II. Fili.*
LAURENTIUM II. qui virilem ætatem
non attigit; & STEPHANUM II.

NICOLAUS Tavernicorum Regalium
Magister; ac Comitatum Zaladiensis,
Castriferri; & Soproniensis Comes;
JOANNES ex Præposito Ecclesiæ Strigo-
niensis, Agriensis Episcopus, ac demum
Metropolita Strigoniensis; STEPHANUS
ex Comite Siculorum; Janitorum Re-
galium Magister, ac Comes Simigien-
sis, tandem Soproniensis; quam egre-
giam Sigismundo Regi fidem; & operam
præstiterint; ipsemet suis literis testa-
tum fecit; quanquam autem ex longius-
culæ sunt; quia tamen Historiam illius
temporis in luce ponunt; visum est par-
tem; quæ huc facit; adferre. Narrat
itaque: „ nobis; inquit; sacro diade-
„ mate Regni Hungariæ feliciter Chri-
„ sto adminiculante insignitis; valido
„ contuberchio fidelium nostrorum armi-
„ gerorum præassumpto; una cum eis-
„ dem; & præsertim Natis ipsius quo-
„ dam Magistri Joannis de Kanisa; cum
DECAS I. G „ bi-

*Eorum
laudes.*

„ binis eorum vexillis, & gentibus ar-
 „ matis, uberimæ pluralitatis nostris
 „ obsequiis indefinenter insudantibus
 „ verius, & in Regnum Rasciæ ad in-
 „ star exercituantium potenter, Christo
 „ opitulante, proficiscentibus & Catta-
 „ Cseznek, & Borych appellata intra
 „ ambitum dicti Regni Rasciæ, erga
 „ manus Rasciensium nostrorum æmulo-
 „ rum habita diutius, fortiterque ex-
 „ pugnantibus, annotati Filii quondam
 „ Magistri Joannis, cum effusione fau-
 „ guinum proximorum, & familiarium
 „ eorum, præ cæteris Subditis nostris
 „ tanto fidelitatis fervore nobis aedeſe,
 „ & prodeſſe conſtanter maluerunt, ut
 „ ipliſ æmulis nostris devictis, & dictis
 „ daobus Caſtris ablatis, & noſtris, ac
 „ noſtrorum fidelium manibus laudabi-
 „ liter applicatis indemnes, & illæſi
 „ cum triumpho votive, ad ipsum Re-
 „ gnum noſtrum Hungariæ regreſſum
 „ habuimus eum decore.

„ Porro cum Regna noſtra Dalmatia-
 „ tiæ, & Croatiae antefata per Boz-
 „ nenses ab olim fuiffent occupata, no-
 „ stris plerisque infidelibus - - in Castro
 „ Dobor vocato, in Districtu terræ U-
 „ zura vocatæ, Regni Boznæ, per ipſos
 „ contra noſtram Majestatem in Confi-
 „ niis Regni noſtri conſtructo insudan-
 „ tibus, & non modica maleficia Regni-
 „ colis noſtriſ inferentibus, ſedule pro
 „ ipſis Regnis noſtris Deo opitulante
 „ re-

„ recuperandis , & dictis nostri infide-
 „ libus elidendis , & exterminandis ,
 „ aggregato fidelium nostrorum armi-
 „ gero ingenti cætu ultra fluvium Za-
 „ væ versus ipsum Castrum Dobor - -
 „ progredientes , ipsis fidelibus nostris
 „ filiis Joannis de Kanisa Prælato , &
 „ Baronibus nostris dilectis , cum eo-
 „ rum personis , & gentibus armigeris
 „ nostro lateri jugiter adhærentibus , &
 „ eorum peritis consiliis , & potentia
 „ adeo nobis opitulamina laudis præ-
 „ conio extollènda ibidem achibentibus,
 „ ut ipso Castro Dobor obtento , & in-
 „ fidelibus nostris antefatis , Deo præ-
 „ vio captivatis , & ipsis Regnis nostris
 „ Dalmatiæ , Croatiae reobtentis , &
 „ nostris dominio , ac ditioni reannexis,
 „ etiam annotatum Regnum Boznæ cum
 „ Rege , & incolis suis subiectivæ obe-
 „ dientiæ amictu trabeatis , nostrum ad
 „ conspectum pergentibus , & ad nostra
 „ beneplacita pariter , & fidelia obsequia
 „ jugiter exequenda se ipsos fideliter , &
 „ sincero nisu flectere unanimiter sata-
 „ gentibus , statum reduximus insignito
 „ ad pristinum , & sic cunctis utiliter ,
 „ & condigno moderamine juxta libi-
 „ tum nostræ voluntatis , præcipue me-
 „ diante ipsorum nostrorum fidelium fi-
 „ liorum Joannis ope , & opere con-
 „ summatis , ad nostrum Regnum Hun-
 „ gariz feliciter regidentes . - -

„ Cum nos ad territoria terræ Mol-
 „ duanæ nobis, & Subditis nostris hosti-
 „ liter indefessie resistentis, validum
 „ nostrum movissemus exercitum, Viro
 „ Magnifico Stephano de Kanisa præ-
 „ dicto cum suis Complicibus, & Si-
 „ culis nostris ante nostrum ingressum,
 „ in dictam terram Molduanam factum,
 „ ut noster accessus tutior præfuerisset;
 „ potenter terram ad eandem ingredi-
 „ ente, nōbisque per aliam viam ad
 „ ipsam Molduanam terram proficiscen-
 „ tibus; eodem D: Stephano de Ka-
 „ nisa ad nos, obviam nostri feliciter
 „ accedente, & nobis; nostrisque fide-
 „ libus Exercituantibus iter tutum præ-
 „ benite, nōbisque ulterius progredien-
 „ tibus, & in via arcta pluralitate Olah-
 „ orum, hostiliter sagittarum aculeis se-
 „ vientium vallata progradientibus, va-
 „ riosque conflictus personales in Alpi-
 „ bus, & indaginibus densis, cum
 „ ipsis Olahis; & Stephano Vajvoda
 „ eorum, sic, & adeo perhibemur ha-
 „ buisse, ipso etiam D: Joanne Archi-
 „ episcopo, cum sua armigera comiti-
 „ va lateri nostro fideliter inibi adhæ-
 „ reūte, ut nōbis in terram Moldua-
 „ nam antefatam, ad locum scilicet
 „ ipsius Stephko Vajvodæ personaliter,
 „ Domiho adminiculante, ingredienti-
 „ bus; illico annotatus Stephko Vaj-
 „ voda cum suis complicibus Olahis uni-
 „ veris ad nostra servitia, venia prius
 „ de

„ de inobedientia , & negligentia suis,
 „ a nostro culmine postulata , & enacta,
 „ fideliter exequenda , dataque solita
 „ nostro Fisco in recognitionem domini-
 „ nii nostri naturalis , temporibus con-
 „ gruis per solvenda humiliter se ipsum
 „ inclinavit , & subdere maluerunt et
 „ fective literis vigorosis , & juramen-
 „ tis exinde præstitis seipso obligantes
 „ in præmissis nostræ Majestati .

„ Et cum hoc laudabiliter cum
 „ ipsis fidelibus jam finito , & solidato,
 „ post regressum nostrum ad Regnum
 „ Hungariae factum , instaurato penes ,
 „ & præassumpto ingenti exercitu in
 „ partes Transalpinas , ubi Olahorum
 „ & Turcorum nobis , & Regnis no-
 „ stris obesse satagentium valida agmi-
 „ na versabantur , annotato viro Magni-
 „ fico Stephano cum suis , & dicti Ma-
 „ gistris Tavernicorum nostrorum , Fra-
 „ tris ejus carnalis , tunc ad Regem
 „ Francie , & cætera loca Italie , in
 „ arduis nostris , & regni nostri agendis ,
 „ in legationibus per nos destinati , &
 „ easdem inibi virtuose exequentis ,
 „ proceræ , & maximæ pluralitatis ar-
 „ mis præmunitis vestigiis nostris , &
 „ obsequiis insudantibus ingressum faci-
 „ entes , ipsos Olahos , & Turcos cum
 „ eorum prædecessoribus , & Capitaneis
 „ in sugam redigentes , minus Castrum
 „ Nikapol nuncupatum , vigorose in
 „ dictis partibus Transalpinis situatum ,

„ erga manus ipsorum habitum expug-
 „ nando , & cum maximo cruento quo-
 „ rundam nostrorum fidelium , nece præ-
 „ fertim ipsius Viri Magnifici Stephani
 „ complicum , ferventer inibi dimican-
 „ tium , & lethaliter sauciatorum , sangu-
 „ nis effusione , Christo adminiculante , per
 „ nos reobtentum , & nostrorum Castel-
 „ lanorum manibus proflus applicatum .

„ Medio tempore Inclyta Principe ,
 „ Domina Maria Regina felicis remini-
 „ scentie quondam conthorali nostra :
 „ Dominio imperante , rebus exempta ab
 „ humanis , & Waradini telluris gre-
 „ mio supremo decore commendata ,
 „ aunotato Domino Joanne Archiepi-
 „ scopo pro tuitione Regni nostri per
 „ nos pro tunc deputato , ibidem adhæ-
 „ rente , & cuncta exequiis incumbentia
 „ Reginalibus insignite moderante ; &
 „ his expeditis versus Czessviam , con-
 „ finiaque Regni nostri , per quæ Ladis-
 „ laus Rex Poloniæ , cum Con sorte sua
 „ nobis affinitate annexa , Regnum no-
 „ strum occupare nisus fuit , & toto nisu
 „ voluerunt potenter subintrare , nonnul-
 „ lis nostris fidelibus Subditis fibi af-
 „ sociante , cum suis armigeris genti-
 „ bus obviam ipsius Ladislai Regis ho-
 „ stiliter protinus progrediente , & vi-
 „ am tutam , & suis armatorum catu-
 „ prorsus præcludente , & vetante , om-
 „ nesque tumultus & erroneos insultus ,
 „ ac cuncta jurgia , qui , & quæ præ-
 „ tex-

„ textu obitus ipsius Reginalis , & ob
 „ absentiā nostrā Majestatum intra am-
 „ bitum , & in confiniis Regni nostri emer-
 „ gi potuissent , & oriri valuissent , peni-
 „ tus sua peritia sedante , & fano dog-
 „ mate extinguente , annotatus Domi-
 „ nus Joannes Archiepiscopus prætaxa-
 „ ta Regna nostra condigno moderami-
 „ ne præfulciendo , sub pacis condigna-
 „ tranquillitate indemniter , & indilate
 „ pro nostra reservavit Majestate .

„ Penultimoque dum nos anno , &
 „ tempore , uti prædiximus , proxime
 „ retrolapsis , nomine , & opitulamine
 „ polorum Regis cordiali sincero zelo
 „ Christicolarum salutiferum ritum imi-
 „ tando salubriter , invocatis gentibus
 „ armigeris , & diversorum exterorum ,
 „ & nostrorum Regnorū proceræ , &
 „ ingentis quantitatis feliciter aggrega-
 „ tis , pro cæteris nostris fidelibus , Pri-
 „ matibus , & subditis eisdem Revend.
 „ in Christo Patre D. Joanne Archi-
 „ episcopo Strigoniensi , ac Magnifico
 „ Viro Stephano Filiis quondam Magi-
 „ stri Joannis de Kanisa , Magistro Ja-
 „ nitorum , fidelibus nostris dilectis ,
 „ cum eorum duobus , ac Magnifici Vi-
 „ ri Nicolai Fratris ipsorum carnalis
 „ Magistri Tavernicorum nostrorum , ex
 „ nostro edicto de Regno Bulgariæ an-
 „ tefato , ad ipsum Regnum nostrum
 „ Hungariæ pro tuitione ejusdem per
 „ nos remittentis , cum tertio vexilla-

„ valida armigerum lucide præpollen-
 „ tium Nobilium Virorum , præcipue
 „ consanguineorum ipsorum armata co-
 „ horte laudabiliter , insigniterque suf-
 „ fultis , una nobiscum personaliter ,
 „ & potenter progredientibus , adver-
 „ sus Turcorum , & Bayzath Impera-
 „ toris eorundem , ac cæterorum cru-
 „ delium Paganorum Regni nostri vali-
 „ dorum , & nostrorum æmulorum territo-
 „ ria , ac confinia Regni nostri creber-
 „ rime hostiliter devastantium sævitiam
 „ comprimentam , & ferocitatem eli-
 „ dendam , ad climata dicti Regni Bul-
 „ gariae , ubi ipsorum Bayzath Impera-
 „ toris , & Turcorum , ac cæterorum
 „ Schismaticorum grandis cætus pullu-
 „ labat , applicuisseus , & Vidino , ac
 „ Orchov nuncupato fortissimis Civita-
 „ tibus , & Castris per ipsos Turcos
 „ retentis rigorose expugnatis , & Deo
 „ adminiculante reobtentis , & nostris
 „ ditioni , ac dominio prorsus subjectis ,
 „ ulterius profiscendo , & bellica cer-
 „ tamina cum præfatis Paganis Regni
 „ nostri , & nostris æmulis aggrediendo ,
 „ & diutius in area ipsius certaminis
 „ cum prætaxata fideli nostra comitiva
 „ ferventer bellando , & stragem gran-
 „ dem inter ipsos Schismaticos perpe-
 „ trando , penultimoque fortuna nobis
 „ novercante , & minime arridente , præ-
 „ fatis nostris fidelibus sequacibus præ-
 „ fertim eorundem Filiorum Joannis de
 „ Ka-

„ Kanisa fidelium Prælati , & Baronum
 „ nostrorum Complicibus , & Nobilibus
 „ Viris , ac Consanguineis in prima , se-
 „ cunda & tertia generationis lineis ip-
 „ sis annexis , & plerisque militibus
 „ eorundem , & clientibus antefatis sub
 „ ipsis ternis vexillis eorum , totis ni-
 „ fibus pro nostro , & totius Regni
 „ nostri commodo diligenter dimican-
 „ tibus , tandemque dejectis , proh
 „ dolor ! per ipsos Paganos prorsus in-
 „ teremptis , inviti reflexos gressus fe-
 „ cissimus , & cum ipsis nostris fideli-
 „ bus D. Joanne Archiepiscopo , &
 „ Magnifico Viro Stephano nostro la-
 „ teri pro tuitione nostræ personæ fi-
 „ deliter adhærentibus , per Danubii ,
 „ & pelagi flumina in galeis remigan-
 „ do ad Civitatem Constantinopolita-
 „ nam pervenissimus , ibidem Christico-
 „ las degentes , & per ipsos Turcos
 „ obsecros , & compressos , opitulamine
 „ opportuno , in nomine Domini præ-
 „ fulciendo , & ab eadem per ipsius
 „ freti amnes in præfatis galeis eminus
 „ profiescendo , extremum Deo duce
 „ ad climata Regnorum nostrorum Dal-
 „ matiæ , & Croatiae prædictorum in-
 „ gressum habuissemus , memorati D.
 „ Joannes Archiepiscopus & Vir Ma-
 „ gnificus Stephanus , fideles nostri di-
 „ lecti , per cæteris nostris subditis in-
 „ gentiori sincerae fidelitatis laude digna-
 „ constantia præsigniti , gentibus armi-
 „ „ geris

„ geris cum Cónsanguineis ipsorum au-
 „ tefatis , sub ipsis triuis vexillis uber-
 „ rime tunc ibidem aggregatis , & fide-
 „ liter bellantibus , modo antelato necis
 „ voragine in nostris , & Regni præmissis
 „ expeditionibus validis penitus con-
 „ sumptis & absorptis , ac thesauris , &
 „ cunctis bonis ipsorum ingentis pretii ,
 „ & valoris tunc ibidem -- prorsus deper-
 „ ditis , & alienatis , nos , & nostra obse-
 „ quia inchoata , & Regni nostri agen-
 „ da fideliter , & finaliter virtuose con-
 „ sumando , deferere nullatenus volu-
 „ erunt , se ipsos uti inter fideliores ,
 „ ac ipsorum propria , & dictorum Vi-
 „ rorum Nobilium complicum , & Con-
 „ sanguineorum suorum capita , & cun-
 „ cta boua pro nostræ Regalis personæ ,
 „ & Regni nostri rigorosa tuitione , &
 „ immensa utilitate casibus fortunæ fi-
 „ deliter , & ferventer submittendo uni-
 „ versis . „ Hæc Sigismundus in literis an-
 „ no 1397. datis de tribus Fratribus .

Stephani
II. Filius a dhuc in vivis fuit , genuit Ladislauum
Ladis-
laus II. Comitem Sopronensem , ad quem
 idem Sigismundus Rex , cum bellum in
 Venetos appararet , hæc inter cætera
 perscripsit : „ Quapropter cupientes per
 „ te , & cæteros nostros fideles , emu-
 „ los nostros Venetos , eorumque col-
 „ ligatos , jura , & terras Coronæ Regni
 „ nostri Hungariæ indebite tenentes ,
 „ & usurpantes , omnibus modis , & viis
 „ pos-

„ possilibus facere offendī , te ex Re-
 „ gio affectu hortamur instantissime ,
 „ quatenus ad majorem omnimodam re-
 „ tributionem , & ob præmiativam be-
 „ nefactionem sub conductu , & regimi-
 „ ne unius , vel duorum tuorum poti-
 „ orum , & in factis armorum , seu exer-
 „ cituationum utique peritiorum famu-
 „ lorum : plures gentes , quas poteritis ,
 „ & ad minimum gentes centum Lan-
 „ ceatorum , armis , pharetris , & arcu-
 „ bus , ac aliis ad exercituationem ne-
 „ cessariis decenter , & bene fulciatis ;
 „ prout & id consideramus , facultate
 „ tua inspecta , faciliter te posse facere ,
 „ in expensis tuis propriis , in patria
 „ Fori Julii prædictos nostros hostes ,
 „ & adhærentes eisdem hostiliter insul-
 „ taturas , mittere , & destinare velis , at-
 „ que cures providendo , quod eadem gen-
 „ tes per totum mensē Aprilē proximā
 „ me affuturum A) in ipsa patria Fori Ju-
 „ lii cum effectu constitui possint . „
 Verum bellum istud intra apparatus mo-
 do constitit , Ladislaus vero , quan-
 quam vitam longius produxit , sine hæ-
 rede deceffit .

Nr-

A) Literæ hæ scriptæ sunt Senis in He-
truria anno Domini 1432. die 28. Octo-
bris,

Nicolai hæredes. NICOLAUS contra Stephani II. ger manus, familiam propagavit; atque huic, si recte assequor, Lazius Uxorem tribuit Thomæ Comitis de Bozyn, & de S. Georgio Filiam. E liberis ad virilem ætatem pervenit JOANNES IV. quem anno non adnotato Vajvodam Transilvaniæ fuisse comperio. Ejus Filii erant:

1. LADISLAUS III. qui *Juvenis*, ut Thuroczius inquit, *virtute militari præfans*, pro mænibus Belgradi, cum a Mabomete Turcorum Imperatore obfidetur, adtrrociter pugnavit: alioquin Corynæ domus amicus, cum Mathia de Hunyad captus, & in custodiam datus, inde linteraminum ope in tutum evasit.

Ladislaus III. Neque ita multo post Transilvaniæ Vajvoda præfectus, nescio qua de cau*Friderico* sa, Friderico Imperatori adhæsit, quo *Imp. ad-* ad poenitudine ductus ad Mathiæ Regis *hærens,* a gratiam respexit, eamque impetravit. *Mathia* *Rege in* „ Quia fidelis noster, inquit Rex, di*gratiam* „ lectus Mænificus Ladislaus Kanyfa *recipitur.* „ Vajwoda Transilvanus de fide, & fi-
„ delitate sua, ac Egregii Nicolai de ea-
„ dem Fratris Kanyfa sui, perpetue nobis
„ observanda, literis suis mediantibus
„ nostram Majestatem, præstito corporali
„ Juramento, certam reddidit - - ideo
„ nos - - de & super omnibus actibus
„ injuriis, damnis - - per eos, vel al-
„ terum eorum a die festi B. Andreæ
„ Apostoli proxime præteriti, quo sci-
„ li-

„ licet præfatus Ladislans de Kanisa a no-
 „ stra Majestate de Civitate nostra The-
 „ mesvar discesserat incipiendo, usquo
 „ in præsentem diem tam nobis, & no-
 „ stris, quam aliis quibuscunque Reg-
 „ nolis nostris, qualitercunque, &
 „ quibuscunque modis illatis, & com-
 „ missis - - quietos, & per omnia ab-
 „ solutos redidimus; imo reddimus,
 „ & committimus; ac eisdem capitibus
 „ quoque, & eorum bonis omnibus su-
 „ per præmissis gratiam facimus, præsen-
 „ tium per vigorem. - Datum Budæ in testo
 „ B. Georgii Martyris an. Domini 1459.„

Sub annum 1466. Agazonum Re-
 galium Magister creatus, Catharinam
 nisi fallor, Héderváriam Viduam reli-
 quit cum tribus Filiis: LADISLAO IV.
 ad annum 1493. Dalmatiæ, Croatiæ,
 & Sclavoniæ Bano, Milite quidem egre-
 gio; sed Ordini Equestris, quod armatum
 fere in campo tenuit, admodum gravi;
 JOANNE V. & STEPHANO III. anno 1498.
 & insequentibus Pincernarum Regalium
 Magistro. Atque hi omnes sine liberis
 dececessisse videntur.

2. EMERICUS II. qui floruit anno
1452. & NICOLAO III. Filio defecit.

3. NICOLAUS II. Ladislai Fratris in
errore juxta, atque ad sanitatem redi- *Filius Ni-*
tu socius, cuius Filiorum alter JOANNES colai II.
IV. sine hærede extinctus est, neque
ei quidquam profuit, quod anno 1515. a
Maximiliano Imp. ob navatam olim in
ex-

expugnatione Albæ Regalis egregiam operam S. R. I. Comes in Neuburg ad Oenum , priore familia penitus emortua , creatus est ; alter GEORGIUS varios Magistratus gescit , anno enim 1493. Pincernarum Regalium Magister ; 1498. Dalmatiæ , Croatiæ Sclavoniæ Banus , anno 1502. Banus Nandoralbensis ; 1508. rursum Dalmatiæ , Croatiæ & Sclavoniæ Banus suisse memoratur. Propter Conjugem alteram (duas enim in matrimonio habuit) quomodo notam , quam vocant , infidelitatis incurrit , Wladislatus II. Rex in certis literis ita narrat : „ Desuncta , „ inquit , diebus superioribus quondam „ Generosa Domina Elisabeth , filia Ma- „ gnifici quondam Pauli Bánfi de Lind- „ va , ex Generosa Domina Margaretha „ de Bathor procreata , Uxore sci- „ licet legitima ejusdem Georgii de „ Kanisa ; idem immemor salutis , & „ honoris sui , spretisque tam humanis , „ quam divinis legibus , non multo post „ obitum illius Generosam Dominam „ Claram , Filiam Magnifici quondam „ Joannis de Rozgon , ex Generosa „ Domina Dorothea Bánfi , Filia ejus- „ dem quondam Pauli Bánfi genitam ; „ neptem videlicet præfatæ Dominæ Eli- „ sabeth , Uxoris suæ mortuæ , in pri- „ mo genere , & secundo affinitatis „ gradu , eidem Dominæ Elisabeth at- „ tinentem , contra dispositionem S. Ma- „ tris Ecclesiæ , & publicam honesta- „ tem ,

„ tem , nulla a sede Apostolica dispensatione obtenta , & ut creditur , opis „ potius , quam prolis gratia , in UXO- „ rem duxit , temereque Matrimonium „ consumavit . „ Atque ex hoc altero thoro Georgius sustulit Filium

LADISLAUM V. A) Comitus Castris-*Ladis-*
ferrei anno 1525. Comitem , qui male *laus V.*
apud Lazio Joannes vocatur. De hoc *postre-*
porro idem Author hunc in modum scri-*mus sui*
bit : *vulgo Comes de Lokenbaus , & Ca-*
niscbia appellatus. Ab hoc Maximilianus
Cesar Phorchtenstein tertium emit ; atque
ut a Sigismundo Comite de Haga Neu-
burgensem ad Oeni ripam Comitatum com-
pararet , auxilio fuit. De hoc quidquid
sit , Ladislaus sui generis postremus fuit ,
quanquam enim ex Anna , aliis Cathari-
na Drágfi de Bélthek Filium FRANCIS-
CUM procreavit , is tamen , antequam
pueritiam exceperet , anno 1532. morte
sublatus est. URSULA itaque Filia uni-
ca eodem anno ab Joanne Rege in
sexum masculinum præfecta , & Thomæ
de Nádasd despensa , amplissimarum
opum , & ditionum hæres effecta est.

VII.

A) Sub idem tempus vivebat DOROTHEA de Kanisa duorum Hungariæ Palatinarum Petri scilicet Gereb de Wyngarth , & Emerici de Peren Vidua , singulari pietate fæmina , quæ quadringentos homines pecunia sua conduxisse scribitur , ut eorum , qui in clade Mohatiana occubuerunt , strata pasim cadavera sepelirent .

VII.
O L Á H.

(Fig. II.)

*Olahia-
na Fami-
lia ex
Principi-
bus Va-
lachicæ.*

Quod Hungaris Olah, Latinis Valachus est. Gentile alias nomen in Nicolai Archiepiscopi Strigonienfis, ejusque Familiæ cognomen abiit. Ad Majores quod attinet, eos ad ipsis vetustissimis gentis Valachorum Principibus originem ducere Ferdinandus I: Rex testatur. A) Consentit & ipse Archiepiscopus, qui se ex Danorum genere oriundum non obscure indicat, cum scribit: B) *Mybne propingua nobis junctus sanguinis necessitudine; utpote ex Danorum natus gente.* Danos autem & Dragulas Valachicæ præfuisse idem commemorat in hæc verba: *In bac Próvincia a Majorum nostrorum temporibus ad nostram etatem duæ fuerunt familiæ, in initio ex eadem domo ortæ, altera Dana, a Dano no*

-
- A) In literis anno 1548. datis, quibus immunitates, & arma gentilitia Nicolao Oláho confirmat.
- B) In Hungaria sua Cap. XII. ubi & Majores suos recenset.

no Vajvoda, altera u Dragula Dragulana. - Ex his legitimi Vayvoda creantur nunc Regis nostri, nunc Turcarum Cæsaris promoti viribus.

Apud Scriptores ad annum 1333. occurrit DAN Vayvoda Valachiaæ, qui annos 23. & MIRSCIA Dani Frater, qui annos 28. ei Provinciæ præluiisse scribitur.

Alterius DAN Vayvodæ meminit Sigismundus Rex, cum literis anno *Dan sub 1430.* datis merita Stephani Poharnok *Sigis-* de Berzevicze recenset, ait enim: *mundo* „ ipse Stephanus Poharnok in contiru- *Rege,* „ atione sui primarii itineris ad dictum *tu Vala-* „ Vayvodam Moldaviaæ, ad partes no- *chiæ* „ stras Transalpinas, & ad condam fi- *dejæsus.* „ delem nostrum Magnificum Daan „ Vayvodam ipsarum partium nostra- „ rum Transalpinarum, quem eo tunc „ Radwl, alias Praesnajlana cognomi- „ natus, notorius noster infidelis, „ quem scilicet sevissimi Turcæ, Cru- „ cis Christi persecutores, in Vayvo- „ dam ipsarum partium nostrarum Trans- „ alpinarum, in nostræ Majestatis de- „ spectum præficere, & dictum con- „ dam Daan verum Vayvodam partium „ earundem, per nos constitutum, do- „ minio hujusmodi Vayvodatus sui pri- „ vare conabatur, pluribus Turcis, at- „ que Valachis infidelibus sibi associa- „ tis persequebatur, quique Daan Vaj- „ voda ante eundem Radwl, fortuna „ DECAS I. H „ no-

„ novercante , terga vertens fugiebat ,
 „ idque persensisset statim ipse Stépha-
 „ nus Pohárnok , veluti Miles strenuus,
 „ animositate ductus , ipsitum condam
 „ Daan Vajvodam , sicut præfertur , a
 „ facie suorum æmolorum cum suis fu-
 „ gientem , animando , & confortando ,
 „ ac fuga sagaci , & vigili sua provi-
 „ dentia retrahendo , cum eodem , non-
 „ nullisque aliis nostris fidelibus , Si-
 „ culis scilicet , & Saxonibus , qui in
 „ subsidiū iplius condam Daan Vaj-
 „ vodz acceſſerant , ipſo Stephano Po-
 „ hárnoch per eosdem Siculos , & Saxo-
 „ nes Ductore , & Capitaneo eorum
 „ electo , & constituto , contra præfa-
 „ tum Radwl , Turcosque in fugam con-
 „ vertendo , plurimis ex ipſis in ore
 „ gladii cæſis , prostratis , & captivatis ,
 „ gloriosum de eisdem , & victoriosum
 „ triumphum reportavit . ”

Atque hujus Dan , ut ex ratione
 temporis conjici potest , Filius , certe
 necessarius fuit MAMZILLA ab Argyes ,
 qui Marianam Joannis de Hunyad Guber-
 natoris Regni Hungariæ Sororem , in
 matrimonio habuit , ex eaque plures li-
 beros fustulit . Nicolaus Metropolita
 duos tantum commemorat : STÁNTZU-
 LEM videlicet (fortasse Stanislatum) &
 STOJANUM , sive Stephanum .

Mam-
zillæ Filii rum in Valachia potitus est , & eos ,
 qui ex sanguine Dani erant , partim oc-
 ci-

cidit, partim exilio mulctavit, ab eodem interceptus, & securi percussus, misere vitam finivit. Reliquit duos filios DANUM nempe, & PETRUM, quorum heredes non reperio. De Petro Nicolaus Archiepiscopus haec adnotavit : *Petrus ab Argyres Stan-tzulis filius Patruelis meus scripsit ad me A) bis diebus ex Hungaria, se creatum fuisse in Transalpina Vajecdam per Mabumethum Imperatoris Turcarum Bassam; & cum Regno praesert, missum esse aliquo post tempore a Turca aiium adversae factionis cum exercitu, qui se expulso regnum occuparet; se vero inter duos exercitus, cum hoste singulari congressum certamine, illumque a se vulneratum equo dejecisse, quem dum interficere vellet, Barones Transalpiae, qui sua lingua adiecis duabus literis Bojarones vocantur, persaia usi, vicit lib. rasse, & se cepisse, parteque narium truncata expulisse: sperare tamen se in Dei clementia, quod expulso hoste ignominiam acceptam, armis vindicaturus, regno, virtute potiatur.*

De Stephano suo Patre idem Nicolaus ita scribit : *Puer adhuc Deo sibi propitiatio, illius (Dragule) evadens tyrannidem, configuit ad Mathiam Regem, qui, ut ab ipsomet Patre, & Joanne Borne-misza, ac Ambrofio Sárkány Comitibus*

H 2 in

A) Olahus, cum haec literis prodidit, Bruxellis apud Belgas agebat,

*in Hungaria, qui cum Patre una sub
Rege militabant, postea audivi, decrever-
at eum s̄epenumero ad regnum cum ex-
ercitu reducere; sed Pater videns rerum
mutationes, que imperii gratia illic sunt,
periculosas esse, maluit in Transilvani-
Matrem meam Barbaran Hunzár (alias
Császár) ducere Uxorem, vitamque age-
re privatam, quam in tyrannide & im-
perio, mille periculis subiecto, instar Ma-
jorum suorum interfici. Hactenus Nico-
laus. Addit Ferdinandus Rex in me-
moratis literis: „ Vixisse tamen eum &
„ in Transilvania cum dignitate, quem-
„ admodum virtus ejus merebatur, ut
„ gestis Magistratibus, & vivens in
„ magna omnium dicatur suis admirati-
„ one, & decedens perpetuum sui de-
„ fiderium reliquisse. „ Proles ejus sunt*

*Stojani,
seu Ste-
phani
proles.*

I. NICOLAUS, cuius vitam Ferdi-
nandus Rex eodem Diplomate ita per-
scribit: „ Venisti in Aulam Serenissimi
„ quondam Wladislai Regis Soceri no-
„ strī charissimi: hic & tuapte opera,
„ & præstantissimorum hominum usū, &
„ consuetudine, eam tibi doctrinæ, vir-
„ tutis, & industriæ laudem, quasi lu-
„ cernam quandam parasti, ut Filius
„ Rex Successor, excellentissimus Prin-
„ ceps Ludovicus, ejusque Serenissima
„ Coniux Regina Maria, Soror nostra
„ Carissima, te in Secretariorum, &
„ Confiliariorum suorum numerum co-
„ optarint. At postquam ferentilus ita
„ fa-

*Nicolaus
Secreta-
rius Lu-
dovici
Regis.*

„ fatis , idem gloriosus Rex Ludovi-
 „ cus - in campo ad Moháts patenti
 „ dimicans cecidisset , & in tanta om-
 „ nium conernatione , alii alio dila-
 „ berentur , tu eandem Serenissimam
 „ Sororem nostram , acerbissimo casu
 „ Mariti gravissime perculsam , pene-
 „ que exanimatam , secutus es alacri-
 „ ter ita , & coluisti , ut maximam inte-
 „ gritatis , fortitudinis , & constantiaz
 „ laudem ferres , qua nos deinde , cum
 „ in isto Regno nostro Hungáriæ inau-
 „ guraremur , excitati , te Albenis Ec-
 „ clesiæ Custodem , & gazophylacem
 „ fecimus , ac in Ordinem Secretario-
 „ rum , & Consiliariorū nostrorum ad-
 „ legimus. Quemadmodum autem tua
 „ erga eandem Serenissimam Reginam
 „ Mariam fides insignis fuit ; ita mini-
 „ me obscura ejus erga te voluntas :
 „ ut quæ ab Hungaria discedens , te
 „ unum sere ex omnibus Hungaris de-
 „ legit , quem è conspectu cladium ,
 „ & calamitatum domesticarum , in Bel-
 „ gicum Orbem , in servitiis suis ab Au-
 „ gustissimo Imperatore Carolo V. Do-
 „ mino , & Fratre nostro charissimo ,
 „ ad multarum Provinciarum gubern-
 „ nationem evocata , secum duceret . -
 „ Sic autem versatus es in Belgis , ut
 „ te hominem externum summates jux-
 „ ta , ac infimates omnes amarent , cole-
 „ rent , & observarent : docti autem
 „ homines , ob excellentem omnium bo-

*Custos
Albenis.*

„ narum artium cognitionem, ac lin-
 „ guarum Græcæ, & Latinæ peritiam,
 „ dicendique, & scribendi oratoriam
 „ simul, & Poëticam Facultatem suspi-
 „ cerent, & admirarentur. Ecce autem
 „ Serenissima Soror nostra te hand te-
 „ mere ab Aula sua longius abire,
 „ aut abesse passa est; tamen magnitudi-
 „ ne rerum, quas apud nos gerendas ha-
 „ buit, nec cuivis credere ausa fuit,
 „ commota, te ad nos legavit: quo
 „ tempore quia tibi diutius in Aula no-
 „ stra manendum fuit, nos & præstite
 „ eidem a te Dominæ Reginæ in maximis
 „ rebus, & periculis fidei, & sedulitatis
 „ memoria, ac pietatis, eruditionis, pru-
 „ dentie, dexteritatisque tuæ que in om-
 „ nibus actionibus tuis eminebant, con-
 „ sideratione induci, te simul & Epi-
 „ scopum Zagrabensem, & Cancella-
 „ riū nostrū, eadem charissima So-
 „ rore nostra approbante, & applau-
 „ dente recipiuntiavimus. Quam te vero
 „ præclare munieribus hisce obeundis
 „ geffris, & quantus inde cumulus ad
 „ nostram erga te benevolentiam acces-
 „ serit, vel ex eo satis appetet, quod
 „ tibi is a nobis habitus est honor, quem
 „ Reges nonnisi aut necessitudine aliqua
 „ sibi conjunctis, aut genere, & digni-
 „ tate præstantissimis habere solent:
 „ nempe quod ad Ascipiemandam e sacro
 „ Divinæ regenerationis lavacro Filiam
 „ nostram charissimam Joannam, ulti-

*Episco-
pus Za-
graben.*

„ mo genitam , a nobis fuisti admotus;
 „ & hac sacra compaternitatis ceremonia
 „ ceu obligatus , ut fidem , & di-
 „ ligentiam tuam , quam nobis præsti-
 „ tisti , & charissimæ Conthorali nostræ ,
 „ Serenissimæ quondam Dominæ Regi-
 „ ñæ Annæ , cuius item clementem vo-
 „ luntatem erga te semper propensissi-
 „ mam fuisse cognovimus , eandem li-
 „ beris quoque nostris amantissimis præ-
 „ stes : quod te sedulo , & sancte factu-
 „ rum esse jam ipsa etiam re sedulo
 „ maximis laboribus , atque periculis
 „ suscepis confirmasti. Nam profici-
 „ scientibus nobis e Regno nostro Bo-
 „ hemiæ , in expeditionem Saxoniam ,
 „ ut cum Augustissimo Imperatore Do-
 „ mino , & Fratre nostro ad rebelles ,
 „ hostesque suos & nostros domandos
 „ hæreticorum pernicioseas sectas extir-
 „ pandas , ad profligandasque belli Ger-
 „ manici reliquias conjungeremur , ubi-
 „ que præsto fuisti , teque in ejusdem
 „ Domini Imperatoris , ac nostris oculis ,
 „ inque præsentia charissimorum Filio-
 „ rum nostrorum Serenissimorum Princi-
 „ pum Archiducum Austriæ Maximiliani ,
 „ & Ferdinandi , quorum alter Imperato-
 „ rias , alter nostras copias duxitabat , ita
 „ gessisti , ut Virum strenuum , bonum ,
 „ & fidelem decuit. Eadem alacritate ,
 „ bello Saxonico feliciter , & ex sen-
 „ tenti perfecto , in componendis Re-
 „ gni nostri Bohemiæ seditionum flucti-
 „ bus

„ bus es usus. Cum itaque incredibili,
 „ & plane divino succelui, debellatis,
 „ captis, & triumphatis hostibus no-
 „ stris, ac universa Germania pacata,
 „ in Regnum nostrum Hungariæ reversi
 „ essemus; te ex sede Episcopatus Za-
Episco-
pus Agri-
nosis. „ gratiensis, cui summa cum laude præ-
 „ fuisti, in Agrensem, cuius secundum
 „ Archiepiscopatus in eodem Regno
 „ nostro prima semper dignitas, & am-
 „ plitudo fuit, transtulimus: sp. Et atæ
 „ nobis in illis tempestatibus virtuti,
 „ & fortitudine tuæ convenire arbitrati,
 „ ut qui fuisti laborum nostrorum par-
 „ ticeps, idem quoque novum aliquem
 „ victoriarum nostrorum fructum percipe-
 „ res, donec te uberiori gratia nostra,
 „ quæ tibi nunquam defutura est, ornare,
 „ & cumulare possimus. „

Metropo-
lita Stri-
goniens. Et vero cumulatus est anno 1553.
 die 7. Maii, cum Archiepiscopus Stri-
 goniensis renuntiatus fuit, quo in mune-
 re quid egerit? quia longioribus esse
 non vacat, ex patriis Scriptoribus pe-
 tendum erit. Obiit anno 1568. tumula-
 tusque Tirnaviæ in æde Principe, hoc
 epitaphium habet:

Eius opi-
taphium. Sepultura Reverendissimi, ac Illustris-
 simi Domini in Christo Patris, & DD.
 Nicolai Oláhi Archiepiscopi Strigo-
 niensis, Locique ejusdem Perpetui,
 & Comitatus Hontensis Comitis, Pri-
 matis Hungariæ, Legati nati, Suam,
 & Secretarii Cancellarii, Locumte-
 nen-

nentis, & Confiliaril per Hungariam,
nec non Compatriis Diyorum Ferdi-
nandi, & Maximiliani Imperatorum,
& Hungariæ Regum. Moritur anno
Dominii 1568. die 14. Januar. Vixit
annos 77. dies 5.

Conditur hoc moriens tumulo Ni-
colaus Olahus,
Qui Præfūl vivens Strigonensis
erat.

2. MATTHÆUS, qui „ Magnificus
„ infigrem judicatum Regium, ut Fer-
„ diuandus I, loquitur, Civitatis nostræ
„ Zázváros, & præfecturam salinarum
„ Transilvaniz honestissime gessit. „ Pe-
crus Naunius cum Elegias, & epitaphia
in mortem Matthæi conscripta ederet,
hæc de illo adserit: *Amisit Nicolaus cha-*
rissimum Fratrem Matthæum rebus, an-
nisque florentem, & in quo magnum ipse
& foliatum, & præsidium habebat. Ju-
venis enim ex illustri ortus domo, charis-
simoque natus sanguine, nihil a Majori-
bus suis degenerabat, manu promptus,
consilio expeditus, animo præsens, munia-
quevis & belli, & pacis. quibus a puero
in tutelam, ornamentumque patriæ insve-
rerat, prudentissime, & fortissime exe-
quebatur. Obiit anno 1536. 4. Junii A)
cujus liberos infra recensebimus.

H 5 3. UR-

A) Nicolaus Frater hujusmodi epitaphium
illi concinnavit:

Hoc

3. URSULA duos Maritos habuit, alterum Christophorum Császár, cui Filium Nicolaum; alterum Georgium Bona, cui Natum homonymum genuit. Uterque Bona vivente Nicolao Archiepiscopo fatis præceptus est. Ita enim in Diario, quod lucem nondum aspexit, ipse adnotavit, de illo quidem: *anno 1553. die 24. Decembris Georgius Bona Senior miser mortuus Viennæ hora 12. noctis. Requiescat in sancta pace!* De hoc vero: *anno 1559. die 3. Septembris Mortuus est Georgius Bona junior in Lanser, & Sopronii sepultus.*

4. HELENA Nicolai Oloz Conjux.

Matthæi liberi. Matthæi porro, de quo supra egimus, liberi hi sunt: THOMAS, MICHAEL, & ANNA. Hæc Michaëli Bidi, vel Büdy Comitatus Bereghiensis Comiti nuptum tradita est. MICHAEL cœlebs vixerit? an contra? haud constat, proles certe nullas reliquit, &

an-

Hoc ego qui jaceo quondam Matthæus
in antro

Olahus, Rector, Præses & Urbis'
eram.

Majorum genuit me Transalpinia tellus
Stemmatae præclaro; ast hic velut
hospes eram:

Dum Fratris redditus miro producor
amore,

Interea vitam mors rapit atra meam.

At te non pigeat properantem dicere:
Salve,

Æternumque vale, molliter atque cuba.

ante Fratrem obiit. THOMAS itaque in Facultatum, quas Patrius bene multas paraverat, spem crescebat, jamque matrimonium cum Margarétha Bakits de Lak inierat, cum in ipso flore etatis anno 1559. die 15. Junii communi necessitati Posonii succubuit, ibidemque tumulum invenit, relicta Filia unica LUCRETIA, quæ Joannem Liszthium de Köptsény Maritum accepit, eumque fundis Oláhensis auxit.



VIII.

DE STYBORICH.

(Fig. 12. & 13.)

Stybori-
chii gente
Poloni,

Inter
Hunga-
ros ad-
iecti.

Styborichios natione Polonos fuisse & chii gente nomen ipsum satis prodit, & gentis ejus Scriptores testantur. Sigismundo Marchioni Brandenburgensi, cum apud Polonus semel, atque iterum ageret, præclaram operam navarunt, quem in Hungariam fecuti, in numerum denique Civium adlecti sunt. Exstant eatenus literæ anno 1389. confectæ, quibus STYBORIUS jam Comes Posonienfis: & PETRUS ac ANDREAS Fratres, jure jurando spondet se in fide Regum, ac ordinum Hungariæ futuros, Castra, quibus donati essent, aut deinceps donarentur, pro eorum commodo servaturos, omnia demum, quæ boni Civis officia forent, præstituros.

Anno 1395. PETRUS num obierit ? an in suam Polonię redierit ? exploratum non est : illud constat, STYBORIUM, NICOLAUM Wydowski, & ANDREAM de Podczeschte Carnales, ut Diploma loquitur, Fratres multis latifundiis ab Si-

Sigismundo Rege auctos esse. A) Styborius insuper anno 1397. Vajvoda ^{Stybo-}
Vajvod. Transilvaniæ creatus, eam Præfecturam ^{rius I.} ^{Tranfil-}
 plures annos non sine laude gesit; quam ^{vaniæ.}
 meruisse videri poterat, si modo, quod
 Cromerus narrat, verum sit: eum vi-
 delicet a clade Nicopolitana, cum su-
 gæ locus nuspiam esset, in Danubium,
 ut erat armis indutus infiliisse, ac la-
 tissimum flumen natando feliciter trajecisse
 b). Obortis subinde in Hungaria turbis,
 quibus Rex in carcerem conjectus est,
 non parum Sciborius Sciboricus, inquit
 idem Cromerus, Eques Polonus Sigis-
 mundo commodavit, propterea quod ar-
 mis

A) Andreas certe de Podzesje in fundo
 Castris sui Ugrocz Villam Trebichova
 jam anno 1386. excitavit. Juverit hic
 adferre principium literarum, quas no-
 vis incolis hoc tenore dedit: Nos An-
 dreas Podzesje de Stiborziz, Capita-
 neus Comitatus Trenchin. nec non Do-
 minus Castris Uhronycz notum facimus
 &c. quod cum Dominus noster Genero-
 sus Sigismundus Rex Hungariæ nobis
 prædictum Castrum, una cum oppidis,
 & Villis suis, ac terris vacuis, nostro
 pro honore, ac meritis nostris fidelibus
 nobis concessisset, & contulisset; tan-
 dem nos volentes, ut Domino Regi
 prædicto per nos census augerentur,
 etiam ne terra inanis, & vacua jace-
 ret, sed populorum multitudine decora-
 retur &c.

b) Libro XVI.

mis Polonorum, & Bohemorum, superiores Hungariæ partes Polonie, & Moraviae finitimas, in fide ejus continuit, compitaresque adversariorum munitiones in suam potestatem rededit. Amplissimum facti præmium tulit Styborius, tot enim arcibus, & fundis a Sigismundo cùmulatorius est, ut hos titulos literis, quas dabat, præfigeret: Stiborius Vajvoda Transilvanus, Trinczini, Bisztricziæ, & Nitriæ Comes, totiusque terræ Potažiæ, seu Vaganæ Dominus. Anno 1410. & in sequentibus rursum Transilvania præfuit, sed ætate demum ingraevidente, eo munere sponte decepsit. Abhinc in res sacras munificus Ordini D. Pauli I. Emeritæ Cœnobium Annuntiationis B. M. V. prope Castrum Bolondocz, Canonicis vero Regularibus Ordinis S. Augustini, qui superpellicati dicti sunt, in Oppido Ujhely Preposituram exstruxit. Testatur istud inscriptio pro Foribus Ecclesiæ Principis hodieque superstes, quæ ita habet:

*Condit
Cœnobi-
um, &
Tem-
plum in
Vdgh Uj-
hely.*

Anno Domini MCCCCXXIII. Magnificus Dominus Stiborius, quondam Vajvoda Transilvanæ, Fundator hujus Monasterii, instituit hoc opus Ecclesiæ. Orate pro eo. A)

Sza-

A) In ipsa vero Ecclesia hujusmodi epigraphæ visitur: *Styborius totius Vagi Dominus hoc Templum anno 1423. ædificavit, quod Jacobus Præpositus anno 1690 restauravit.*

Szakolcense quoque Nosodochium
eius liberalitati originem suam debet,
quod ipse a fundo excitavit; Filius
autem ampliori censu, ut infra dicemus,
instruxit.

Styborii I. necessarius fuerit STY-
BORIUS II. Baccalaureus in Decretis,
& sub annum 1413. Ecclesiae Agriensis
Episcopus.

STYBORIUS demum III. Dominus &
hæres de Bolundocz, a) Trinchinii,
Biztricæque Comitatum Comes, nec
non totius fluvii Vágh Dominus, Sty-
borii I. ex Conjuge Dobrochna Filius
lineam Hungaricam clausit, cum non re-
liquisset, nisi Filiam CATHARINAM, quæ
Paulo Bánfi de Alsó Lindva Marito,
opulentissimam dotem attulisse legitur.
Porro hic Styborius Nosodochium Sza-
kolcense, cuius supra meminius, ut in STYBO-
RIO pauperes commodius alerentur, una rius III.
villa donavit. Verba ejusdem sunt, auget No-
s., considerantes, inquit, inopiam, & Sodochi-
um Sza-
,, defectum pauperum videlicet, & mi-
,, se-
kolcensem

a) Bolundocz, Bolondos, hodie Betzko,
arx ad amnem Vagum, quam gratia
sui Morionis Butzko nomine, Styborius
I. suscitasse dicitur. Sed fabulam res
olet; nam locus Betzko jam anno 1228.
existit. Planum id est ex Jacobi Ni-
triensis Episci tabulis, quibus qua-
drantem decumarum vini de Betzko,
erectæ ab se S. Benedicti Mart. de
Rupibus (seu Szalka) Abbatiae donat.

„ ferorum hominum in Hospitali S. Eli-
 „ sabeth in Civitate nostra Galiez per
 „ Magnificum quondam D. Styborium
 „ felicis recordationis Patrem scilicet
 „ nostrum charissimum ex novo funda-
 „ tum, erectum, & constructum com-
 „ morantium; cupientes igitur duode-
 „ cim in numero personis, pauperibus
 „ videlicet hominibus in præscripto
 „ Hospitali perpetuo mansuris, & habi-
 „ taturis defecatum ipsorum supplere,
 „ ipsisque de victu, & amictu, ac aliis
 „ ipsorum indigestiis, & necessitatibus
 „ providere, villam nostram Moravi-
 „ calem Przietersz dictam - - - præfatis
 „ 12. personis pauperibus, deditus,
 „ contulimus, & incorporavimus. Ad-
 „ jecit præterea partem census, qui sibi
 „ ab Urbe Szakolensi pendebatur, lar-
 „ geque dotavit Sacerdotem, qui in eo
 „ Nosodochio Divina obiret. Grata me-
 „ memoria Styborium prosecuti sunt pau-
 „ peres; ejus enim armis in pariete de-
 „ pictis, hujusmodi carmina subjecerunt:

Hæc tulit illustris præclara insignia
Stibor,

Cujus fundata est hæc pietate domus
Candida sinceræ crux Religionis a-
morem

Signat, & in miserum dona pro-
fecta gregem;

Prosperitas gemina crescentis imagi-
ne Lunæ

Pingitur: hac magna significantur
opæ. Hy-

*Versus
illuc ad-
scripti.*

Hydra foyens flamas, raptoribus
indicat ignes,
Qui bona pauperibus diripuisse stu-
dent.

Quantus erat Stibor Christi pro no-
mine Miles?

Frons, galea invicti Martis operata
docet.

Heu mihi! Stiborios generant hæc
tempora paucos;
Cura quibus fervens, pauper inops-
que forent.

A Christo nata fundata est hæc domus
Diæ XIII. Novembris.

Anno M. CCCC. XXXI.

Annum 1434. supremum habuit Sty- *Ultimus*
borius: clarum id est ex literis Sigis- *sui gene-*
mudi Regis ad Comitatum Sárosi- *ris in*
ensem datis, cui cum mandaret, ut im- *Hungä-*
positiones per Concilium Basileensem pro- *ria.*
bello Hussitico constitutas, a quolibet
exigat; subjicit: „ In generales autem;
„ & Principales Capitaneos omnium gen-
„ tum contra ipsos Hussitas exercituare
„ debentium constituimus, & præfe-
„ cimus fideles nostros; Magnificos Pe-
„ trum Cheh de Léwa; alias Banum
„ nostrum Machoviensem, ac Stibori-
„ um de Bolondok, quibus pro eorum
„ dem Banderiis; & gentibus secundum
„ moderationem Prælatorum, Baronum;
„ & Regnicolarum nostrorum de prætactis
„ pecuniis, & impositionibus ab Ecclesiæ-
„ sticis, & Secularibus exigendi dispo-
DECAS I. I „ sitio-

„ sitionem, & solutionem fieri volu-
 „ mus competentem, sub quorum Ca-
 „ pitaneatu adversus dictos hæreticos,
 „ quotiens expediens fuerit, procedere,
 „ & eorum comissionibus & dispositio-
 „ nibus obedire teneantur. „

Verum conclusa epistola his verbis:
 Datum in nostra imperiali Civitate Ba-
 silensis feria 5. post festum B. Ambro-
 si Episcopi anno Domini 1434. Regno-
 rum nostrorum anno Hungariæ &c. 48.
 Romanorum 24. Bohemiæ 15. Imperii
 vero 1. sequentia addit: „ Quia autem
 „ post literarum præsentium expeditio-
 „ nem, fama obitus præfati Styborii
 „ nobis innotuit, ideo loco ejusdem
 „ duximus Magnificum Laurentium de
 „ Hedrehwár, Magistrum Agazonum
 „ nostrorum, omnino sub præmissis con-
 „ ditionibus, prænotato Petro Cheh
 „ Bano in Capitaneum Generalem soci-
 „ andum. „

*Lis prop-
ter ejus
bona.*

Castra Styborii nonnulla Filiæ, ut
 supra memoravimus, cesserunt; reliqua
 ex lege patria in publicum redacta sunt:
 intercessit tamen eatenus, nescio qua
 necessitudine conjunctus NICOLAUS de
 Styborich, litemque obmovit; exstat
 certe eam in rem instrumentum anno
 1435. confectum, cuius principium hoc
 est: „ Nos Mattyus de Palocz, Regni
 „ Hungariæ Palatinus, memorie com-
 „ mendamus &c. Quod inter Serenis-
 „ sum Principem D. Sigismundum Ro-
 „ mano.

„ manorum Imperatorem semper Au-
„ gustum , ac dicti Regni Hungariæ Re-
„ gem ab una ; ac Nicolayko de Sti- *Incer-*
„ boritz Polonum parte ab altera *suntum, que*
„ per Castris - quæstionis materia *exitus ter-*
„ coram nobis mota exsticisset , & exor-
„ ta „ &c. At quis litis exitus fuerit ?
cum Instrumentum integrum haud re-
pererim , incertum est.





IX.

DE UJLAK.

(Fig. 14. & 15.)

Ujlakio. *Majores Hedervárii.* **U**jlakii eosdēm Majores, quos Hedervárii, ut in loco indicavimus, ha-
jores Hedervárii ; quare qui illorum originem al-
tius nosse cupit, ea, quæ de Hedervá-
riis alias diximus, consulat, oportet.
Unum illic prætermisimus, quod anno
1289. Ugermus, vel Ugrinus filius Poth
de Ujlak vixisse reperiatur ; sed quis
horum cum cæteris nexus sit, haud
constat. Cum vero ibidem in Lauren-
tio filio Nicolai dicti Bako defierimus,
ab eodem nun seriem Ujlakiorum ordi-
ri juvat.

Habuit autem hic LAURENTIUS ti-
tulum Magistri, dictus præterea Sela-
vus, seu Tóth, an ab idiomatis illius
peritia ? an quod bona copiosa in ea
Regni parte, quæ Sclavonia dicta est,
possederit ? incertum : floruit anno 1322.
reliquique tres Filios : NICOLAUM II.
cognomine Tóth, aut Konth, LEWKES
seu Lucam, & BARTHOLOMÆUM, at-
que horum duorum nec posteros, nec
acta invenio ; si illud Thuroczii deimas,
quod

quod Bartholomæum in Dalmatia ad Castrum Scekach strenue pugnantem occubuisse referat; Nicolaus autem Pin- cernarum Regalium Magister, & qua- tuor Comitatuum: Nicriensis nempe, Castriferrei, Bariensis, & Varasdensis Comes, in Regno cum primis Neapoli- *Nicolai*
tano inclaruit, ubi quid pro Ludo- *Konth*
vico Rege fecerit, certus extractus ita *geſta in*
habet: quod mortem Domini Andreæ *Regno*
Neapoli-
Jerosolymitari, & Siciliæ Regis *viii- tano.*
dicaverit, & Joannam Viricidam con-
fortex olim ejusdem Andreæ cum Ma-
rito suo Ludovico trans mare profu-
gos ejecerit, & maleficos Ludovico
Regi suppicio plectendos tradiderit,
Regnumque Siciliæ tum cædibus com-
plicum, tum conciliatione inimicorum
iedatum, quietum eidem Regi Ludovi-
co consignaverit. A) Tot facinorum
præmiarum accepit Castrum olim Golgach,
hodie Galgoz dictum, quod quia Sla-
vi Freystak vocant, inde Nicolai posteri *Vajvoda*
a Scriptoribus Fristacii, aut Fristackii *Transilv.*
& Palatini compellati sunt. Cæterum Nicolaus, *tinus*
& Transilvaniz Provinciam Vajvoda, *Hunga-*
& Palatum Regium Prorex semel, at- *rica.*
que iterum administravit Iobiitque sub
anum a nato Servatore 1367.

A) Ex transfumto Michaëlis Országh Pa-
latini de anno 1479. literarum Ludovici
Regis anno 1349. datarum.

Eius Filii

Fuerunt ei tres Filii : NICOLAUS III. BARTHOLOMÆUS II. LEWKES II. Nicolaine ? an Lewkes Filius ? certe necessitudine iunctus fuit STEPHANUS a Sigismundo Rege ultimo suppicio affectus, cui Throcius hoc elogium adscribere non dubitavit : *miles ille tam gloriosus*, inquit, *Hungaros inter omnes, magno laudis præcorio insignitus, Stephanus Kontb denominatus, Dominorum de Hederwara alto de sanguine ortus ; quem nostrum ævum viribus, & virtute non minus præclarum nedum loquitur, verum & resonanti lyra canit.* A) Istud utut sit, BARTHOLOMÆUS II. habuit duos Filios; LADISLAUM, & EMERICUM utrumque ad annum 1412. Machoyensem Banum, Ex Ladislao natus est

Et nepotes.

*Laus
Majorum Ni-
colai IV.*

NICOLAUS IV. anno 1453, Vajvo- da Transilvanie, & Banus Machovien- sis, cuius, & Majorum virtutes in li- teris, quibus ei Castrorum Galgocz, & Temetvény possessionem Ladislaus Posthumus confirmat, hunc in modum recenset. Et de Majoribus quidem : „ Ut illustris origo Viri hujus, inquit, „ ad enarrandum laudes suas, ante- „ quam virtutes attingamus, nobis ser- „ monis origo sit, ipsius inclyta fami- „ lia usque ad ejus tempora laudabi- „ lium Virorum successione ducta, quo no-

„ nobilitate ab avis illustrior exstitit,
 „ eo & strenuitate animi clariores sem-
 „ per peperit Viros, quorum quilibet
 „ vel Palatinatus, vel Banatus, aut
 „ alicuius notabilis Baronis titulo in-
 „ signis, non solum sibi creditum pru-
 „ denter administravit officium, verum
 „ etiam potentibus armis, & gentibus
 „ suis Regum adjutor, patriæque de-
 „ fensor fuit, & columna, certi enim
 „ ex iis pro salute Republicæ, dum
 „ necessitas inguebat, vitam ponentes,
 „ virtutes suas æternæ laudi, fuso fan-
 „ guis commendarunt. ”

Tum ad Nicolaum gradum faciens
 ita loquitur: „ Inprimis itaque id no-
 „ bis, ut fide dignorum hominum con-
 „ testatio prodidit, referendum occur-
 „ rit, quod ipse Nicolaus Vajvoda,
 „ condam gloriofissimo Principe D. Si-
 „ gismundo Imp. tum Rege Hungariæ *Nicolaus*
 „ Avo nostro, beatæ memorizæ, in Curia *IV. quid*
 „ ejusdem annos juveniles laudabikiter *egrit sub*
 „ exegit, in quibus præmaturum sen- *Sigis-*
 „ sum, & adultum spiritum graviter *mundo*
 „ ante se præferens, inter cæteros sibi
 „ coætaneos milites, militum decus
 „ fuit, gloriofumque adhuc eo tunc no-
 „ men, & splendidissimam famam, iu-
 „ genuis mōribus conquisivit; adole-
 „ scientia vero egregie traducta, strenuis
 „ exercitiis ad militares actus sese as-
 „ sumens, futurorum inclytorum ope-
 „ rum suorum fundamenta certis præsa-

„ giis jecit , & ad dignitates , ac ho-
 „ nores , quibus jure insignitus fruitur ,
 „ liberos sibi ascensus comparavit . Nam
 „ quidquid sibi undecimque emolumen-
 „ ti obvenisset , ad patriæ tutelam , ad
 „ arma , & vetera militiæ ornamenta
 „ conferebat , quod vitæ genus ab eo-
 „ dem etiam in hac adulta ætate sua
 „ facile , constanter , & jucunde retine-
 „ tur ; præclaræ autem indolis miles ,
 „ & imperiali obsequio dignus adhuc
 „ eotunc Regiis consiliis admissus inte-
 „ gerrima fide , devotisque obsequiis
 „ præfato Avo nostro , consequenter
 „ que Serenissimo Principi D. Alberto
Sub Alberto.
 „ Regi Hung. Genitori nostro felicis re-
 „ cordii , tum eo tunc , dum post se se uter-
 „ que per successum pro reparandis rui-
 „ nis Regni sui Bohemiæ , seu contra
 „ Teucros , aut alios hostes procede-
 „ bant , quin etiam in aliis cunctis ne-
 „ gotiis gerendis ad tempora vitæ
 „ utriusque eorundem , fidelissima semi-
 „ per sollicitudinis diligentia , & strenuis
 „ actibus non solum inseparabiliter ad-
 „ hæsit , sed & continuo amplioarma-
 „ torum militum agmine astitit , &
 „ succurrit , pro quorum insuper ho-
 „ noris amplitudine saepius proprii ca-
 „ pitis periculum bello , & armis adiit
 „ multorumque charorum militum suo-
 „ rum necem vidit .

Con-

Sub La-
stro, licet satis intempestive, ut ta-
men Domino placuit, vita functo,
dum Regnum nostrum Ungariæ, no-
bis eo tunc apud incunabula & alie-
nam educationem æstatem agentibus,
idem eo tum tutore orbatum, & in-
tus gravissimis odiis exortis fluctua-
ret, & foris graffante dictorum tyran-
nide, innumeris affligeretur malis, ut
pote cum jam ipsi Teucri vastare agros,
diripere villas, homines sine discretio-
ne sexus & ætatis vel trucidare, vel ab-
ducere impune confueverunt, & pene
totas inferiores partes ipsius Regni no-
stri Hungariæ usque ad fluvium Vi-
czæ, & item ex altera parte usque ad
interiora Regni nostri Sclavoniæ vel
miserabiliter vastarunt, vel occupa-
runt, adeoque gravissimo metu jam to-
tum Regnum concusserunt, ut illud im-
pendenti serme ruina positum miseram
sui blasphemorum Christi manibus fo-
lam restare putaret occupationem, præ-
fatus Nicolaus de Ujlak, tunc primum
per itum Magnifico Joanni de Hunyad
Vajvodæ Transilvano Comiti Temesi-
ensi, & Capitaneo Nandoralbenii, ac a-
iliarum inferiorum partium accurrisset,
optimum hoc Virorum par hujusmodi
eorum titulis nomen cujusque acce-
perunt dignitatis, & gloriae restitue-
runt, ipsiusque sublimationis eorum-
dem primordia pulcherrimis quibus-

„ dam victoriis consecrata fuere : locato enim , & dimisso in illis partibus præfato Joanne Vajvoda cum gentibus ipsius Nicolai similiter Vajvodæ - - in primis victrii bello in terra Serviæ prope Castrum Nandor-albense Isac Vajvoda Teucrorum , qui tunc Castrum Zendrew cum tota ipsa terra Serviæ omnino tenebat ; consequenter vero paucis post diebus , eisdem auctoribus , alter Teucrorum exercitus , qui sub Ducatu cuiusdam Meczidbek amplio milite superbus , a gloria præteritarum victoriarum vivi-
 dus , partes nostras Transilvanas solita flagitia aeturus subintrarat , adeo laudabiliter confixisset , ut ipse quoque exercitus Dux , & Filius suus occisi , refusam prædam proprio casu supplererint , suis ibidem complicibus vel fusis , vel captis , & paucis fuga salvatis .

„ Ex quo opere huic Règno ea ac-
 cessit utilitas , ut partium Transalpi-
 narum Vajvoda , qui adhuc progenitorum nostrorum temporibus Sacrae hu-
 jus Regni coronæ rebellando , Teu-
 cris se subjecerat , rursum huic Re-
 gno cum tota terra restituit , quibus quidem felicibus principiis tandem gloriolior , & longe excellentior vi-
 ctoriae cumulus accesit ; factum est enim felicissimo bello , strenuaque magnanimitate dicti Joannis Vajvo-
 dæ ,

„ dæ , & gentium ipsius Nicolai simili-
 „ ter Vajvodæ , in partibus Transalpi-
 „ nis maximum potentia Turcorum un-
 „ dique coactum robur , numero (ut
 „ concorditer fertur) octuaginta millia
 „ hominum , quæ Turcorum Dominus ,
 „ sub conductu Bassæ sui principalis vi-
 „ ces gerentis , in vindictam præteri-
 „ ta nostræ victoriæ , armis , & nu-
 „ mero instructus vastare , jam partibus
 „ Transalpinis fere totis devastatis , e
 „ vestigio in dictas partes nostras Tran-
 „ silvanienses similiter vastandas ingre-
 „ di jussiterit , quod quidem bellum adeo
 „ feliciter gestum , & consecutum est ,
 „ ut antiquis quibusque Imperatorum
 „ triumphis non impar sit ; fusa enim
 „ innumerabilis multitudo hostium , mo-
 „ ribundis longe , lateque cadaveribus
 „ amplissimum certaminis campum ta-
 „ bo fecit indelebilem , cunctis mise-
 „ randæ suæ cladis historiam derelin-
 „ quens , innumerabilibus ibidem hosti-
 „ um majoribus in captivitatem reda-
 „ ctis , amplissimisque thesauris , & om-
 „ ni pretiosa exercitus supellectili in
 „ prædam nostrorum deventis , & di-
 „ vilis .

„ Tot igitur præclaris victoriis
 „ genti nostræ animum , & spem submi-
 „ nistrantibus , cum grandis tandem ex-
 „ ercitus , quorum maxima , & egre-
 „ gia pars ex gentibus ipsius Nicolai
 „ Vajvodæ confecta extiterat , armis
 „ &

„ & numero instructus Regnum Servia,
 „ seu Rasciæ , & Bulgariæ transgressus,
 „ usque ad oras Romaniaæ , quæ omnia
 „ Teucrorum Dominus ab annis occupata
 „ tenebat , viætrici manu penetraasset ,
 „ præfatus Nicolaus Vajvoda constitu-
 „ tos in terra hostili commilitones , &
 „ socios , sua præsentia viduos non de-
 „ reliquit , quin imo novis aggregatis gen-
 „ tibus , per terras inimicas , per medios
 „ que hostes iter faciens , exercitui præ-
 „ dicto se conjunxit , eorumque animos
 „ multis præliis afflitos , succursu robora-
 „ vit . In qua via actum est , ut Civitas
 „ Sophia , & quamplures aliæ Civitates ,
 „ Oppida , Castra , totæque terræ , perfidæ
 „ gentis domicilia nostrorum igne , & gla-
 „ dio vastata sint , & crebris , præci-
 „ pue sex præliis contumacibus ab ho-
 „ stibus reportatae sint victoriæ , totus-
 „ que exercitus , salvus , hostiliumque
 „ hominum præda onustus rediit , mul-
 „ tis hostium vexillis captis , quæ pro
 „ æterna laude horum gestorum ad hæc
 „ usque tempora ostentantur , utpote
 „ tot triumphorum illustrium pulcher-
 „ rima , & præclara monimenta . Ex
 „ quibus secutum est , ut ipse Teucro-
 „ rum Princeps tremefactus , totum Re-
 „ gnum Rasciæ , cum ejusdem terræ
 „ Castris , quæ antiquitus occupata ,
 „ quasi Regni hujus claves tenebat , ma-
 „ nibus Illustris Principis Georgii De-
 „ spoti Rasciæ , hujus Regni membra
 „ fi-

„ fidelis , nomine , & ex mandato Re-
 „ gis Hungariæ recipiendis restituit ;
 „ quæ per eum usque ad hæc nostræ
 „ atatis tempora pacifice , & fi-
 „ deliter possidentur . Rex etiam Bos-
 „ næ eo respectu ad pristinæ obedien-
 „ tiæ , quam negaverat , rediit gremium ,
 „ in quæ hucusque constanter perseverat :

„ Quid multa ? cum tot felicium
 „ rerum successibus abominanda Teuero-
 „ rum tyrannis , ab Hungaricæ gentis
 „ cervicibus cum suis suisset remota ,
 „ præfatus Nicolaus Vajvoda etiam in-
 „ ternis patriæ malis medendis strenujs
 „ pugil curam assumpit ; & quod alii
 „ aut timebant , aut contemnebant ,
 „ ipse pro patriæ salute accuratius
 „ suspiciens , & magnificenter audiens ;
 „ inter cæteros actus suos coacto ex-
 „ ercitū , in nostros latrunculos , & in-
 „ ternæ guerræ auctores , qui partes
 „ Simigenses , & Jaurinetes non fo-
 „ lum vastarunt , sed pene domicilia in-
 „ iis fixerint , expugnatis munitioni-
 „ bus fregit , dissipavit , & ejecit , po-
 „ pulosque terrāum illarum ex hostium
 „ faucibus vi , & armis eripiens , non
 „ solum detimentis , sed etiam detri-
 „ mentorum suspicionibus reddidit , a-
 „ deo ut felices sub ejus umbra aspe-
 „ xerint vindictam hominum scelerato-
 „ rum . Ex quibus omnibus fecutum
 „ est , ut Regno nostro Hungariæ non
 „ solum de externis malis erepto ; sed

„ &

„ & interna pace consopito tota natio,
 „ & Republica Hungariæ , sublatis ,
 „ subinotisque civilibus bellis , & in-
 „ ternis turbibus ; qui paulo ante &
 „ voluntates , & mentes ejus gentis a
 „ se se distraxerant , unione invicem ju-
 „ rata , nos Dominum suum naturalem ,
 „ Genitoris , & Avi Regum suorum
 „ successorem , & heredem , Regem de-
 „ claraverunt , suscepit , & recognovit ,
 „ tamenque congregatione habita , &
 „ personali omnium Majorum ad nos
 „ accessu , fidelissimam nobis obedien-
 „ tiā exhibuit , & ostendit . „ Hacte-
 „ nus Ladislaus Posthumus .

*Magi-
stratus ,
& tituli
Nicolai ,
IV :*
 Ceterum Nicolaus ad plura ho-
 norum subsellia subinde electus est ,
 anno enim 1448. Regni Hung. Vicarius
 Generalis , Vajvodaque Transilvanus , &
 Cumanorum Comes legitur , 1460. vero
 in literis , quas dedit , hunc ipse titu-
 lum sibi præfixit : Vajvoda Transilva-
 nus , Sclavonia , & Machoviensis Ba-
 nus , nec non Comitatum Simigiehisi ,
 & Albensis Comes , quin haud multo
 post Perpetius Comes de Thelchak A)
 apel-

A) Comites de Thelchak , vel juxta La-
 zium Libro 6. de migratione gentium
 de Czelschach , fuerant : ut idem Au-
 thor vult , in Carois quondam celebres ,
 & a S. Ordwyno descendentes , fun-
 datores Gurcensis opulentissimæ Prae-
 posituræ (hodie Episcopatus) & Gre-
 bera .

appellari cepit, quoad demum a Mathia Principe titulo Regis Bosniæ insigniretur. Vitam ultra annum 1475. produxit, duasque Conjuges habuisse legitur; alteram nescio cuius nominis Garaianam, alteram Margaretham de Rozgon Stephani Comitis Posoniensis Filiam. Liberos vero

1. URSULAM Stephano de Peren nupti traditam,

2. CATHARINAM Ludovico de Maroth.

3. EUPHROSYNAM. Hæc Leonardi ultimi Comitis Goritiæ Uxor fuit, quod colligi uteunque potest ex illustri Viro Coronino, qui chartam quampiam ex autographo desumptam, in hæc verba producit: A) *Adnotatio de Phæbo de la Torre, quidnam Georgius Raaz secretus Legatus Regis Nicolai de Bosnia, ad Com. Leonhardum de Görtz coram exposuerit, exhibitis literis fidem facientibus, datis Ujlak die Dominico post Theophoriam anno 1475. Significat vero Rex predictus, observasse se in suo per Italianam itinere varia damna, quæ Goritiensi Provinciae illata fint per Venetos,*

&

bersperg in Lavathall. Jam Nicolaus illud castrum num jure emptionis, a fortassis materno adiverit, quibus vacat, inquirendum relinquo, certe cum hac epigraphe Sigillum ejus conspicitur.

A) In Tentamine Genealogico-Chronologico Comitum Goritiæ pag. mihi 128.

& Præfectum Goritionem, aliosque. Quare cupere Regem, tanquam affinitate junctum, ut Comes Goritiæ ipsius gener bis damnis eximatur, dare id porro consiliis, ut Comes Leonhardus ad ipsum Regem se conferat, reparaturus damnata, & cum alioquin Comes maternam hæreditatem in Hungaria habeat, atque nulla prole gaudeat.

Lauren-
tius II.
postre-
mus stir-
pis.

4. LAURENTIUM II. Ducebat de Ujlak, & sub initia regiminis Wladislai II. Banum Machoviensem, qui cum rès novas moliretur, ab Rege bello impeditus, & Arcibus ac Castris privatus, in ejus gratiam non aliter rediit, quam ut magha boniorum parte decederet. Fuit sub Ludovico II. Judex Curia Regiæ, quo in munere obiit, anno 1524. ultimus suæ gentis, nullo relicto hærede, quanquam duas Uxores in matrimonio habuisset. Prima fuit Catharina Joannis Pongracz de Dengelegh Vajvodæ Transilvani filia, quæ teste Istvánio A) enixa quidem est Filiolum, sed qui non multo post deceperit. Vixit porro Catharina adhuc anno 1510. sed quando obierit? incertum est. Exstat autem Ujlakini lapis sepulchralis cum hac inscriptione:

Hic

A) Historiarum Libro III. pag. mihi 23.

Hic jacet Laurentius Dux Ujlaki
Filius Nicolai Bosniæ Regis *Eius epitaphium,*
Cum Catharina Uxore Anno Domini
M. D.

Sed cum utrumque diutius vitam pro-
duxisse constet, lapide illo annum in-
scriptionis, non item emortualem no-
tari per fese patet. Altera Laurentii
Uxor fuit Magdalena de Bakoz, quæ
sublato e vivis Marito, Ladislao More
de Chwla, Philippi Episcopi Quinque-
ecclesiensis Fratri, in manus convenit.



X.

DE ZRINIO.

(Fig. 16. & 17.)

Ducan-
gii conti-
nuator
Zrinios a
Romanis
Sulpitiis
derivat. **Z**riniorum nomen etatem Ludovici I. Regis non excedit; sed gens ipsa vetustissima est, & jam sub domesticis Hungariæ Regibus titulo Comitum Breberiensium illustris, quemadmodum pro didit Ducangius A) vel potius ejus continua tor, qui etiam eos ab ipsa Urbe Romana ex clarissima Sulpitorum familia derivat. Verba ejus sunt: *Dynastæ in-Zrinio magno semper in Dalmatia, & Croatia potentatu gaudebant, primum ante annum 1347. Breberiensium, deinde Zriniorum nomine cogniti: Comites Breberienses ex antiquo Sulpitorum Romanorum genere orti, Subich a Dalmatis patrio cognominabantur sermone.* Quo autem tempore? quave de causa ex Italia in Dalmatiam commigraverint, nemo hactenus, quod sciām, literis consignavit.

De

A) *Illyrici Veteris, & novi pag. 237.*

De Majoribus porro Zriniorum idem Ducangi continuator ita scribit: *Inter quos Comes MARMOGNIA, de genere Subich forsitan anno 1000. natus, Comitem MARMOGNIAM de genere Subich juniorem, & postea anno 1102. Legatum ad Colomannum missum genuit. Ex quo In Illyri prognatus STEPHANUS Subich de Lyka, co dicti accepto (vel verius confirmato) a Bela Comites IV. Comitatu Breberiensi, Comes Breberiensis dici voluit.* Evenit istud anno Christi 1251. quæ temporis intercapedonum per quatuor generationes extendi verisimiliter possit, aliis æstimandum relinquo. Istud utecumque sit, cum Bela in suis literis plures Nobiles de Breberio, pluraque facta recenseat, juverit earum partem audire, quæ sic habet: „ cum fides nostri STIPCHO Co- „ mes, & JACOU filii Comitis Stephani ; „ GEORGIUS, & DANIEL Comes, filii eorum „ Bribigue Comitis, OBRAD nec non encomi- „ & nepotes ejus filii videlicet Comi- um literis „ tis Budislavi, Nobiles de Breberio, Belæ IV. „ a primævis ipsorum temporibus pa- insertum. „ teruis vestigiis inhærentes tam grata „ semper fidelitatis obsequia, & ubi- „ que attollenda, coram nostræ Majes- „ statis oculis studiosius impendissent, „ ut expugnatis, & effugatis Damaldo, „ & Boyzin, ac Cognatis eorundem, „ qui a fidelitate debita aberrarant, „ contra multos etiam alis adversus Re- „ giam Majestatem resultantes in præ-

„ lio navalī , & terrestri sēpe , ac sē-
 „ piſſime viriliter dimicantes , lauda-
 „ bilem victoriā obtinuſſent , & trium-
 „ phum per omne ſpatium temporis , in
 „ omni ſervitio noſtro immobiles præ-
 „ ftiterint ; ad hæc cum tempore per-
 „ fecutionis Tartarorum , qualitas tem-
 „ poris , & negotii ad partes mariti-
 „ mas nos exegiſſet declinare , iidem
 „ iſpi nos , & noſtros tanquam fideles
 „ noſtri , & devoti , ſedulo receptan-
 „ tes , universa , quæ habebant , ad no-
 „ ſtrum expoſuerunt præceptum , &
 „ mandatum , ſuas perſonas contra in-
 „ fultus Tartaricos , & alios diuersos
 „ fortunæ caſus multipliciter exponen-
 „ do ; quosdam , qui in ipſo eventu fe-
 „ erigere , & extollere contra noſ in-
 „ tendebant , commendabiliter repres-
 „ ferunt . Nos igitur -- Comitatum Bre-
 „ berienſem -- a Progenitoribus noſtris
 „ eis liberaliter datum , collatum , ac
 „ inclytæ recordationis Patris noſtri
 „ privilegio roboratum , quod tamen
 „ caſu dicitur amiffum , plene , & pa-
 „ cifice eisdem duximus conſirmau-
 „ dum . ” Haecnuſ Diploma .

Ex quo patet , jam tempore Belæ
 IV. Regis Comitum Ereberienium fami-
 liam in plures ramos ſuiſſe ſectam ; ſed
 nos miſſis cæteris , qui ad propositum
 non faciunt , Zriniorum Majores , atque
 adeo Comitis Stephani , a quo Lucius
 Tabellam Genealogicam inchoat , Filios
 per-

persequemur. Habuit vero duos, alterum STEPCONEM, seu Stephanum II. alterum juxta memoratum Diploma JACOU seu Jacobum, juxta Lucium autem Georgium A) Comitem Spaletensem, qui in MARCO Filio, ut nonnulli putant, defecerit. At ex Micha Madio temporibus illis suppari clarum est, Marco quoque Filium fuisse, de eo enim cap. 26. scriptum reliquit: *Paulinus Episcopus Scardonensis a Filio Marci de Breberio fuit mortuus gladio. STEP-
co Comes Traguriensis, & totius Sclavonie Banus, Comitatum insuper Bu-
san & Lika Comes Perpetuus lites inter gurienesis.*

Stepha-
nus Co-
mes Tra-
guriensis.

Dalmatiae Civitates obortas feliciter compo-
suit, commercia terra, marique in-
staurovit, Urbem Jablanicham condidit:
ob singularem, qua in rebus agendis
usus est, æquitatem, pii, justique co-
guomine donatus. Ejus Filios quinque,
Filiam unam invenio, quorum nomina
hæc sunt:

K 3

Jo-

A) Cl. Farlatus Illyrici Sacri Tomo IV.
Georgio alterum Filium quoque Joannem fuisse infert ex mandato Pontificio ad Episcopum Scardonensem anno 1337. misso: quatenus super quarto coulanguinitatis gradu dispenset in matrimonio -- contrahendo inter Nobilem Vi-
rum Joannem Georgii Buberio Comi-
tem Clisiæ, & Catharinam Sororem
Nobilis Viri Mladini Scardonæ Co-
mitis.

*Eius
Filius.*

1. JVACHINUS, seu Joachimus Comes Breberienfis, & Spalatensis, anno 1271. Sclavoniae Banus.

2. GREGORIUS I. Comes Almizæ, Tragurii, & Sibenici; imo quod Comitatus omnium fere Civitatum maritimarum teneret, Comes Maritimus teste Lucio dictus est. Floruit anno Christi 1282.

3. MLADINUS I. Comes Traguriensis anno 1276. Spalatensis 1282.

4. PAULUS I. Comes Spalatensis, Clissæ, & Ostrovicæ Dominus, anno 1275. Dalmatizæ, & Croatiae, Banus, Bosnam Stephano Regi Rasciæ, & Jadram Venetis erectam, Coronæ Hungaricæ reddidit, eapropter ab Andrea III. Rege anno 1292. Banus Maritimus, Bosnaque Dominus nuncupatus. Carolum Martellum, ut Rex Hungariæ fieret, omni opera studioque juvit. Ejus mortem Madius in hæc verba consignavit:
 A) Anno Domini 1311. Mense Martii Civitas Zadra a domino Venetorum fuit rebellata, subjiciens se dominio Pauli Banni, & suorum Filiorum, & anno sequenti mense Maji Paulus Banus Nobilis Croatorum obiit ad Christum, & Mladinus ejus Filius in Banum ordinatur. Conjugem habuit Ursam, communes proles infra dabimus.

5. Ni-

A) In Historia de Barbazanis &c. cap. 9.

5. NICOLAUS I. ad annum 1275.
itidem Dalmatiæ & Croatiæ Banus.

6. STANISLAVA Scardonæ in Cœnobio D. Elisabethæ Sanctimonialis A).

Pauli I. porro Filii hi erant : MLDINUS II. qui a morte Patris hujuscemodi titulo usus est : *Mladinus Croatorum Banus, Comes Zadrae, Princeps Dalmatiae, & secundus Bosnenis Banus.* Homo crudelis, & avarus, qui teste Lucio b) omnes Provincias, & universas Civitates maritimas ex arbitrio regebat ; ob id in superbiam elatus insolitis oneribus & contributionibus Croatos, & Civitates maritimas vexavit, Ragusiniisque infectus fuit, Corbavienses quoque Comites, quamvis cognatos a se alienavit, cæterisque Comitibus Croatiæ onerosus evasit. Sed ab his anno 1322. bello victus, nec multo post ab Rege Carolo in vincula conatus, postquam libertatem ægre recuperavit, vitam, moresque commutasse, pioque fine excessisse legitur.

2. GEORGIUS II. Civitatum Dalmatiæ Comes, Mladino Fratri quam similimus eo prorupit, ut Almisanis pyram Privilegio firmare non vereretur. Cæterum & ipse ad frugem rediit, mortemque teste Lucio anno 1332.

K⁴ op-

a) Vide Lucium Libro IV. Cap. XIII.

b) Ibidem.

oppetiit. Conjugem habuit Helenam, cuius proles mox recensemus.

3. GREGORIUS II.

4. PAULUS II. anno 1315. Tragurii Comes, & in numerum Venetorum Equitum adscriptus; anno 1336. Dalmatiae Banus; 1343. Ostrovicza Comes in Diplomatibus potens Princeps nuncupatur. De ejus Filio Georgio IV. suo loco agemus.

GEORGIUS II. autem hos reliquit: PAULUM III. GEORGIMUM III. DEODATUM, quibus Lucius nullos liberos attribuit, & MLADINUM III. qui in Filio MLADINO IV. ex Conjuge Lelca suscepito stemma conclusit. Exstat Tragurii Senioris Mladini epitaphium, quod quia ad eum pernoscendum utcunque facit, non abs re erit hic adjungere, ita autem habet:

Heu gemma splendida jacet sub hac petra

*Mladini
epitaphiu-
m.* Cujus valor periit nunc in fossa tetra Mladinus Magnificus, qui Cliffiaz fuit Comes, suis sola spes, cur tam citato ruit

Georgii Comitis memoriae bonae
Natus, atque Dominus Almisi, Scar-
doniae

Probitatis titulus, morum, & honoris
Ut flos vernans defluit Vir tanti va-
loris

Croatorum clypeus fortis, & ipsa erat
Inter omnes fortior volens sive queat
Ejus

Ejus mortem impiam cerno pro peccatis

Sclavoniæ gentium evenisse gratis
Flete Sclavi nobilem nepotem Bonorum

Largam vestram copiam pacis, &
honorum

Sic preces Altissimo date Creatori
Quod ipse misericors parcat peccatori
Hic Annorum Domini sub cursu mil-

leni

Trecenti insuper atque quadrageni
Octavo, sub mensis die primo
In Calendis Maji traditus est imo
Cum bona sui memoria mors ipsum
voravit

Deo reddens animam, qui mox ex-
spiravit.

GEORGII IV. Pauli II. Filius, Comes de Busaán, & Ostroviza, novum Zrinii *Georgius IV. di-*
nomen a Castro Zrin, quod liberalitate *aus de* Ludovici I. Regis anno 1347. acceperat, *Zrin.*
in familiam suam intulit. Erat vir bello, factisque militaribus insignis, ut qui ab eodem Rège quinque supra sexaginta Castellis donatus esse legitur. Reliquit filiam ELLSABETHAM Thomæ Comiti de Corbavia nuptam, & PAULUM IV. filium anno 1414. extinctum, a cuius morte duo Filii superstites amplissimum patrimonium consecuti sunt, sed NICOLAUS II. anno 1439. improlis decessit, PETRUS I. vero, qui cum alias, tum anno 1416. Turcas insigni clade affe-

affecit, postquam tres liberos procreasset, vita usque ad annum 1452. producta, extremum diem clausit. Filiorum natu maximus PAULUS V. & medius GEORGIUS V. sine sobole obierunt, minimus vero PETRUS II. qui anno 1493. in confictu Modrusensi fortiter pugnans occubuit, duos mares, totidemque foeminas prægenuit; A) nomina eorum sunt:

Proles Petri II. I. NICOLAUS III. civili bello, quo Joannes de Zpolya, & Ferdinandus I. depugnarunt, hujus partes constanter sovit; Uxorem habuit Joannam Torquatam Manliam, Joannis Karlovich Corbaviz Comitis Sororem, eoque matrimonio, cum Joannes sine herede decessisset, ad amplissimas ditiones, & facultates pervenit. Proles infra percensimur.

2. BERNARDUS.

3. MARGARETHA.

4. HELENA. De his, quod memoria dignum fit, nihil reperi.

Proles Nicolai III. Jam NICOLAUS III. de quo supra diximus, genus Zrinianum sex prolibus amplificavit. ternis videlicet Filiis, totidemque Filiabus, quorum anni natales cum incerti sint, foeminas priore loco enumerare placet. Sunt autem

I. HE-

A) Horum pleraque ab eo accepimus, qui Dufresni Illyricum vetus & novum partim continuavit, partim auctius fecit.

1. HELENA Francisci de Táh Liberi Baronis de Stettenberg sub annum 1554. Agazonum Regalium Magistri Conjux

2. MARGARETHA Joannis Alapi de Nagy-kemlék.

3. Anonyma.

4. JOANNES apud Istvánium militari ingenio, & juventa ferox, ac injuriarum impatiens, cum Episcopi Zagrabiensis Arcem Vinodolam obsidione cingit, eoque in opere incautius, quam par erat, versatur crassioris sclopeti globo anno 1541. interfectus est.

5. MICHAEL in fatali clade Mohatsiana anno 1526. occubuit.

6. NICOLAUS IV. Vir immortali memoria dignus, & propter obsidionem Szigethanam, quam anno 1566. usque ad mortem fortiter pertulit, plurium calamo celebratus. Nos hic solum epitaphium, quod paucis Herois vitam perstringit, adscribemus; est autem hujusmodi:

Illusterrimo Comiti Nicolao Zrinio, *Nicolaī*
Torquati ex Sorore Nepoti, a *IV. Szi-*
Carolo V. post Viennam obsidione so-*gethani*
lutam, quod in ea adolescens adhuc, *epitaphi-*
& tyro, multa, & præclara conse-*um.*

ciflet, equo, auroque donato ad Bud-
dam, & Pestum pulchra per faci-
nora summa cum laude probato: Croa-
tiæ, Slavoniæ, & Dalmatiæ Baro,
Tavernicorumque Regalium in Pan-
no-

nonia Magisterio, summa cum prudentia functo, copiis Cæsaris ad dextrum Danubii latus a Ferdinando I. & Maximiliano II. Imp. Præfecto, viatis sèpissime, fugatis, cæsisque hostibus, infastissima postremum, funestissimaque Szigethi expugnatione, cuius Arcem contra innumerabilem Solymani Turcarum Principis exercitum, facta eorum ingenti, & memorabili strage diutius, quam viribus par fuerat, defendit, defuncto ibidem Solymano totius Orbis flagello, pulcherrime absunto, bellicæ gloriæ fortissimo, invictissimoque Duci de se, publicoqe. B. M. P. P.

Vixit annos XLVIII. occubuit VII.
Sept.

Anno Virginei Partus MDLXVI.

Duas in matrimonio Conjuges habuit, alteram Catharinam filiam Ferdinandi de Frangepan, cui Chákthornyx sepultæ & ipse additus est, alteram E-vam filiam Justi de Rosenberg, & ex utraque copiosam sobolem suscepit, eu Filiorum, Filiarumque Catalogum!

1. JOANNES II. natus anno 1545. maturam ætatem non attigit.

2. HELENA nata 1546. primum Christophoro Orszagh de Guth Judici Curiæ Regiæ, deinde Stephano Balassa de Gyarmath elocata. Exstat in Templo Szolosnicensi Provinciæ Posonien-sis epitaphium eidem a Marito Stepha-no

*Proles
Nicolai
IV.*

no appositum, sed quia diffusum est,
nec ad notitiam Historicam quidquam
complectitur, primos solum, & extre-
mum versus hic adscribere placet:

Hoc Helenæ Zrinii sunt artus mar-
more clausi,

Cujus cum Christo mens requiescit
ovans.

Ante diem cecidit, viridi ceu messis
in herba - -

Luxit ubi octava Julius Orbe die.

3. CATHARINA nata 1548. Fran-
cisci Thurzo de Bethlempalva, eoque
defuncto Emerici Forgach de Gymes
Consors.

4. GEORGIUS VI. natus 1549. mor-
tuo Patri in munere Tavernicorum Re-
galium Magistri suffectus est, quem ille
Magistratum usque ad mortem, quam
anno 1603. oppetiit, insigni cum laude
administravit. Nicolaus Istvanius A) hoc
ei elogium adscripsit: GEORGIUS, in-
quit, Comes Zrinianus, Nicolai Szigetha-
na obsidione clari Filius, Vir & ipse
summæ virtutis, & fortitudinis, nondum
plane senex, cum quartum & quinquage-
simum annum ageret, vitam cum morte
commutavit, qui supra peritiæ militaris
opinionem, multo etiam splendore libera-
lis vitae militariumque alumnorum copia,
cultuque familiæ Pannonicorum Procerum
lon-

*Elogium
Georgii
VI.*

longe clarissimus habebatur. Ex gemina Conjuge Anna videlicet Comite ab Arco, & Sophia de Stubenberg quos sūcēperit liberos infra exequemur.

5. DOROTHEA Maritum habuit Balthasarem de Battyan Dapiferorum Regalium Magistrum.

6. URSULA; cui Gabriel Bucellinus primum Conjugem tribuit Joannem Reni (at ego Prényi legendum existimo) alterum Nicolaum Bánfi de Alfo Lindva. A)

7. BARBARA nata anno 1554. quæ Alexio Thurzo de Bethlehemfalva Perpetuo Comiti Scepusiensī in manus convenit.

8. MARGARETHA nata 1555. quam Nicolaus Drugeth de Homonna in thori societatem adlegit.

9. MAGDALENA primum Stephano Teleki (ut idem Bucellinus habet) deinde Jacobo Comiti a Turri enupta.

IO. ANNA.

II. WOLFGANGUS, aliis Christophorus.

12. NICOLAUS V. qui quidem tres postremi in tenera ætate extincti sunt.

Ex

A) Hic Bucellinus interjicit JOANNEM B. de Kollowrath Consortem, quam cum ceteris, quæ consequuntur, ex altero matrimonio progenitam notat.

Ex Georgio VI. nati sunt duo filii *Proles*
 NICOLAUS VI. & GEORGII VII. ac fi-
Georgii
VI.
 lia unica SUSANNA, quæ in duplice con-
 nubio fuit: altero apud Georgium Li-
 berum Baronem Lenkovich, & post-
 quam hic naturæ debitum solvit, altero
 apud Nicolaum de Nádasd. NICOLAUS
 VI. in ipso flore ætatis vitam clausit,
 nulla omnino sobole ex Anna de Ná-
 dasd, ut Bucellino fides haberi possit,
 cum Nicolao alteram quoque Conjugem
 Elisabetham Széchy de Rimaszéch at-
 tribuit.

GEORGII VII. Fratri superstes an-
 no 1622. sub finem Comitiorum Dal-
 matiæ, Croatiae & Sclavoniae Banus renun-
 tiatus est. In ejus laudes Ratkajus A)
 ita effunditur: *Nihil*, inquit, *erat*, *una*
duntaxat *cultiorum* *literarum* *peritia* *ex-*
cepta, *aut* *militari* *Heroe*, *aut* *summo*
Principe *dignum*, *quod* *in eo* *desiderasse*.
Venationes, *equestris* *ludos*, *militarem*
exercitationem, *armorumque* *usum*, *gra-*
via *item*, *maturaque* *confilia*, *ac* *sermo-*
nes *eruditos*, *suo* *id* *exposcente* *tempore*
in *deliciis* *babebat*; *parvis*, *mediocribus*,
maximis *æque* *gratus*. *Tantus Vir* *invi-*
dia, *atque* *æmulationi* *Wallensteinii* *Cæ-*
sarei *Archistrategi*, *quem* *generofioribus*
verbis *forte* *pugerat*, *anno* *1626* *succubuit*.
Rem idem Ratkajus *hunc* *in* *modum*
nar-

A) In Memoriis Regum & Banorum Dal-
 matiæ Libro V.

narrat: *Zriis ulciscendi tentatis modis, cum se nihil proficere animadverteret Wallensteinius, convivii tempore, raphani radicem, quam Zrinius avidius esitare solebat, ei veneno tintam porrigit, edentemque inficit. Eo tabefactus, subita correptus aegritudine, e castris Posonium devictus, cum nihil Medicorum ope proficeretur, vir præstantissimus in ipso ætatis flore, cum vix trigesimum excessisset ætatis annum, Banatus vero quartum, omnium commiseratione, mense Decembri extinguitur. Cadaver Chaktornyam delatum in templo D. Helenæ apud Paulinos tumulis Majorum apposuit Coniux Catharina Szechy de Rimaszéch (quæ subinde Micolauim Malakócezi Liberum Baronem de Szomzédvára Mariatum habuit) & duo Filii*

*Filiis Ge-
orgii VII. nomen alteri NICOLAUS familiæ
sue VII. Regnum Dalmatiæ, Croatiæ,
& Sclavoniæ Banus, Agazonum Regalium Magister, Comitatum Szaladienlis,
& Simegiensis Supremus Comes, Prædii Legradiensis, & Insulæ Muraköz Capitaneus, Vir tota late Europa factis
militaribus celeberrimus, quemque Alexander VII. Romanus Pontifex sua
imagine, Philippus V. Rex Hispaniæ aureo vellere, Ludovicus Rex Galliæ
dignitatè Paris Franciæ, Bavariæ, &
Wirtembergiæ Duces Patris nomine,
Cardinalis Barberinus annuo stipendio
honestarunt. Obiit Heros meliore fato
dig-*

dignus anno 1665. die 18. Novembr. ab a pro inter venandum gula , ventreque foedum in modum disceptus. Mortuum Galli , Germani , cæterique populi , orationibus , epitaphiis , epicediis certatim dilaudarunt , e quibus Collegii Herbipolensis quamquam longiusculum ita habet :

Nicolaus Zrinus hic est :

Qui animos in pectore , victoriam in nomine ,

Fulmen in matu , serenitatem in vultu ,

Prudentiam in consiliis , felicitatem in armis ,

Quacunque gressus tulit , circumtulit .

Virtutis Comes , Dux fortunæ ;
Illam sociam semper habuit , hanc Duce-
cem nunquam

Pafus est , ne cæcam sequeretur.
Unde belli tam serius in agendo
fuit ,

Quam domi in pace serenus ,
Ubique Serinitus .

Nunquam fersus in negotiis ;

Quam a fronte occupavit semper
occasione ,

Calvam expertus est nunquam.
Prudentiam Fabii habuit sine cuncta-
tione

Fortunam Alexandri sine temeri-
tate .

Eum experti sunt

DECAS I.

L

Tur-

Turcæ in igne Sampsonem.

Ad Quinquecclesias, & pontem Esze-

kianum,

Quæ flammis domavit.

Tartari in aquis Moysen,

Quos ad Neo-Zrinium in flumen egit.

Hujus illi vorticibus maluerunt peri-

ire.

Quam illius fulmem acinacis experiri.

Canisam virtute sua terruit,

Quam in fatis fuit, non vinci,

(Plura hic absorbet dolor)

Virtus supra æmulationem fuit, non

supra invidiam,

Cui etiam fortuna aliquando in-

vidit.

Animi robore securus,

Ne sui timerent, metum in ho-

stes misit,

Ut sequerentur in pericula, præ-

ivit,

Ut vincerent, hostes ante suis con-

siliis impedivit:

Tantus terror hostium, quantus

amor suorum!

Ecclesia suum Machabæum cre-

didit,

Redivivum Scanderbegum Ottomanus

timuit,

Hunc maximum Seculi nostri He-

roem,

Aper ignobilis prostravit.

Sic rebus mortalibus illudit Deus;

Ut maximis majorem se ostendat.

Ni-

NICOLAUS g̃ominum [matrimonium *Ejus pro-*
contraxit, primum cum Eusebia filia *les.*
Gasparis Draskovich de Trakoſtyan,
quā sterilis, nulla relicta sobole, fatis
concessit; alterum cum Maria Sophia
a Lubl Matre MARIE CATHARINÆ,
& ADAMI Agazonum Regalium Magi-
ſtri. Hic Patris exemplo fere in
campo fuit, vitamque, quam inter bel-
la exegit, belli etiam posuit anno
1691. ad Szalankemenum a Turcis cæ-
fus. In connubio habuit Mariam Ca-
tharinam a Lamberg, sed connubii
fructum ex ea nullum vidit.

Alter filiorum Georgii VII. fuit *Petrus*
PETRUS III. a morte Nicolai Fratris
Dalmatiæ, Croatiar., & Sclavoniar. Ba-
nus. Multis cum bello Svecico, tum
Turcico interfuit præliis, eaque vir-
tutis, ac fortitudinis militaris edidit
specimina, ut famam, gloriariamque Fra-
tris æquatus videretur, nisi se con-
jurationis, cui ob negatam præfectu-
ram Caroloſtadiensem accessisse puta-
tur, nota aspersisset. Hujus causa cap-
tus, primum Viennam, inde Neosta-
dium in custodiam perductus, ibidem
anno 1671. dié 30. Aprilis fecuri percus-
sus est. Vixit in matrimonio cum Catha-
rina de Frangepan, ex qua nati sunt

1. PETRUS IV. nonnullis Balthasar, *Petrus*
Patris crimine fortunis omnibus ever-
sus, ac suspicione insuper afflatus, ne
IV. ulti-
eius exemplo turbas daret, Tyrolen-
"mus fa-
miliæ,

sis, & Græcensis arcis annos quatuor, viginti incola, vitam carcere, solitudine cæterisque incommodis afflictam finivit anno 1703.

2. HELENA Francisci Rakoczi, & Emerici Tökölyi Conjux. Obiit Nicomedia in Afræ eodem, quo Frater Petrus, anno 1703. die 18. Februar, cuius epitaphium Gerardus Cornelius Driesch A) hoc adsevit:

Hic requiescit ab Heroicis laboribus,

Virilis animi mulier,

Sexus sui, ac Seculi gloria,

Celsissima Domina Helena Zerinia,

Zeriniæ, atque Frangepaniæ gentis

Decus ultimum.

Tökölii Principis Uxor, olim Rakoczii,

Urtoque digna Conjuge

Magnis apud Croatas, Transilv. Hung. Siculos

Inclyta titulis

Factis ingentibus toto in Obe clarior,

Varioꝝ æqua, mente fortunæ casus experta;

Par prosperis, major adverfis,

Cumulatis Christiana pietate bellicis laudibus

Fortem Domino reddidit animam,

Mortem eluctata

In suo florum campo

Ad Nicomedensem Bythiniæ finum

Anno salutis 1703. ætat. 60. die 18. Febr.

3. AURORA VERONICA.

A) In Historia Magnæ Legationis Cæsarœ pag. 492.


Q. A. M. D. G.

Fig. 1.



Anni . 1455 .

Fig. 2.
15 31 .



Stephani de Be
Palafmi .

1519 .



Fig. 6.



Fig. 8.
Ioan de Hedervára



Fig. 9.



1407
Stephanus
de
Kanisa

Fig. 13.



Stephanus
de Palafmi
Anno
1410

Fig. 14.
13 63



Ex
Conc
anno


Banus
14



DECAS I.

Fig. 4.

Fig. 4.
14. 10.



Stephan de Chetack



Anno 1594.

Fig. 10.



Machovienſ.

67

Fig. 15.



Fig. 12.
Anni 1595.



Wayv Trans

Fig. 11.
Nicolai Oldhi Strigon.
Archiep 1560.



Fig. 16.

Fig. 17.



Anno 1620.



Fig. 3.



COLLECTANEA
GENEALOGICO - HISTORICA
ILLUSTRIUM HUNGARIAE
FAMILIARUM,
QUAE JAM INTERCIDERUNT.

E X
MS. POTISSIMUM ERUIT, ET SCUTIS
GENTILITIIS AUXIT
C A R O L U S W A G N E R,
CONDAM BIBLIOTHECAE UNIVERSITATIS REGIANE
BUDENSIIS CUSTOS.

D E C A S II.

Cum XI. Scutis gentilitiis æri incisis.

*POSONII, PESTINI, ET LIPSIÆ,
TYPIS ET SUMPTIBUS
JOAN. MICHAELIS LANDERER, DE FÜSKÚT*

CONSPECTUS FAMILIARUM

D E C A D I S II.

- I. CHE DE LÉVA.
 - II. CORBAVIAE COMITES.
 - III. ERNUSTH DE CHÁKTORNYA,
 - IV. ——— DE FRANGE PANIBUS.
 - V. DE S. GEORGIO, ET BOZYN COMTES.
 - VI. ——— DE KISWÁRDA.
 - VII. ——— DE PALÓCZ.
 - VIII. PETHÓ DE GERSE.
 - IX. ——— DE ZÉCH.
 - X. ——— DE ZECHEN.
-

I.

CHEH DE LÉVA.

Insignis Regni Bohemiz Scriptor Balbinus, de origine Chehiorum hæc literorum originis consignat: A) *Illustrißimam*, inquit, ^{gine opino Ba-} *& generoſiſſimam stirpem*, quæ aliam aquibini. *læ cum pede aureo, in campo sanguineo,* aut etiam albo gestat, *Trapacz Poloni* appellant, nos Czabeliczkios vocamus. *Dif-* *fusa hæc familia in Hungariam (ubi ob* *suam originem Chebi appellati sunt) in* *Poloniam, Italiam, cum iisdem insigni-* *bus propagavit genus.* — — *In Poloni-* *am venit anno 1381. Tropacz primus Pa-* *rens in Polonia horum armorum; jam-* *que fese in decem stirpes diviserunt. Hac-* *tenus Balbinus.*

Joannes Sinapius contra de eorum origine Scriptorum Polonicorum sententias colligens: B) Simon Okolski, inquit, ^{Scripto-} *in Orbe Polonico Parte III. pag. 258. rum;* ^{rum Po-} *sub titulo Topacz* schreibt also: *Originem* *babent in Regno a Slavis, ut dicit Dlu-* *goffius in hæc verba: Topacii genus Hun-* *garicum, quod Casimirus Magnus ex Hun-* *garia attraxerat propter eorum militiam,*

A) *Miscellan. Decade II. Libr. I. Cap. VIII.*
B) *Schlesischer Curiositäten. Part. I. p. 895.*

& virtutes. Erant viri robusti, ad bellum valentes, a Slavis ortum ducentes. Bielscius etiam de hoc fol. 257. quod Topacz erat cognomen militis Slavonici, ex Rakorum terra, qui una cum his in Regnum pervenit, qui militarem operam Serenissimo Regi Poloniae, & Hungarie Ludovico detulerant cum scuto, & lancia anno 1381. Idem Okolski pag. 259. Topacz primus parens armorum Slavo-Ragusaeus. Hæc, ut dixi, Sinapius.

Petrus A. gazonum Reg. Magister. Cæterum quis primus in Hungariam delatus sit? incertum est; ego in clausulis Diplomatibus ad annum 1404. offendō PETRUM Cheh dictum. Praeternam is haud multo ante Sigismundo Regi navavit operam; cum enim hic primum carceri inclusus fuisset; atque inde ad colligendum exercitum in Bohemiā evasisset. Petrus circumlato armorum terrore; Hungarorum alios in fide Regis continuisse; alios ad obsequium ejus reduxisse legitur. Tuit vero operæ præmium, Dynastiam cum primis Levensem, & Agazonum Regalium Magistrī munus, in quo ad annum 1418. vivisse comperio. Machoviam Banus anno 1427. atque aliquot post annis Transilvaniā Vajvoda gubernavit. Provinciæ Bodrogliensis plures possessiones, quas Joānni de Korogh pignori opposuerat, anno 1435. recepit. Moriens reliquit filium LADISLAUM, qui a paterno munerē deinceps Vajdai, seu Vajvodæ filius dictus est.

Sub

Sub Wladislae Polono , & Ladislao Posthumo Regibus , cum Bohemi per Hungariam late prædas agerent , ad eorum societatem se adiunxit , & Sághiense Sacerdotium barbarum plane in modum devastavit . Graviter etapropter questus fuit anno 1446 . Præpositus Paulus , ut C. Ladislaus de Palócz Judex Curia Regia Capitulo Vaciensi inter cætera scribere non dubitaverit : „ quomo-
 „ do Egregius Ladislaus filius Petri *Ladisla-*
 „ Vajvodæ de Léva , una cum Ladislaus *us Sághi-*
 „ de Fys &c. aliisque suis familiaribus *ensem*
 „ Hungaricis , & Bohemis , Equitibus sci- *præposi-*
 „ licet , & peditibus tempore inchoatio- *turam de-*
 „ nis guerrarum præteritarum primitus , *vafiat.*
 „ & prius ad dictum Monasterium ipso-
 „ rum exponentium manu sacrilega ,
 „ valvam dicti Monasterii confrangen-
 „ do , omnia ornamenta sacerdotalia
 „ videlicet : casulas , albas , cappas pur-
 „ pureas , & coccinas , cum attinentiis
 „ earundem diversi laboris , pallasque ,
 „ & mappas altarium , ac vexilla un-
 „ decim , calices argenteos deauratos ,
 „ & alia sacra clenodia præfati Mona-
 „ sterii , ampullas , & thuribula argen-
 „ tea deaurata , Missalia quoque , & alios
 „ libros , nonnulla etiam privilegia , &
 „ literalia instrumenta — — abstulis-
 „ sent . Insuper nonnullorum Privilegio-
 „ rum sigilla pendentia in ferico — —
 „ abscidissent , universos etiam Fratres
 „ in eodem Monasterio degentes dire ,
 „ &

„ & acriter verberassent , omnibusque
 „ vestibus , tunicis videlicet , scapulari-
 „ bus , cappis , & caputiis spoliaffsent ;
 „ res etiam , & qualibet bona tam pre-
 „ fati Monasterii , quam etiam Jobba-
 „ gyorum ipsorum in ipsa Saágh com-
 „ morantium , nec non universa eorum
 „ pecora , & pecudes cum rebus , &
 „ clenodiis domorum penitus , & omni-
 „ no ad dictam Léva depuli , A) & au-
 „ ferri fecissent , in quo ipsis exponentibus
 „ plusquam 16. millia florenorum auri
 „ damna intulissent . „

Joannis I. Ex Ladislao genitus JOANNES I.
conjugos. estate Mathiæ Corvini floruit. Tres con-
 juges habuisse , memoriarum proditum est,
 Prima sub annum 1476. Hedvigis , Reli-
 ca Nicolai de Kompolth , altera Anna
 Paxy de Pákos , postrema denique Ma-
 gdalena Országh de Guth , quæ Marito
 superstes Francisco de Haraszt in manus
 convenit. Ex hac BARBARA Joannis Pod-
 manyiczki de Podmany uxor.

Sigismundus bona redimit. Ex Anna Paxy vero , natus est
 SIGISMUNDUS , Bariensis Comitatus Co-
 mes , Majorum suorum seu negligentia ,
 seu prodigalitate huc delapsus , ut pro-
 redimendis latifundiis viginti septem mil-
 lia florenorum , magnum sane id tem-
 doris pretium , levare debuerit. Testes
 sunt literæ Conventus S. Benedicti de juxta
 Gron anno 1503. exaratae , quæ Sigismundi

A) Ita exerte autographum.

di sic meminerunt: „ quomodo ipse pro
 „ nonnullis arduis suis necessitatibus,
 „ ipsum summe urgentibus evitandis,
 „ & præsertim pro redemptione bono-
 „ rum hæreditariorum, & possessionum,
 „ ac etiam castrorum, utpote Németh-
 „ újvár in Castriserrei, Revisthye in
 „ Bariensi; item Castri Owár, & Ca-
 „ stelli Thomycza in Posega, Newua
 „ similiter Castri in Valko Comitatibus
 „ existentium, & habitorum, quæ qui-
 „ dem Castra, nec non bona, & pos-
 „ sessiones hæreditariæ suprascriptæ, in-
 „ primis per olim Ladislauum, filium
 „ quondam Petri Chéh de Léva, &
 „ tandem per Joannem filium dicti La-
 „ dislai, Patrem scilicet prædicti Sigif-
 „ mundi variis modis: quædam perpe-
 „ tue, quædam vero titulo pignoris alie-
 „ nata exstitione; idemque Joannes
 „ certis, & multiplicibus debitibus tam
 „ Christianis, quam Judæis, eorumque
 „ usuris se implicuisse, & obligasse,
 „ quæ quidem debita omnia, Judæo-
 „ rumque usuras idem Sigismundus post
 „ obitum dicti Joannis Patris sui ple-
 „ narie exsolvere compulsus fuisset:
 „ pro quorum omnium satisfactione, at-
 „ que Castrorum, & possessionum sua-
 „ rum præscriptarum redemptione, ab
 „ Egregio Dómino Francisco de Ha-
 „ rafszth, nec non Generosa Domina
 „ Anna de Pakws Consorte ejusdem
 „ Francisci de Harafszth, idem Sigismun-

„ dus de Léva viginti septem millia
 „ flor. auri puri Hungaricalium, justi,
 „ & veri ponderis, prout nobis retu-
 „ lit, levasset, atque recepisset. „ Hac-
 tenus dictæ literæ. Quadriennium non
 integrum effluxit, cum Sigismudus par-
 simonia usus, & nomen apud Harasz-
 thium expunxit, & cæteras Dynastias
 a scœnore liberavit. Multæ illi abhinc,
 gravesque lites cum Civitatibus Mon-
 tanis, quod earum juribus præter omne
 fas, & æquum obturbaret, authoritate
 certe Regia in officio contineri debuit.
 Vitam produxit ad annum 1530. gemi-
 no connubio innexus: altero cum Ca-
 tharina filia Francisci de Haraszth, quem
 supra nominavimus; altero cum Anna
 Petrovyth, quam alii de Paszthó suif-
 se volunt. Ex priore suscepti sunt:

*Gabrie-
lis trifus
exitus.*

i. GABRIEL Patris in munere Bar-
 siensis Comitis successor, & Ferdinando
 Hungariæ Regi imprimis charus; ejus
 jussu antequam in Germaniam ad Prin-
 cipes Imperii abiret, domi tabulas su-
 premæ voluntatis condidit, quibus quod
 ipse celebs esset, nec Fratrem ullum ha-
 beret, universa bona sororibus transcri-
 pfit. Rediit tamen feliciter in Patriam,
 & haud multo post uxorem duxit. Tri-
 stem Viri exitum Istvánfius, A) post-
 quam Pesthini obsidionem, quæ anno
 1542. accidit, descripsisset, paucis hunc
 in

in modum consignavit: cum Gabriel Léva, inquit, ac Ladislaus Bánfius Nobilis Viri, eminentiori e loco, complicatis mutuo manibus. præium spectarent, Gabriel majoris colubrinae hostilis ex oppido emissæ ferrea pila ictus, illico discessus, dilaniatusque est. Conjuge Anna Thurzo de Betlemfalva vidua, & JOANNE Filio, de quo infra, relictis.

2. SOPHIA Francisci Forgach de Gymes.

3. MARGARETHA Sigismundi de Pászthó uxores. Ex posteriore matrimonio natæ sunt:

4. FRUSINA seu Euphrosina Joanni Hrusai de Zablath nupta.

5. ANNA.

6. DOROTHEA.

7. CATHARINA.

Joannes II. Gabrielis filius, & generis sui ultimus, cum Viennæ literis operam daret, præcoce fato extinctus est. Apud PP. Augustinianos, ubi tumulatus jacet, hoc ejus Epitaphium exstat;

D. O. M.

Magnifico Joanni Lévaj, ex antiqua, clarissimaque Wajdaiorum familia, Patre Gabriele Comite Barensi, ad Budam pro patria, & Principe amissio, ultimaque posteritatis spe in hunc redacta, immatura morte sublato R. Franciscus Thurzó Episcopus Nitrienis, Avunculus modestissimus hoc monumentum posuit.

Vixit Annos XVIII. Menses II,
 Mortuus Anno Domini M D L I I I,
 Septembr. XII. A)

A) Cum hæc ad calcem adduxi, ab amico moneor, superare in Ecclesia oppidi Tökölyiensis, quod in Insula Chepelieni est, rubeum marmor cum hac Epigraphe :

Sepultura Egregii Michaelis de Cheh
 Insulæ hujus Chepelienis Comitis,
 qui obiit in festo S. Andreæ Apo-
 stoli anno salutis M D X V I I I.

Verum quæ hujus Michaelis cum cæ-
 teris Chehiis necessitudo fuerit? nec il-
 le adjecit, nec ego uspiam invenio.

II.

CORBAVIAE COMITES.

(Fig. I.)

Comitum Corbaviæ originem nonnulli *Origo Corbaviae* Roma repetunt; hos inter Ist-vánfius, cum Joanni ultimo Præfecturam Illyrici demandatam scribit, addit: *e Romano Torquatorum genere orto, Cyriaci illius Magni, qui Andree II. Regis tempore claruit, pronepti; A)* & alio loco: *in eo, inquit, progenies antiqua, & illustris Cyriacorum, seu Carloviticorum ex Torquata veteri Romanorum familia originem ducens, prorsus defecit. B)* Sunt contra, qui eos ex Croatia de genere Gessich profluisse malint: *Post initium Seculi XIV. inquit, dominatum Corbaviae obtinebat a Carolo Roberto Rege Hungariae fibi tradidum Curiacus e nobilissima gente Gessichia, divitiis, virtute, fortunaque cum sua, tum publica præpolens, a quo posteri familie nomine postbabito Curiacii cognominari voluerunt. C)* Utrosque haud difficulter eatenus conciliaveris, si dicas Comites Corbaviæ e Torquatis quidem Romanis oriundos,

ve-

A) Historiarum Libro VII.

B) Ibidem Libro IX. sub finem.

C) Illyrici Sacri Tomo IV. pag. 91.

yerum cum eorum Majores in Croatiā delati essent, mutato, ut fit peregrino nomine, Gussich compellatos, ac subinde jam Curiaciorum a Curiacho Viro praestantissimo, jam ab Arce Karlopagh, quam ad Mare Adriaticum tenebant, Karlovichiorum nomen accepisse. Pro armis certe torquem etiam habebant, ea Cl. Timon A) sic expingit: *In insignibus duo crocodili ambient lapidem sustinentes ore torquem, & complectentes cygnum cum tribus coronis, quarum una capiti adhaeret, altera collo, tertia pedibus. Sub bac sunt tres ductus aquarum, sive fluvii. Hactenus Timon.*

*Prima.
rum in-
corta se-
ries.*

Quo vero tempore Roma in Croatiā devenerint Torquati? incertum est. Apud Lucium ad annum 1102. occurrit memoria Comitis PAULI de genere Gussich, qui cum aliis Legatis ex XII. tribubus Croatiae delectis Colomannum Hungariae Regem adiit, & in ius clientelam sē, ac Regnum tradidit: abhinc de Gussichiis usque ad CYRIACUM Magnum, cuius supra ex Istvánio meminimus, altum est silentium: Cyriaci filius BUDISLAUS I. seu BUTECO Maritimus Banus anno 1259. inclaruit, qui Polizzanos, seu Caciclos Almisienses Pyratas Hungaris perduelles aliquot præliis

A) In Epitome Chronologica ad annum 1531. ubi epigraphen tumulo honorario Joannis Karlovichii inscriptam adfert.

is fregit. Vixit adhuc anno 1284. Hujus, ut opinor, filius fuit CYRIACUS II. seu Curiachus, aut Chriachus (varie enim scribitur) fidelem & ipse Regibus Hungariæ navans operam, Carolo I. præsertim, quem cum cæteris Croatiaæ Comitibus egregie juvit, ut solium Hungariæ inscenderet, firmumque haberet. Floruit anno 1307. meminitque ejus Paulus Croatorum Banus, & Dominus Bosnæ, ut cognati sui dilecti, & fidelis. Ab hoc Cyriaco orditur Lucius Tabellam suam Genealogicam.

Eique tribuit filios: GREGORIUM I. *Fili Cyriaci II.*
BUDISLAPW II. & PAULUM II. qui in vestigia Patris ingressi, quoad Rex Carolus vixit, constantes in fide manserunt; eo demortuo sub regimine Ludovici filii res novas moliti sunt, ut testatur Anonymus A) præcipue filii Comitis Curiati de Corbaria principaliores rebelliones, & fraudulentiores sacro Regio diademati præ cæteris Croatias exstiterunt, sed ostentato semel, atque iterum armorum terrore, ad obsequium redierunt, & ut idem Anonymus inquit: Clares Castrorum Regi in signum fidelitatis obtulerunt. Gregorius porro genuit filium homonymum, vel ut alii volunt, GEORGIUM, in quo quidem Lucius designit, at Illustr. Holteneckius scribit Gregorio II. filiam suisse MARGARETHAM, quæ

A) De obsidione Jadrensi Lib. I. Cap. 3.

quæ anno 1399. cum Georgio de Wal-
fee in Matrimonio vixerit , verba ejus
sunt : Herr Georg von Walsee — —
hat anno 1399. seiner Gemahel Frau et
Margaretha , gebohrnen Gräfin von Cor-
bau , Herrn Georgii Graffen von Cor-
bau Tochter , seine Vesten Pernstain pr.
3000. Pfund Wiener-Pfenning versetzt
— — Aus ersagt seiner Gemahel aber
hatte er , so vil wissend , keine Kin-
der. Mihi præterea ex MS. compertum
est , genitum ab eodem Gregorio fili-
um NICOLAUM , qui natam suam CA-
THARINAM Emerico Imrefi de Zerda-
hely sociavit.

*Ex Budis-
lao II.
posterioris.*

Ex Budislae II. procreatus est THO-
MAS I. de cuius morte Paulus de Pau-
lo in suo memoriali hæc adnotavit : an-
no 1400. die Martis primo Februarii obiit
Magnificus Vir Comes Tomas de Corba-
via. Uxorem habuit teste Ducangio A)
Elisabetham de Zrinio ; verum num pro-
les ex ea suscepit ? Lucius tacet : mi-
hi rationem temporum cum personis
contendenti verisimile appetet matrimo-
niī illius fructum suisse CAROLUM , &
JOANNEM Comites de Corbavia , quo-
rum ille ad annum 1408. Dalmatia &
Croatia Banus ; hic ab anno 1406. ad
Joannes 1418. Dapiferis Regalibus Magister pre-
fuisse legitur. Meminit Caroli , & Pauli
Regal. III. de quo mox dicemus , Paulus quoque
Magister. de

*Carolus
Illyrici
Banus, &
Joannes
Dapifer.
Regal.
Magister.*

A) In Illyrico vetero , & novo pag. 237:

de Paulo ad annum 1396. ubi ita scribit: *Die 12. Januarii, inquit, applicuerunt Jadram Magnifici Viri Domini Pauli Caroli (Karlovich) & Carolus Comites Corbaviae — Legati Serenissimi Principis, & Domini nostri Sigismundi Hungaricæ Regis, qui die craftina in sapienti Consilio nostro porrectis literis credentilibus exposuerunt eorum ambasciam videlicet: quod Domini Rectores darent ex se eidem Domino Regi omnes culpabiles, seu participes mortis quondam Dominæ Elisabethæ sue socrus, & eos, qui alium Dominum — introducere in Dalmatiam, & eos, qui participati sunt cum Joanne Joannis de Palisna olim Priore in Vrana, & cum Joanne Bane. Hactenus de Paulo. Num vero Carolus, & Joannes stemma propagaverint, nupsiam reperio.*

Ex Paulo denique II. natus est Budislau^{s III. Cu}. seu BUTECO, aut BUTKO, OFPATINUS etiam nescio unde dictus, anno 1387. Curia Regia Magister, cuius sigillo Maria I. Regina e captivitate Novigradensi liberata, cum suo careret, epistolas, quas ad Civitates Dalmatiae scripserat, signasse legitur. Obiit Budislaus eodem anno, quo Thomas Frater, 1400. videlicet 15. Februarii, atque in eo Lucii Tabella Genelogica definit,

Sed

Fili Bu- Sed ex Farlato A) certum est ei
disla III. tres filios supervixisse; adfert enim pri-
 vilegium Sigismundi Regis, quo ratam
 habet donationem, quam illi domui ho-
 spitali S. Mariæ Magdalene de Busana
 anno 1411. fecerant. Verba hue facien-
 tia sunt: „Discretus Vir Andréas Pre-
 „sbyter plebis S. Mariæ de Busana
 „nostræ Majestatis veniens in conspe-
 „ctum, exhibuit nobis duas literas
 „Privilegiales, unam videlicet Magni-
 „fici Comitis Pauli de Corbavia alias
 „nostrorum Reginorum Dalmatiæ, &
 „Croatia prædictorum Bani, & aliam
 „PETRI & FRANCISCI filiorum quon-
 „dam Comitis Butkonis de eadem Cor-
 „bavia pendentibus eorum sigillis con-
 „signatus &c., Num Petrus improlis
 obierit? an contra? compertum non ha-
 beo: Paulus III. genuit GEORGUM I.
 hic NICOLAUM, cuius filius GEORGIUS
 III. sub Wladislao II. Hungariæ Rege
 floruit. Clarum id est ex Regiis literis;
 quibus in Castrum Lipche, & oppidum
 Brezno introduci jubetur; sed sine li-
 beris obiit. Franciscus I. autem seu Fra-
 ncko, aut Franko, a quo Tabellam
 Genealogicam Comitum Corbaviæ Bu-
 cellinus B) inchoat, ejusdem testimonio
 tres filios reliquit:

Ex

A) Illyrici Sacri Tomo IV. pag. 100.

B) Germaniæ Topo-chrono-stemmato-
 graphice Tom. III.

Ex quibus THOMAE & ALBERTO *Et Frāh-*
 nullos liberos attribuit Bucellinus ; GE-*visci I.*
 ORGIO II. vero, qui Comitiis anni 1447.
 quibus Ladislaus de Gara Regni Palati-
 nus creatus est, interfuit, quique hunc
 titulum usurpabat : *Nos Georgius Co-*
mēs Corbāvīæ, Lickæ, Busanæ &c. qua-
 tuor natos adscribit : CYPRIANUM nem-
 pe, CAROLUM II. seu Carlovichium,
 FRANCISCUM II. & MAGNUM, primis-
 que tribus quamquam nec proles, nec
 uxores adjungat, ex Tabella tamen il-
 lustris gentis Serényianæ de Kis Serény
 A) exploratum est ; Cypriano Barbaram
 nupsisse, ac sub anticū 1440: in matri-
 monio una vixisse.

Magnus habuit conjugem Dorothe-
 am de Stubenberg, ex eaque duos fi-
 lios, THOMAM II. Dominum in Lika,
 & Volvina, qui in Filia ADELHAIDE Wil-
 helmi de Perneck consorte stemma con-
 clusit ; & PAULUM IV. Hic ex Catha-
 fina Uffina Comite de Blagay genuit
 Filium CAROLUM III. Virum militarem,
 & multis cum Turca commissis præliis
 clarum. Floruit Carolus anno 1493. in-
 itque matrimonium cum Dorothaea, fi-
 lia Bernardi de Frangepanibus, quod *Proles Ca-*
rolī III. fœ-

A) Quam confecit Dominicus Franciscus
 Calin de Marienberg Eques Auratus &c.
 ediditque Lincii anno Christi 1680. Tý-
 pis Joannis Jacobi Mayr.

fœcundum quidem fuit, sed unico tantum hærede masculo beatum. Nomina filiarum sunt:

1. MARGARETHA Consors Ladislai L. B. Bánfi, ut vult Spennerus, sed hoc jam alias rejecimus.
2. CLARA, de qua in memorata Genealogia Familiæ Serényi, in quam enupta fuit, hæc reperio: *Timotheus I. Serényi Simonis I. Dynastæ in Kamengrad filius, claruit anno Chriſti 1519. regnante Ludovico II. Hungarorum Rege, suscepitque ex Clara Comitissa Cörbaviae Joannis de Lappiz vidua, fœmina (ſi uterque thorusr examinetur) fœcundissima, quinque liberos: Georgium IV. Casparum II. Andream IV. Dorotheam, Michaelem I.*
3. CATHARINA uxor Antonii de Lege Veneti.
4. HELENA primum Nicolao de Zrinio, deinde Georgio Castellani connubio juncta.
5. URSULA, quæ thorum maritalem perosu, Jadram in Dalmatiam se recepit, ibique Sanctimonialis obiit.

*Joannes
II. ulti-
mus gen-
tis.*

Unicus filius Carolo fuit JOANNES II. ab anno 1521. cum Francisco de Battyán Dalmatiæ, Croatiae & Sclavoniae Banus. Regimen ejus in funestissima tempora incidit; præterim a clade Mohatsiana, cum Provinciæ Hungaricæ in duas scissæ factiones, Turcarum depopulationibus impune patuerunt. Non minima earum pars ad latifundia Joannis per-

pertinuit, ut Istvánfius narrat: *Arces, inquit, atque Civitates Joannis Charlovichii — Udovria & Licka, ac Corbava, in qua sedes Episcopi babebat, eadem nostrorum ignavia Turcis occupantibus cessere, Carlovicchio ipso in arce sua Medvevára gravissimo morbo oppresso, nec suis laborantibus opem ferente uliam. Cujus etiam morbi atrocitate Vir nobilissimus, nullis relictis liberis extinctus est — — bæreditate ejus omni, quæ supererat, Joanni, & Nicolao Comitibus Zrinianis; e sorore illius progenitis obveniente, idque Ferdinando Rege liberaliter approbante. Cadaveri in Remetense Paulinorum Cænobium advecto lapis impositus hoc epitaphium præfert:*

Sepulus genere Spectabilis, militiæ præditus, Magnificus Dominus Terquatus, Comes Corbaviæ, Regnorumque Dalmatiæ, Croatie, & Sclavoniæ Batus, mole sub hac tegitur. Anno MDXXXI.

Ejus Epitaphium.

III.

ERNST, VEL ERNUSTH
DE CHAKTORYA.

(Fig. 2.)

Origo **F**amilia Ernusth vix Seculo floruit: à gentis Iu^m Mathia Corvino enim opibus, ho-
daica. noribusque aucta; sub Ferdinando I. es-
se defuit. Ejus natales Thurnschwambius
a gente Judaica repetit, cum scribit:
A) *Temporibus Mathiae erat Thesaurarius
Regius, baptizatus Judeus Joannes Ernst
dictus; huic in officio successit Filius ejus
Sigismundus Episcopus Quinque-Ecclesiensi-
sis. Istvanhus contra Svevos suffe-
vult, cum enim de Sigismundo agit,
hæc memoriæ pròdit!* B) *Erat is Joann-
nis Ernesti e Svevia oriundi, sed Regno
Hungariæ insiti Civis, multasque arces,
et ditiones adepti filius, quem Ungari
Hamponem apellabant. Sed utrumque fa-
mille conciliaveris, si dicas Ernestum
gen-*

A) In libello MS. cui titulus: *Connota-
tio eorum, quæ in domo Neofoliensi
Mitterhaus dicta, ac in Regno Hungariæ
memorabilia acciderunt;*

B) *Histor. Libro I. pag. mihi 7.*

gente quidem Svevum, religione autem
 Judæum fuisse JOANNES abhinc quam
 Christiana sacra suscepit, ita fidem
 suam, industriamque Mathiæ Regi pro-
 bavit, ut præter administrationem æra-
 rii, plures insuper arces præmium acci-
 peret. Has inter Szklabina in Turo-
 czenſi, Liptse in Zoliensi, ac unde
 postea genti axioma, Chaktornya in
 Szaladiensi Provinciā memorantur. Cum
 Comes Turoczenſis literis publicis anno
 1470. renunciaretur, has laudes idem
 Rex ei attribuit: „ Maxima, inquit,
 „ in homine illo virtus est, qui cum *Encomi-
 mium
joannis I.*
 „ sincera fidelitate se clarum reddere
 „ summa ope nititur; quam virtutem
 „ Egregius Vir Joannes Ernst Thesau-
 „ rarius, et fidelis noster dilectus se-
 „ etatur, et supra suas quodam modo
 „ vires dirigit, cum summa fidelitate
 „ negotia nostra fidei suæ commissa,
 „ ad hæc siquidem noctibus, diebus
 „ que curam gerit, pervagilque est, et
 „ ita prudenter res nostras dispeusat,
 „ ut status noster, sive videlicet exer-
 „ citum duçamus, sive aliud pro utili-
 „ tate Regui nostri exerceamus, cum
 „ honore perduret, neč deficiat neces-
 „ sariis sumptibus: in qua quidem re
 „ ipsum curarum, et laborum nostro-
 „ rum quietem merito nominare possu-
 „ mus, et vocare. Cujus Viri folici-
 „ tudinem fundamentum omnium egre-
 „ giorum facinorum judicamus, sine quo

„ nec ipsa , nec alia negotia commode
 „ geri , sive tractari possunt ; nec quan-
 „ tum in eo est , negligit fieri propu-
 „ gnator noster , prout his diebus us-
 „ que ad exterminium quorundam la-
 „ tronum , qui partes superiores Regni
 „ nostri causa nocendi , et figendi for-
 „ talitia subintrarunt , personaliter cum
 „ gentibus suis ire non dubitavit . “
 Hactenus Rex Mathias de Joanne , qui
 anno 1474. Regni Sclavoniæ Banus , et
 Comitatuum Zoliensis , ac Crisiensis Co-
 mes fuisse legitur . Excessit e vivis sub
 annum Christi 1480. relictis duobus Fi-
 liis , quorum

Joannis I. 1. SIGISMUNDUS inde ab anno 1475.
Fili. usque ad 1505. Quinque Ecclesiensis E-
 piscopus , homo , ut Istvánius ait , in-
 signi prudentia , et probitate , atque Wla-
 dislao Regi summa fide obstrictus . Su-
 premis Tabulis ad emuniendum Belgra-
 dum , et Sabacium 10000. aureorum le-
 gasse fertur .

2. JOANNES II. de quo Thurn-
 schwambius hæc adnotavit : Mortuo
 Sigismundo Episcopo Quinque-Eccl. qua-
 stus cupri cum Camera Neosoliensi cessit
 Fratri ejusdem Joanni Ernsth , Hampo
 cognominato , (Hampo significat Hansel)
 qui probus , et simplex Vir fuerat , ac
 hac de causa Hampo cognominatus ; is ba-
 bitabat in Tóthszlana , bona vero sua ba-
 bebat ad Dravum in Chaktornya . Is Fug-
 gero , et Thurzoni questum cupri pro-
 trien-

triennio exarendavit, annuatim solutis vi-
ginti florenis auri. Præfuit Agazonibus
Regiis Magister ab anno 1493. ad 1508.
quo Regnum Dalmatia, Croatia, et
Sclavonia Banus factus est. Vitam pro-
duxisse usque ad Ludovici Regis tem-
pora, patet ex ejusdem epistola, qua
Joanni hunc in modum scribit: „man-
„davimus vobis antehac binis literis,
„ut gentes vestras ad impositionem vi-
„ctualium ad Jajczam quam citissime
„mittere deberetis; quod neque in hunc
„diem vos fecisse intelligimus: inde
„factum est, ut Jajcza ad extremum
„jam periculum devenerit. — — Ne
„igitur Jajczam cum totius Regni no-
„stri discrimine hoc modo perire con-
„tingat, fidelitati vestra per has quo-
„que jam tertias literas nostras ite-
„rum firmissime mandamus non solum
„sab pœna decreti, sed etiam gravio-
„ri, ea videlicet, quæ his debetur,
„qui debitum patriæ succursum, o-
„pemque negligunt, quatenus omni ul-
„teriori mora, et cunctatione postpo-
„nitis, gentes vestras quam citissime
„versus Jajczam ad Joannem Paxy
„Thesaurarium Regni, quem genti-
„bus ad ipsam Jajczam ingressuris hac
„vice præfecimus, mittere debeatis.
— — Datum Budæ in festo decolla-
„tionis B. Joannis Baptiste anno Do-
„mini 1519. “ Conjugem habuit Mar-
„aretham Ducem Saganensem, olim
 B 4

colao Bánfi de Alsó - Lindva nuptam;

Joannis II. Filius. Filium vero FRANCISCUM Aulæ Regiae Familiarem, qui in fatali clade, quæ anno 1526. ad Mohatsium accidit, cum Ludovico Rege interiit.

Francisci Filiorum alter JOANNES III, qui anno 1527. floruit, nulla relictæ sobole e vivis ereptus est, alter quoque CASPARUS, quanquam vitam ad annum 1540. produxit, et ipse sine hærede obiit, siuumque stemma conclusit. Testatur id Istyanus Historiæ suæ libro 15. cum Petri Keglevichii Bani meminit in hæc verba: Collocaverat filiam (Annam) Gaspari Ernesto, sive Hamponi, diviti Viro, et potenti, qui peninsulam inter amnes Muram, et Dravum, ac Caproniam, Sabiacusam, et Prodaviam, aliasque arces ditione tenebat. Sed cum is in ipso ætatis flore vitam cum morte commutasset, nec ullos ex illa liberos sustulisset, hæreditas ejus tota Fisco obversa censebatur.

IV.

DE FRANGE PANIBUS.

(Fig. 3.)

Frangepanes, qui et Comites de Veglia *Frangepa-*
dicti sunt, Roma ex gente Anicia *nes Roma-*
oriundos esse, constans est Scriptorum *ex gente*
sententia; cum iis facit et Farlatus, qui *Anicia o-*
p^{ri}c^{on}assione domus Nazarethanæ Tersactum
translatæ, cum de loci Hero Nicolao
agit, in hunc modum scribit: A) *Orin-*
dus ex antiquissima, et nobilissima gen-
te Anicia Romana; cuius Majores cum
in summa caritate annonæ maximo fru-
menti numero aliunde advecto, suaque
pecunia coempto, Romanæ plebi fame pe-
rislitanti gratis, ac liberaliter subvenis-
scent, a frangendo pane, ac pauperibus
distribuendo, Frangipanii cognominari cœ-
perunt. E Romanis Frangipanis plures
familiae diductæ, aliae alio migrarunt; et
ubicunque domicilium collocassent, divi-

B 5 *tiis.*

A) Illyrici Sacri Tom. IV. pag. 94. ex quo,
ac aliis Authoribus Lucio videlicet,
Kerchelichio, Frölichio, Bucellino ac
nostris **Adversariis** in pertexenda Fran-
gepanorum Genealogia prosecimus.

tiis, honoribus, Magistratibus, atque imperiis floruerunt. Unam ex his amplissimis Familiis Chrobatia exceptit, quæ genus, nomenque Frangipanum in ea regione propagavit, atque inter cæteros Chrobariæ Dynastas opibus, copiisque præpoluit.

Incertus, *huc delatus sit, exploratum satis non quis pri-
mus in est. Lucius A) jam anno 1133. meminit
Croatiam DUINI de Vegla, num vero BARTHO-
LOMÆUS Comes de Veglia, qui in Di-
plomatibus Regum Hungariæ occurrit,
ejus Filius, aut nepos fuerit, non con-
stat. Bela III. Rex anno 1193. ei totam
terram pertinentem ad Comitatum Mod-
rus B) donavit. Bartholomæo Fratres
suisse patet ex ejusdem Regis verbis,
,, ait enim : „ Quod si dictus Comes
„ absque prole ingrederetur viam car-
„ nis universæ, unus ex Filiis Fratrum
„ ipsius — — sub nostræ Serenitatis
„ dominio terram tranquille possideat,
„ et quiete. “ Fratrum porro nomina
non invenio, non fortasse iisdem fue-
rint, ad quos Honorius III. Papa anno
1221. rescriptum dedit in hæc verba:
„ Nobilibus Viris H. et S. (quid lite-
„ „ rx*

A) De Regno Dalmatiæ et Croatiae Libr.
VI. Cap. II.

B) Diploma donationis videri potest in
Notitiis Praeliminaribus Kerchelichii
pag. 167.

„ ræ hæ denotent? incertum) Comiti-
 „ bus de Vegla — — personaſ vestras
 „ sub B. Petri protectionem suscipien-
 „ tes , et nostram , quatuor Insulas in-
 „ ter Spalatum — — fitas videlicet Fa-
 „ ram , et Brazem , Corzulam , et Lau-
 „ guristam cum parvulis Insulis , et a-
 „ liis pertinentiis , quas intelleximus
 „ charissimum in Christo Filium nos-
 „ trum Regem Ungarorum Illustrem
 „ (Andream II.) — — de mera vocis
 „ liberalitate donasse — — authorita-
 „ te vobis Apostolica confirmamus , et
 „ præsentis scripti patrocinio commu-
 „ nimus. A) “

De Filiis quoque Bartholomæi non *Bartholæus*
 est , quod dicam. Lucius quidem in cer-
 to Instrumento Arbenſi , quod anno 1193. *redem in-*
 datum fuit , testem citat: b) *Ego M. sicut ne-*
filius Comitis B. de Veglia testis , sed potem Je-
 quid per M. intelligatur ? et num litera
 B. reapse Bartholomæus indicetur , pro
 certo constitui nequit. Istud utut sit ,
 Bartholomæus Jerindonem ex aliquo
 Fratrum nepotem , facultatum suarum
 hæredem instituit , quod ex Andreæ II.
 Regis diplomate anni 1209. didicimus.
 „ Verba huc facientia sunt: „ Cum di-
 „ vinæ recordationis Pater noster Bela
 „ Rex fideli nostro Bartholomæo Co-
 „ miti terram in Banatu tali libertate

„ con-

A) Ibidem pag. 208,

B) Lib. III. Cap. XII,

„ contulerit possidendam, ut eam, si
 „ Filio caruerit, cuicunque ex Cousan-
 „ gineis suis voluerit, per se possit relin-
 „ quere, possidendam; nos eandem liberta-
 „ tem confirmantes, et petitum ipsius be-
 „ nignius admittentes, Nepoti suo Co-
 „ miti Jerindoni de Veglia, quem sibi
 „ hæredem instituit, concedimus, ut si
 „ ipsum, prædicto Bartholomæo Comi-
 „ ti Patruo suo supervivere contigerit,
 „ illo sine hærede decedente terram,
 „ quam ex Regali beneficio idem Bar-
 „ tholomæus metuerat obtinere, ipse
 „ Jerindo eodem jure perpetuo possit
 „ deat. “ A) Cæterum hic Jerindo e-
 iusdem Andreæ Regis beneficio Comi-
 tatum Vinodol accepit. *

*Hujus fili-
orum lau-
des.* Habuit quatuor filios: JOANNEM;
 FRIDERICUM, BARTHOLOMÆUM II. et
 JERINDONEM II. quorum meminit Bela
 IV. in Diplomate anni 1240: „ cum
 „ nos, inquit, persecutio impelleret Tar-
 „ tarorum: et ipsorum non modico in-
 „ digeremus servitio. “ Ex his Joa-
 nes haud multo post obiisse videtur;
 cæterorum merita, cum eis Patris sui
 et Avi literas confirmat, idem Rex ad,
 annum 1251. ita recenset: „ Dilecti-
 „ et fideles nostri, Fridericus, Bar-
 „ tholomæus, et Jerindo, Filii Jerin-
 „ donis Comitis, Comites de Veglia
 „ fide-

A) Kerchelich in Notitiis Præliminaribus
pág. 188.

„ fidelia Patris ipsorum vestigia jugiter
 „ imitantes, a primævis nostræ, et eo-
 „ rum puericiæ annis, ubivis indefinen-
 „ ter tanta fidelitatis servitia impefide-
 „ re studuissent, et tempore persecutio-
 „ nis Tartarorum in partibus nostris
 „ maritimis constitutis, non solum in
 „ mari cum navibus muniti, verum etiam
 „ in terra cum armatis, prout tempo-
 „ ris necessitas, et negotii qualitas
 „ exigebat, ad custodiam personæ nos-
 „ træ, nec non ad periequendum ini-
 „ micos, et infideles nostros tam fide-
 „ liter serviverunt, et constanter, quod
 „ inter alios Regni hostri fideles, ex
 „ debito fidei meruerunt computari. “
 Anno 1260: erga Fridericum, et Bar-
 tholomæum (Jerindo jam obierat) rur^{Donatur}
 sum liberalis fuit Bela, Civitate Segniæ ^{in Segniæ}
 eis donata propterea, quod a pugna
 Tartarica, qua fuisse est, ut itaquit;
 „ Deus — ad consolandum nos Frede-
 ricum; et Bartholomæum Illustres et
 „ strenuos Viros Nobiles de Vegla,
 „ quasi de Cœlo projecit, qui nobis
 „ cum omni eorum parentela adhæren-
 tes, inter promiscuos actus fideliter
 „ exhibuerunt famulatus, et non modi-
 „ cam eorum pecuniam, quæ ultra 20.
 „ millia marcarum transcendit, in ci-
 „ phi:s aureis, et argenteis, et cum
 „ aliis rebus pretiosis nobis de bonis
 „ eorum praesentaverunt, et praesen-
 „ tanto donaverunt. “ Hactenus Bela.
 Bar-

Bartholomæus II. eodem anno 1260. e
vivis excedens

*Bartholo- Reliquit testimonio Frölichii A)
mæi II. qui Lucium citat, duos Filios: SCHI-
paſieri. NELLAM, et GUIDONEM. Schinella fide
Lucii B) tres mares progenuit: PETRUM,
SCHINELLAM II. et BARTHOLOMÆUM
III. Guido vero FRIDERICUM II. BAR-
THOLOMÆUM IV. et GUIDONEM, seu
VIDONEM II. a Segniensibus pro Po-
testate, et Rectore perpetuo anno 1271.
electum. Kerchelichius ex Diplomate
Ladislai Cumani hujus Guidonis Filium
adfert Comitem GAVAN vel GALVAN,
qui num idem sit cum JOANNE II. a
Segniensibus anno 1279. in Rectorem
Perpetuum delecto, utrum dicam, non
habeo. Friderico II. Coniux fuit Agnes,
ex quo matrimonio verisimile est natos
stupore LEONARDUM, et DAMIANUM C)
Fratres, qui PP. Franciscanis Segniam
evo-*

A) In Genealogia Soubneckiorum Comitum
Celejæ pag. 95.

B) De Regno Dalmatiæ, et Croatiæ Li-
bro IV. cap. 8.

C) Vide Glavinichium de origine Pro-
vinciæ Bosnae, et Croatiæ Cap. 6. Sub
idem autem tempus vixit et Nicolaus
Comes de Veglia, qui Tersacti eodem
in loco, ubi Nazarethana B. V. domus
fere quadriennio requievit, postquam
in Picenum translata est, ei similem ex-
diculam excitasse legitur.

evocatis anno 1237. Cenobium, et Ecclesiam a fundo excitarunt.

Damianus hic Frölichio Orospus Duynus, vel Duyinus II. est, in Carthusianos Gyrienses admodum liberalis, quibus et oleum quotannis donavit, et immunitatem ab omnibus teloneis anno 1315. concessit. Ex Conjuge Ursula procreavit FRIDERICUM III. hic ex nescio qua Elisabetha BARTHOLOMÆUM V. qui floruit 1358. genuitque STEPHANUM I. et JOANNEM III. dictum Anz de Lubba anno 1391. Dalmatiæ, Croatiae et Sclavoniæ Banum. Uxorem habuit Annam Meinhardi VII. Comitis Goritiæ Filiam, unde eum inter, ac Sigismundum Hungariæ Regem necessitudo intercessit, hic certe in literis, quibus eum mineras eruendi, colendique facultate donat, ac simul ab solutione Urburarum eximit, Joannem *dilectum Affinem* vocat. Liberos nullos reliquit.

Stephani contra I. ex Catharina de Petovio Styriæ Mareschalci filia, tres proles invenio: GEORGUM I. ELISABETHAM, et NICOLAUM II. ex his Georgius jam ante annum 1412. fato suo perfunctus est. Elisabetha anno 1396. Friderici II. Comitis Celejæ Sponsa, deinde Uxor, ab eodem in thoro Conjugali 1422. occisa est, Celejæque in Templo Minoritarum sepulta. Nicolaus *Nicolaus mat. et* Dalmatiæ, et Croatiae Banus, vir eximia pietate, ac religione, anno 1412. *Croatiae Banus.* Cir-

Cirquenizæ apud Vinodolum Ordini D. Pauli primi Eremitæ Cænobium exstruxit, eique copiosos fundos attribuit. In literis foundationis, quas integras producit Farlatus A) his titulis utitur: *Nos Comes Nicolaus de Frangipanibus, miseratione Divina, et donatione Serenissimi Regis Belæ, Regis Hungariae, Comes Vegliae, Segnae, Modruſſiae, Vinodol, Jaskæ, Okilok, et Prokaj.* Perpetuam quoque sui memoriam reliquit apud Capitulum Segnienſe; cum ei sexaginta autreos in annos singulos legavit ea conditione; ut quotidianum Sacrificium profite sub auroram ficeret. Obiit annum circiter 1432. Proles ejus sunt.

*Novem filiorum
Pater:*

1. JOANNES IV: dictus Hans; in Banatu Dalmatiæ; et Croatiae Patris Successor, præmatura morte sublatuſ est; relicto Georgio Filio; qui defecit.

2. NICOLAUS III: cum Conjugé Barbara de Walse improlis exſtinctus.

3. STÉPHANUS II: itidem Dalmatiæ et Croatiae Banus; anno 1459. Ecclesiæ B. M. V. de Miraculis; quæ prope Modrusiam est; amplissimas indulgentias a Pio II. Pontifice impetravit. Vitam produxit usque ad annum 1481. quo Modrusæ e vivis excessit; cum paulo ante confirmationem bonorum a Mathia Rege obtinuiffet. Enumerantur autem sequen-

A) *Illyrici Sacri Tomo IV.* pag. 99.

quentia : *Castrum Tersacti*, & *Civitas Modrusa*, ac *Castella Bythym*, *Plazy*, & *Klipzeh*; item *Castra Hreylin* cum portu *Bucarizza*, & *Grobnik*, nec non *Castella Vinodol*, & *Drivenik* in Regno Croatiæ; ac similiter *Castra Ozail*, & *Ribnich*, nee non *Castella Tubovaz*, & *Zvetsaj* in Comitatu Zagrabienſi existentia. De Bernardo Stephani Filio infra agemus. Nomen, & genus uxoris adſervavit Epitaphium, quod apud Virgilium Greiderer hoc tenore exſtat: A)

Hic jacet corpus Magnificæ Domini Epitaphiæ Iſcotæ, filiæ quondam Domini Nicolai Marchionis Eſthenſis, & confortis Magnifici Domini Stephani Segniæ, Vegliæ, & Modruſiæ Comitis. Anno 1456. die 29. Januarii.

4. DAMIANUS vel DUYMUS II. cui pariter anno 1465. Mathias Rex confirmat donationem super poſſeſſionibus & Comitatibus Segniæ, & Vegliæ, item Caſtris Slunya, Ostroviza, Novigrad, & Ledenicia in Regno Croatiæ habitis. Hic Duymus ex conjuge Barbara de Schaumburg Author est Zluniorum de Frangepanibus.

5. BARTHOLOMAEUS VI. in matrimonio habuit Dorotheam filiam Joannam Tóth de Zomzédvára, quorum posteri diutif-

fi-

A) In Germania Franciscana. Tom. I.
Libr. II. pag. 112.

sime floruerunt, ultimique Frangepanorum emortui sunt. A morte Bartholomæi, quæ sub Annum 1474 evenit, Dorothea Joanni Henning thoro sociata est.

6. MARTINUS anno 1448. duxit Ursiam vel Ursinam alias Dorotheam de Blagay Viduam Stephani, nisi fallor, de Blagay, quacum præter alia dimidium Castrorum Verbaaz, & Kozara adeptus est. Sed cum ex ea nullam prolem suscepisset, Deiparam Tersactanam, ut inquit Farlatus, bonorum suorum hæredem instituit, quorum partem alteram ædi Marianæ pro dote assignavit, alteram vero in alendos, ac sustentandos PP. Franciscanos ejusdem ædis Custodes, & Curatores impendi jussit. Anno 1455. paternum Privilegium Paulinis Cirquenizensibus datum confirmavit: juverit ejus subscriptionem adferre, ut quam amplas facultates habuerit Martinus, innotescit; ea est hujusmodi: *Et ego Sacerdos Gregorius Capellanus Comitis Martini, & Parochus Noviensis, ac Vicarius Vinodolensis scripsi hæc, distante supra dicto Comite Martino Vegla, Segnæ, Modrusiæque, qui eo tempore gratia Dei Dominus erat Arcis Verbaaz, & erat Supremus Comes totius terræ Verbastiensis, Dominus in Kozar Bosnenfi, & cæterarum Arcium Kumogoinæ, Koftanicæ, & Castelli in Kelpy, & Kralic, Gradacz, & Cipovacz, Iaschæ, & Okich, Ostrovizæ in Busis; penes mare autem*

De-

*Martini
bona &
tituli.*

*Dominus Veteris Arcis, & mediæ Segnæ.
In Vinodol vero Dominus de Novi, Bre-
bir, Grisanæ, Belgrad, Cottor, Bucea-
ri, Tersiati, & Prochaj &c. Cæterum ple-
risque his Arcibus, quod ad Fridericum
Imperatorem descivisset, ab Rege Ma-
thia exutus est. Rediit quidem post ea
cum eodem in gratiam, sed castro Kru-
pa mulctatus, Kostaniczam præterea,
Sztenichniak, & Lipovcz a morte sua
Regi cedere debuit; interim cum præ-
claram, ut strenuus miles erat, bellis Tur-
cicis navaret operam, multa alia novæ
donationis titulo recepit.*

Sepultus est in Sacello Mariano
Conventus FF. Minorum Tersactensis,
ubi ejus, & Fratris Bartholomæi hoc
male consarcinatum epitaphium visitur:

Hic tumulo jacent ossa,

Comitesque illustres

Segniæ, Modrusiæ, totiusque

Croatæ

Dominarunt. A)

Martinus, & Bartholomæus

Per orbem nomina ejus illustrant A)

Conventus Mariæ Fautores,

Seraphicique fuere.

Obitus Martini

Obitus Bartholomæi

MCCCCLXXIX.

MCCCCLXXIV.

Octobris IV.

Martii XXII.

Ejusdem

& Bar-

tholomæi

Epitaphi-

um.

*

C 2

7.

A) Illustr. Walvasor substituit: *Domina-
tores.*

B) Idem legit: *nomina eorum illufria sunt.*

7. JOANNES V.

8. ANDREAS, neuter ad maturiorem
ætatem pervenisse videtur.

Proles

Sigismundus
anno 1461. A)

9. SIGISMUNDUS denique, qui floruit
anno 1461. A) quo ut Farlatus in qua-
dam Synopsi Genealogica, & Chrono-
logica Familia Frangepaniæ notatum in-
venisse se refert, instituit Episcopatum
Ottocensem, annuente Pio II. Papa in
Ecclesia S. Nicolai, quæ olim Abbatia-
lis erat, cujus Jus patronatus ad Sigis-
mundum, & hæredes spectabat, elegit-
que in primum Episcopum Blasium Ra-
gusinum Ordinis Prædicatorum; sed enim
in quarto Episcopo Petro de Andreis
sedes illa defecit. Reliquit vero Sigis-
mundus duos filios: GEORGIUM III. vi-
delicet, & JOANNEM VII. Georgius, vel
ut alii volunt Gregorius, in sacram mi-
litiam adlectus, Ecclesiasticos Magistra-
tus insigni cum laude gessit: ex Lecto-
re, & Canonico Colocensi, Præpositus
Albæ-regalensis, deinde Episcopus Ves-
primiensis, demum Metropolita Colo-
censis, patriam consilio, fortunis, le-
gationibusq; egregie juvit. Anno 1522.
teste Istvánio ad superos abiit. Joa-
nnes vero militiam professus, belli vi-
tam

A) Sub idem fere tempus Margaretha de
Frangepanibus in matrimonio Henrici
de Tsernembl, & Lucia in Jacobi de
Landenberg vixerunt; quod facit, ut
eas Nicolai II. filias suæ existimem.

tam posuit anno 1493. in Croatia haud procul Udvina fortiter pugnans , a Turcis cœsus : in eo linea Frangepanorum, quæ Cetinensis dicebatur extincta est, cum nonnisi duas filias , & unicum Filium , qui ordinis Franciscani Institutum complexus est , reliquisset. Filiarum altera CATHARINA Gabrielem de Peren a) altera HELENA Georgium Comitem a Turri Maritum accepit. Filius FRANCISEUS I. ex Monacho Episcopus Agriensis , & Archiepiscopus Colocensis , difficilius illis temporibus labentem cum patria Religionem , quatenus potuit, fulcierbat. Anno 1542. mortuum , Valentinus Ecchius his verbis prosecutus est. Corporis , atque animi dotes si vincere possent

*Verbus in
laudem*

Parcarum rabiem, jura tremenda Jovis: *Franciset*
Justius haud ullus palmam hac in parte *Archiep.*
Colocen-
tulisset, *sis.*

Quam Præsul fracto nomina pane tra-
hens.

Vix illo quisquam in patriam pietate,
merendi

De cunctis studio major in orbe fuit;
Nestora consilio , Ciceronem vicerat
ore ,

Et pietate Titum , relligione Numam.

C 3 Cer-

a) Elisabetha de Frangepanibus nupta Jo-
anni de Peren Dapiferorum Regalium
Magistro huc etiam fortassis pertinet.

Certandum forma , vel si gravitate suisset,
 Vel comi eloquio , stemmate vel pa-
 trio ,
 Heroum veterum nemo , nemo Hercule
 nostri

Tēporis, ante illi jure ferendus erat.
 At nihil hæc contra potuere immo-
 bile fatum ,

Præfulis enanti stamina rupta jacent.
 Hanc miseram patriam dignus meliore ,
 reliquit :

Jam liber curis vivit in arce poli.

Linea Stephani II. BERNARDUS, vel BERNARDINUS Ste-
 phano II. Patre ortus , homo, ut István-
 fius scribit , *animo indomito , & contro-
 versias inter Cognatos exortas non legi-
 bus: sed armis dirimere solitus , Uxorem
 habuit Loisam de Aragonia Reginę Bea-
 tricis Consobrinam , ex qua hæc proles
 natæ sunt:*

1. DOROTHEA Consors Caroli Torquati
 Comitis Corbaviæ.

2. ISCHOTTA Stephani de Peren Dapi-
 ferorum Regalium Magistri.

3. MATTHÆUS +.

4. BEATRIX primum Joanni Corvino
 Mathiæ Régis Notho , deinde Georgio
 Marchioni Brandenburgico nupta.

5. MARIA MAGDALENA anno 1489. Ma-
 thiæ Pongracz de Dengelg sponsa.

6. CHRISTOPHORUS I. Miles egregius ,
 & Dux suo ævo clarissimus. Bello Ve-
 neto Maximiliano Cæsari p̄eclarām ope-
 ram navavit: Turcas Jaicziam obsiden-
 tes

tes insigni clade affecit, & ab urbis obsidione depulit, novo propterea titulo Regnorum Dalmatiæ, Croatiæ, & Sclavoniæ Defensoris honestatus. A clade Mohatsiana Ferdinandus Austriacus nihil non egit, quo hominem sibi devincret; jamque & conditionibus, quas Christophorus proposuit, Hamburgi ^{10.} Novembr. anni 1526. subscripserat; sed is insuper habito tractatu, Joannis Regis partes amplexus, eas usque ad obitum sovit, promovitque. Capta urbe Varsadinensi cum arcem incautius lustrat, glande plumbea lethale vulnus accepit, ex quo etiam haud multo post exspiravit, Modrusiæ in tumulo Majorum sepultus. Titulos, & Magistratus, quos gessit ipse literis hunc in modum præponebat: *Christophorus de Frangepanibus Christophori tenuis Segniæ, Vegliæ, Modrusiæ Comes, Joan-* phori tenuis. *nis Regis Hungarie Capitaneus Genera-* tulus. *lis, Dalmatiæ, Croatiæ, & Sclavoniæ Ba-*
nus, eorumque Regnorum, & Comitatuum Simegiensis, & de Posuga Generalis
Tutor, & Protector, ac Comes Soproni-
ensis. Uxorem habuit Matthæi Langi
Cardinalis Gurcensis Sororem, ingenii
plusquam mulebris fœminam, quæ mar-
ritum e carcere, cui Venetiis inclusus
erat, puellæ habitu indutum feliciter
expedivit, paratoque navigio in tutum
abduxit. Hac defuncta cum Catharina
Drágfi de Béltek sponsalia fecit, sed

ante nuptias e vivis sublatus est anno,
ut Istvánfius habet, 1527.

7. FERDINANDUS A) ditionis omnis,
amplissimarumque opum, quas Christo-
phorus Frater improlis reliquerat, hæ-
res, cum ex Conjuge Maria Wukovith,
vel Brankovich nullum marem suscep-
set, lineam Stephani II. postremus clau-
fit. Filiarum alteram Stephanus Osalski,
alteram Catharinam Nicolaus Comes a
Zrinio in matrimonium adscivit.

*Linea
Zlunio-
rum de
Frange-
panibus.*

Zlunii de Frangepanibus a Damia-
no vel Duymo, cui Arx Zlun in parti-
tione obvenit, derivantur. Ejus filia AN-
NA Pancratium de Auersberg Maritum
anno 1496. etulit. Filius vero MICHAEL
Maximiliano Cæsari, ut Lazius inquit
b) pugnanti contra Venetos levis ar-
maturessæ equites duxit: pro quo servitio
Cæsar illi in Foro Julio Castellanatum
in Ghordopp, & Senafecz Castrum
concessit. Ex Barbara Joannis de Roz-
gon, & Dorotheæ Bánfi nata, conjugæ
sua, progenuit duas filias: ANNAM vi-
delicet, & DOROTHEAM Stephani Ursi-
ni de Blagay consortem; totidemque
filios, quorum natu major MATHIAS an-
no

a) Ad annum 1501. & sequentes alterum
quoque Ferdinandum de Frangepanibus
invenio, qui Ecclesiæ Modrusensi Epi-
scopus præfuit.

b) De migrationibus Gentium Lib. VI.
Pág. 234.

no 1526. die 29. Aug. in clade Mohatsiensi periit, GEORGIUS IV. vero superstes, in partibus Ferdinandi I. Regis contra Zapolianos constanter fuit, cumque accisis opibus, Segniam ab imminentibus Turcis defendere non posset, eandem Ferdinando, non invitis necessariis, tradidit, quam ille sic in omnem vim emuniit, ut haecenus invicta steterit.

Moriens Georgius tres proles reliquit: CATHARINAM Emerico Czobor de Czoborszentmihály, ANNAM Nicolao Oláh Császár elocatam, & FRANCISCUM II. Hic Dalmatiæ, Croatæ, & Sclavoniæ Banus propter eximiam fortitudinem ensis, & clypeus Illyrici appellatus est: certe anno 1571. in Turcas populatores, relictis, quibus accumbebat dapi bus cum equitatu irruens, ter devictis uno die hostibus, triplicem lauream obtinuit. Obiit ultimus Zluniorum imperitia Medici, cum enatos pone aures furunculos curari jussisset, atque in ipso fere nuptiarum apparatu, quas cum sponsa Juditha Kerechényi de Kányafölde initurus erat. Tumulatus est Zagrabiæ in Principe D. Stephani æde cum hoc epitaphio:

Memoriæ Spectabilis, ac Magnifici Domini Francisci Zlunii de Frangepanibus, Segniæ, Vegliæ, Modrußique Comitis, Dalmatiæ, Croatæ, & Sclavoniæ Bani fidelissimi, & fortissimi, Anna soror, relicta Magnifici

Nicolai Oláh Császár &c. Fratri charissimo posuit. Vixit annos XXXVI. Mortuus 11. Decembr. MDLXXII. Varasdini.

Eidem.

Slunia stirps cecidit Franciscus Martis
alumnus,

Infestus rasis, terror eratque Getis.
Est proavis clarus, sed dextra prom-
ptior, usque

Confilioque, infert damna cruenta
Scythis.

Banus erat Dalmat. Sclavorum, tumque
Croatae,

Prælia commisit, fausta trophæa tulit.
Sed quia Pannoniæ vix spes est ulla
salutis,

Ni Deus accurrat, quid supereesse velit?
Ergo Diis mixtus, potiori parte trium-
phat:

Offa tegit marmor, mens pia novit
iter.

*Linea
Tersacz-
hiorum
de Tran-
gepani-
bus.*

Tersaczki Bartholomæum VI. de quo supra, Castræ Tersacæ Herum, Auctorem cent. Filia ejus HELENA Lazarо Principi Rasciæ, si Bucellinus non fallit, in matrimonium data est. Filii LEONARDUS, & NICOLAUS IV. qui Elizabetham de Blagay uxorem habuit, steriles deceperunt. Unus JOANNES VI. Haus Angelus dictus, stemma propagavit. Ejus conjugem Catharinam, sed nescio qua de familia? fuisse colligi utcunque potest ex eo Instrumento, quo Cæno-

nobio Fratrum Eremitarum S. Augustini in Prægis donationes a Majoribus factas anno 1476. non solum confirmat, sed etiam auget, ubi inter cætera loquitur. „ Prior una cum suis Conventualibus, qui tunc præsentes aderunt, „ perpetuis temporibus sint adstricti, „ seu obligati unam Missam legere in „ altari S. Bartholomæi pro defunctis „ &c. Altare positum est in medio Ecclesiæ junctum sepulchro Genitoris „ mei, & prima collecta sit pro Genitori „ tore meo Bartholomæo scilicet: In „ clina Domine aurem tuam. Secunda: „ Quæsumus Domine pro tua pietate „ miserere animæ famulæ tuæ Cathari- „ næ. „ Istud utut sit, Joannem 1452. Venetorum tutelæ se commisisse, eisque Vegliam Insulam anno 1480. tradidisse Lucius commemorat; sed hoc cum Decreto anno 1485. Tota Dalmatia sub- jacere debet judicio Palatini, & pro pro- ventibus babet in illa certas Insulas, haud consentire videtur. Farlatus A) præterea duo Instrumenta profert, ex quibus claram est Joannem anno 1497. Briniæ non procul Segnio egisse, quod quidem num ei impune futurum fuisset, alii æstima- verint.

Cæterum Joannes duos filios reli- Filius Jo-
quit: WOLFGANGUM I. nempe, seu Lu- annis VI.
pium, & CHRISTOPHORUM II. Illius La-
zi-

zius in hæc verba meminit: A) *Wolfgangus vulgo cognominatus Comes a Prundlyn nostra ætate (qua Lazius floruit) adversus Turcas in finibus Croatiae sæpe fortissime dimicavit: ad postremum circa annum Incarnationis Divinæ 1546. dum Ferdinandus Regi Romanorum, & Hungariæ Bohemiae adversus Saxones bellum cum Fratre Cæsare Carolo V. gerenti fidelem operam præstat, rebus humanis eximitur.* Filia ejus unica ELISABETHA primum Joanni Alapy de Nagy Kemlék, eoque e vivis sublato, Josepho Dornberg in manus convenit.

Cbristofori II. phori II. posteri. Ex Christophoro II. Wolfgangi I. Fratre nati sunt: STEPHANUS III. qui celibem vitam traduxit, Ursula Ladislao de Réwa, CLARA Michaeli Bakits de Lak nupta, & CASPARUS, qui circa annum 1570. floruit. Genuit is ex Catharina Lenkovich Conjuge tres Filios: horum natu maximus GEORGIUS V. quamquam Margaretham de Schweinpöck in matrimonio habuit, nulos tamen liberos suscepit, improlisque deceffit. NICOLAUS VI. ab anno 1616. ad 1622. Dalmatiæ, Croatiae, Sclavoniæ Banus, de quo Illustrissimus Ratkajus: A) *Vir præseveritatis, & cui multa rerum exp-*

A) *De migrationibus Gentium Libr. VI.*

Pag. 234.

B) *In memoria Regum, & Banorum Libro V.*

perientia, cum insigni conjuncta prudētia, sumimam inter sui temporis Heroes laudem attulisset, nisi ferventiores naturae impetus temperare recusasset. Unde cum eum Illyrici ferre non possent, in Comitiis Soproniensibus Magistratu se abdicavit, & privatam abbinc vitam egit. Obiit Vienæ septuagenario major, in æde D. Virginis Tersactensis, ubi plerique Majorum quiescunt, anno 1647. tumulatus. Testamento cum in Zagrabiense juvenutis Seminarium, tum in pauperes alios munificus fuit, cetera supellestile omni cum bonis Wolfgango Fratri relicta, cum ipse duabus ex uxoribus, quarum altera ex Familia Beriszlo de Graborja, altera Anna Maria filia Petri Erdödy fuerat, nullam prolem sustulisset.

WOLFGANGUS II. seu Wolfgangus Wolfgang Christophorus, priorum frater, Vir, ut *g*it* II.* en- inquit Ratkajus, Catoniana gravitate, morum elegantia, consilii maturitate in- signis omni tempore existimatus, ab in- eunte adolescentia militiae deditus, ac Fo- rojuliano bello, quod inter Archiducem Ferdinandum, ac Venetos intercesserat, adeo celebriter versatus fuerat, ut Christo- phori Alavi sui adversus eosdem Venetos præliantis, militaris peritiae speciem omni- um testimonio referre judicaretur. Hinc per omnes militiae gradus probato; usque ad summam Croatiae, ac Maris limitum Præfecturam viam aperuit virtus. Quo in officio ea omnium satisfactione usque in banc

banc aetatem, qua sexagesimum jam excedit annum (scripsit haec Ratkajus sub annum a nato Servatore 1650.) vivit, ut quid in eo desiderare possis, invenias nibil. A) Habuit Wolfgangus uxores quatuor; nomen primæ Barbara de Berizzo, alterius Ursula Ignozer, tertia Maria Paradeyser, quæ sterilis deceffit, postremæ demum Dorothea Haller de Hallerstein.

*Proles
Wolfgan
gi II.*

Ex prima lucem aspergit CASPARUS II. Croatiae limitum, ac Ogulensis praefidii Praefectus, cuius militaria facta qui nosse cupit, Ratkajum consulat, in ejus laudes sane quam effusum. Thoro conjugali adscivit Evam Forgach de Gyimes, sed liberos, quod sciam nullos pro genuit.

*Georgius
VI. Cu-
riæ Re-
giae Ma-
gister.*

Ex Ursula Ignozer natus est GEORGIUS VI. artis Musicæ, pictoriæ, sculptricæ, Cosmographiæ demum, architecturæque militaris notitia insignis; cum alias, tum anno 1652. virtutis suæ specimen dedit: tuendis enim Illyrici finibus praefectus, septem millia Turcarum in adjacentem Coranæ fluvio agrum infusa profligavit, magnamque prædæ, quam corraferant, partem recepit.

Obiit Curiæ Regiæ per Hungariam Magister anno 1662. susceptis ex Sophia Forgach duabus sequoris sexus prolibus; & MARIA quidem in tenera

æta-

A) In memoria Regum & Banorum Lib.V.

estate vivere desit, JULIANA vero anno 1668. die 22. Julii cum Ferdinando Ernesto Comite de Traun, & Abensperg nuptias init. Ejusdem Ursulæ Ignozer Filia fuit ANNA CITHARINA coniux Petri de Zrinio, quo prodigionis causa Neostadii suppicio affecto, ipsa Græcii anno 1673. extincta est.

Ex Dorothea denique Haller in auras *Franciscus* *susc ulti-*
prodiit FRANCISCUS CHRISTOPHORUS, *mus sup-*
quem elati spiritus, & supra privatæ *plicio af.*
fortunæ modum indomiti eo abripuerunt, *fæctus.*
ut Zrinianæ conjurationi socium se ad-
deret. Verum rebus pessime cedentibus,
cum Csaktornya fugitivus, ad Comi-
tem Kérium divertit, captus, primum
Viennam, deinde Neostadium deductus
est: ubi Judicium sententia damnatus,
capite poenas luit die 30. Aprilis anno
1671. Extincta est cum eo clarissima
Frangepanorum familia, quæ olim ad
Mare Adriaticum late dominabatur, cum
ipse in flore ætatis Uxorem Lulliam, vel
Juliam Marchionem de Naro viduam
reliquisset.

V.

DE SANCTO GEORGIO, ET
DE BOZYN COMITES.

(Fig. 4. & 5.)

Origo Fa- In primam originem Comitum de S.
miliae ex Georgio, & de Bozyn A) apud pa-
genere trios Scriptores necquidquam inquisivi.
Hunt-paz Ex exteris Wolfgangus Lazius Medi-
nan. cus, & Historicus Viennensis, eos a Co-
mitibus de Altenburg derivat, B) sed
qua fide? quibusve monumentis inni-
xus? incertum. Diplomata Regia con-
tra eos a genere Hunt paznan proflue-
re docent, quam in rem vetustae cu-
juspiani chartæ fragmentum infra pro-
ducemus. Genus hoc jam sub S. Ste-
phano Rege clarissimum, late olim pa-
tuit, & in plures ramos diffusum est;
verum quia ejus ætatis literæ paucæ ad-
modum superant, quinam Majores Co-
mi-

-
- A) Uterque locus est in Comitatu Po-
nensi, superiore seculo in numerum Li-
berarum, Regiarumque Civitatum re-
latus.
- B) In præfatione ad Libros XII. de mi-
grationibus Gentium: alio loco addit,
multa bona in Carnis possedisse, & Pria-
cipibus Austriae, ac Patriarchis Aquile-
iensibus obnoxios fuisse.

mitum de S. Georgio , & Bozyn fuerint?
quave serie Seculo XI. & XII. se exce-
perint ? omnino compertum non est.

Prinus sub exordium Seculi XIII. *Thomæ floruit Thomas*, cui Rex Emericus fil- *Andreas II. donat Szakol-*
vam Keykeus, & Andreas II. agrum Sza- *Szakol-*
kolensem sub annum 1209. impertitur. *czam.*
Pars literarum Andreæ , quæ in rem fa-
cit , ita habet : „ Munificentia Regalis
„ immensitas licet etiam ad extraneos
„ bonæ commendationis fragrantia di-
„ latari soleat ; ad illos tamen copio-
„ sius suæ largitatis dona debet exten-
„ dere , quorum fidelitatis constantiam
„ experimento didicit , & diuturna mo-
„ rum honestate feliciter comprobavit.
„ Nos itaque , prout Regiæ circumspe-
„ ctionis eruditio nos admonet , nostro-
„ rum servitia fidelium , ingratitudinis
„ nolentes præterire silentio , propter
„ eximia probatum merita , quibus co-
„ ram oculis nostræ Majestatis Thomas
„ Comes indefinenter claruit , terram
„ quandam nomine Zakolcha rudem ,
„ & desertam , sitam in confinio nostri
„ Regni versus Bohemiam tam ei , quam
„ suis successoribus contulimus in per-
„ petuum possidendam.

Non multo post eidem donat ter- *Et Bazyn.*
ram Bozen , seu Bazyn , quam anno 1216.
rursus firmat in hæc verba : „ Cum Regiæ
„ Celsitudinis munificentia nullis termi-
„ nis coarctetur , & optima in Princi-
„ pe donandi mensura immensitas ju-
DRCAS II. D „ di-

„ dicetur , præcipua tamen est erga bene
 „ meritos circumspæctio adhibenda , ne
 „ quis apud illum sui laboris præmio de-
 „ fraudetur , qui suæ liberalitatis bene-
 „ ficia etiam ad extraneos usque pro-
 „ tendit. Inde est , quod fideli nostro
 „ Thomæ Comiti Nitriensi ob continu-
 „ um , ac fidele servitum , & insignia
 „ meritorum , terram quandam Bozen
 „ nomine , quæ ad castrum Posoniense
 „ pertinebat , cunctis metis undique a
 „ circumiacentibus terris distinctam , si-
 „ bi , & per eum suis hæredibus jure
 „ perpetuo contulimus possidendam , &
 „ per Pothonem tunc Comitem Poso-
 „ niensem ipsum in possessionem ejusdem
 „ terræ fecimus introduci. „ A)

Ejus filii Anno in sequenti 1217. Thomam in
 Sebus , & vivis jam non fuisse , duosque filios re-
Alexan- liquisse constat ex ejusdem Regis lite-
der Pin- ris , ubi inter cætera habet : „ Verum ,
cernarum „ cum post mortem jam dicti fidelis no-
Magistri. „ stri Thomæ Comitis , ejus filii SEBUS
 Co-

A) Non abs re fuerit hic adjungere , quod
 Rex ad calcem literarum hoc tenore
 subjicit : „ præsentis Privilegii series ,
 „ prioris sigilli nostri muniminae , quod
 „ in occisione Reginæ Gertrudis nostræ
 „ dilectissimæ Conjugis fuit deperditum ,
 „ consignata fuerat , præsentem pagi-
 „ nam renovandam fore dignum du-
 „ ximus ; & alio sigillo , quod contra
 „ falsæ cavillationis dolositates , quæ
 „ possunt accidere , parari fecimus , —
 „ in perpetuum roboravimus . „

„ Comes , & ALEXANDER nostrorum
 „ Pincernarum Magistri , Viri strenuita-
 „ tis eximiae prædictæ terræ (Zakol-
 „ cha) folicitudinem copiosa populorum
 „ multitudine cepissent resarcire , nos
 „ eandem per nostrum fidelem , & di-
 „ lectum Hugrinum Magistrum , & post-
 „ modum Aulæ nostræ Cancellarium per-
 „ agrari , certisque metarum limitibus
 „ distingvi , nec non in ejus possessio-
 „ nem per eundem eos fecimus intro-
 „ duci . Cæterum — — quia facta per
 „ nos hujus possessionis donatio tempo-
 „ re supra dicti Comitis nullo suffulta
 „ fuerat authoritatis nostræ testimonio ,
 „ ad honestam suorum filiorum , nostro-
 „ rum fidelium Sebus Comitis , & Ma-
 „ gistri Alexandri petitionis instantiam
 „ præsentem concessimus paginam sigilli
 „ nostri munimine in perpetuum robo-
 „ ratam . Datum per manus Hugrini
 „ Aulæ nostræ Regiæ Cancellarii Anno
 „ Dominicæ Incarnationis 1217 . „

Ejusdem Regis liberalitate Comes
 Sebus in possessionem Castris Szent-
 györgy , seu Sancti Georgii venit , il-
 ludque Filio unico Abrahamo dicto A-
 bych reliquit . Alexandri contra prædiū
 Csötörtök Domini , præter Anonymum
 filium , COSMAS insuper , & ACHILLES
 nati memorantur . De Cosma seorsim Rex
 Bela hæc memoriæ prodidit : „ Cum Tar-
 „ tari , inquit , per divinam ultionem
 „ invaderent Regnum nostrum , et nos

*Entom-
um Cos-
mas.*

„ iisdem Tartaris una cum Baronibus,
 „ et hominibus Regni nostri nos oppo-
 „ suissemus, idem Comes Cosma nobis,
 „ et Baronibus nostris videntibus, cum
 „ eisdem Tartaris viriliter dimicavit,
 „ ibique duobus vulneribus per eosdem
 „ Tartaros lethaliter exstigit vulneratus.
 „ Postmodum autem nobis existentibus
 „ in maritimis, idem Comes Cosma
 „ confinia Regni nostri, videlicet totum
 „ Comitatum Posoniensem contra Ducem
 „ Austriae indemptum conservavit, ibique
 „ in conservatione confinii duodecim vul-
 „ neribus exstigit vulneratus, et in aliis
 „ vulneribus per Teutonicos fuerat ca-
 „ ptivatus; de qua captivitate nos rede-
 „ mimus, seu recepimus eundem: in
 „ ipsa etiam conservatione confinii di-
 „ ctus Comes Cosma uno oculo est pri-
 „ vatus. A) Reliquit duos Filios Pau-
 „ lum, et Cosmam II. quorum meminit
 Rex Stephanus in literis anni 1270. sed
 uterque defecit.

De Achille vero, et Cosma I. com-
 muniter Stephani Parens Bela ita loqui-
Ej. sdem et Cosmæ, tur: B) „ quod cum in Sojow con-
Achil. lis laudes tra Tartaros conflictum habuissemus,
 „ eisdem se pugnæ viriliter opponen-
 „ tibus, ipsi sunt graviter vulnerati, et
 „ Frater ipsorum exstigit interemptus
 „ pro fidelitate Regno debita, et co-

TO-

A) Literæ datæ sunt anno Domini 1245,
 B) In Diplomate anno 1256. exarato.

„ ronæ : cum etiam in partibus mariti-
 „ mis maneremus , contra Ducem Au-
 „ striæ nostrum inimicum capitalem illæ-
 „ sum , et indemne Regni nostri confini-
 „ um servaverunt ; unde præfatus Comes
 „ Cosmas pro fidelitate nobis impensa,
 „ receptis duodecim vulneribus fuerat ca-
 „ ptivatus : quo in captivitate existente,
 „ Comes Achilleus illæsum nostrum confi-
 „ nium conservavit. Et cum de maritimis
 „ redeentes , præfato Cosma Comite in
 „ captivitate existente, contra Ducem Au-
 „ striæ exercitum movissimus, idem Achil-
 „ leus Regnum Austriæ usque Viennam
 „ a Posonio pro fidelitate nobis debi-
 „ ta devastavit. “

Thomas
 II. Judex
 Curia.

ABRAHAMUS ex Sebus progenitus
 duos filios habuit : ABRAHAMUM II. Ru-
 sum , dictum Abych , et THOMAM II.
 De hoc ad annum 1287. in meis Adver-
 sariis istud adnotatum reperio : Cum Tho-
 mas filius Abram de genere Huntpaz-
 nan Ecclesie Strigoniensi damna plurima
 intulisset in devastationibus possessionum ,
 direptionibus , et detentionibus decimarum ,
 ac propterea a Lodomerio Archiep. excom-
 municatus fuisset , per compunctionis spi-
 ritum rediens , obtulit in satisfactionem
 tria millia marcarum. Lodomerius qui-
 dem reliquum ei remisit , sed pro trecen-
 tis marciis ab eodem Thoma , consentien-
 te Abram dicto Obychk Fratre suo , acce-
 pit possessionem Gyrok in Comitatu Ni-
 triensi. Fuit Thomas hic Judex Curia

Regiæ, Comes Posoniensis, et de Szentgyörgy; sed sine liberis decepsit.

Divisio bonorum inter Petrum et Sebus II. Abrahamus II. contra, qui sub principium Seculi XIV. vixit, duos Filios progenuit PETRUM, et SEBES, vel SEBUS II. Hi duo Fratres uterini, ut certi fragmentum habet: anno 1343 coram Capitulo Jaurinensi hanc in Castris suis perpetualem fecerunt divisionem, nempe ut Castrum Bozin cum Villa sub eodem Castro adjacente, item villa Sumbergb, et Uifalu, et possessione Szeles cum possessione item Zemech in Csallóköz existentes, omnibusque earundem appertinentiis, et utilitatibus Magistro Sebus; Castrum vero Szentgyörgy cum villa sub eodem Castro adjacente, item villa Zikv, Iwand, et possessione Eberhard, Magistro Petro. ejusque heredibus cedant. Atque hinc lineam Sebusii Baziniensem, lineam vero Petri Sancto-Georgiensem vocare placebit, quoad novam bonorum partitionem, quæ inter utriusque posteros rursus facta est, exequamur.

Linea de Bozin: Ex Sebus itaque procreati sunt duo Filii: NICOLAUS, et JOANNES, hunc anno 1361. Ludovicus Rex in possessione Hedvára, quæ ad arcem Bozyn attinebat, potestatem facit novum Castrum excitandi, valloque, et fossis munendi, utrique autem Capituli Jaurinensis literas, quarum partem supra dedimus, auctoritate Regia anno 1371. confirmat. Nicolaus genuit GEORGIUM, et NICO-

LAUM II. qui defecit. Georgius subscriptus legitur tabulis foederis, quod anno 1412. Sigismundus Rex Hungariæ cum Wladisko Polono icit, et sepultus est Bazivii in Templo Principe cum hujusmodi epitaphio :

Anno Domini MCCCCXXVI. obiit

Georgius

Comes in Posing, feria IV, ante Do-
rotheæ Virg.

Ex Conjugi Irathna Ozdravszky sustulit tres Filios : PETRUM IV. LADIS-
LAUM I. sine hærede mortuum, et GEOR-
GIUM II. qui cum fortitione Castrum
Szentgyörgy acquisivisset, novæ lineaæ
Author haberi potest; quare de eo in-
fra, cum series rerum poposcèrit, age-
mus, nunc ad Petrum Sebusii Fratrem
redeuadum.

Habuit vero Filiam BARBARAM anno 1364. si Illustr. Hoheneckius non Szent-
fallit, Wolffgangi a Pollheim Conjugem, györgy.
et tres Filios THOMAM III. PETRUM II.
et JOANNEM II. quibus Rex Ludovi-
cus anno 1369. indulget, ut pontem in
Danubio prope Eberhard tenere, ser-
vareque possint. Thomas III. liberis.
caruit; Joannes II. vero in Thoma IV.
Filio defecit. Ex Petro II. nati sunt
THOMAS V. dictus Temel, et PETRUS
III. qui anno 1397. multas literas ve-
tustate exefas, in Jaurinensi Capitulo
transummi curant. Petro III. præter Fi-
lium COSMAM III. qui post annum 1412.

Ceciliae defecit, & Ladislaus II. Filiam quoque fuisse
 compario CÆCILIAM, Comiti Stephano
audacia de Rozgon nuptam, cuius egregium faci-
 nus, quod anno 1428 patraret, Rex Sigis-
 mundus his laudibus attollit: „ Ipsa
 „ namque Domina Comitissa: nobis, et
 „ Comite Stephano Domino, et Mari-
 „ to suo — — cum nostris exercitibus
 „ in obsidione — — Castrum Galambocz
 „ existentibus — — præ cæteris Domi-
 „ nabus audacior — — ad Castrum
 „ nostrum Szentlazlóvár — — ex op-
 „ posito Castrum Galambocz — — per
 „ nos ædificatum venire ausa est, et
 „ unam galeam nostram armatam, inter
 „ cæteras inibi super ipso fluvio Danu-
 „ bii habitam, nedium prætermissa mu-
 „ liebri, sexusque fœminei fragili, tre-
 „ mula, et formidula conditione, sed
 „ et animo, atque corde sumpto he-
 „ roico, audacter conscendens, et cum
 „ eadem in dicto Danubio hinc inde
 „ strenuo modo currens, modoque dis-
 „ currens, inchoatis belli præludiis se
 „ ingerendo, plurimas peregit scaraman-
 „ tias triumphales: de eadem quoque
 „ galea aliquoties, imo vicibus frequen-
 „ tatis ex pyxidibus, seu bombardis,
 „ balistisque et aliis ad id correquisitis
 „ ingenii, ad ipsum Castrum Galambocz
 „ contra Turcos idem Castrum tenen-
 „ tes sagittari facere non expavit. “

THOMAS V. cuius supra memini- Thomas
mus, Petri III. Frater, alias Temel, V. Tavern-
Temlinus, et Templinus dictus, sub nic. Ma-
Ludovico I. Tavernicorum Regalium gister, et
Magister, sub Maria vero Ludovici Fi- Illyrici
lia Dalmatiæ, et Croatæ Banus, nihil
non egit, quo contra Carolum Neapo-
litanum Reginæ solium firmaret; verum
ejus rebus undique collabentibus, Pro-
vincia decessit, et publico abstinentis, in
domestico otio consenuit. Amicus, qui
mihi tabellam Genealogicam Comitum
de S. Georgio submisit, Thomæ V. ad-
scribit Filium THOMAM VI. qui ex Con-
juge, nisi fallor, Catharina de Haym
suscepit HEDVICEM Vilhelmi de Per-
neck Uxorem, LADISLAUM III. et E-
BERHARDUM utrumque deficientem, nec
non MARTINUM in Sacerdotio cælibem;
atque in his germen Sebusii II. penitus
exaruit.

PETRUS IV. Georgii II. Frater, post Nova be-
quam ex Conjugе Hedvige, Dionysii norum dī-
de Marczal Bani Sclavoniæ nata tres Fi- visio.
lios sustulisset, EMERICUM videlicet,
LADISLAUM IV. et STEPHANUM, quo-
rum duo postremi sine hærede existenti
sunt, sub annum 1445. e vivis excessit.
Vidua Hedvigis novam latifundiorum
divisionem cum Georgio II. inlit, quæ
quomodo peracta sit, juverit ex Capi-
tuli Posoniensis literis eatenus confectis
audire, pars autem earum ita habet
,, cum nos ad instantes petitiones Ma-

„ gnifici Dni Georgii Groff de Bozyn ,
„ et Szentgyörgy pro se , et pro Egre-
„ giis Joanne , et Sigismundo Filiis
„ suis ex una ; parte vero ex altera Ge-
„ nerosæ Dominæ Hedvigis relictæ con-
„ dam Magnifici Petri Groff de eadem
„ Bozyn , et Szentgyörgy modo simili
„ pro se , et pro Egregius Filiis suis vi-
„ delicet Emerico , Ladislao , et Ste-
„ phano , ex ipso condam Domino Pe-
„ tro Groff progenitis — — tres no-
„ stri de medio — — Socios , et Con-
„ canonicos nostros ad infra scriptorum
„ quatuor Castrorum eorundem DD.
„ Groff divisionem in duas æquales par-
„ tes faciendam , ad Oppidum eorun-
„ dem DD. commune videlicet Tsötör-
„ tök , alio Nomine Leopoldsdorf vo-
„ catum , in Comitatu Poson. habitum,
„ nostro post testimonio fide dignos du-
„ xissimus destinandos : qui tandem exin-
„ de ad nos reversi , nobis voce con-
„ sona retulerunt , quod — — talem
„ in præmissis Castris in eisdem fecis-
„ sent adæquationem , videlicet quod
„ Castro Bozyn Castrum Borostyan pro
„ una parte ; pro altera autem parte
„ Castro Szentgyörgy Castrum Eber-
„ hard annexissent taliter videlicet , et
„ eo modo , quod euicunque parti per
„ fortem cedet Castrum Bozyn , huic
„ et Castrum Borostyan , et rursum cui-
„ cumque parti Castrum Szentgyörgy ,
„ eidem et Castrum Eberhard cedet :
„ qui-

„ quibus peractis , et partibus utrisque
 „ ipsam divisionem eo modo fiendam
 „ usque ad defectum seminis admissis ,
 „ et consentientibus , tandem per duas
 „ cedulas forte positas , et ipsis parti-
 „ bus per quendam puerum illiteratum
 „ porrectas , et assignatas , prædicta Ca-
 „ stra Szentgyörgy , et Eberhard præ-
 „ libato Georgio Groff cum prænotatis
 „ Filiis , et hæredibus suis ad unam
 „ partem; partem vero ad alteram Ca-
 „ stra Bozyn , et Borostyán prætitula-
 „ tæ Dominiæ Hedvigæ , et prælibatis
 „ Filiis suis forte cessissent. — — Da-
 „ tum die 15. diei festi B. Bartholomæi
 „ Apostoli anno Domini 1446. “

GEORGIUS II. summa apud Regem
 Albertum gratia floruit , cui Regni Hun-
 gariæ coronam asservandam tradere non
 dubitavit. Testes sunt Elisabethæ Alberti
 Viduæ literæ anno 1439. exaratae , qua-
 rum summa hæc est : *se a Georgio Groff*
de Bozin sacrum Regni diadema , quod
Albertus Rex pridem suo , ac nonnullo-
rum Prælatorum , ac Baronum sigillis
probe munitum , conservandi gratia ei tra-
diderat , cum omni reliquo sacri cimelii ad
coronationem necessarii apparatu , sub me-
moratorum Regis , ac Procerum sigil-
lis , sine ullo defectu , fideliter redditum
accepisse. A) Alberto , ejusque Filio La-
 dis-

*Et nova
linea de
S. Geor-
gio.*

A) Kaprinai Hungariæ Diplomaticæ Par-
te II. pag. 218.

dislao Postumo defuncto, contra Mathiam de Hunyad Friderico Imperatori adhæsit, eumque Regem Hungariæ nominavit, quam obrem non solum eximias laudes, sed auctum etiam scutum gentilitium ab eodem Cæsare accepit. Sepultus est in Sacello SS. Trinitatis, quod ipse a fundo in Urbe S. Georgii excitaverat, cum hac epigraphe marmori incisa :

Epitaphium Georgii II.

Anno Domini MCCCCLXVII. feria quarta ante festum Beati Ambrosii Episcopi obiit Spectabilis, et Generosus Dominus, ac Magnificus Dominus — A) de S. Georgio, et de Bozyn &c. hic sepultus jacet: cujus anima requiescat in pace.

Eius Uxor.

Duas Georgii uxores reperio: altera fuit Gitka, seu Juditha in literis hoc titulo usa: *Gittka Dei gratia bæres Opavensis*, quæ amissio priore Marito Paullo Wollard de Vöröskő, alias de Owár, Georgium accépit, eumque, ac posteros utraque ditione auxit. Altera vero Margaretha de Lichtenstein, ut refert Ill. Joannes Georgius L. B. ab Hohenbeck. b) Ex gemino hoc thoro nati sunt:

Ei Filii.

i. JOANNES III. quem Mathias Rex, ut a Friderici Cæfaris clientela avertiret,

A) Hoc loco marmor confractum est.

B) Operis Genealogici Familiarum Austriae supra Anasum Parte I. pag. 608.

ret , Vajvodam Transylvaniæ creavit.
Sed non multo post a provincialibus Rex
nominatus , quomodo ab obsequium red-
ierit , Jacobo Zudar de Olnod Mathias
Rex hunc in modum perscripsit : „ Pro
„ certo scimus , quod prout fidelem sub-
„ ditum decet , de nostris prosperis suc-
„ cessibus gaudetis , ob hoc quæ bene,
„ et prospere ad honorem , et volun-
„ tatem nostram in his partibus Regni
„ nostri Transylvanic omnia succeſſerunt,
„ vestræ fidelitati præsentibus duximus
„ notificandum . Nam Vajvoda noster
„ Transylvanus , qui suscepit beneficii
„ immemor , nobis infidelis erat , et re-
„ sistere volebat , nobis humiliter in
„ obviam venit , et se culpabilem red-
„ dendo , flexis genibus de suis excessi-
„ bus a nostra clementia veniam postu-
„ lavit , offerens se in futurum nobis ,
„ et sacræ coronæ fideliter famulaturum.
„ Nos autem de eo primum vindictam
„ sumere volentes , tandem vero ex in-
„ nata nobis clementia , quæ magis mi-
„ fereri , quam ulcisci solet , eidem Vaj-
„ vodæ gratiam fecimus . — — Datum
„ in Kolosvár feria 4. prox. post festum
„ B. Matthæi Apostoli et Evang. Anno
„ Domini 1467. Regni nostri anno 10.
„ Coronationis vero 4. “ Abhinc Joa-
„ nes fere privatus vixit , cui Spennerus
Conjugem incerti nominis Batthyanianam
adscribit ; Filiam vero MARGARETHAM

Jo-

Joanni de Hohenberg nuptui traditam
Hoheneckius commemorat. A)

Sigismundus Cæsar Fiderico ad hæret. 2. SIGISMUNDUS et ipse Friderici Cæfaris non solum affecula, verum etiam belli Dux has ab eo laudes emeruit:
 „consequenter tu Magnifice, et Gene-
 „rose Sigismunde, his tuis personæ,
 „et rebus minime parcendo, integræ,
 „et puræ fidei constantia persecutioni-
 „bus, et potentia quorumcunque mini-
 „me stupefactus, pro repressione ho-
 „stium, ac rebellium nostrorum exter-
 „minio, mortis periculum, et quam-
 „cunque jacturam non expavescens,
 „novissime hoc anno tuis virtutis, et
 „virilibus operibus ex animi, et cor-
 „dis tui nobilitate, et plurimorum a-
 „ctuum tuorum militarium profecto stre-
 „nuitate provenientibus egregie, et
 „strenue insignissimi, et impavidi Athle-
 „tæ, et militis more aduersus exerci-
 „citus hostium nostrorum, nostrum e-
 „xercitum in multitudine longe exce-
 „dentes, cooperante Altissimo, aciem
 „belli animose confringendo, et hostes
 „nostros in fugam convertendo, pal-
 „mam, et victoriæ gloriosi triumphi,
 „nostræ nomine ut dicti nostri Exerci-
 „tus p̄cipiūs Dux, et Capitaheus
 „laudabiliter obtinuisti; prout id expe-
 „rimentaliter coram nostris Cæsarea,
 „et

1) Operis Geneal. Famil. Auftrixæ supra A-
nasum Parte II. pag. 533.

„ & Regia Majestatibus plenissime com-
 „ perimus in effectu. „ A) Cæterum
 ut Vajvodatum Transilvaniæ ad Annum *Cum fratre Joan-*
 1466. & duos insequentes cum fratre *tre Joane Vajvo-*
 Joanne gessit, ita ejus culpa Præfectu-*da Tran-*
 ra illa excidit. Utrumque vitam perdu-*silvaniæ.*
 xisse ad annum 1486. certum est ex Ma-
 thiæ Regis literis, quibus eis novum ju-
 dicium concedit in causa, „ quam ha-
 „ bebant cum honorabili Capitulo Ec-
 „ clesiæ Colocensis ratione possessionum
 „ Szentgyörgy, & Kabold in Comita-
 „ tibus Bodrog, & Bâch existentium.,,
 Sigismundus ex Conjugie Barbara genuit
 filium THOMAM VII. qui anno 1493.
 litem, quæ Archiepiscopos Strigonien-
 ses cum ejus Majoribus commiserat, ter-
 minavit, & neglectas vini decumas a suis
 subditis dependi jussit. Obiit in flore æta-
 tis nullo hærede relicto.

3. PETRUS V. sub Wladislao II. *Petrus V.*
Judex
Curiæ, &
Vajvoda
Transil-
 splendidos duos Magistratus videlicet
 Judicatum Curiæ Regiæ, & Transilva-
 niæ Vajvodatum plures annos administra-
 vit. Gemino connubio illigatus fuit, sed *vaniæ.*
 sterili semper, infœcundoque, primum
 quidem cum Cunegunde Ctibor de Czim-
 burg, deinde cum Sophia de Waldstein.
 Utramque postquam etulisset, quod re-
 liquum vitæ habuit, viduus egit.

4.

A) Literæ datae sunt Viennæ die 19. Junii
 anno 1459.

4. CHRISTOPHORUS, cuius Conjugem Elisabetham a Neydperg, prolem nullam lego.

5. GEORGIUS III. Atque his omnibus deficientibus, ditio Sancto-Georgiensis, & Eberhardiensis ad ramum Baziensem revoluta est.

Nova linea de Bozyn.

Ex quo EMERICUS, cuius supra meminimus, Petri IV. filius, ac Ladislai III. & Stephani I. frater, cum uxore Helena de Rozgon eduxit unicum filium Simonem vel Simeonem. Hic anno 1488. dimidium dictionis Leopoldsdorff tenuit, pluresque liberos progenuit, quorum nomina sunt:

1. LADISLAUS IV.

2. PETRUS VI. uterque defecit.

3. FRANCISCUS, de quo infra.

Ex qua Wolfgang. 4. WOLFGANGUS Ludovici II. Hungaricæ Regis Cubicularius, Vir non magnus, & Ferdinandi noris consiliarius, quam authoritatis, quod di Orato. vei ex epistola, quam Ferdinandi Auct. rum ad striaci Oratores ad eum dederant, per eum literas spicuum fiet, in hunc autem modum prescriptum est: „Magnifice, & Generose &c. Cum in praesentiarum Reginæ lis Majestas suas ad Magnif. vestram literas dare constituisse, visum nobis est has nostras ad Magnif. vestram prescribere, quibus eandem rogamus, ut intuitu Serenissimi, ac Potentissimi Principis & DD. Ferdinandi Regis Bohemiæ, Archiducis Austriae &c. Domini nostri gratiosissimi con-

„tem-

„ temptatione , & Reginalis Majestatis,
 „ ac nostri omnium nomine , die crasti-
 „ na Posonii in negotiis quibusdam Re-
 „ gio nomine tractandis , esse dignetur-
 „ In quo Magnif. vestra rem , & Sere-
 „ nissimo D. nostro Regi , & Reginali
 „ Majestati , ac nobis admodum gra-
 „ tam faciet. Datae Posonii feria 6. post
 „ festum Divæ Luciæ Virginis , & Mart.
 „ II. Anno Domini 1526. ”

Serenissimi , ac potentissimi Prin-
 cipis DD. Ferdinandi Regis Bohemiæ
 Archid. Austriae , apud Reginalem Ma-
 jestatem Oratores .

Christophorus Dei gratia Ep.
 Labac. Admin. Seccov.

Wilhelmus de Zelking Baro.

Joannes de Lamberg Baro in
 Saunstein.

Georgius de Herberstein Eques.
 Erasmus de Dornberg.

Stephanus de Pemflingen.

In hoc Posoniensi congressu Wolfgangus , quemadmodum Ferdinandi Regis partes contra Joannem de Zapolya complexus est , ita eas usque ad annum 1534. quem supremum habuit , conitanter sovit. Matrimonium iniit cum Sophia , filia Laurentii Trinchéni de Zablah , Ambrofii Sárkány de Akosháza , olim Judicis Curiae Regiae Vidua ; sed si Amicus Familiæ tabellam Genealogi- cam , quam suppeditavit , rite consecit , sine hærede obiit .

5. GEORGIUS IV. vixit anno 1509.
de cuius prolibus infra.

6. CHRISTINA Conjux Joannis Mi-
thyani de Klifiány.

*Barbara Latii ser-
monis pe-
rita.* 7. BARBARA, mulier latini sermo-

nis tanta cultrix, ut eo potissimum
epistolas daret, acciperetque. Exstant
certe literæ Barbaræ Fanchy, quæ La-
tiii idiomatis perinde gnara, hæc ad
eam sua manu scripsit : „Magnifica, &
„Generosa Domina nobis observanda!
„salutem, & servitiorum commendatio-
„nem. Rogo vestram Magnif. & Ge-
„nerosam Dn. ut hoc Tapetum invo-
„latum restituere faciat Dominæ Ko-
„lonychniæ filiæ, quod anno præteri-
„to ab eadem mutuo abduxeram, ter-
„tamen jam remiseram, sed semper re-
„duxerunt, quia nesciverunt, cui re-
„stituere. Cæterum dæ 500. flor. quos
„Dominæ sorori nostræ misimus, ha-
„ctenus adhuc nihil intelligere potui-
„mus, utrum sint sibi restituti, nec
„ne? Insuper rogamus vestram Magnif.
„& Generosam Dn. ut Dominam Bär-
„haram Fynskircher increpare velit;
„quod nunquam vel unicum verbulum
„nobis scribat, eandemque nomine no-
„stro officiosissime salutet. Si vero ali-
„quibus necessariis rebus, quæ hic in
„nostris partibus habentur, eadem in-
„diget, nos certiores reddat, ac pa-
„rati (paratæ) erimus semper vestræ
„Magnif. & Generosæ Dn. in omnibus,
„qui-

„ quibus possimus inservire , eandemque
 „ felicissime valere optamus. Ex Castro
 „ Dyosgewr 7. Octobris 1556. A)
 Barbara Fanchy.

Cæterum Barbaram Comitem de S. Georgio Illuſtr. Hoheneckius non Simoniſ, ſed Franciſci, de quo mox ageamus, filiam eſſe inauult, cum haec prodiſ: b) Herr Eraſmus Herr von Liechtenſtaiñ vermaehete ſich zwar Anno 1511. mit Fraulen Barbara Gräfin von St. Jörgen, und Pöſſing, Herrn Franz Grafen zu St. Jörgen, und Pöſſing, und Frauen Barbara von Weisenbriach Tochter, starb aber am Freytag vor Lætate, Anno 1524. ohne Kinder — — ſein hinter laſſene Wittib verebelichte ſich mit Caspar Gra- gowsky, qui alias etiam Jeroczky, vel Hieroczky scriptus legitur.

FRANCISCUS Wolfgangi Frater. poſt Francis- eladem Mohatsianam & ipſe Ferdinandi Austriaci partes complexus, singula- ri apud eundem gratia floruit. Anno cer- te 1527. Maximilianum Archiducem Vi- ennæ natum, luſtricus Pater ex ſacris undis levavit. Eodem anno novam bo-

E 2 no-

A) Inſcriptio Epiftolæ hujusmodi eſt : Ma- ghifcæ, & Generofcæ Dominæ Barba- ræ Roczkinye, Comitifcæ a Zenthgör, & Basyn, Dominæ uobis obſervandis- ſimæ.

b) Operis ſupra citati Tomo I. pag. 611.

norum divisionem cum Fratribus iniit;
sed posteris nihil profuturam: filii si
quidem, quos ex Conjuge Barba-
ra de Weisprach, cuius supra memini-
mus, progenuit, improles deceperunt,
Filiabus autem, quae Patri superstites
manserunt, in alienas domos enuptis.
Nomina porro liberorum utriusque sexus
haec sunt:

*Eius libe-
ri.*

1. GEORGIUS V. vixit anno 1507.
2. STEPHANUS II. anno 1537.
3. JOANNES IV. anno 1523.
4. ANNA 1527.
5. GERTRUDIS Conjux Balthasaris
de Prösing Liberi Baronis in Stein, &
anno 1546. in Austria superiori Locum-
tenentis.
6. MARGARETHA Wolfgango de
Pnechhaim nupta.
7. SOPHIA, cuius Maritum ab obli-
vione vindicavit Illustr. Hoheneckius
dum ita scribit: A), Herr Paul Wilhelm
von Zelking der anderte — — — hat
sich (wie der Baron Ennenck!. MS. ent-
balten) mit Frauen Sophia gebobrnen Grä-
fin von St. Georgen, und Pösing vermäh-
let. Er versetzte sie aber durch sein anno
1568. erfoltes ableiben in den Wittiben-
Stand, nachdem sie ihm, eine Tochter,
Namens Anna Maria geboren.

GE-

A) Operis supra citati Tomo III. pag.
870.

GEORGIUS IV. Francisci, & Wolf-*Christophorus II.*
 gangi frater, duos filios progenuit, *generis ultimus.*
 ADOLPHUM, qui in adolescentia obiit, & CHRISTOPHORUM II. qui illustre Comitum de S. Georgio, & Bazin genus, ultimus marium claviit anno 1543. Ex Elisabetha Comite a Salmis, & Neuburg, quam uxorem duxerat, unicum nonnisi, & incerti nominis filiam suscepit; sed & hæc ante demortua est, quam viro jungi posset, siccne cum alia amplissima bona, tum ditio Eberhardensis ad Fiscum rediit. Elisabetha porro altero matrimonio Adamo Hofman L. B. de viridi colle, & Strehau sociata est, ut rursus Hoheneckius in hæc verba testatur: A) Herr Adam Hofmann Frey-Herr zu Grienpibel, und Strehau, — — hatte zur erste Gemakel Frau Elisabetham gebohrne Gräfin von Salm, Herrn Nicolai Grafen zu Salm, und Neyburg am Ibh, und Frauen Elisabeth gebohrnen Herrin von Roggendorf Tochter, Herrn Peters (Christophorum dicere debebat) zu St. Georgen, und Pösing unterlasse ne Wittib, welche — — den 18. Martii Anno 1557. auf den Schloss zu Steyr das zeitliche gesegnet, und deselbst in der Pfarr Kireken unter nachfolgender Grabschrifft begraben worden:

E 3 Hier

A) Ibidem Tomo III. pag. 258.

*Ejus Con-
jugis Epi-
taphium.*

Hier liegt begraben die Hoch, und Wohlgebohrne Gräfin, und Frau Frau Elisabeth Hofmanniu zu Grienpihel, und Stechau, gebohrne Gräfin zu Salm, des Wohlgeborenen Herrn Herrn Adam Hofman Freyherrn liebste Gemahlin, so gestorben zu Steyr den 18. Martii Anno 1557. ihres Alters in siben, und dreyzigsten Jahr. Dero Gott gnädig seyn wolle. Amen.

VI.

DE KIS-WÁRDA.

(Fig. 6.)

Kis-wárda Latinis Varadinum minus, *Kiswar-*
 olim Kis-várada, aut Várada, arx, *daji pro-*
 & oppidum est Provinciæ Szaboltsien-*fluunt de-*
fis, loco palustri, ideoque aditu perdif-*genere*
 ficii situm. Huic familia Kiswardaiana *Guthke-*
leled.

nomen, & natales, primam vero ori-
 ginem generi Guthkeled debet, ex quo
 plures clarissimas stirpes profluxisse jam
 alias A) docuimus. Sed & harum, &
 Kiswardaiorum Majores furor Tartari-
 cus, qui Hungariam sub Rege Bela IV.
 pene delevit, flammis, cineribusque se-
 pelivit.

Abhinc floruit Comes ALADARIUS *Aladari-*
MICHAELIS filius, Vir apud Stephanum us I.
 V. Regem magni nominis, existimatio-
 nisque. Cum enim Ecclesia Agriensis
 Privilegia, quæ Bela IV. innovaverat,
 Samuel filius Cibinii ausu nefando ex-
 ussisset, e viginti quinque Senioribus
 Nobilibus Diæcesis Agriensis Aladarius
 unus fuit, qui libertates ejus Ecclesiæ
 ediceret, tactoque Crucis ligno, jura-
 E 4 tus

A) Collectaneorum Historico-Genealogico-
 rum Decade I. §. II.

tus adfirmaret. Genuit tres filios: **JACOBUM**, **ALADARIUM II.** & **LADISLAUM**.

Ejus po-
steri.

Primorum memoria supererat in literis Capituli Agrienlis anno 1311. datis: quibus recipiunt, se in potestate Cívium Cassoviensium obsides tam diu futuros, quoad filii Omodei Palatini cum Rege Carolo, urbeque Cassovienti in gratiam redierint. Neutrius hæredes reperio; Frater contra **LADISLAUS** ex Margaretha filia Marthonus filii Zochud de Jelethe genuit **JOANNEM**, qui postquam Arcem Kiswarda reparasset, adjectisque substructionibus laxiorem fecisset, obiit anno Domini 1357. relictis duobus filiis, **NICOLAO**, qui improlis decepsit, & **DOMINICO**, qui sub annum 1380. latifundiorum causa, a familia Bathoriana gravi, molestaque lite exercitus est.

Ex hoc in lucem prodierunt quaterni filii, videlicet: **SIGISMUNDUS**, qui unicam filiam **CATHARINAM**, Thomæ Zolyomi de Albes Consortem eduxit; **MICHAEL II.** **NICOLAUS II.** & **PELBAR-TUS**, **MICHAEL II.** Sigismundi Regis itinerum, quæ in Germaniam, Galliam, aliasque Europæ Provincias suscepit, comes, pregenuit filium **LADISLAUM II.** Hic sub annum 1471. e vivis exce-
dente, **HEDVIGAM** filiam Petri Teuke de Agard Viduam, & **LADISLAUM III.** **AN-DREAM** improlem, ac **JOANNEM II.** filios reliquit.

LA-

LADISLAUS III. geminum matrimonium iniisse videtur, posterius cum Catharina filia Stephani de Bathyán, prius cum Anna Zolyomi de Albes, ex quo natæ sunt JUDITHA, & CLARA; hæc Joannis Verebelyi, illa Joannis de Nagy Kalio anno 1524. Conjux; harum Fratres LADISLAUS IV. & GEORGIUS iam multo ante defecerant. Sed nec JOANNES II. Ladislai III. frater in propagando stemmate felicior fuit. Thoro is sociarat nobilissimam Virginem Ursulam, filiam Ladislai Thötes de Báthimonastra, qua cum ad amplissima saceri bona, quæ is in Barensi, Hontensi, Albensi, Bodrogienſi, & Tolnensi Comitatibus habebat, pervenit. Sed filius LADISLAUS V. qui ex ea natus est, fato præceptus; virilem ætatem non attigit; Filia vero CATHARINA in alienam domum, Valentini scilicet Erdödy de Csábrágħ enupſit.

Suppareſ his erant plures Wardaji, quorum tamen cum cæteris neceſſitudo, monumentorum inopia, haud liquet. Certe ſub Wladislao II. Rege florabant Paulus, Petrus, & Mathæus fratres germani: Paulus præter Sacerdotium Strigonienſe, Abbatiam de Földvár *Petrus Archiepiscopus* quoque poſſidebat; ſed ſpem majorum *Colleenfis.* honorum, quos exspectare poterat, mors immatura ſuccidit. Petrus ex Italia, ubi plures annos bonis litteris operam navarat, redux Mathiæ Regis voluntate

eandem Abbatiam, quam subinde fratri cessit, gubernandam accepit, nec multo post rarissimi animi, corporisque, quibus pollebat dotibus, promeruit, ut Archiepiscopus Colocensis, & Aulæ Cancellarius crearetur. A plerisque objicitur ei linguae dicacitas, quam carcere luisse in vulgus notum est; sicutque in captivitate, quoad Rex Mathias vixit. Wladislaus successor, & libertati, & sedi Pontificiali Petrum restituit, A) quam is tenuit usque ad initium Anni 1501.

Matthæus Comes Temeſi-ensis. quo obiit. Matthæus alias Érsek, B) nonnquam de Adorján, a loco, quem fortitione bonorum indeptus est, compellatus, anno 1509. Comitatui Temeſiensi Comes præsuiffe legitur.

Paulus Metropoliſus alter, & Thomas de Wárda. Ille Ecclesiasticum vitæ genus complexus, cum *goniensis*. in sacra, tum in profana Republica summos quosque Magistratus præclare ges- fit. Ex Budensi enim Præpositura S. Sigismundi, anno 1521. Vesprimiensis Episcopus, & Thesaurarius Regius; anno 1524. Agriensis Præfus; anno 1526. a morte Ladislai de Zalka Metropolita Stri-

- A) Qui plura de Petro nosse volet, consulat ejus Epistolas, quas Typis Pononiensibus Anno 1776. edidimus.
 B) Cur id agnomen ei est inditum? satis verisimilem causam attulimus in præfatione ad laudatas Epistolas.

Strigon. anno demum 1543. Locumtenens Regius nominatus est. Fratrem eius fuisse Nicolaum in bello cæsum, docent ejusdem literæ, quibus pro eo nominatum Missam, quam requiem vocant, quavis feria sexta in Ecclesia Strigoniensi celebrandam, anno 1528. constituit. Ludovicus II. Rex, cum ejus jus Patronatus in Ecclesia Agriensi impertisset, hæc de eo adserit: A) „ob merita, inquit, & virtutes fidelis nostri Reverendi Domini Pauli de Warda, designati Episcopi Agriensis, Thesaurarius nostri, quibus eundem nostra propria experientia novimus esse prædictum; considerantes etiam inter alias virtutes ejus, eum esse animo propensissimo, & religiosissimo ad omnem cultum Divinum, & Ecclesiæ ac fiduciæ sanctæ profectum. „ Idem jus ei contulit, & Joannes de Zpolya Rex Hungariae in Ecclesia Strigon. b) Quo demum loco fuerit apud Ferdinandum Regem, Istvánfius in hæc verba commemorat: c) *Ei Ferdinandus, inquit, tanta honoris, & benevolentiae signa deferre erat solitus, ut eidem secum mensa adhibere, convivioque excipere non debet.*

A) Literæ datæ sunt Budæ festo B. Margarethæ Anno Domini 1524.

B) In festo Circumcisionis Domini, Anno ejusdem 1527.

C) Histor. Libro XVI. pag. mihi 188.

dignaretur, eumque aliquando somno gravatum in suo cubili quiescere baud gravatim permetteret. Obiit Paulus, ut Nicolaus Olahus in Chronicis adnotavit, Posonii anno 1549. 12. Octobris, annum ~~z~~tatis agens 66.

De Thoma, si alter est ab eo, qui anno 1547. Personalis præsentia Regie munere functus est, quod addam, non habeo, quam quod ipse de liberis, quos suscepit, certo libro sua manu inscripsit in hunc modum:

Petrus natus 1518. mortuus 1522.

Sigismundus natus 1520. die 18. Octobris.

Joannes natus 1522. 7. Maii.

Petrus natus 1524. festo Colomani.

PELBARTUS Sigismundi, & Michaelis II. de quibus supra egimus, frater, præter tres filias videlicet: Susko, aut SUSANNAM Joannis de Potsaj, PÓTENTIANAM, Petri de Zokol, & ANNAM Joannis Lépes de Városkezy Conjuges, totidem filios procreavit: MICHAELM III. STEPHANUM, & ALADARIUM III. Hic anno 1459. Pincernarum Regalium Magister, & Comitatus Szaboltsiensis Comes, unacum Fratre Magister. Michaeli videtur defecisse. STEPHANUS in Italia cum profanam, tum sacram literaturam combibit, ubi Decretorum Doctor renuntiatus est. Anno 1454. Albeni Ecclesie in Transilvania Præpositus præfuit; sunt, qui in Agriensi sub-

*Aladari-
us III.*

*Pincer-
narum*

*Szaboltsiensis Comes, unacum Fratre
Magister.* Michaeli videtur defecisse. STEPHANUS in Italia cum profanam, tum sacram literaturam combibit, ubi Decretorum Doctor renuntiatus est. Anno 1454. Albeni Ecclesie in Transilvania Præpositus præfuit; sunt, qui in Agriensi sub-

in-

inde eodem munere perfundum velint : illud in comperto est ; sub Mathia de Hunyad Rege , & summum Aulæ Can-Stepha-
cellarium , & Archiepiscopum Colocen-nus Colo-
sem fuisse. Ut in numerum Cardinalium cen. Ar-
adlegeretur , pluribus literis Rex Roma-chiepisco-
manos Pontifices solicitavit. Omnes lau-pus.
dum Stephani plenæ sunt , ad memori-
am tamen illa peculiaris est , quam Pau-
lo II. rursum scripsit , cuius pars , quæ
huc facit , ita habet : „ si sanctitas ve-
„ stra virum vita , & moribus integrum ,
„ multarum rerum : & disciplinarum co-
„ gnitione ornatum , in spiritualibus re-
„ ligiosum , in temporalibus providum ,
„ Parentum nobilitate clarum , rebusque
„ gestis non obscurum in pretio habet ;
„ si denique status nostri incrementum ,
„ & rerum nostrarum firmum praesidium ,
„ ut non dubitamus , amat , non patia-
„ tur differri petitam a me ; & a fan-
„ ctitate vestra promissam hujus viri pro-
„ motionem : efficiatque , ut quem in
„ hoc procinctu vicariæ rerum publica-
„ rum curæ Archiepiscopum relinquo ,
„ in redditu meo ad vota , beneficio
„ sanctitatis vestræ Cardinalem reperti- Et s. R.
„ am. „ Creatus est demum ab eodem E. Cardi-
Pontifice anno 1468. die 18 Septembr. nalis.
Præsbyter Cardinalis SS. Nerei , & A-
chillei , quo tamen honore ei diutius
perfui non licuit , si quidem anno 1470.
mense Junio rebus humanis exemptus
est.

Nicolaus II. Thaurarius. NICOLAUS II. Pelbarti Frater, habuit filium NICOLAUM III. anno 1455. Ladislai Posthumi Regis summum Thesaurarium, & Comitatus de Szabolts Comitem, qui ex uxore Catherina de Perén generavit quatuor filios, NICOLAUM IV. SIMONEM, MATHIAM, & ALADARIUM IV. Hujus filia unica EUPHROSINA, Sigismundi Pogány de Cseb consors fuit. MATHIAS sacram militiam amplexus, post minora Sacerdotia, Episcopatum Bosnensem annum circiter 1436. consecutus est, sed ante obiit, quam ab Romana sede confirmationem acciperet; incidit ejus mors in annum a nato Servatore 1489. Simonis filius unicus THOMAS itidem Ecclesiasticus, in Collegio Sacordotum Agriensium anno 1545. vixit. NICOLAUS IV. in filia ANNA Joannis Dragfi de Béltek sponsa, & sex filii, quos ex conjugie Euphemia sustulit, Nomini Wajdaianum produxit. Eorum series haec est:

1. STEPHANUS II. qui in thori societatem adscivit Helenam filiam Ladislai Markois de Terjen, alias de Csuz: haec postquam ei BARBARAM Francisci Apafi de Apanagyfalva Confortem enixa fuisset, Maritum amisit.

Franciscus Episcopus Yaciensis deinde Transfilv. 2. FRANCISCUS anno 1510. Thesaurarius Regius, & Vacensis, subindeque Transilvanensis Episcopus, Vir non minus literatus, quam literatorum amans. Ejus Stephanus Taurinus in sua Stau-

Stauromachia, seu bello Crucigerorum Rusticorum, quod maximo Hungariae damno gestum est, versu heroico concinato iterum, atque iterum non sine laude meminit. A) Fratrum causa Franciscus Leleszini fassionem quam vocant, anno 1520. fecit, cuius Synopsis hæc est : „ quomodo ipse haec tenus, tan- „ quam frater natu major curam, & „ directionem universorum bonorum tam „ in districtu, & pertinentiis Castris Kis- „ warda, quam etiam Oppidi Báthmo- „ nostra : in de Szabolch: Bodrog, & „ Baranya Comitatibus habitis gessisset, „ curam insuper & tutelam Joannis Mi- „ chaelis, Emerici, & Ambrosii Fra- „ trum suorum carnalium habuisset ; „ nunc vero Deo magis, quam hujus- mo-

A) Huc potissimum facit principium Libri V. quem ita orditur :

Franciscus Wardaj præstans cognomine avito
Præful, turrigenas Daci qui temperat urbes.
Phæbeis celeber studiis, cui docta Thalia
Composito dedit ore loqui, quo pectora
Regum
Mollescunt, bonus, & pius extremam us-
que ad amissim :
Huic Regnum, huic Reges, huic Tran-
silvania debet;
Namque suo innumeros contraxerat ære
Quirites,
Bella manu gessit propria, punctum tulit
omne,
Omniaque emeruit placidæ palmaria pacis.

„ modi negotiis servire solitus, so-
 „ lum quinque possessiones retinaret,
 „ quas ab Emerico de Peren propria
 „ pecunia emit, Bathmonotorientia ve-
 „ ro bona Joanni, & Michaeli ; Kis-
 „ wardensia autem Emerico, & Am-
 „ brofio reliquisset. Supremæ voluntatis
 „ tabulis, quas anno 1523. condidit,
 „ & dictas quinque possessiones in Jo-
 „ annem, & Ambrosum fratres, cum
 „ reliqui hæredem nec haberent, nec
 „ habituri viderentur, transcripsit. „ Se-
 pitaphium appositum est:

Eius episcopatum. Quis situs hic? fecit qui tot donaria
templis

Franciscus, Wardæ gloria rara suæ;
 Qui Latio primos egit feliciter annos :
 Regibus hinc divis munia grata dedit.
 Libertatis erat vindex ; hinc rustica
 bella

Compressit, cives urbibus adseruit.
 Ornarat præ se claris virtutibus orbem :
 Ut cœlum exornet, Spiritus astra adiit.

3. JOANNES III. qui ex matrimo-
nio cum Christina de Ráska inito pro-
genuit Euphrosynam, primum quidem
Stephani de Vienna, deinde Georgii
Alaghi de Bekény uxorem.

4. MICHAEL IV. de quo infra.

5. EMERIUS Vir indolis præstan-
tissimæ, & ad summa quæque natæ, ce-
cidit cælebs in pugna Mohatsiana anno
1526.

6. AM-

6. AMBROSIUS, cuius filiam ex Petronella Bánfi de Loffloncz invenio CLARAM anno 1544. Stephani de Seréd Confortem. Deficientibus itaque cæteris Fratribus, MICHAEL IV. contra, ac Franciscus Episcopus putarat, genus propagavit.

Erat is vir militaris, Emericique Fratris in pugna Mohatsiana socius. Verum postquam rem Hungaricam inclinata vidit, saluti fuga consuluit, qua in familiæ suæ Castellum Male, quod in Provincia Tolnensi est, delatus, magnam thesauri, pecuniaque a Majoribus congestræ vim, in usus suos avertit. Rem necessitate factam, amici gravissime tulerunt, Michaelemque diurna lite exercuerunt. Vixisse adhuc anno 1552. docet Instrumentum, quo Georgius Episcopus Varadiensis Castra Kis-wárdæ se occupatum, eidem restituit. Nominantur eo filii, quos Elisabetha Sarma-taghi suscepisse videtur, a) STEPHANUS III. NICOLAUS V. FRANCISCUS II. & Mi-

a) Scipseram alias cum Analectorum Sce-pus. Parte IV. tum Collectaneorum Ge-nealogico-Historicorum Decade I. Claram Báthori Michaelis IV. de Kis-wárda uxorem fuisse, fide, autoritateque Christinæ Nyári inducitus; sed vereor, ut res ita habeat, cum Instrumenta au-rographa, quæ quidem viderim, Sar-malághiam conjugem ei adscribant.

DECAS II.

F

MICHAEL V. sed primus, & duo extre-
mi defecerunt, quamquam Michael V.
anno 1579. Pincernarum Regalium Ma-
gistri munere functus in matrimonio ha-
buit Christinam Dobo de Ruzka, quæ
elato Michaelis, Caspary Pethő de Ger-
se nupsit. Michaelis IV. filia ANNA Ni-
colao de Zokol in manus cōvenit.

Denique & ipse NICOLAUS V. ta-
meti ex Dorothea de Loffsoncz quatuor
filios viderit: STEPHANUM IV. ALADA-
RIUM V. NICOLAUM VI. & JOANNEM
IV. omnes tamen præcoci fato præcepti
sunt. Eorum soror CATHARINA anno
*Postrema
generis
Cathari-
na.*
1580. die 5. Maji nata posteaquam an-
num ætatis decimum quartum implevit,
Nicolao Szokolyi de Kis-varda, fortas-
sis ejus Annae Wardaj, de qua supra egi-
mus, Marito desponsata est, sed num
Nicolaus præmortuus fit? an alia de cau-
sa? incertum, primum Paulo de Telegd,
eoque fatis perfuncto, alteri Paulo Nyá-
ri de Bedégh Arcis Varadiensis supre-
mo Capitaneo, nec non Comitatum Bi-
har, Krazna, & de Szolnok Comiti
in matrimonium data fuit. Vixit usque
ad annum 1630. quo exstincta, gentem
Kis-wardajanam terminavit.



VII.

DE PALÓCZ.

(Fig. 7.)

Palocziorum ; quod in pluribus Familiis querimur ; natales admodum in ruminata obscuro sunt ; ea potissimum de causa ; *les inserti* quod Majores sub alio nomine latuerint :

Carolus I. Hungariæ Rex ; postquam eos possessione Palócz A) donavit ; lucem quoque majorem familie ; et rebus gestis affudit. Interim e pluribus literis , quas evolvimus , certum est ; Paloczius cum Dobenibus de Ritzka , Fratres , quod condivisionales vocant , fuisse ; atque adeo ab eodem aliquando stipite originem duxisse ; cuius rei indicium , et nos infra proferemus .

Anno 1263. floruit Mágister PÉTRUS *Petrus dictus Petyna vel Pethene* , cui *consideratus Petyna.* ratis meritissimis exercitiis servitorum , ut Stephanus Rex Hungariæ junior in suis literis loquitur , nec non fidelitate causum arduorum , in quibus fidelis extitit , terra quædam territorii de Zemlyn

A) Sita est in Unghvarieni Comitatu;

Zomothor nuncupata , jure perpetuo collata est.

*Petrus II.
perduellis
mulcta.
tur castro*

Genuit Filium PETRUM II. de Pan-

ky dictum. Hic anno 1306. Abrahæ fi-

lio Kuch servienti suo possessionem Pa-

lanka , quæ in Comitatu Zempliniensi

Purus-
tyán. est , donum dedit. Verum aliquot post

annis ab Carolo Rege cum aliis bonis,

tum Castro Purustyan mulctatus est ; ju-

verit causam ex literis Regiis audire ,

quarum pars ita habet : „ cum vir-

„ tus præmio , et fidelitas remanera-

„ tionis beneficio carere nullatenus de-

„ beat , nihilominus malefactorum infor-

„ lentia per condignam Regalis senten-

„ tiæ vindictam debet edomari. Proin-

„ de ad universorum notitiam harum

*Eius fa-
sinora.*

„ ferie volumus pervenire : quod quia

„ Petrus Filius Petene damnatae memo-

„ riæ noster infidelis , spiritu inflatus su-

„ perbiæ , a via fidelitatis nobis , et Sa-

„ cræ Regiæ Coronæ nostræ debita di-

„ vertendo , adversos processus multifa-

„ rios contra nostram Majestatem in hoc

„ præsertim , quod in Regnum Ruthe-

„ norum ad detrimentum Regii hono-

„ ris nostri , et Serenissimi culminis de-

„ pressionem proficiscens , Ducem , qui

„ nobis viventibus nostro Regio diade-

„ mate insigniretur , in nos superduce-

„ re , quamvis minime voluerit , nite-

„ batur ; in hoc etiam quod aggregata

„ sibi suorum complicum , et hominum

„ caterva nefandorum , ac multitudine

„ numerosa, cum Magnifico Viro Dawza
 „ A) Vajvoda Transylvano, et Comite
 „ de Zonuk, dilecto, et fidei nostro
 „ per nos ad partes Transylvanas pro
 „ reformatione status ejusdem partis
 „ transmissio ad impendendum auxilium
 „ Moys Filio Moys infidei nostro spe-
 „ ciali pugnare una cum eodem Moys,
 „ et belli facere certamina non expavit:
 „ non attendens, quod qui naturali Do-
 „ mino suo resistere moluntur, Divinis
 „ dispositionibus manifeste videntur ob-
 „ viare, damnabili presumptione com-
 „ mittere non formidavit. Nos adver-
 „ tentes, quod publicæ utilitatis inter-
 „ sit, ne crimina remaneant impunita,
 „ et ne facti perversitas, aliis similia
 „ presumebitibus, per impunitatis auda-
 „ ciam transeat in exemplum, ipsum
 „ Petrum infidelem Castro suo Purus-
 „ tyan b) dicto — — — ut idem suis
 „ demeritis exigentibus, in Filios Fi-
 „ liorum, et haeredum Successores da-
 „ mna perpetuae deploret egestatis,
 „ de consilio Prælatorum, et Baro-
 „ num Regni nostri duximus spolian-
 „ dum. “ c).

F 3

Duo

- a) Legitur etiam Dósa, seu Dominicus.
 b) Viluntur ejus rudera hodieque in
 Comitatu Zemplinensi inter montes
 Bargo, haud ita procul e pago Batsko.
 c) Literæ hæ exaratæ sunt IV. Idus Fe-
 bruari. anno Christi 1321.

*Petro III.
et Mat-
thæo do-
natur Pa-
lócz.* Duo nihilominus Filii PETHEW,
seu PETRUS III. dictus Thuz , et MAT-
THYUS , vel MATTHÆUS beneficio ejus-
dem Regis possessionem Palócz , vel ve-
tere scribendi ratione Palowch accepe-
runt : cumque Castrum loco addidissent ,
et posteri ædificiis , munitionibusque au-
xissent , abolito Pankiorum nomine , de
Palocz scribi cœperunt . Multum litis
quidem eatenus anno 1333. obortum est ,
cum Petrus filius Synka A) dictam pos-
sessionem , suam facere voluit ; sed postea-
quam varia tribunalia necquidquam
solicitavit , causa demum cecidit , et
novis Heris loci , nominisque possessio
firmata est .

*Domi-
ni-
cus Prae-
pos. de Le-
lez.* Ex Matthæo nati sunt PETRUS IV.
ANDRAEAS , DOMINICUS , ac fortasse Jo-
ANNES , cuius filius EMERICUS anno
1400. in Collegio Sacerdotum Agrien-
sium Archidiaconus de Zothmar vixit .
Dominicus et ipse sacrum vitæ genus
complexus , juris Pontificii scientia ,
morumque integritate non solum Pra-
posituram S. Crucis de Lelez , verum
Drivastensem etiam (Danensem alii , at
mendose legunt) in Dalmatia Episcopatu-
m gubernandum accepit . Tenuit utram-
que dignitatem ad annum 1403. quo
obiit . A morte nepotes quid egerint !

li-

A) Unus ex majoribus celebris blim in
Comitatu Sáros. gentis de Sebős.

literaturam : quæ in Conventu de Jazon
 asservantur , compendium in hæc verba
 „ adnotat : „ Anno 1403. Mathyus, et *Post ejus*
 „ Emericus filii Petri , filii Mattyus de ^{mortem}
 „ Paloucz , filii scilicet Fratris condam ^{damna}
 „ Dominici Episcopi Danensis , Guber- ^{Præposi-}
 „ natoris Ecclesiæ S. Crucis de Lelez, ^{turæ illa-}
 „ in Curiam ejusdem quondam Domi-
 „ nici irruendo , inter alia originale
 „ instrumentum Andreæ II. Regis , su-
 „ per fundatione Præposituræ de Lelez,
 „ universosque thesauros ad octingen-
 „ tos florenos computatos abstule-
 „ rupt. Deinde nocte ad Sacrificiam Ec-
 „ clesiæ irruentes , perfracto ostio , duos
 „ Fratres ad custodiam Ecclesiæ depu-
 „ tatos capitibus truncare voluerunt ;
 „ fecissentque , nisi per succursum con-
 „ fluentium protecti fuissent. Deinde de
 „ die turrim Ecclesiæ , depulsis Fratri-
 „ bus , occuparunt , ac cum suis com-
 „ plicibus nonnullos Fratres diris ver-
 „ beribus , et plagis affecerunt : et ex
 „ hoc casu unus eorum in amentiam in-
 „ cedit. Præterea de conservatorio o-
 „ cto millia florenorum ad necessitates
 „ Ecclesiæ ab eodem quondam Domi-
 „ nico reposita asportarunt. Deinde
 „ Rectorem Ecclesiæ Parochialis de Pa-
 „ louch instigarunt , ut ornatus , cali-
 „ cem , et alia appamenta ad Palouch
 „ auferret. Demum iidem Matthys , et
 „ Emericus Archivum invaserunt , uni-
 „ versas literas examinarunt , perlege-
 „ runt,

„ runt , ac quo , et cui voluerunt , di-
 „ stribuerunt , et restituerunt . Super
 „ quibus quidem omnibus Conventus
 „ de Lelez protestatus est coram Con-
 „ ventu de Jazon . “ Hactenus dictum
 compendium .

Andreas , quem supra nominavimus ,
 præter Filijm , cujus nomen in exeso
 autographo legi haud poterat , getuit
 insuper NICOLAM , qui quidem vitam
 ad annum 1417 , perduxit , sed demum
 sine hærede obiit . Petrus IV. contra
 familiam propagavit , reliquit enim su-
 perstites Filios MATTHYUS , vel MAT-
 THÆUM II. GEORGUM , et EMERICUM
 (Matthæi , et Emerici jam supra men-
 tio injecta est) ac HEDVIGEM , nisi fal-
 lor , Filiam , Nicolai de Peren Con-
 jugem .

EMERICUS Sigismundo Regi cha-
 rius , ejusque Aulæ miles , ac donatio-
 num , quæ Mathæo Fratri factæ sunt ,
 particeps , ex nescio qua Uxore suscep-
 pit proles ANNAM , et LADISLAUM . Hic
 in vestigia Patris ingressus , Aułæquè
 Regiæ perinde miles , cum aliis itineri-
 bus , tum præsertim Romano ita se Si-
 gismundo probavit , ut ab eo jam co-
 coronato Imperatore non solum ipse , sed
 et sui familiares multa benevolentia ,
 liberalitatisque argumenta acciperent .
 Certe Emericus Filius Galli Philistzi de
 Felsew Szentgywrgh , Ladislai Ephæbus ,
 armis equestribus a Rege Sigismundo in
 ipfa

*Ladisla-
 us Judex
 Curia.*

ipsa Urbe donatus est. A) Floruit et posteriorum Régum gratia Ladislaus: sub Vladislao enim Polono Curiæ Regiæ Magister; sub Ladislae vero Posthumo, et Mathia Corvino Regibus eidem Curiæ Judex præsus: hujus etiam præcius rerum dōmi, forisque gestarum minister, vitam terminavit sub exitum anni 1470.

GEORGIUS sacræ militiæ adscriptus, *Georgius Archiep. Strigoniensis.* post minora Sacerdotia, Præposituræ Scopulensi, b) deinde Episcopatui Transilvano, demum Metropoli Strigonensi sub annum 1424. admotus est, in qua in eunte mense Septembri anni 1439. vitam clausit. Anno superiore ipsis Kalendis Januarii, Albertum Austriacum Regni Hungariæ diadematè insignivit: a quo sibi, Successoribusque Archiepiscopis Castrum Drégel c) cum finitimo agro impetravit, immunitatesque Strigonensis Ecclesiæ novo Diplomate firmatas accepit.

MATTHÆUS II. anno 1418. Comitatum Szabolcheniis, Abaujvár, et Borodensiis Supremus Comes, ac Castrorum Curia et Palatin.

F 5 Re-

A) Ipsiū vidi, legique literas, quæ datæ sunt eatenus Romæ in festo B. Jacobi Apostoli Anno Domini 1433.

B) Vide Analectorum Scapus. Partem III, pag. 43.

C) In Provincia Honthensi edito monti in cubans.

Règii Diosgewr Capitaneus, possessio-
nes aliquot a Castro Munkach exem-
ptas, titulo novæ donationis Regiæ si-
bi, suisque Fratribus affirmat. Anno
vero 1426. jam Judex Curiæ Regiæ Ca-
stra Ujhely, et Patak in Provincia Zem-
plinieni obtinet. Demum anno 1435.
ad officium Proregis evectus, eam di-
gnitatem biennio administravit ad an-
num scilicet 1437. quo obiit. Ex Uxo-
re Agatha quatuor protes reliquit: VE-
RONICAM Emerici Bebek de Pelsöcz
Consortem, PETRUM V. anno 1436. Pa-
roccialis Ecclesiae S. Emerici Duci in Uj-
hely Sacrum Curionem, SIMONEM, et
JOANNEM II.

*Sigismundus Episc. Provinciæ Comiti ex Margaretha Uxore
Syrmiensis.* Joanni ad annum 1451. Unghensis
duo Filii erant: EMERICUS II. et SI-
GISMUNDUS. Hic anno 1475. Ecclesiæ
Syrmiensis electus Episcopus fuisse le-
gitur; verum cum quadriennio post Baltha-
sarem eidem Ecclesiæ præfectum, neque
Sigismundum ad aliam sedem translatum
fuisse comperiam, immaturo fato subla-
tum esse, credibile est. Emericus Fra-
ter, Mathiæ Regi, principio charus,
acceptusque, et Pincernarum Regalium
Magister iussus, cum apud suspiciosum
Regem nescio quam ob causam offendis-
set, gradu, locoque motus est. Sed
qua erat agendi dexteritate, in ejus-
dém gratiam ita se rursum insinuavit,
ut

nt Agazonum Regalium Magister crea-
retur: quo in munere eum adhuc anno
1479. vixisse lego. Ex conjugē Doro-
thea filia Oswaldi de Rozgon reliquit
unicam Filiam ANNAM, cuius memo-
riam ad annum 1489 reperio, sed num
cælebs, an contra obierit? monumenta,
quæ quidem viderim, tacent.

SIMON Joannis, et Petri V, Fra- *Simon A-*
ter, sub Wladislao Polono Agazonum *gazonum*
Regalium Magister, et bellicarum ex-*Magister.*
peditionum comes, anno 1444. inter-
fuit pugnæ Varnensi, ex qua, cadente
Rege, cæsisque multis Optimatibus, æ-
gre evolutus, in patriam rediit, quam
deinceps contra Giskram superioris Hung-
ariæ turbatorem, Bohemosque consilio,
et armis defendit. Regnante Mathia de
de Hunyad, dicto munere Agazonum
num sponte deceperit? an decedere co-
actus sit? quando item e vivis exces-
serit? incertum est. Genuit Filium STE-
PHANUM, qui cum Conjugē Elisabetha
de Peren ad annum 1489, vixit, ex ea-
que Filios ANTONIUM, et MICHAELEM
Filiamque CATHARINAM suscepit.

Filiis Wladislaus II. Rex quibus *Michae-*
conditionibus jus Patronatus in Præpo-*lis, et An-*
fituram Lelesziensem indulserit, juva-*tonii jus*
bit ex ejusdem literis audire, quarum *patrona-*
pars, quæ huc attinet, ita præscripta *tus in Præ-*
est: „ considerata, inquit fidelium *positura*
„ nostrorum Magnificorum Antonii de
„ Pálócz, et Michaelis de eadem Pá-*de Lelez.*
„ lócz

„ lócz Fratris sui , Magistri Pincerna-
 „ rum nostrorum , Comitum scilicet de
 „ Ungh , in Ecclesiam Præposituræ de
 „ Lelez affectione , sperantesque ipsos
 „ restorationi , ac tuitioni ejusdem , et
 „ bonorum suorum omni diligentia , et
 „ solicitudine invigilare , tum etiam
 „ humili ipsorum ad id accedente sup-
 „ plicatione , Jus patronatus nostrum Re-
 „ gium , quod in ipsa Ecclesia instar a-
 „ liorum Prædecessorum nostrorum Di-
 „ vorum Regum Hungariæ habemus , in
 „ ipsos Antonium et Michaelem de Pá-
 „ lócz ac hæredes , et posteritates u-
 „ niversas ex certa nostra scientia quo-
 „ ad conferendum illam , dum , et quo-
 „ tiescunque de jure , et de facto va-
 „ caverit , personis idoneis ejusdem or-
 „ dinis perpetuo transferendum , con-
 „ ferendum , ac eisdem dandum , et con-
 „ cedendum duximus , ita tamen , ea-
 „ que conditione , ut iidem , hæredes-
 „ que sui præfati dum , et quotiescun-
 „ que ipsam Præposituram legitimo pos-
 „ sessiore vacare contigerit , ad eandem
 „ semper Virum probum , et idoneum ,
 „ et benemeritum , Ordinisque ipsius
 „ Præmonstratensis Professorem , et qui
 „ sufficientes Fratres in eadem Ecclesia
 „ tenere , et conservare , cultuique Di-
 „ vino in eadem satisfacere , bonaque
 „ Ecclesiæ ipsius diligenter tueri , et de-
 „ fendere sit obligatus , eligere , et illi ,
 „ cuius interest , aut intererit , pro ca-
 „ , no

„ nonica confirmatione præsentare de-
 „ beant, et teneantur; neque iidem An-
 „ tonius, et Michael, aut sui hæredes
 „ quicunque prætextu hujusmodi no-
 „ stræ concessionis, et collocationis in
 „ bonis, et juribus possessionariis ipsius
 „ præfatæ Præposituræ, sese ullo pacto
 „ intromittere audeant: alioquin eo fa-
 „ cto ab hoc Jure patronatus per nos,
 „ ut præfertur, ipsis dato, et concessio
 „ decidunt, nec illo ulterius uti pos-
 „ sint. “ A)

At eo jure hæredes gavisi non sunt.
 Michael enim sub principium Seculi XVI.
 Pincernarum, et anno 1514. Cubiculariorum Regalium Magister, haud ita mul-
 to post sine liberis exstinctus est. An-
 tonius vero Comitatus Zemplin. Supre- *Antonius*
 mus Comes, et ipse sobole carens, an- *ultimus*
 no 1526. in fatali clade Mohatsiana cum *gentis.*
 Rege Ludovico occubuit. B)

CA-

A) In literis his annum non reperi, at
 suppleri potest ex Pincernarum Regali-
 um Magistri officio, quod Michaelinde
 ab anno 1501. ad annum fere 1510.
 gescit.

B) Sárospatakini in Templo Parochiali
 existat utriusque epitaphium, rubeo mar-
 mori incisum, et complectitur hæc duo
 disticha:

Hic situs Antonii es, Michaelque Pa-
 loczia proles:

Quos prius unus amor, nunc habet
 una duos;

CATHARINA Fratribus superstes duos Maritos habuit: alterum Emericum de Chahol, Georgium de Raska alterum, et utrumque prole auxit. Hęc Castellum Palócz, ut et hoc addam, cum sexum masculum attinuerit, in cognatam Familiam Dobo de Ruzka transtulit, ita enim certum MS. adnotat: „ Joannes „ Réx, inquit, confirmat passionem, „ qua mediante Catharina Relicta con- „ dam Georgii de Raska Castellum de „ Palócz vocatum, per defectum semi- „ nis Magnifici quondam Antonii de „ Palócz Fratris ipsius carnalis, ad „ Franciscum Dobö de Ruzka, et Fra- „ tres ejusdem veluti Fratres suos con- „ divisionales legitime condescensum „ eisdem contulit, et perpetuo cessit.“

Iste domi clarus, Regali clarus in Aula
Alter: jam supero est clarus uterque
polo. 1519.

At cum Antonius, ut supra memoravi-
mus, anno 1526. occubuerit, per se-
patet, annum 1519. vel Michaelis emor-
tualem, vel certe sepulcrale marmor eo-
dem anno apparatum esse.

VIII.

PETHÓ DE GERSE.

(Fig. 8.)

Genus Nádas cum alibi per Hungariam, *Origo Petrum* in partibus Transdanubianis *thöiorum flores*, plures ramos produxit; ex quibus unus in illustri Familia Nadasdianā *de genere Nádas.* hodieque viget; alter Pethóianus de Gerse olim fama, opibusque non minus celebris, nostra memoria exaruit: Hunc de genere Nádas progerminasse extra controversiam ponit Tabella Genealogica, quæ Tribunalium Pesthiniensium non solum examen subiit, sed etiam approbationem, calculumque tulit.

Ea pro stipe, cum vetustiora moⁿumenta vix superent, figit Comitem CSOPON de genere Nádas, cui tres Filios adscribit LAURENTIUM, ANDRONICUM, et ANDREAM; ex hoc nati sunt LADISLAUS, ANDREAS, et DIONYSIUS, quorum memoria ad annum 1293. reperitur. Ladislai Filia MARGARETHA, Relicta Magistri Pauli dicti Magyar anno 1371. erexit Präposituram de Pápotz, eamque fundis, et possessionibus cumulavit. Ex Andreæ Filio Thoma hodier-

na gens Nadasdiana fata esse creditur,
quæ cum in præsens vivat, nos autem
demortuas scribendas susceperimus, ad
Laurentium alterum Csoponis Filium,
cujus supra meminimus, redimus.

Laurentius progenuit MARCUM, hic
Merita Petrum, Petrus denique JOANNEM, et
Joannis et Thomæ THOMAM a paterno Petri nomine Pe-
theö dictos. Eorum merita Sigismundus Rex literis Albæregali anno 1403.
datis, quibus eos Castro Kemend in
Provincia Zaladiensi donat, hunc in mo-
dum attollit : „ Fideles nostri Nobis-
“ les, et Strenui Viri Magistri Joan-
“ nes, et Thomas Filii Petheö de Ger-
“ se, ad nostræ Majestatis venientes
“ conspectum, propositis nobis ipsorum
“ fidelitatibus, et fidelium obsequiorum
“ præclaris meritis, sub diversitate lo-
“ corum, et temporum exhibitis, et
“ impensis, signanterque his elapsis di-
“ sturbiorum temporibus, quibus non-
“ nulli Prælati, Magnates, et Proce-
“ res, et Nobiles Regni nostri, in-
“ grati, et immemores beneficiorum a-
“ Celsitudine nostra largissime percepto-
“ rum, rebellionis calcaneo ducti, et
“ pessimo spiritu proterviæ seducti, a
“ fini clementiæ nostræ se avertendo,
“ fraudulentio consilio, quomodo nos
“ nedum Dominum justum spernendo
“ refugarent, imo quod deterius, Do-
“ minum suum naturalem ab eis elimi-
“ narent, sive tractantes, et hinc in-
“ do

„ de variantes, quomodo alium Regem
 „ eligendo introducerent, vota eorum
 „ devia, cum crimine lœse Majestatis
 „ nostræ, in personam Ladislai Filii
 „ condam Caroli de Duracio direxe-
 „ runt, ac tandem Banderium erigen-
 „ do per diversa loca Regni in ejus-
 „ dem, et Regnicolarum devastatio-
 „ nem, et incommoda detulerunt, ac
 „ quod mirandum est, in locis Capitu-
 „ lorum, et Ecclesiarum cum reliquia-
 „ rum processzionibus idololatrica perfidi-
 „ a venerari disposuerunt, præfato La-
 „ dislao plurimas Civitates, possessiones,
 „ et loca, signanter in Dalmatia, et
 „ Croatia subjugari faciendo, quæ ad-
 „ hue in manibus æmolorum nostrorum
 „ retinentur, alios etiam adeo grandes,
 „ et multiplices excessus, et enormi-
 „ tates committere præsumperunt,
 „ quod eosdem longum, et difficile
 „ nimis foret declarare. In quibus qui-
 „ dem universis processibus Andreas
 „ Filius Henrici de Kemend cum omni-
 „ bus suis, et Joannes filius Ladislai
 „ de eadem Kemend cum Familiarum
 „ potentiis, et auxiliis, uti de ipsis
 „ rei testatur veritas, præmissa perpe-
 „ trare, et quantum potuerunt, dicto-
 „ rum nostrorum infidelium potentias
 „ augmentare non expaverunt: præ-
 „ fati autem Joannes, et Thomas fi-
 „ lii Petheo mentes ipsorum ad viam
 „ dirigentes rectitudinis, imitantesque
 DECAS II. G , tra-

„ tramitem justitiae , præfatus quidem
 „ Magister Joannes noster specialis fa-
 „ miliaris , dilectus noster , et fidelis ,
 „ præmissis omnibus impacatis , et tur-
 „ buleutis temporibus vestigia pedum
 „ nostrorum temper , et ubique inse-
 „ quendo , et lateri nostræ Majesta-
 „ tis inhærendo ; ipse vero Magi-
 „ ster Thomas Vir Magnifici D. Ni-
 „ colai de Gara Regui nostri Hunga-
 „ riæ Palatini , et Banderii ejusdem in
 „ virili , et strenua præsumptuositate to-
 „ tis conatibus ad adhesionem no-
 „ stram , et ejusdem Palatini poten-
 „ tias cum fidelibus nostris , et eorum
 „ gentibus exercitualibus multiplicantes ,
 „ una cum nostris certis fidelibus , præ-
 „ notatis nostris Adversariis , et rebel-
 „ libus fideliter se opponere studue-
 „ runt . “ Hactenus Sigismundus .

Ladislai itemet Petri trii II. JOANNES porro reliquit tres Filios :
 DIONYSIUM , qui defecit , LADISLAUM ,
 et PETHEU , seu PETRUM II. De po-
 stremis duobus Albertus Rex , cum eis
 donationem Oppidi Vasvár anno 133.
 confirmat , hæc adfert : „ nos diti-
 genti meditatione pensatis inquit ,
 et in nostri cordis armariolo matu-
 re permetitis , multiplicibus fidelium
 servitorum meritis , virtuosis gestis ,
 strenuis actibus , et sinceris compla-
 centiis fidelium nostrorum Egregio-
 rum Ladislai , et Pettheo , Filiorum
 condam Joannis , filii Petheo de-
 „ „ Ger-

„ Gerse , alias Zalad. et Castriferrei
 „ Comitatum Comitum , quæ ipsi pri-
 „ mum condam Excellentissimo Princi-
 „ pi D. Sigismundo Imperatori Roma-
 „ norum — — in variis , et diversis
 „ exercitualibus expeditionibus , per
 „ ipsum quondam D. Sigismundum Im-
 „ peratorem , et Regem contra fævis-
 „ simos Turcos Crucis Christi persecu-
 „ tores , ac dicti Regni nostri Hun-
 „ gariæ dirissimos invatores , nec non
 „ pestiferos , et nefandos hereticos
 „ Huisitas , et Thaboritas eotum in
 „ Regno Bohemiæ , et Marchionatu
 „ nostro Moraviæ , in despectum totius
 „ Christianitatis pullulantes — — signan-
 „ ter vero præiominatus Petheo in A-
 „ lamannia , Lombardia , Thuscia , et
 „ aliis Italiæ partibus , alias per di-
 „ ctum quondam D. Sigismundum Im-
 „ peratorem , et Regem pro fusce-
 „ ptione sacrarum suarum coronatio-
 „ num Imperialium feliciter , et votive
 „ perlustratis cum eodem Imperatore ,
 „ et Rege jugiter , et non intermisso
 „ procedendo , continueque suo lateri
 „ adhærendo , in quibusunque Italiæ
 „ partibus memoratus Petheo pro no-
 „ minis exaltatione , et honoris incre-
 „ mento ipsius condam Imperatoris , et
 „ Regis cum hostibus , et æmulis ejus-
 „ dem variis vicibus certamen belli-
 „ cosum committendo , tanquam Ty-
 „ ro fortis et Athleta constans , stre-
 „ nu-

„ nuos actus militares peregisse memo-
 „ ratur. Demum vero eodem D. Im-
 „ peratore, et Rege ab illis exteris
 „ regionibus in hoc Regnum Hungariæ
 „ prospere et triumphali cum victoria
 „ Duce Deo regrediente , prænarrati
 „ Ladislaus , et Pethéó unus , et alter,
 „ et plerumque ambo pariter in Curia
 „ suæ Majestatis conversando plausibi-
 „ lia , et laude digna obsequia — —
 „ cum summæ fidelitatis constantia im-
 „ penderunt. “

Ex Ladis „ Fratres hi postquam bona partiti
lao linea sunt , Petro Hungarica , Ladislao vero
Croatica. Atque hinc gemi-
 na linea exorta est , quarum alteram
 Hungaricam , alteram Croaticam com-
 pellare placet ; verum quia de hac pau-
 ca comperta habeo , Tabellam solum
 Genealogicam , quoad defecit , subnecto.
 Ex Ladislao itaque procreati sunt :

Petrus III. an. 1497.	Stephanus qui vixit an. 1451. Thomas II. 1502. Cons, filia Gabrielis. Sulyek de Lekche	Nicolaus II. Stephanus II. Franciscus.	Nicolaus. Georgius.
A			
Georg. Thomas III. Benedictus Gabriel Christina Cons. Francis. III. Ladis. II. Ladis. III. Paul. Andr. Steph. 1520 1544. Nicolai Hertzeg.			
A			
Susanna Cons. Catharina Cons. Thomas Gabriel Magdalena Cons. Nicolaus Gregor. a) Christoporus. Joannes IV. Cons. Casp. Alaghi. Caspar. Bánfi. IV. II. Simon Keglevich. III.			Dorothea Bedekovich anno 1616.
Georgius IV. Franciscus VI. Stephanus V. Cons. Nicolaus IV. Ladislaus IV. ann. 1616. Consors Susanna Orsich.			Anna filia Benedicti Csuzi de Sz. tamás.
Georgius III. Adamus. Georgius IV. Barbara. Anna. Juditha.			
Stephanus VII. Jeanes VI. E)			

a) Immortalem sui nōminis memoriam reliquit , editis patrio idemate Regni Hungariæ Chronicis , quæ ad annum 1626. perduxit.

b) Postremus lineam suam clausit Anno 1671. sepultus Lepoglavæ apud PP. Paulinos , in cuius emortua- li vexillo hæc epigraphe visitur :

Cælitibus , Regi , patreque , thoroque Joannes,
Promissam stabili fœvit amore fidem.

Ex Petro PETRUS II. linea Hungaricæ Author
II. linea genuit tres Filias: EUPHROSYNAM. Do-
Hungari- ROTHEAM Joannis de Rozgon anno 1475.
ca. Coniugem, et MARGARETHAM; ac duos
 Filios GEORGIVM II. et JOANNEM II.
 huius tamen ramum, quod ad nostra
 usque tempora perduravit, extremo lo-
 co adservamus.

GEORGIO II. qui anno 1506. flo-
 ruit, Uxor fuit Catharina de Butka,
 Relicta Blasii Buzlai; proles vero PE-
 TRUS IV. JOANNES III. ANTONIUS, et
 DOROTHEA. Fratribus his multum si-
 multatis cum Martino de Kechet Epi-
 scopeo Vesprimensi intercessit, cum è-
 nim illi bona Episcopatus Egerszeg, et
 Nova occupassent, ipse quoque die 21.
 Januar. anno 1538. Arcem eorum Tha-
 dyka per Milites, quos Sümeghini ale-
 bat, intercepit. Ex Joanne III. nati
 sunt GASPAR, qui obsidione Agriensi an-
 ni 1552 inclinavit; MICHAEL, qui infe-
 lici pugna Simonthornyenſi anno 1578.
 vivus in Turcarum potestatem venit,
 BLASIUS in juventute extinctus, PETRUS
 V. PAULUS II. GEORGIVS III. Antonio
 Filii erant: AMBROSIVS, et PAULUS III.
 Ambrosius demum duas Filias genuit:
 EVAM, et SUSANNAM, cæteri omne
 defecerunt, si Michaelem excipias, en-
 ius Filius FRANCISCUS IV. progeni
 GEORGIVM V. qui Pacificationi Vien-
 nensi anni 1606. subscriptus legitur. Præ-
 ter JUDITHAM Filiam, habuit quatuor
 Fi-

Filios : MICHAELEM IV. SIGISMUNDUM
II. GASparem IV. et THOMAM V. sed
nullius hæredem invenio.

De Joanne II. Leopoldus Imperator et Rex Hungariæ, cum ejus trinepotem Sigismundum in Comitis dignitatem evehit, haec adfert: A) „ Tritavus quoque tuus itidem Magnificus „ quondam Joannes Pethő de dicta „ Gerse, per Serenissimum olim Ladis- „ laum æque Regem Hungariæ, et Bohemiæ, ubi Serenissimam quondam „ Dominam Annam felicibus auspiciis „ sibi in Conjugem, thalamique sociam „ elegisset charissimam, adducique cu- „ rasset, ipsis statim primis adventus „ illius diebus, in Magistrum Curiae „ exigentibus id meritis ac virtuosis „ suis qualitatibus deligi meruit: quo „ in officio se apud eandem, usque ad „ supremum illius diem summa fide, „ prudenter, et dexteritate gesit; qua „ tandem e medio sublata, et divina „ Majestate ita disponente, vita functa, „ in Magistrum Curiae clarissimorum „ quippe quondam Regiae Majestatis li- „ berorum, quibus nihil charius, nihil- „ que

G 4

Acta licet bellis; titulis et honoribus
aucta,

Non habuit maculam laus Petheana
suam.

A) Literis anno 1666 datis, quarum particulas infra quoque decerpemus.

„ que pretiosius habuit , deputatus ex-
 „ stitit ita , ut dum alii fideles Cives
 „ partim bona , et redditus Regios cu-
 „ rassent ; partim thesaurum , ac supel-
 „ lectilem amplissimam conservassent ,
 „ tuitique fuissent , is rem omni thesau-
 „ ro prorsus omniisque supellectile pre-
 „ tiosiorem , ipsos videlicet liberos cha-
 „ rissimos sub sua cura , et custodia ha-
 „ buit : quo in officio se ita semper
 „ gessit , ut nihil amplius in eo deside-
 „ rari , aut requiri potuerit ; unde ne-
 „ minem etiam alium sui honoris , seu
 „ munieris ejusdem participem , seu col-
 „ legam habuit . ” A) Joannis huius Fi-
Francisci II. proles

Filius erat FRANCISCUS II. qui ex Margar-
 retha Filia Blasii de Raska sequentes
 proles sustulit :

1. BALTHASAREM post annum 1544.
 deficientem.

2. GASparem II. de quo infra.

3: URSULAM Petri Forgach de Gy-
 mes,

ANNAM primum Francisci Cháky ,
 deinde Georgii Fanchy Consortes.

5. JOANNEM III, de quo pariter
 infra.

GAS-

A) Expingit deinde Leopoldus scutum gen-
 tilitium , in quo id peculiare visitur ,
 quod superne Wladislaus Rex , hinc ,
 atque hinc Ludovicus , et Anna ejus-
 dem Regis liberi illud cingant .

GASPAR II. ex conjuge Anna Csonron de Devetser præter filiam MARGARETHAM duos filios eduxit: CHRISTOPHORUM II. & MICHAELEM II. qui Dynastias Tadyka, Kemend, & Razy possidebant. Fuit Christophorus vir strenuus, & manu promptus, ac singulari certamine de adversario Turca bis viator. Ad extremum cum Murathes Bassa Arcem Bolondvára subegisset, ibidem numero hostium oppressus cecidit anno 1600. Ex uxore Christina Bezerédi duos sequioris sexus liberos habuit: CATHARINAM Sandrinam, seu Alexandro Bakats, & SARAH Joanni Darabos nuptam. Michaeli II. Christophori Fratri Condux Anna Sitkej peperit quidem filium STEPHANUM VI. sed hic hæredem non vidit.

De JOANNE III. idem Leopoldus *Joannis III. encomium,* Imperator in litteris supra scriptis hæc
 commemorat: „ per Sacratissimum quoniam Principem, ac D. Ferdinandum similiter Romanorum Imperatorem, ac Germaniaz, Hungariæ, Bohemiaz &c. Regem, Infantem Hispaniarum &c. ejusdem in aula a teneris annis educatus, ob egregia sua facinora, imprimis quidem supremi Comitis, Capitanique Comitatus Sopron, nec non Pocillatoris honoribus, seu officiis condecoratus existit; deinde vero ad majora animum intendens, in Flandriam profectus, ubi sub auspiciis

„ ciis glorioſiſimi , felicifimi , & au-
 „ guſtiffimi quondam Principis Caroli
 „ V. icidem Romanorum Imperatoris ,
 „ beatae recordationis cum honore , ac
 „ laude militiæ Tyrociuum poſuit ; in-
 „ deque ad prætitulatam quondam ſuam
 „ Majestatem Cæſaream , ac Regiam re-
 „ dux factus , variis ejusdem in expo-
 „ ditionibus , nimirum in bellō Germa-
 „ nico omniū gravifimo , ac maximo ,
 „ et per dictum olim Carolum V. Imp.
 „ una cum ipſa quondam Cæſarea Re-
 „ giaeque Majestate feliciter confeſto ,
 „ Babolchienſique , ac Szigethienſi . pa-
 „ nes Sereniffimum quondam Principem
 „ ſimiliter Ferdinandum Archiducem Au-
 „ striæ , Filium utpote illius chariſſi-
 „ num , contra exercitum Turcarum Im-
 „ peratoris geſto , eotum ſupremi Ca-
 „ pitaneatus officio ſuagens , optimi mi-
 „ litis , et Capitanei gloriam eft confe-
 „ cutus . Ultimo tandem , quo posteris
 „ quoque ſuis präclariffimum domesti-
 „ ca laudis exemplum , ac ſempererna
 „ memoria remaheret , dignitatem Ma-
 „ gistra Cubiculariorum in Hungaria cum
 „ ſolito , et ab antiquo ejus ſalario ,
 „ omnibusque jurisdictionibus , condi-
 „ tionibus , authoritate , prærogativis ,
 „ et honoribus , quibus cæteri Magistri
 „ Cubiculariorum uſi ſunt , et gavili
 „ utunturque , et gaudent , fuit adeptus .
 Postquam Dynastiam Sztropkoviensem
 posteris utriusque ſexus impetrasset , ob-
 iit ,

uit Viennæ Austriæ, ibidemque apud PP.
Augustinianos tumulatus est cum hac e-
pigraphe:

Monumentum Generosi, et Magni-
fici D. Joannis Petheö L. B. in Ger-^{*Et epitaphium*}
se, Serenissimi Principis DD. Rudol-
phi Imp. Consiliarii, et Cubiculario-
rum Regni Hungariæ Magistri, nec
non partium Regni Hungariæ Cisda-
nubianarum Supremi Capitanei con-
stituti. In bello contra Fridericum
Ducem Saxonæ inter cæteros Capi-
taneos Regni Hungariæ primus adfuit,
Capitaneatus Cässow. Sopron. Comar-
rom. Zoliensem per successionem sum-
ma cum laude gessit, novissime Ge-
neralis, et Supremus Partium Regni
Hungariæ Cisdanubianarum Capita-
neus constitutus, non tam ætate,
quam mole negotiorum obrutus diem
suum obiit 22. Januar. 1578, æta-
tis 53.

Ex Conjuge Elisabetha de Zinzen-^{*Eius libe-*}
dorf præter FRANCISCUM Filium, qui
Jaszovia Præpositus fuit, reliquit GAS-
PAREM III. et STEPHANUM IV. Gaspar
ducta in matrimonium Ursula de Na-
dasd, Martini Czobor Relicta, quiu-
que liberos progenuit, quorum quatuor
MARIA, CHRISTOPHORUS III. JOANNES
V. et MICHAEL in tenera ætate obiisse
videtur. MARGARETHA postquam ad
nubiles annos pervenit. duos Maritos
habuit, utrumque Törökium, alterum
Ste-

Stephanum de Euning, alterum Joannem, nisi fallor, de Telekes dictum.

Stephanus IV. Vir militari scientia longe clarissimus, et post minores Praefecturas, legionis Tribunus, in expeditionem Dacicam, cui Sigismundus Forgách præterat, comes ivit. At faustis initii exitus non respondit. Cum enim per fines Moldaviæ, et Poloniæ copias reduci oporteret, Stephanus in angustiis deprehensus, cum plurimis e nobilitate Hungarica interfectus est anno Christi 1611. Conjugem duxerat Annam Kiscaucha de Czehanovecz Polonam, ex qua nati sunt

Stephani MICHAEL III. de quo infra.

IV. proles SIGISMUNDUS III. improlis.

FRANCISCUS IV. Societatis Jesu Sacerdos.

CHRISTINA Sanctimonialis.

HELENA pariter Sanctimonialis.

SUSANNA.

ANNA.

Anonyma Confors Czizovszky.

STEPHANUS V. qui ex Conjuge Catharina Melith de Pryber genuit quidem JOANNEM, hic vero ex Priska Palagyî CASPARUM; sed Caspari filius FRANCISCUS Claram Kapy Viduam sine liberis reliquit.

Ex MICHAELLE III. et Juditha Péchy progenitus est Sigismundus IV. a Leopoldo Cæsare anno 1666. in numerum Comitum, solenni diplomate adlectus.

Lau-

Laudes , quas de eo Cæsar literis suis *Sigismundus*
 inseruit , hæ sunt : „ Statim in adolescere.
 „ scientia ipsa , inquit , amore patriæ , e-
 „ jusque ab hostilibus infestationibus
 „ perennium , et naturalium Christiani
 „ nominis hostium Turcarum tutandæ
 „ studio , ac de Augusta domo nostra
 „ benemerendi desiderio , militari disci-
 „ plinæ te applicasti , ac ubi , et quam-
 „ primum tumultus , ac intestinæ sedi-
 „ tiones sub felici regimine suæ Sacra-
 „ tissimæ Cæsareæ , et Regiæ quondam
 „ Majestatis paternæ per Georgium olim
 „ Rákóczi Seniorem Transilvanicæ Prin-
 „ cipem fuscitati , ac exortæ fuissent ,
 „ succrevissentque , et viguissent , licet
 „ eorum multi Regnicolarum partim
 „ metu perculti , partim novitate rei
 „ pellecti , a constantia , fideque , et
 „ fidelitate Deo in primis , ac deinde
 „ eidem quondam suæ Majestati Sacræ
 „ que Regni nostri prædicti Coronæ dé-
 „ bita leviter , ac temere deflexissent , et
 „ descivissent , atque contra legitimum
 „ Regem , et publicum Regni bonum , arma
 „ sumpsiissent , tu tamen Sigismunde Pe-
 „ theo de antedicta Gerse avitæ vir-
 „ tutis memor , nec tua , ac tuorum im-
 „ pendentia pericula pertimescendo , vel
 „ facultatibus expensisque tuis parcen-
 „ do , cum jactura , et amissione etiam
 „ omnium bonorum , ac fortunarum tua-
 „ rum temet ad illibate contestandam
 „ tuam fidelitatem , et obsequia inde ad
 ha-

,, hasce partes contulisti, et cum ad
,, commune hujusmodi exortum incen-
,, dium restingendum vires undique
,, colligerentur, tu quoque inter alios
,, fideles uostros præsto fuisti, in Ca-
,, stra animose condescendisti, sub au-
,, spiciis prælibatae quondam paternæ
,, Majestatis contra exercitum Rakó-
,, czianum sedulam, et fidelem operam
,, impendisti; solutis demum Castris,
,, sedatisque belli procellis, primo qui-
,, dem Onodienis Capitaneatus officio,
,, quod etiamnum benigna nostra cum
,, satisfactione administras, insignitus,
,, ad omnem occasionem strenuum, et
,, cordatum Duce, et militem pariter
,, te exhibuisti, et multis dimicationi-
,, bus, et variis Turcarum excursioni-
,, bus reprimendis, ac præliis in perso-
,, na intersuisti, jugique felicitate sem-
,, per victoriam reportasti; deinde ve-
,, ro ad Officium Vice-generalatus Cas-
,, soviensis, quo in præuentiarum quo-
,, que summa cum laude fungeris, pro-
,, moveri meruisti. Ad quam quidem a-
,, nimi tui fortitudinem, et declaratam
,, hactenus in rebus agendis dexterita-
,, tem, aliis quoque ingenii laudabili-
,, bus qualitatibus, ac virtutibus acce-
,, dentibus, omnino te dignum judica-
,, vimus, qui in numerum quoque fide-
,, lium nostrorum Camerariorum, et
,, Consiliariorum Hungarorum simul, et
,, semel adscisceris. Quorum omium
,, tam

„ tam præmissorum , quam etiam alio-
 „ rum — — gratia , motu proprio , a-
 „ nimoque deliberato , ex certa nostræ
 „ scientia , et potestatis nostræ plenitu-
 „ dine , te Sigismundum Pethö præno-
 „ tata Gerse ex ordine , et numero
 „ Inpradicotorum Regni nostri Hungariae
 „ Magnatum , eis quo hactenus tu , ac
 „ Maiores Progenitoresque tui semper
 „ versati estis , benigne eximentes , ac
 „ per te Annam Paczoth Confortem ,
 „ nec non Franciscum , Sigismundum ,
 „ Ladislaum , et Stephanum Filios , item
 „ Claram , et Ewan , Christinam , Ju-
 „ ditham , ac Elisabetham Filias tuas ,
 „ hæredesque , et posteritates vestras
 „ utriusque sexus universas veros Co-
 „ mites vulgo a Germanica natione Grof-
 „ funcupatos fecimus , creavimus , et
 „ Comitis titulo decoravimus , ac in-
 „ signivimus „ &c. Ceterum Sigismun-
 „ dus anno 1673. Oppido suo Sztropko
 PP. Franciscanos induxit ; ne vero Cze-
 „ nobium , quemadmodum pollicitus fuit ,
 perficeret , mors superveniens prohibuit.
 Sepultus est in Ecclesia Arcis Sztropko

*Fjusdem
Epitaphi-
um.*

Obiit Illustrissimus Comes Sigismun-
 dus Pethö de Gerse , L. B. Eques
 Annatus , S. R. Maiestatis Consiliarius ,
 Cameræ Præses , Partium Re-
 gni Hungariae Superioris Vice-Ge-
 neralis , Arcis , et Præsidii Onod
 Supremus Capitaneus , et Inelyti
 Co-

Comitatus Zempliniensis Supremus
Comes. A. D. 1675. die 14. Aprilis.
ætatis suæ 53. Requiescat in
pace.

Et proles. Ex ejus Filiabus CLARA in domum Semseyanam; EVA Adamo de Peren; ELISABETHA Ladislao Barkóczy; SUSANNA Francisco Barkóczii elocatæ sunt: Ex Filiis vero STEPHANUS VIII. improlis obiit, cuius Uxor Christina Kapy, spretis mundi illecebris, in Sæctimoniolum Cænobium, fè abdidit. LADISLAUS VI. ex Conjuge Clara Prényi unam Filiam reliquit ROSALIAM Sigismundo Palotsai nuptam. SIGISMUNDUS V. in thori societatem Evam Forgách adlegit, ex qua natæ sunt duæ proles: JULIANA Alexandri Vé-tsei Confors, et MICHAEL VI. Vir juris scientia clarissimus, et Comitatus Zempliniensis plures annos Comes, sed hic in CAROLO Filio defecit, Filia POLYXENA in thorum Autonii de Peren tradita. FRANCISCUS IX. denique cum Maria Prényi eduxit Filiam Homonymam primum Comiti Keglevich, deinde L. B. a Körver, demum Alessandro Leopoldo Castelli nuptam, et Filium SIGISMUNDUM VI. generis sui posterus ulti. stremum. Hic ex priore Uxore Rosalia Chaky (altera Helena Skavinski, aut sterili, aut prolibus, si quas habuit, demortuis) genuit quidem Filium FRANCISCUM X. sed Patri anno 1732. præmor-

Sigismundus VI. genitrix ulta.

mortuus est, Filia vero CLARA postquam a vinculo Thomæ Szirmai soluta fuisse, in Domum Brankovichianam emigravit.

IX.

DE ZECH, VEL SZÉCH.

(Fig. 9. & 10.)

Genus Balogh; vel ut veteres scri-
bebant, Bolwgh in Provincia Gö-
möriensi, vicinisque Agris late domi-
nabantur. Visuntur illie hodieque rude-
ra Arcis Balogvára, quæ genti nomen
dedisse, aut certe ab ea accepisse cre-
ditur. Atque huc natales suos Zechii,
vel Széchii extra controversiam refe-
runt: quotquot enim Instrumenta lege-
re eatenus licuit, de genere Balwgh
eos fuisse produnt: quod genus tametsi
vetustissimum esse ipsa nomenclatura sa-
tis ostendit, ante cladem tamen Tarta-
ricam, quæ anno Christi 1241. exenit,
nihil, quod exploratum sit, de eo ad-
ferri potest.

Primus itaque e tenebris sub tem-
pora Belæ IV. Regis emergit IWANKA, *Majores*
aliis ANCHA, JOANKA, seu JOANNES de ge-*Széchyorum*.

DECAS II.

H

ne-

nere Bolugh, cuius Filius NICOLAUS mares duos genuit: PETRUM anno 1333. Neogradiensium Comitem, ac Castellatum de Zonda, et DIONYSIUM, a quibus nova stirpis divisio orta est; cum enim Petri posteri Gastrum Felső Lindva in Provincia Castriferrei adepti es- sent, indidem scribi, vocarique cœpe- runt, veteri appellatione de Rimaszéch ab hæredibus Dionysii retenta. Nos ra- rum Felső Lindvensem, ut qui citius exaruit, ante persequemur.

*Linea Fel-
ső lindven-
fus.* Petrus, quem supra memoravimus, duobus, quos procreavit, Filiis inclaruit; nomen alseri IWANKA ad annum 1347. Dapiferorum Regalium Magister, am- pliores, quibus dignissimus erat, honores ut ne adiret, mors immatura fecit: al- ter NICOLAUS II. summis Hungariae He- roibus comparandus. Virilem æstatem *Nicolai II* vix attigit, cum Scepusiensem, Sáro- magistra- siensem, et Neogradensem Provincias gubernandas accepit. Atque hoc tem- pore Joannes Bohemiae Rex cum Cra- coviam invasisset, a Ludovico I. Rege cum Petro Pohárus in subsidium Polo- no missus est, qui ab invasione, ut lo- quitur Thuroczius, A) ac impugnatione, et devestatione ejusdem Regis Bohemiae Regnum ipsum, ac Civitatem de obsedio- ne liberando defensarunt, et in potestate ejus-

ejusdem Regini, cum prosperitate reverentes reliquerunt. Bello Neapolitano ita se gessit Nicolaus, ut aviti Castrum Balogh confirmationem ab eodem Ludovico emeruerit. Abhinc Proceribus, quos Barones vocamus, adlectus, Bani Zewrinienis, Croatiæ, Dalmatiæ, totiusque Sclavoniæ, tum Judicis Curiæ Regiæ, demum ipsum Palatini officium insigni cum laude administravit. Plures legationes ad Principes, et Pontifices obiit, Romamque ipsam pietatis causa accessit, ut testantur literæ sequentes:

„ Urbanus Episcopus Servus Servorum
 „ Dei dilectis Filiis Capitulo Basiliæ
 „ Principis Apostolorum de Urbe salutem, et Apostolicam benedictionem.
 „ Quia Venerabilis Frater noster Joannes Episcopus Vaciensis, ac dilecti
 „ Filii Nobilis Vir Nicolaus de Zech
 „ miles, Regalis Curiæ Hungariæ Judentex, et Magister Cato Præpositus Ecclæsiæ Demes. Vesprimienis Diæcessis, Decretoruin Doctor, Ambas-
 „ siatores charissimi in Christo Fili nostri Ludovici Regis Hung. illustris,
 „ ad nostram præsentiam destinati; ha-
 „ rum latores, causa devotionis ad Ur-
 „ bem se conferunt de præsenti, volu-
 „ mis, et devotioni vestræ præsentium
 „ tenore mandamus, quatenus dictis
 „ Ambassiatoribus, et eorum Sociis,
 „ ac Familiaribus sacrum sudarium hac
 „ vice duntaxat congruo tempore os-

„ stendatis. Datum apud Montem Flas „ sconem 15. Kalend. Julii anno 8. A).

Eiusdem filii. Vitam porro Nicolans produxit ultra annum 1384. quaternosque liberos reliquit: JOANNEM II. nimirum, FRAN-KONEM, vel FRANCISCUM, NICOLAUM III. et PETRUM II. qui in matrimonio Saram incertum qua ex familia habuit. Hæc Provinciæ Abaujvár. possessiones Ujvár, et Közép nemphy sub annum 1393. Sigismundo Regi dedit, ab eo que Oppidum Körmend in Comitatu Ca-striferrei accepit. Cæterum idem Rex quatuor his Fratribus anno 1391. Jus Patronatus in Abbatiam S. Gothardi concessit, quod Bonifacius Pontifex Romanus decennio post ratum habuit. Tres nullum, quod sciam, hæredem reliquerunt:

Nicolai III. Filii. Unus Nicolaus III. anno 1409. Tavernicorum Regalium Magister ex Helena de Gara Nicolai Palatini Filia, successionem Felső Lindvensem conservavit. Eo enim ex matrimonio nati sunt præstantissimi quatuor Filii, quorum syllabus hic est: b)

I. JOANNES III. Comes Comitatus Comaromiensis, et anno 1459. Zaladi-

A) Seu anno Christi 1370.

B) Incertum est, quo Lucas, et Joannes filii Lucæ de Zech, qui anno Christi 1429. vivebant, pertineant.

diensis, qui in Conventu Némethujváriensi cum cæteris factiosis Fridericum Imperatorem Hungariæ Regem renunciavit.

2. THOMAS itidem Comes Comaromiensis, et sub Alberto Rege Thesaurarius, *Vir*, ut inquit Thuroczius, *dignus Viri nomine, formaque, et corporis dispositione inter ceteros Regni Hungariae Primores non ultimus.*

3. DIONYSIUS III. sacræ militiæ adscriptus, post administratum Nitriensem us Cardi- et Agriensem Episcopatum, Sanctæ Romanæ Ecclesiæ Cardinalis, et Archiepi-

scopus Strigoniensis creatus est, Anno

1453. Basilicam Metropolitanam Strigoniensem solenni ritu consecravit, eamque adeuntibus indulgentias publicis litteris concessit, quarum pars ita habet :
 „ ut Ecclesia intemerata Virginis Mariæ, ac S. Alberti Pontificis, et
 „ Martyris, quam autoritate Apostolica hodierao die Dominico assisten-
 „ tibus nobis Reverendis in Christo Pa-
 „ triis, tribus DD. Mathia Vesprim. Deme-
 „ trio Zagrab. Nicolao Nitriens. Gre-
 „ gorio Mylkov. Stephano Streverien.
 „ et Thoma Nándorab. Dei, et Apo-
 „ stolicæ Sedis gratia Episcopis, con-
 „ fecravimus, et cum debitiss solenni-
 „ tibus, et ceremoniis dedicavimus,
 „ eandemque dedicationem, seu festivi-
 „ tatem dedicationis hujusmodi in dicto
 „ die Dominico festum S. Martini Epi-

scopi semper immediate sequenti per-
 „ petuis temporibus celebrandam , et
 „ solemniter peragendam instituimus ,
 „ congruis frequentetur honoribus“ &c.
 Obiit teste Oláho anno Domini 1465.
 diem vero mortis adseravat mutilum
 epitaphium , quod in Arce Strigonensi
 erutum est , et sic habet :

Eius Epitaphium. Ech S. R. E. S. Cyriaci in Thermis
 Presbyter Cardinalis , Archiepiscopus , Comes perpetuus Strigonien-
 sis , Primas , S. Sedis Apostolicæ
 Legatus natus die 1. Februarii.

4. NICOLAUS IV. natu minimus , an-
Nicolai no 1469. Agazonum Regalium Magister,
IV. Fili. in quem tribus Fratribus sine hærede de-
 cedentibus , universa bona reciderunt ,
 adeoque fundis , et opibus increvit , ut
 in publicis Comitiis anno 1498. cele-
 bratis inter eos census sit , quos Ban-
 derium alere oportuit . Ducta in matri-
 monium Conjugæ Barbara Bánfi de Alsó
 Lindva , duorum Filiorum Pater effe-
 ctus est : JOANNIS IV. sed qui defecit ,
 et THOMÆ II. Comitatus Castriferrei Su-
 premi Comitis . Hic jure Patronatus in
 Abbatiam S. Gothardi , quod Majoribus
 collatum esse meminimus , turpiter abu-
 sus est. Facinora Theophilus Heimb com-
 pendic recitat in hæc verba : A) quod
 duos

A) In Notitia Historica ejusdem Abbatiae
 pag. 77.

*duos Fratres de adulterino sigillo suspe-
ctos, carcerum squaloribus castigari fe-
eerit in omnes vero ea animadverterit
asperitate, ut haud raro nonnulli eorum,
arrepta fuga, de pacatoris, honestioris-
que vita genere sibi prospicere eogerentur;
quod idem Thomas molendina, et vineas
in bonis Abbatiae denuo erigi, ac plan-
tari, colonorum duntaxat Abbatialium
qua laboribus, qua sumptibus curarit;
idemque Plebanum de possessione Gyar-
math ad eandem Abbatiam pertinente ca-
ptum ad Castrum Lindra deduci, ac in
carceres compingi, tum et Colonos Abba-
tiales in vincula conjici jusserit &c. Obiit
in clade Mohatsiana anno 1526.*

Thoro sociarat Magdalena Székely
ab Ormosd, quæ quidem ei peperit STE-
PHANUM Filium, et MARGARETHAM Fi-
liam, sed Stephanus Patri simillimus eo
prolapsus est, ut dicto jure Patrona-
tus anno 1528. publico judicio excide-
ret. Verba Judicum sunt: *Prænotatum
Stephanum filium dicti quondam Thomæ
de Széch in causam attractum pro minus
justa, et indebita ejusdem Thomæ de Széch
Patris sui in ipsam possessionem dictæ Ab-
batiae, bonorumque ejusdem intromissione,
proventuumque ejusdem per 20 annos per-
ceptione, in amissionem prædicti Juris-
patronatus sui, si quod virtute Privile-
giorum in dicta Abbatia habuisset, et in-
super in refusionem, et satisfactionem præ-
dictorum proventuum per dictos 20. an-*

nos perceptorum in toto 40000. flor. aurii faciendam prefato duntaxat D. Regi solvendorum convictum, et aggravatum fore.

Stopha- Prolibus orbus lineam Felső lind-
nus de Fel vensem sub annum 1535 conclusit; Mar-
só lindva garetha Soror in alienas domos enu-
postremus psit; primum quidem Nicolao Comiti a
Salmis, deinde Pyrrho ab Arco tradi-
ta. Utrobique fuit fœcunda, sed liberi
materna bona obtinere non potuerunt,
jure enim conventi, post longam litem,
causa ceciderunt, fundis Széchyanis de
Felső lindva alteri ramo de Rimaszéch,
quem jam exequemur, attributis.

Linea de DIONYSIUS Nicolai I. Filius, et Pe-
Rima- tri I. Frater anno 1335. cum Banatu
széch. Zewrinensi, Dapiferorum Regalium Ma-
gistris munus tenuit, atque istud plures
annos in Aula Caroli I. Regis admini-
stravit. Vapulat ejus nomen apud Thu-
roczium, A) quod cum Bazarad Vajvo-
da Transalpino bello minus necessario,
et ad exitum funesto Hungaros impli-
cuerit. Ex Dionysio natus est BLASIUS,
ex Blasio vero DIONYSIUS II. et PETRUS
III. de Ranzéch dictus. Hujus Filiorum
alter JOANNES III. in Sacerdotio vitam
exegit, alter SIGISMUNDUS sine liberis,
quoad conjicio, deceffit. Exstat utrius-
que memoria ad annum 1414. quo Cx-
no-

nobium B. Annæ Ordinis Eremitarum S. Pauli I. Eremitæ in Hanghonvölgye a Majoribus exstructum novo beneficio auerunt, et compluribus agris inter possessiones Hangon, et Szentsimon sitis donarunt.

Petri III. Frater DIONYSIUS II. præter PROCOPIUM Filium, qui literis caruisse videtur, genuit insuper FRANK, vel FRANCISCUM II. Hic et cognati liberalitate Sigismundi Regis anno 1415. pagos aliquot in Pesthienfi, et Neogradienti Provinciis adepti sunt, ipse contra fundos non paucos, quos in Comitatu Gömöriensi habebat, anno 1429. Andreæ Filio Oth de Traja pignori opposuit. Reliquit Filium NICOLAUM V. qui ex Consorte Dorothea sustulit CATHERINAM Nicolao de Buzlo nuptam, PETRUM IV. cujus Filia JUSTINA in manus convenit Stephano de Jánossi sub atnum 1507. demortuo, et LADISLAUM. I.

Fratres hi avitum Castrum Balog a-
miserunt per notam, ut loquitur Mathias
Rex in literis anno 1460. datis, „in-
„ fidelitatis eorum, quam ipsi ex eo,
„ quod non advertentes periculum hu-
„ jus Regni nostri, præfatum Castrum
„ eorum Balog manibus Bohemorum la-
„ tronum, exterorum scilicet hominum,
„ hoc Regnum nostrum igne, et præda
„ vastantium tradiderant, ex eodemque
„ Castro iidem latrones varias, et no-

*Amittit
Castrum
Balogvá-
ra.*

„ tabiles deprædationes possessionum , et
 „ villarum invasiones , combustiones-
 „ que , et desolationes , ac Nobilium ,
 „ et ignobilium captivations , et gra-
 „ vium homagiorum exactiones , in ipso
 „ Regno nostro usque ad illud tempus ,
 „ quo nos personaliter hujusmodi Ca-
 „ strum Balogh inter cætera Castra ,
 „ ac fortalitia obsidereimus , et idem
 „ non sine gravibus expensis , ac labo-
 „ ribus expugnaremus ; commiserunt ,
 „ incurrisse . “ Castrum porro illud eo-
 dem anno Mathias Rex Ulrico de Kom-
 jathi donum dedit , in plurimum Hero-
 rum potestate subinde fuit , quoad sub an-
 num 1481. e dominio Ladislai de Roz-
 gion exemptum est .

LADISLAUS I. cuius supra memini-
 mus , avitis fundis Castellum Enyiczke ,
 quod in Provincia Abaujvariensi est ,
 cum circumsta ditione adjecit , in ea-
 que more patrio anno 1500. status est .
 Habuit in matrimonio Annam Loránti
 de Serke , plurimum Filiorum Matrem ,
 nomina eorum sunt :

Ladislai 1. JOANNES V. thoro Euphrosyne
I. Fili. Forgách de Gymes junctus , cui Ludo-
 vicus Rex anno 1524. universa bona
 Andreæ Orros de Kapolna , et Petri de
 Csenteháza , quæ in Comitatu Gömören-
 si , et Borsodiensi erant , donavit .

2. FRANCISCUS III. cuius Viduam
 ad annum 1525. Catharinam de Deren-
 chen lego . Ex his duobus Fratribus su-
 spi

spicor fuisse progenitam geminam CATHARINAM, quarum altera Petro Károlyi de Nagy Károly, altera Balthasaris Bornemisza in matrimonium data est.

3. VALENTINUS.

4. MICHAEL.

5. DEMETRIUS, qui ex Conjugi Petronella Serényi de Kis Serény genuit ANNAM ad annum 1572. Wolfgangi Baso Consortem, anno vero 1578. Francisci Rhédey de Kis Rhéde Vi- duam.

6. LADISLAUS II. qui Castellum De- renchen et Kapolna a Ferdinando I. Rege anno 1545. impetravit. Uxorem habuit Ursulam Thibaj.

7. PETRUS IV. A)

8. NICOLAUS VI. de Dobocza dictus, cum Fratribus Demetrio, et Ladi- slao nullum non movit lapidem, ut bona defientis Stephani Széchy de Felső Lindva sua faceret, sed id poste- ri demum impetrarunt: ante annum 1550. e vivis excessit, reicta Conjugi Anna Zolyomi de Albes, ex qua suscepit ANNAM ad annum 1558. Georgii Liptaj Uxorem, et GEORCIUM I. qui vi- sit anno 1572. genuitque ex Magdale- na Rhédej SARAM Francisco de Chet- nek

A) Andreas Széchy, qui sub annum 1580: cum Margaretha Nyári de Bedegh, vi- sit, ex quo horum genitus sit? non constat.

mek elocatam , et THOMAM III. Hic sago non minus , quam toga illustris , patriam è Miles gladio , et Senator confilo egregie juvit. Obiit in cana se-nectute anno 1618. die 9. Februar. se-pultusque est in Sacello Arcis Muranyiensis , ubi in ejus sarcophago stan-neo hæ literæ visuntur;

Thome Hic D. Comes de Rimaszécs S. C.
III. Epita C. G. E. A. S. C. R. M. C. M.
phium. P. R. S. H. G. R. V. S. C. D.
 R. D. M. D. A)

Et proles. Nuptias ter celebravit , matrimo-nium semper fœcundum nactus. Prima Uxor Barbara de Peren enixa est GEOR-GIUM II. de quo infra , et CATHARI-NAM Ladislao Gyulafi de Ráthoth tho-ro conjunctam. Altera Catharina de Batthyán has proles habuit: NICOLA-UM VII. qui cum Maria Banfi de Also lindva in conjugio , sed sterili vixit , MICHAELM II. THOMAM IV. et STE-PHANUM II. cui ex Sophia Bánfi de Also lindva natus est Filius THOMAS V. Mortuo præmature Patre in tutelam da-tus fuit Dionysio Patruo , sed hic eo mu-

A) Principium monogrammatum sic expo-ni posset : Supremus Comes Comitatus Gömöriensis Eques Auratus , Sacræ Cæ-fareæ Regiæ Majestatis Curiæ Magi-ster , Partium Regni Superioris Hun-gariæ Generalis. Cætera Oedipo egent.

munere adeo intemperanter usus est, ut etiam postquam adolevit Thomas, ei literas, et bona reddere pernegaret. Res ad Comitia anni 1647. perlata est, quorum quidem authoritate decretum fuit, ut Thomas in integrum restituatur, sed dum negotium confit, fato suo, nullo relieto hærede, perfunctus est. Postrema denique Thomæ III. Uxor Margaretha Forgach de Gymes anno 1572. nata, peperit DIONYSIUM IV. de quo infra; MAGDALENAM, aliis ELISABETHAM Georgio Comiti a Zrinio; MARGARETHAM Ladislao Deseewffy de Csernek, et EUPHROSYNAM Stephano Sibrik de Szarvaskend matrimonii fœdere copulatas.

GEORGIUS II. Thomæ III. Filius ad ampla, quæ a patre acceperat bona, maiores accessiones fecit. Anno enim 1520. Castrum Zolyo-liptse in familiam suam intulit, ut quoddam Diarium testatur in hæc verba: *Illusterrimus, inquit, Comes, et D. Georgius Széchy, Arcis Liptæ depositis deponendis duobus Generis demortui Caspari Tribelii, D. Casparo Rêvaj videlicet, et D. Stephano Orlaij) Dominus designatus, et publice declaratus, Arcem cum tota ditione occupavit.* Anno vero insequente ampli censu Dynastiam Muranyensem, postquam pro ea centum fürenorum millia profudisset, sibi adfirmavit. Vir alias strenuus, indigno fato periit: cum enim

enim sui securus, somnum caperet, dupli plumbea glande sub dextra mamma trajectus est. Cadaver Sacello Arcis Muranyiensis illatum, et eleganti stanneæ tombæ inclusum, hoc epitaphio inscribitur :

*Georgii
II. Epita-
phium.*

Illustrissimus D. Georgius Széchy de Rimaszéch, Supremus, ac Perpetuus Comes Comitatus Gömöriensis L. B. Arcis Murány, Lipche, Balogh, et Felsö lindva, Cubiculariorum Regiorum per Hungariam Magister, Eques Auratus, Sacré Cæsaræ, Regiæque Majestatis Consiliarius, occisus sub Arce Barkó die I. Septembris; MDCXXV. Vixit annis 48.

Conjux Maria Drueth ibidem Marito apposita jacet. Novem proles perperit, quarum nomina leguntur perinde in Matris epitaphio, quod ita habet :

*Et ejus
Conjugis.*

Illustrissima ac Magnifica Domina Comitissa, Mariæ Drueth de Homonna, Illustrissimi, ac Magnifici Domini quondam D. Georgii de Rimaszéch &c. Relictæ Viduæ, quæ annos XVII. vivens in matrimonio cum D. Marito suo, Divina benedictione novem liberos vidit: Joannem, Petrum, Samuelem, et Georgium; nec non Filias Mariam, Barbaram, Magdalénam, Catharinam, et Evam de Rimaszéch progenuit. Demum in viduitate annis XVII. ac IX. mensibus

ex-

exactis, ac interea fere quadragenibus morborum generibus Christiana patientia devictis, anima Sacro Viatico pie instructa, naturæque debito persoluto anno Dni MDCXLIII. die XXVIII. mensis Maji, hora VI. matutina, ætatis vero suæ LIV. corpore quidem in hanc tumbam, anima vero in cœlestem patriam commigravit; per Filias Mariam, Catharinam, et Evam de Rimaszéchi &c. Dei beneficio superstites pietate, et obseruantia erga Matrem desideratissimam ductas erigi curata: cuius anima sit in benedictione.

Filiae hæc in amplissimas Familias *Filiarum* enupserunt; nuptiarum vero dies, et ^{matrimo-}
^{nia.} annos idem Diarium, cuius paulo ante meminimus, hunc in modum adnotavit: *Anno 1627. nuptias celebrat Illustrissimus Comes, ac Dominus Stephanus Bethlen, Gabrielis Transsilvanie Principis ex Fratre nepos Alnoviae (Jolsvæ) 30. Maji cum Illustrissima Virgine Maria Széchi Filia Illustrissimi Comitis Georgii Széchi jam demortui. Mortuus est hic Comes Bethlen Anno 1632. in exitu Anni. Maria vero alterum Maritum accipit Franciscum Vesselényi de Hadad Regni Hung. Palatinum.*

Anno 1627. persequitur Diarium, die 21. Junii altera Filia præfati D. Georgii Széchy desponsata est, et statim copulata Illustrissimo Domino Comiti A-
da-

damo Thurzō nomine Barbara, anno ætatis sue 13. Nuptiæ celebratæ sunt Lipcbæ anno 1629. die 17. Junii. Barbara hæc postquam Conjugem amisit, alterum Adamum Forgách de Gymes legit.

Anno 1641. die 9. Februar. Comes Gabriel Illyésbazius nuptias celebravit Lipcbæ cum Illustrissima Domina Comite Eva Széchy.

Ultimæ denique Catharinæ ita commeninit: *Anno 1649. Spectab. et Illustrissima Domina Catbarinæ Széchi, Consors Magnifici Domini Joannis Listbii de Köptsény, bæreditaria Domina Arcis Lipcbensis facta est. Alter Catharinæ Maritus fuit Sigismundus Prépostvári de Lokach.*

Dionysii IV. Thomæ III. Filius et Georgii II. Frater, ex Sara Draskovich de Trakostyan, quam sibi socia rat, duas Filias, uno plures Filios procreavit, et JULIANNA quidem Comiti Francisco Kéry de Ipolykér, MARIA vero in domum Sennyeianam tradita est. Ex Filiis CASPARUS anno 1663. in contubernio Nobilium Tyrnaviæ studiit, in ejusdemque Urbis Academia philosophiæ Baccalaureatum suscepit, sed antequam ad legitimam æstatem pervenisset, extinctus videtur: GEORGIUS III. Uxorem duxit Mariam Therefiam Keglevich de Buzin nullo connubii fructu, quin haud ita multo post mortuus,

us, eam alteri marito Sigismundo Dru-
geth de Homonna reliquit.

PETRUS V. Comitatus Castriferrei *Petrus V.*
Supremus Comes, et Arcis *Ginsiensis*^{familiae}
Herus, cum aliis virtutibus, tum Ro-
manæ Religionis propugnandæ, dila-
tandæque studio conspicuus fuit. Ejus
potissimum opera, et authoritate factum
est, ut anno 1671. Ginsientes Parocci-
am cum geminis Ecclesiis, quarum al-
tera D. Jacobo, altera D. Emerico di-
cata erat, Catholicis restituerent. Ul-
timus gentem Széchyanam conclusit an-
no 1685. e vivis ereptus. Quanquam
enim matrimonio Theretrix de Bathyan
illigatus fuisset, prolem tamen aliam
non inuenio, quam CATHARINAM ELI-
SABETHAM, quæ subinde Comitem Fran-
eiscum de Nadasd Maritum habuit.



X.

D E Z E C H E N , V E L
S Z É T S É N Y .

(Fig. 9. & 10.)

Origo Fa- Familia de Zechen vetustate , gestis-
milia pro que amplissimis Magistratibus insigni ,
habiliter ac præterea Carolo I. Hung. Regi , ut
de genere infra dicemus , necessitudine innexæ , co-
Aba. gnomen dedit Zechen , velut in præ-
fens scribimus , Szétsény Provinciæ Neo-
gradienis oppidum ; sed cum antea
nullum certum , stabileque nomen ha-
beret , de ejus origine , deficientibus
præsertim monumentis , ipsaque ante tre-
centos sere annos extincta , nihil , quod
pro certo affirmem , succurrit. Interea ,
si quid conjectura assequor , suspicor
eam de genere Aba suisse. Habeo ea-
tenus fragmentum , in quo hæc recipi-
untur : Anno 1339. coram Comite Pau-
lo Judice Curie Regie , Thomas Vajvo-
da Transilvanus , et Comes de Zonuk ,
cum ad eum omnes possessiones Samuelis ,
filii Joannis , filii Chobanka recidissent ,
tradit Ius patronatus Monasterii dè Saár
pro possessione Zddány , quam ei confert
Ma-

Magister Emericus filius Pauli , filii Kom-poldi , ad quem pariter reciderunt omnes possessiones Pauli , filii Petri , filii ejusdem Chobanka. Constat autem et Chobankajos , et Kompoldios de genere Aba fuisse , neque video , quomodo illorum possessiones in Thomam recidissent , nisi illis sanguine junctus fuisse. Sed hæc , ut dixi , intra conjecturam.

Sub Ladislao Cumano , et Andrea *Thoma*
Veneto Hung. Regibus floruit Magister^{filii Far-}
FARKASS , cuius Filius *THOMAS* anno ^{kaffy me-}
^{rita.} *1319. Comes Orodensis , Bariensis ,*
Syrmiensis , et Judex Cumanorum , nec
non Castellanus de Hoznus , et de So-
lum , universa latisundia Petri de Pylin
acquisivit. In literis donationis Carolus
Rex hæc ejus merita recenset : „ tunc
^{„ cum Mathæus Filius Petri de Trin-}
^{„ chinio , notorius æmulus noster , et}
^{„ capitalis Regni nostri inimicus , ere-}
^{„ cto vexillo suæ perversitatis , ausu}
^{„ temerario , et ex præsumptuosa au-}
^{„ dacia , contra nostram Majestatem ,}
^{„ et fideles Nobiles Regni nostri pro-}
^{„ cedendo , aggregata sibi gente , pro-}
^{„ pe Civitatem nostram Cassa pugnam}
^{„ nobiscum habuisset , et conflictum :}
^{„ ubi Deo auxiliante , et Sanctorum}
^{„ Regum nostrorum prædecessorum ju-}
^{„ vamine opitulante , victoriam lauda-}
^{„ bilem habuimus , et triumphum ; idem}
^{„ Magister Thomas cum sui proprii ,}
 I 2. „ et

„ et multorum suorum proximorum,
 „ et Nobilium servientium cæde, et
 „ sanguinis effusione, nec non in ob-
 „ fessione, seu expugnatione Castris Vis-
 „ segrad, quod tunc per antedictum
 „ Matthæum, contra nostram detineba-
 „ tur Majestatem, ipsum in majori par-
 „ te per servitia, et fidelitates ipsius
 „ Magistri Thomæ, ad manus nostras
 „ Regias exstigit devolutum. Præser-
 „ tim quæ in ordinatione matrimonii
 „ inter nos, et Magnifici Principis D.
 „ Joannis, Illustris Regis Bohemie,
 „ claræ propaginis Sororem, videlicet
 „ Inclytam Principissam Dominam Bea-
 „ tricem Consortem nostram charissi-
 „ mam, dextra Domini faciente virtu-
 „ tem, est contracta, in Regno Bohe-
 „ mie diutius comworando, universis
 „ suis bonis postergatis, ac largis sum-
 „ ptibus, et expensis copiosis ibi-
 „ dem factis per eundem, nec rebus
 „ parcens, nec personæ, ut fidelita-
 „ tem ipsius laude dignam fidelitati con-
 „ tinuam, et inchoatum negotium, et
 „ obsequium tam arduum, quam ne-
 „ cessarium fine terminaret peroptato,
 „ perque nostram dilectionem non im-
 „ merito meruit adipisci, et noster Re-
 „ gius animus mitissime conquievit,
 „ quandam fidelitatis prærogativam præ-
 „ ceteris in hoc sortiendo, ut fidi-
 „ ter, sic ferventer exhibuit, et im-
 „ pendit. “

Ab

Ab eodem Rege gubernandæ Tran-
silvaniæ admotus, eam Præfecturam com-
plures annos non sine clementia, beni-
gnitatisque laude administravit. Exem-
In Vajvo-
datu Tran-
silvaniæ
benigai,
tas.
plo sint cognati Henningii Comitis Sa-
xorum, qui cum ejus crimine possesso-
nibus omnibus excidissent, Vajvodæ ni-
hilominus beneficio easdem receperunt.
Sed rès clarior ex ipsius Thomæ lite-
ris fiet A) quarum pars ita habet:
,, cum univerſi Saxones terræ Tranfil-
,, vanæ ausu temerario contra D. no-
,, stri Regis provinçiam hostiliter in-
,, surrexissent, et per hoc in infidelis-
,, tam incidissent; Comes Henning de
,, villa Petri, erecto vexillo, congre-
,, gata multitudine Saxonum, tanquam
,, primipilarius ipsorum, univerſos Cu-
,, manos ipsius D. Regis in adjutorium
,, nostri, per ipsum D. nostrum Regem
,, transmissos investigasset, et dimicas-
,, set cum eisdem, et Domino permit-
,, tente, et adjutorio Sacrae Coronæ,
,, inde Cumani victoriam contra ipsos
,, Saxones obtinuissent, et prædictus
,, Comes Henning in eadem pugna exti-
,, tisset gladio interemptus, et pro hoc
,, in infidelitatem contra Regiam Maje-
,, statem incidisset, et propter hanc
,, grandem infidelitatem suam omnes
,, possessiones suæ — — ad manus Re-

I 3

,, glas

A) Datae sunt in Deva anno Domini 1325.

„ gias suiffent devolutæ , et idem D.
 „ noster Rex prædictas possessiones —
 „ nobis gratiose contulisset. — — tau-
 „ dem inspectis fidelitatibus , et servi-
 „ tiis nobis usque modo impensis , et
 „ impendendis in futurum Nicolai filii
 „ Salomonis , et Nicolai filii Danielis
 „ proximorum sæpe dicti Henningii ,
 „ et considerata inopia Orphanorum e-
 „ jusdem Comitis Henningii prædictas
 „ possessiones — — supra dictis Orpha-
 „ nis — — duximus restituendas. “

Caroli Re- Neque illud memoria indignum est ,
giscognas. quod idem Rex literis anno 1333. da-
tus.

tis , eum proximum suum charissimum
 vocet , A) quod quidem quatenus intel-
 ligi debeat , non satis dispicio ; nisi forte
 Anna , quam Tomas Uxorem habuit ,
 Elisabethæ Reginæ cognata fuerit , aut
 ipse Regionum Filiorum aliquem ex sa-
 cro fonte levaverit. Demortuo anno 1342.
 Carolo Rege , Transilvaniae Vajvodatu
 decepsit , et reliquum vitæ privatus e-
 git , cum in alia sacra loca , tum in
 Metropolitanam Ecceiam Strigonensem
 in primis munificus .

*Eius Fili-
 us Micha-
 el Episco-
 pus Agr.* Duorum , quos reliquit Filiorum
 alter fuit MICHAEL CX Præposito Poso-
 nensi , inde ab anno 1342. ad 1362.

Va-

A) Literæ videri possunt apud Cl. Pray
Annal. Regum Hung. Part. II. pag. 27.

Vaciensis Episcopus, abhinc vero ad
1377. quo ad Stiperos abiit, Agriensis.

Alter Nicolaus, aliis Joannes, ne-
scio unde KONYA dictus, cum axioma-
te de Budmér. Post administratos mi-
nores Magistratus (sunt enim anno 1344.
Vice-Castellanus Castri Sáros, et ab an-
no 1346. ad 1352. Comitatum Sce-
pusiensis, Sároviensis, ac Neogradiensis
Comes) inter Regni, quos vocant, Ba-
rones adlectus, anno 1361. Castro, et
Comitatu Posoniensi Comes; sexennio
vero post Dalmatiæ, et Croatiæ Banus
præfuit. Ludovico Regi charus, et ar-
morum gloria inclitus, cum è vivis de-
cederet, tres Filios reliquit: FRANKO-
NEM, NICOLAUM, et SIMONEM; eo-
rum memoria occurrit in literis Capi-
tuli Agriensis anno 1374. exaratis, qui-
bus possessionem suam Sáp Nicolao Her-
bordy donant. Quod hoc facit, ita per-
scriptum est: „Venerabilis in Christo Pa-
ter, et DD. Michel Dei, et Apostoli-
cæ sedis gratia Episcopus Ecclesie A-
griensis filius scilicet quondam Thomæ
Vajvodæ Transilvani, Dominus, et Præ-
latus noster, ac Magistri Frank Comes
Comitatum Castriferrei, et Sopron. et
Nicolaus, ac Simon filii D. Konyæ Ba-
ni Filii ejusdem Thomæ Vajvodæ de
Zechen ad nostram personaliter acce-
dentes præsentiam proposuerunt viva
voce: quod quia Vir Discretus D. Ni-
colaus Herbordy Archidiaconus de Bor-

sva Concanonicus noster ante , et post
decessum ejusdem D. Konyæ Bani re-
bus , et personæ suis non parcens , cum
summa fidelitatis cultu ipsis servivisset ,
negotiaque eorum locis in diversis fo-
lerter , ac indefesse supportasset , — —
et quia etiam idem Magistro Frank in
anno proxime elapso in expeditione Pa-
duana per ejusdem D. Nicolai Archi-
diaconi solertiam , gratiosum famæ pre-
conium acquisivisset &c. “ Nulla abhinc
Nicolai de Zechen memoria , credibile
est ante fato præceptum , quam virilem
ætatem attigisset.

*Simon Janitorum
Regal. Magister.*

SIMON vero ad annum 1388. Co-
mitatus Trenchiniensis Comes , turbis ,
quæ Sigismundi regimen subinde affli-
xerunt , adeo involvi se passus non est ,
ut constanti in Regem fide , Janitorum
Regalium Magistri , et Comitis de Po-
sega munus emereretur. Gesuit porro il-
lud ab anno 1405. ad 1409. quo , ut
mihi quidem videtur , improlis excessit.

*Frank Vojvodae et
Judicis Curiae.*

FRANK , sive FRANCISCUS pari in
Sigismundum fide , obsequioque , Vaj-
vodatum Transilvaniæ accepit , eumque
anno 1485. administravit. E clade Ni-
copolitana , quæ anno in sequenti acci-
dit , ægre evolutus , Judicis Curiæ Re-
giæ officio subinde admotus est , in quo
vitam posuit , anno eodem , quo Fra-
ter Simon 1409. A) Cæterum alium ejus
Filium non reperio , quam LA-

A) Scutum Francisci expressum est.

LADISLAUM I. qui subscriptis taurulis scederis, quod anno 1412. inter Hungariæ, et Poloniæ Reges ictum est; in matrimonio habuit Annam Hertzegh de Zekchew, ex qua cum Filium Ladislaum genuisset, in flore etatis decessit; Anna vero haud multo post, quam Maritum amisit, cum et ipsa etate, formulaque præstaret, a Petro de Peren Judice Curiaz Regiæ in Conjugem delecta est.

LADISLAO II. Comiti Comitatus *Ladislaus II. Comes Neogradiensis*, Bohemi, qui sub Ladislao Posthumo, et Mathia Regibus Hungariam armis infestabant, scientiæ virtutisque militaris campum aperuerunt. Giskram certe eorum Ducem, hominem pugnacem non minus, quam felicem ad reddendum sibi Castrum Tapolchan anno 1446. adegit. Alias, ut Simon Zudar de Olnod Curiaz Regiæ Magister ad Bartphenses perscribit, „ citra Castrum Zon, „ da Magnificus Ladislaus de Zechen „ cum Bohemis certamen habuit, quos „ etiam Dei volente gratia viriliter vi, „ cit, et prostravit: quod pauci ex con, „ flictu evaserunt; quamplures habet „ captivos, et majus lucrum in armis „ et cæteris rebus est adeptus. “ Accidit porro istud anno Domini 1460. quod illi supremum operum fuit: in instrumento enim feria 5. proxima ante Dominicam Ramis palmarum anno eo-

dem confecto , novissime defunctus dicitur. Reliquit autem has proles :

1. CATHARINAM , cuius memoriam eum ultra annum 1437. non reperiam , in tenera ætate obierit,

*Joannes
gentis po-
tremus.* 2. JOANNEM , qui gentem Zechenianam clausit. Quanquam enim unicus supereffet , perruptis nihilominus obicibus , et ipso Patre ad extremum non invito , in familiam D. Benedicti convolavit , ubi vita et moribus eum se præbuit , ut Abbas Sancti Benedicti ad Granum anno 1474. inauguraretur.

3. ADJUGAM , seu HEDVICEM , quæ Viro clarissimo Alberto de Loffsoncz sociata est.

4. ANNAM Joannis Országh de Guth , qui Michaelis Palatini filius fuit , anno 1460. Sponsam.

O. A. M. D. G.

Fig. 1.



Anni 1531


Fig. 2.



Anni 1495.


Fig. 3.

Frangapanorum



Comitum de Segnia

Fig. 7.



Anni. 1535.

Fig. 8.



Ex literis

Anni. 166

Fig. 5.



Fig. 4.



Anni 1412.

Fig. 6.



Anni.

Fig. 9.



Thome Széchy

Armalibus



Ex Sigillo Anni 1579.

Fig. 10.



Ex Cera anni 1578.

Fig. 11.



Anni. 1407.

6.

COLLECTANEA
GENEALOGICO - HISTORICA
ILLUSTRIUM HUNGARIAE
FAMILIARUM,
QUAE JAM INTERCIDERUNT.

EX
MS. POTISSIMUM ERUIT, ET SCUTIS
GENTILITIIS AUXIT
CAROLUS WAGNER,
CONDAM BIBLIOTHECAE UNIVERSITATIS REGIAR
BUDENSIS CUSTOS.

D E C A S III.

Cum XII. Scutis gentilitiis æri incisis.

*POSONII, PESTINI, ET LIPSIÆ,
TYPIS ET SUMPTIBUS
JOAN. MICHAELIS LANDERER, DE FÜSKÜT*

CONSPECTUS FAMILIARUM

D E C A D I S III.

- I. — — DE BÜD.
 - II. — — DE BUTHKA.
 - III. DRÁGFI DE BÉLTHEK.
 - IV. DRUGETH DE HOMONNA.
 - V. LISZTHIUS DE KÖPCSÉNY.
 - VI. PÁZMÁNY DE PANASZ.
 - VII. — — DE ROZGON.
 - VIII. — — DE THELEGD.
 - IX. TÖRÖK DE ENNING.
 - X. ZUDÁR DE OLNOD.
-

I.

DE BÜD vel BYWD.

(Fig. I.)

In Provincia Abaujvariensi Büd, vel Büdy ex vetere scribendi ratione Byd, Beud, Bewd, Bywd geminus locus est: alter ad rivum Olsvam; haud procul a radicibus Dargo montis; alter ad amnem Hernadum, inter vicos Gybard, et Peré medius. Huic familia Büdy natales suos debet; a tenuibus, ut fit, initias eo progressa, ut affinitate clarissimas quasque contingaret. Nec genus, unde profluxit, nec Majores ante tempora Belz IV. Regis Hungar. satis certi sunt.

Literis Capituli Agriensis anno 1348. datis edoceor, NICOLAUM, & ANDREAM, filios PETHEU filii BACHOND de Beud floruisse, Pethewfiosque dictos fuisse; sed nomen istud in posteris exolevit. Quid in Regem Ludovicum I. una cum Fratre SANDRINO, seu Alexandro peccaverint, non constat, gravis tamen sceleris reos esse oportuit, cum possessionibus omnibus, quas in Abaujvar. & Bihar. Provinciis habebant, ab eodem exuti sint. Nicolaus et Sandrinus sine hærede obiit; Andreas accepta in thori societatem Ursula filia Langeus de

Toltsva genus propagavit, ternis ex ea progenitis liberis, quorum

1. PETRUS sub annum 1418. vixit.
2. SIMON, qui in LADISLAO Filio defecit.

3, NICOLAUS II. Hie in conjugio habuit Claram de Alsó Bárcza filiam Catharinę fœminā copiosissimā, quæ latifundia a Majoribus, ut supra innuimus, amissa, trecentis sexaginta sex marcis auri, et argenti, magno fane id temporis pretio, bona Ludovici Regini venia redemit, eaque in Filium Ladislauum sic transcripsit, ut si ipse liberis orbū extingveretur, dimidium Cœnobio B. M. V. quod Fr. Prædicatores Cassoviæ habebant, cederet.

Sed LADISLAUS II. præter MAGARETHAM Filiam, quæ Blasio de Zalka matrem suo juncta est, Filium quoque GRECORIUM suscepit, ex quo nati sunt DOXOTHEA Confors Ladislai de Geszth, et MICHAEL Vir clarissimus, tantique apud Mariam Ludovici II. Regis Hung. Viduam nominis, ut ejus potissimum fidei dotalitium Castrum Munkách gubernandum crederet, quod munus ut majori cum autoritate tueretur, Ferdinandus Rex dignitatem Supremi Comitis Bereghiensis adjecit. Ex Conjuge Anna Artandi reliquit tres superstites liberos: MICHAELEM, et WOLFGANGUM filios, ac Filiam CLARAM, quæ

*Michael
Comes
Bereghi-
ensis.*

primum Francisco Chapy de Eszén, de-
in

in vero Georgio Horváth de Palotsa
nupfit.

WOLFGANGUS A) una cum Fratre
Michaele in numerum Procerum co-
optatus, Maximiliano II. Imperatori Op-
pida sua Wary et Beregh Castro Mun-
kach applicanda lubens, volensque ces-
sit, ejus contra liberalitate latisfundia,
quæ Christophorus Orszagh de Guth de-
ficiens in Provincia Bereghensi posse-
disset, anno 1574. accepit. Erat ei Con-
jux Anna Lónyai de Nagy Lónya, quæ
quidem tres mares enixa est: MICHAEL-
LEM scilicet, STEPHANUM, et BALTHA-
SAREM, sed ad adultiorem ætatem nul-
lus, quoad sciam, pervenit.

MICHAEL II. Wolfgangi Frater, in
munere Comitis Bereghiensis Patri suc- Michael
cessor voluntate Ferdinandi datus est. II. itidem
Literæ Regiæ eatenus scriptæ ita ha- Comes
bent: „ Cum honor Comitatus de Be- Bereghi-
„ regi ad Castrum nostrum Munkach,
„ cuius præfectura a multis jam annis ensis.

A 3 „ Egre

▲) Viennæ literis operam dedit, et Nicolaum Olahum, cum nominatus Archipræsul Strigoniens. eam in Urbem rediret, his versibus salutavit:
Suspiciende Pater, patri caadoris imago,
Quod redi's incolumis, felici Numine, nobis,
Omnes lætamur, lætamur ovantibus alis,
Graziamur reduci, et nos te salvere jubemus
Sic abeas igitur, multos nobis ut in annos
Sic redeas magna semper decoratus honore.

„ Egregius quondam Michael Bydy nomine Serenissimæ Mariæ Reginæ, Sotoris nostræ charissimæ functus fuit,
 „ ab antiquo pertinuerit, et idem Michael Bydy hujusmodi administratio-
 „ nem honoris Comitatus ejusdem, quoad
 „ vixit, nostra concessione exercuerit.
 „ Volentes, ut etiam deinceps is ipse honor Comitatus ex prædicto
 „ Castro nostro Munkach, quod nunc in
 „ manibus Dominæ Viduæ, et libero-
 „ rum ipsius quondam Michaelis Bydy,
 „ ex prædictæ Serenissimæ Sotoris no-
 „ stræ, et nostra speciali annuentia est,
 „ pendeat, et illinc administretur, an-
 „ nujimus itaque et concessumus, prout
 „ annuumus, et concedimus per præsen-
 „ tes, ut fidelis noster Egregius Micha-
 „ el Bydy, filius major natu dicti quon-
 „ dam Michaelis Bydy, præfati hono-
 „ ris Comitatus titulo, jurisdictione,
 „ Privilegiis, utilitatibus, et emolumen-
 „ tis, durante beneplacito nostro, uti,
 „ et frui, ac illius jurisdictionem soli-
 „ tam exercere libere posse. Hacte-
 „ nus Ferdinandus. A)

Generis
 pufire-
 mus.

Michaelem anno Christi 1589. vi-
 xisse adhuc comperio. Geminum matri-
 monium iniit, alterum cum Anna Oláli
 Nicolai Archiepiscopi Strigon. ex Mat-
 thæo

(a Litteræ signatae sunt in Saxonia ex Ca-
 stris ad Wittembergam Civitatem posi-
 tis die 12. Maji Anno Domini 1547.

theo Fratre nepte , quæ postquam GEOR-
GIUM , B: et JOANNEM Filium , sed qui
virilem ætatem non attigerunt , et Eu-
PHROSINAM filiam subinde Stephano Ku-
biny nuptam in lucem dedisset , ab ea
decessit ; alterum cum Catharina de Re-
wa , quæ Filiam unicam ELISABETHAM
reliquit , Stephanai Barkáts consortem .

2) Demortuo Georgio , ejusque Contuber-
nali Balthasari Szalaj Nicolaus István.
fius hujusmodi Epitaphium adscripsit.
Ut rosa , quæ virides caput exerit inter
acanthos ,
Æstivæ placidus dum cadit imber aquæ ;
Aut qualis riguis florens hiacinthus in hortis
Jucundo cunctos pascit odore homines .
Sic vos ingenium , et formæ præstantia vestræ
Altius a terræ fedibus extulerant ,
Cum fera vos Lachesis puerilibus abstulit
annis ,
Vobiscumque omnes invida delicias ;
Et quia conjuncti magno vixistis amore ,
Sic post fata etiam vos locus unus habet :
Dilectæ selyete umbræ æternumque valete ,
Terraque vos placido contingat alma finu-

II.

DE BUTHKA.

(Fig. 2.)

Butkaij sunt de genere Guthkeled. **G**ens Buthkaiana, quæ nomen suum a Buthka, loco Provinciæ Zemplinienfis accepit, oriunda est de genere Guthkeled A): quod non tam dentes lupini, quos in scuto gentilicio prætulit, quam Diplomata Regia, vetustæque chartæ abunde docent. Multiplicatis posteris, in quos ramos secta sit, infra, cum locus postulaverit, pro more perstringemus.

Stepha- Anno post Christum natum 1254. *nus toti-* floruit STEPHANUS totius Sclavoniæ Ba-*us Slavo-* nus, qui terram Guth in Comitatu Al-*nice Ba-* benſi XXXIII. terram Dada in Comitatu Szabolcsensi XLIII. terras vero inter *nus.* Tyciam b) et Budrugh fluvios in Co- mitatu Zemplinensi juxta Karacha sitas, centum marcis argenti suas fecit. Re- liquit quatuor filios: LADISLAUM, STE- PHANUM II., JOACHIMUM, et PAULUM, e quibus Stephanum II. fuisse Judicem Cu-

A) Egimus de eo in familia Bathoriana Decade I.

b) Hodie Tibiscus dicitur.

Curiæ Regiæ, et Comitem Mosoniensem doceunt sequentes litteræ :

„ Nos Ladislauus Dei gratia Rex Hungariae, memorie commendamus, qui
 „ bus expedit universis, præsentium per tenorem: quod sub fide nostra Regia præstito juramento, ac sub fide Venerabilium Patrum: Stephani videlicet Archi-Episcopi Coloc. Lodomerii Varad. Dionisi Jaurin. Andreæ Agricola, et Thomæ Vaciens. Episcoporum; Petri Palatini, Judicis Cumanorum, et Comitis Symighiens. Ugrini Magistri Tavernicorum nostrorum, Magistri Matthæi Comitis Suprun, et de Barranya, Stephani Magistri Dapifero rum nostrorum, Comitis Poson. dilectorum, et fidelium nostrorum, Stephanum Banum filium Stephani Bani, in nostram recepimus gratiam specialem, dando eidem, et conferendo Judicatum Curiæ nostræ, et Comitatum Musuniensem, cum plenitudine gratiæ nostræ: promittimus, et ordinamus insuper eidem mille marcas pro stipendio annuali. Cæterum omnes possessiones suas, tam hæreditarias, quam emptitas ipsum Stephanum Bannum contingentes, et eas, quas ex collatione Regia Joachimus, frater ejusdem tenuit, et possedit — eidem Stephano Bano restituimus, et reddimus pleno jure, perpetuo possidendas: promittentes eidem sub fide

A 5 „ nostra

„ nostra Regia coram Domina Elisa-
 „ beth, Sorore nostra charissima, et sub
 „ fide Archiepiscopi, ac Episcoporum,
 „ et Baronum nostrorum superius nomi-
 „ natorum, quod ordinationem superi-
 „ us nominatam non retractabimus, do-
 „ nec in similibus, vel sublimioribus,
 „ et potioribus honoribus eidem pro-
 „ visionem faciemus, nisi tales excess-
 „ sus post datum praesentium commis-
 „ erit, qui coram uobis, Baronibus, et
 „ Nobilibus objici valeant, vel possint
 „ contra ipsum, pro quibus honoribus
 „ spoliari debeat, et privari. Nos e-
 „ nem promittimus sub fide præscripti
 „ juramenti, nullam occasionem, vel
 „ cautelam per nos, vel per nostros,
 „ palam, vel occulte super degradatio-
 „ ne, aut privatione honorum suorum
 „ malitiose, aut fraudulenter, vel in-
 „ juste querere contra ipsum, si fidel-
 „ itatem nobis, et coronæ Regiae de-
 „ bitam observabit. Datum in Chanad
 „ in quindenis Pentecostes anno Domini
 „ ni 1278.“

At nec Stephanus, nec reliqui fra-
 tres, si Paulum excipias, in fide con-
 stantes manferunt: quare rursus eos Rex
 Ladislaus fundis exuit; in gratiam ve-
 ro Pauli ad Comitatus Szabolch, et
 Szathmár has litteras dedit: „ Cum Ma-
 „ gistrum Paulum, filium Stephani Ba-
 „ ni, pro excessibus Fratrum suorum,
 „ de suis possessionibus, partem suam
 „ con-

„ contingentibus , privari non velimus ,
 „ eo quod idem a suis fratribus tam
 „ in possessionibus , quam in aliis par-
 „ ticulis olim sit omnino separatus , fi-
 „ delitati vestræ præcipientes mandamus ,
 „ quatenus eundem — — nostra autho-
 „ ritate conservetis . — — Datum in
 „ Pesth quinta die Nativitatis Domini
 „ anno 1281 .

Cæterum deficientibus Fratribus , et *Pauli posteri.*
 Stephani II. Vidua in Cœnobio Insulæ
 B. V. quo a morte mariti se receperat ,
 obeunte , unus PAULUS stemma propa-
 gavit , genitis præter Anonymam filiam ,
 Magistri Andornok de Terebes Uxorem ,
 tribus filiis : STEPHANO III. VID , seu
 VITO et NICOLAO . Hi auno 1314 . co-
 ram Dousa Regni Hungariæ Palatino
 fundos sortiti sunt , et Stephano quidem
 possessiones Malcza , Mark , Kisfalud &c.
 obvenerunt , quas cum filii rursum in-
 ter se partiti essent , novam originem
 familiis de Malcza , de Mark , & de
 Csatár in Comitatu Symigiensi dederunt .
 Vitus quia possessiones Nagy , et Kis
 Raska &c. adeptus est , novum et ipse
 nomen de Raska posteris peperit . Sed
 his missis , ad Nicolaum , qui obtenta
 Buthka homonymæ familij sator est ,
 redeamus .

Habuit is in matrimonio Uxorem ,
 e gente Sadelejana oriundam , quæ enim
 præter CATHARINAM Lucasii de Isyp
 Consortem , duobus fillis auxit : PAULO
 II .

Nicolaus II. et NICOLAO II. Illius progeniem, de Buth. quia prius exaruit, priore quoque loco ~~hædatus~~. exequemur. Erant autem Paulus dux Conjuges: altera Elisabetha filia Nicolai Magni Castellani de Pazdics, altera Dorothea filia Stephani filii Michaelis de Solymos. Ex alterutro matrimonio nata est filia CLARA, Lorandi dicti Vajvoda Uxor, A) et sex Filii, quorum nomina sunt:

1. STEPHANUS IV.
2. JOANNES.
3. PETRUS.
4. ANDREAS improlis.
5. LADISLAUS.
6. BENEDICTUS, qui defecit.

Stepha- STEPHANUS IV, Elisabethæ Ludo-
nus IV. vici I. Regis Hungariae conjugis ephœ-
Reginæ bus, possessionem Dada a familia de
Elisabe- Debreczen vindicavit, impediitque, ne
thæphæ- Stephanus, et Akus filii Mykch Bani,
bus. ex Castro Jezenew, quod jure vetustissimo ad gentem suam attinuisse docuit,
quartam, quam puellarem vocant, de-
fumerent. Uxor Magaretha de Vin-
Ejus filii garth peperit ei tres filios: SIGISMUN-
et nepo- DUM, SANDRINUM, seu ALEXANDRUM,
tes. et FRANCISCUM. SIGISMUNDUS Pater fu-
it quatuor filiorum: JOANNIS III. BE-
NE-
DICTI II. THOMÆ, et MICHAELIS; ex
his

A) Lorandi hujus filius fuit Ladislaus, primum Archidiaconus de Doboka in Ecclesia Transilvana, deinde sub annum 1381. Episcopus Varadinensis.

his BENEDICTUS II. genuit quidem filiam DOROTHEAM, et SIGISMUNDUM II. filium, sed hic defecit. SANDRINUS ex Conjuge Margaretha Gyapol de Morva progenuit BENEDICTUM III. GEORGIUM II. NICOLAUM IV. THOMAM II et GREGORIUM: ex quibus BENEDICTUS III. ducta in matrimonium Margaretha de Károly, & Catharina uxoribus, hos liberos vidit: ANTONIUM II. ANDREAM IV. JOANNEM VIII. SANDRINUM II. et STEPHANUM VIII. qui cæteris fratribus sine sobole extinctis, genuit quidem filium LUDOVICUM de Pazdics dictum, sed et hic improlis obiit. NICOLAUS IV. Benedicti III. frater, qui ante annum 1469. e vivis exceslit, reliquit uxorem Claram, filiam DOROTHEAM Leonardi Besenyö de Deregnyö Conjugem, et filios LADISLAUM III. et PAULUM IV. quorum ille quamquam FRANCISCUM III. filium vulgo Sándor compellatum procreavit, hic tamen ex connubio Annæ Ujsalusii nonnisi filiam Matri homonymam sustulit, qua præmortua, bonam latifundiorum partem Mathiæ Viczmandi Affini, qui Sororem ejus SOPHIAM in matrimonio habuit, non invitis cognatis, transcripsit; atque hac ratione sub medium Seculi XVI. ramus Stephani IV. intercidit.

Ejus germano JOANNI ex Clara, filia Nicolai literati de Semjen, nati *1. posteri.* sunt MARGARETHA Francisco de Pány
nupta,

nupta, & PETRUS II. ac DOMINIEUS filii, qui anno 1411. fundos, quos Maiores liberalitate Regum acceperant, nova donatione sibi, suisque adfirmarunt. Petri II. hos filios reperio: DEMETRUM, EMERICUM, qui in Collegio Sacerdotum Agriensis Canonicus vitam finivit, GEORGIUM III. MICHAELM II. et PHILIPPUM. Ex his GEORGIUS III. stemma propagavit, susceptis ex Conjuge Margaretha liberis MICHAELM IV. et JOANNE IX. Erat MICHAELI IV. Uxor, nisi fallor Potentiana Vinnaj de Nagymihály, foemina religiosissima, et supremis tabulis, cum in alia sacra loca, tum in Franciscanorum cœnobia Patkienense, Sóváriense, & Czékiense admodum munifica. Moriens Michael reliquit filiam URSULAM primum Stiborii de Monok, deinde Nicolai Globis duci de Kerch, dénum Simonis Horváth Conjugem, et filium BARTHOLOMÆUM II. in quo cùm nonnisi CATHARINAM Stephani de Ugra confortem genuisset, rursus sub dimidium Seculi XVI. ramus Joannis I. exaruit.

Et Petri I. PETRI I. quem JOANNIS I. fratrem suisse diximus, progenies multo contractior fuit, GEORGIUS enim ejus filius ἄτεχνος obiit; ANDREAS II. vero tametsi Margaretham de Chahol duxerit, nullos liberos vidit.

Ac Ladislae I. deo- LADISLAUS dénum Stephani IV. *lai I. deo- Joannis et Petri I. de quibus supra e-*
ficiunt. *gimus,*

gimus, frater, quaternos filios eduxit: JOANNEM II. MARTINUM, ANTONIUM, & PETRUM III. JOANNES II. quamquam sex natorum Pater fuerit, FRANCISCI II. videlicet, GEORGII V. BENEDICTI IV. STEPHANI VI. LADISLAI II. et GREGORII II. omnes nihilominus vel improles, vel certe in filiis, quos jam recensere nihil attinet, interierunt. Ex ANTONIO primam lucem aspexerunt JOANNES IV. et STEPHANUS VII ex JOANNE IV. GEORGIUS IV. cuius filia unica CATHARINA Stephani de Oltsvár, Francisci Nagy de Kerch, et Matthiae Petroczi Uxor ramum hunc conclusit post annum a Christo nato 1530.

NICOLAUS II. Pauli II. cuius post *Nicolaus* steros hactenus executi sumus, frater, *II. venientia*, quod crimen patraret, ob quod *am delictum* *et i impetravit*. Judicium sententia capitis damnatus, bonis quoque privari debuisset, sed a Ludovico I. Rege Hungariae absolutus, veniam anno 1363. impetravit, neque ita multo post vita perfunctus, reliquit filios JACOBUM, et NICOLAUM III. ab exili specie parvum dictum, cui ex Uxore Clara nati sunt tres filii: STEPHANUS V. BARTHOLOMÆUS, et MARTINUS II. STEPHANUS V. cum conjugé Ursula eduxit ANNAM, AGNETEM Barnabæ de Véch Consortem, et NICOLAUM V. qui improlis excessit, quemadmodum et patruus ejus Bartholomæus.

At MARTINUS II. longa serie stemma produxit: ex coniubio enim Julianæ, nata est ei DOROTHEA Joanni Besenyö de Deregnyö nupta, et quatuor filii: ANDREAS III. PAULUS III. BRICCIUS, et MICHAEL III. De PAULO III. elenchus familij, ubi ad annum 1441. excerptum litterarum Wladislai I. Regis Hungariæ refert, hæc adnotat: „ ut „ idem pro fideli sua Majestatis repu- „ tetur, esto per nonnullos in facto tra- „ ditionis Civitatis Eperies ad manus „ notiorum tempore rebellionis An- „ dreæ Bothos deventæ, pariter pro no- „ torio ipse Paulus dictus, et incusatus „ fuisset, quia nihilominus teneræ ætatis „ fuisse attunc dicitur, ex eo excusa- „ tum ipsum Majestas habere cupit, bo- „ naque omnia, quæ ex sinistra illa de- „ latione ad manus Regias devenerunt, „ ipsi reddit, vel etiam aliis collata „ per donationales literas, easdem revo- „ cat, et annihilat, proque invigorofis- „ pronuntiat.“

Cæterum extinctis absque heredum
Andreas solatio fratribus, ANDREAS III. thala-
III. acta. mo sociata Veronica de Sebes, Sandri-
ni Drágfi de Béltek relicta, cum non-
nisi duas filias BARBARAM, et SOPHIAM,
illam Andreæ, hanc Ladislae de Tyba
elocatam suscepisset, neque ex vetula ma-
res progeniturus videretur, anno 1450. a-
pud Joannem de Hunyad Regni Hunga-
riæ Gubernatorem diligenter egit, ut pu-
ellæ

elle in sexum masculinum, quemadmodum nostri Jurisconsulti loquuntur, præficerentur. Res ad amicorum, cognatorumque aures vix effluxit, cum parte ab omni solenniter intercessum est. Sed liberavit hac sollicitudine Andream mors Veronicae, alteraque Uxor Margaretha, ei plures mares, ut in loco cicemus, peperit. Andreas interim ob insignem erudititionem literatus vulgo dictus, et Vice judex Curiæ Regiæ jussus, magna Matthiæ Corvini gratia floruit, quoad factione, quæ Casimirum Polonum in solium Hungariæ exciverat, implicitus, parum aberat, quin omnia bona, quæ jam Valentino Magno de Pesth rotarum peditum Regiorum Magistro donata erant, amitteret, nisi eam five maculam, five suspicionem per amicos apud Regem eluisset. Morienti superstites liberi ex altera Uxore hi manserunt:

1. MICHAEL V. de quo infra.

2. JOANNES X. cujus Uxor fuit Magdalena Iklodi de Ujlak.

3. PETRUS IV. Butkajanæ familiæ decus et ornamentum. Vix ex ephæbis eius Cubicularius, Mathiæ Regis Cubicularium, ac larius et subinde Camerarium egit. Illud testatur literæ Regiæ hunc in modum conscriptæ: „nos attentis, et consideratis Petrus II
„, fidelitate, et fidelium servitiorum Cubicularius
„, tuitis meritis fidelis nostri, Egregii Camera-
„, Petri Buthkai, Cubicularii noitri — rius Ma-
„ — cum igitur ex eo, tum vero ex thiae Re-
Decas III. B gratia gis.

„ gratia nostra spe^{ci} ali, eidem Petro,
 „ et consequenter Michaeli fratri suo
 „ carnali, id du^ximus annuendum, et
 „ concedendum, ut ipsi quandam turrim
 „ ipsorum vetustam, et desolatam in
 „ dicta possessione eorum Buthka habi-
 „ tam renovare, vel alias in eadem pos-
 „ sessione, ubi scilicet ipsis competen-
 „ tius videbitur, un m Castellum, seu
 „ fortalitium ligneum, aut lapideum
 „ cum propugnaculis, mœniis, fossatis,
 „ et aliis necessariis ædificiis construere,
 „ et ædificari facere — — valeant, at-
 „ que possint. — — Datum Budæ in
 „ festo Ascensionis Domini anno ejus-
 „ dem 1489. “ Istud vero laudatus e-
 lenchus docet in hæc verba: „ Anno
 „ 1490. Attestatorie pro Egregio Petro
 „ de Buthka, Mathiæ Regis Camera-
 „ rio, per Joannem Corvinum Ducem
 „ autentice emanatæ, quod idem Petrus
 „ in officio illo Camerali semper a la-
 „ tere Regi existens, fidelis, et ex-
 „ cellens fuerit, tandem et ipsi Joanni
 „ Euci, demortuo Rege, et Patre
 „ ipsis Joannis, de omnibus sibi com-
 „ missis rationes debitas, et justas pro-
 „ duxerit, et dederit, super quo etiam
 „ per præsentes absolutus est. “

Augmen-
tum ar-
morum
imperatr. Ab Wladislao Mathiæ successore,
 Tavernicus Regius, et Castellanus Ca-
 stri Regii Tata, et Komarom, nec mul-
 to post Comitatus Simeghiensis Comes
 creatus, jus, quod gladii vocant, et
 auctio-

auctiora arma familiæ suæ anno 1496.
 impetravit : „ quibus quidem armis , in-
 „ quit Wladislaus Rex , videlicet denti-
 „ bus lupinis , vestros prædecessores an-
 „ tiquitus usos fuisse acceperimus , de me-
 „ ra nostra authoritate , et potestatis ple-
 „ nitudine , animoque deliberato , et
 „ ex certa nostra scientia prædictam
 „ stellam adjungentes , novæ nostræ do-
 „ nationis titulo dedimus , donavimus ,
 „ et contulimus.“ Fuit subinde Comes
 Camerarum salis , et Comitatus Mara-
 marosiensis , obiitque sub annum 1511.
 cum ante Catharinam filiam ad Superos
 præmisisset. Laudatus elenches duas il-
 li Uxores adscribit , alteram Margaretham ,
 Caspary Fanchy de Gordova filiam , al-
 teram Ursulam ; at nos alias docuimus
 A) Veronicam quoque de Zapolya ei in
 manus convenisse.

4. EMERICUS II.

5. SOPHIA in familiam Izbugyai
 enupta.

6. HELENA.

7. CATHARINA Georgii Pethö de
 Gerse Uxor.

MICHAEL V. de quo nos acturos *Michael*
 supra spopondimus , Castellanus Castri Re- *V. Cagli-*
 gecz , et Vice Comes Abaujvariensis ; *tanus*
 eum universem in Ordinem D. Pauli *Castri*
 B 2 primi *Rogecz:*

A) Analectorum Scepusii Parte IV. in fami-
 lia Zapolianæ.

primi Eremitæ, tum seorsim in Cœnobium dictæ Arci Regécz subjectum adeo liberalis fuit, ut Frater Stephanus candidæ Religionis Generalis eum, ejusque domum anno 1505. in societatem bonorum operum, quæ in ordine fierent, adsciscere non dubitaret. Anno 1511. quod Dynastiam Saaghiensem in Comitatu Simeghiensi sitam Benedicto de Bathyan mille florenis cessisset, in graves inimicitias cum Joanne Fanchy de Gordova Socero suo descendit, quæ non nisi sexennio post amicorum opera solvitæ sunt. Vixit adhuc anno 1530. Uxores habuit duas: Margaretham Fanchy de Gordova, et Margaretham filiam Ladislai filii Frank de Sempse, per quam posteri ad ampla bona in Comitatu Sárosiensi, et Abaujváriensi pervenerunt; ex hac nati sunt:

- Eius liberi.*
1. PETRUS V. de quo infra.
 2. ANDREAS V. in flore ætatis mortuus, reliquit filium BENEDICTUM V. et Viduam Margaretham Majos de Nagy Zeretva, altero connubio Alberto Soos de Sóvár jungendam.
 3. CATHARINA Gregorio Csapy de Eszén.
 4. CLARA Ewdensio.
 5. JOANNA Joanni Liptsei nupta.
- Petrus V. latifundia recipit.* PETRO V. Franciscus Kalnaffi anno 1557. multum negotii facecessivit, cum ejus bona, tamquam Isabellæ Transilvanæ socii, atque adeo perduellis, ab Ferdi-

Ferdinando I. Rege impetravit, sed posteaquam testimonio publico Comitatus Zemplinienis Petrus edocuisset, se nihil eatenus seu in Regem, sive in patriam molitum esse, eadem postliminio, quamquam non sine difficultate recuperavit. E vivis excessit sub annum 1560. Coniuges duas habuit Helenam, et Magdalennam Kende, ex hac in lucem prodidit filia Anonyma, ex illa JOANNES XI. cuius ad annum 1554. Viduam Magdalennam invenio, MICHAEL VI. et LUDOVICUS II. Huic Barbara Body copiosam sobolem enixa est, videlicet:

1. GEORGIUM V. qui cum Doro- *Ludovici thea Keczer de Lipocz*, subinde Fran- *II. pro-*
cisco Rakoczio nupta, eduxit FRAN- *les.*
CISCUM IV. improlem A)

2. LADISLAUM IV. de quo infra.
3. CATHARINAM Joannis Fantsikai
Uxorem.

4. CLARAM.
5. MARGARETHAM Sigismundo Mi-
kolai elocatam.
6. BARBARAM.
7. MICHAELEM. VII.
8. LUDOVICUM III.

B 3

9.

A) Francisco ad annum 1571 suppares erant Paulus, et Joannes filii Benedicti, filii Georgii Frank de Butka. Ex Pavlo nati sunt Georgius, et Andreas. Postremi Georgii Viduam anno 1621. Helenam de Gattaly lego.

9. PETRUM VI. qui defecerunt.

LADISLAUS IV. vitam fere inter lites exegit; illa ad memoriam pecuniaris est, qua Matris honorem pro tribunali Comitatus Zemplinensis ita vindicavit, ut maledicus convitiator, exspecta lingua poenas daret. Obiit annum circiter 1598. susceptis ex gemina Uxore Clara Viczmandi, et Anna de Tétetlen prolibus: ANDREA VI. STEPHANO IX. GEORGIO VL et MARGARETHA. ANDREAS VI. imbecilla usus valetudine, eidem in flore etatis succubuit. Morturus tabulas supremæ voluntatis anno 1611. condidit, quibus prolium suarum CLARÆ, et ANDRÆ VII. quas ex Catharija Zatthai progenuerat, Tutorem inter ceteros constituit Georgium Drugeth de Homonna; sed nec Clara, nec Andreas ad justam etatem pervenit.

Stephanus IX. difficilimis temporibus, dum scilicet Gabriel Bethlen Transsilvanæ Princeps, omnia metu, et armis impleret, plures annos Provinciam Zemplinensem Vice-comes gubernavit. Margaretha de Berzevicze hos liberos ei enixa est: STEPHANUM X. ALEXANDRUM, ANNAM, ANDREAM VIII. SÜSANNAM, et CLARAM; sed cum tres priores jam sub annum 1630. naturæ debitum persolvissent, metueretque Pater, ne Andreas filius pari fato occuparetur, ab Ferdinando II. Rege impetravit, ut si filius sine hærede decederet, filiæ SÜSAN-

SANNA, quæ subinde Adami Pongracz de Nagy Mihály Uxor fuit, et CLARA in masculum sexum præficerentur. Neque sanctioni huic obturbavit GEORGIUS VII. filius postea natus, quem mors in juventute succidit. E numero vivorum excessit STEPHANUS IX. anno 1638.

Eius filius ANDREAS VIII. paulo post, quam nuptias cum Prisca Palagyи inuisset, in morbum incidit, quo etiam oppressus est. Posthumus, qui a morte Patris lucem aspergit, STEPHANI XI. nomen tulit; Vidua vero ad alterum coniubium cum Francisco Mariassi, eoque satis perfuncto, ad tertium cum Joaüne Pethö de Gerse transiit. Sub hujus, Matris cura eductus Stephanus, postea-
quam adolevit, Saram Szirmai in con-
niubium adscivit, sed cum anno 1668. *Stepha-*
nus XI. ultimus
moriens, ex ea nonnisi duas filias: AN-gentis.
NAM, et MARGARETHAM reliquisset, familiam Buthkajanam tumulo intulit. Porro ut et hoc addam, Anna Francisco, Margaretha vero Adamo Desöffi de Csernek in manus convenerunt; atque ex hac hodierni Comites Szirmai, ex illa Desöffi, qui Margonyx, et Somosini agunt, profluunt.

III.

DRÁGFI DE BÉLTHEK.

(Fig. 3.)

Drágfi ex Valachia oriundi. Drágfiorum Majores in Valachia quæ oportere indubium est; ubi inter præcipuos Provinciæ Bojeros, seu Nobiles sensos fuisse, fidem faciunt plures litteræ, quæ in Tabulario Leleszieni adservantur; imo cum multo post tempore, quam in Hungariam advenierunt, Joanni Drági fratri jam Volachi, jam Olahi cognomen adjectum legam, id fatis, nisi fallor, indicat, quo eorum originem referri oporteat. Interim quis prius patriam reliquerit? aut quando in Hungariam transierit? quod ipsum nomen Drágfi recentius est, haud constat.

Nicolaus Vajv. Transilvanie, Regnante Ludovíco I. Hungariæ Rege, NICOLAUS egregiis animi, corporique, quibus pollebat, dotibus adeo inclinavit, ut post minores Præfecturas, quas non sine laude gessit, ad annum 1367. Vajvoda Transilvaniæ crearetur. Sed quem vitæ exitum habuerit, Thuroezius cum ejusdem Regis expeditiōnem in Transalpinam describit, hunc in modum narrat: A) *Ipse Rex*, inquit, *perfo-*

A) In Chronicis Hungarorum Parte III.
Cap. XXXVIII.

personaliter, per Bulgariam partes Transalpinas sacræ coronæ subiectas invadens, ex alia parte ultra terram Siculorum cum valido exercitu, ac Nobilibus, et Siculis partis Transilvanæ transmisit Nicolaum Vajvodam Transilvanum, cum Simone filio Mauritii, et aliis ex potioribus militibus suis ad videndum partes Transalpinas, contra Layk Vajvodam partium prædictarum, Regie Majestati rebellantem.—

— Qui quidem Nicolaus Vajvoda cum exercitu prædicto fluvium Ilumcza, ubi fortalitia, et propugnacula erant, per Olachos firmata, potenter expugnando pertransiens, cum exercitu ipsius Layk Vajvoda copioso, cuius Capitaneus erat Comes Dragmer Olachus, Castellanus ejus de Domlova, bello inchoato, et certamine fortissimo commisso, victoriam obtinuit, et ipsum Capitaneum multis interfecit, in fugam convertit; sed postmodum incaute ulterius procedens, inter indagines, et vaprium densitates, ac passus stridulosos conclusus per multitudinem Olachorum de silvis, et montibus invasus ibidem cum — Siculis viris bellicosis, et aliis militibus quam pluribus, et Nobilibus potioribus exstinctus interfecit. —

— funus ejusdem Nicolai Vajvoda cum magna pugna de manibus Olachorum e- In bella reptum, in Hungariam attulerunt ad cœsus, Claustrum Beatae Virginis in Strigonio Strigoni sepelitur, tumulandum.

Reliquit porro NICOLAUS tres superstites filii: BALK, DRAG, et JOANNEM, qui cum a Ludovico I. Rege, tum ab ejus Successoribus Maria, et Sigismundo amplissimis cumulati sunt possessionibus, et inter Aulæ Regiæ familiares adlecti. Fuit Joannes anno 1390. Siculorum Comes, utebaturque axiōmate de Maromarus. Progenuit filios tres; SANDRINUM, seu ALEXANDRUM III. DEMETRIUM II. et LADISLAUM; eorum ad annum 1415. non item hæredum memoriam reperio, ut adeo cunctos defecisse verilimile sit.

*Joannes
Siculo-
rum Co-
mes.*

BALK de Zarazbereg dictus anno 1381. Comes Maramarosiensis, ac ad annum 1387. si Husztius A) non fallit, Drag cum Fratre Drag Vajvoda Transilvanie, Transilvanie. et inter cæteros honores Siculorum Comes, possessiones a Patre acceptas, non modo nova confirmatione retinuerunt, verum etiam multis Arcibus, Dynastiisque auxerunt. Certe Castrum Regium Kowar, quod olim Comitatui de Zolnok adscriptum, a Ludovico I. Rege obtinuerant, remotis obicibus, sub Sigismundo rursus suum fecerunt b) et fundos

A) In MS. opusculo, quod de Vajvodis Transilvanie conficit.

B) Clausula literarum Sigismundi hæc est: Datum in descensu nostro campestri contra Turcos in Regno Rasciæ in festo B. Jacobi Apostoli Anno Domini 1392.

fundos omnes, quos Joannes filius Dragomeri in Provincia Ugotsensi, et Maramarosiensi possidebat, anno 1390. impetrarunt. Isdem posteri debent amplissimi census, et dominationis Castrum Bélthek, quod non solum in jus, verum etiam in titulos familie transiit. Ex BALK autem nati sunt duo filii: SANDRINUS I. et DEMETRIUS I. hic, ut reor, defecit; ille contra ex Justina Conjuge Pater fuit JOANNIS II. LADISLAI II. et ANNÆ, quæ post annum 1450. obiit, Fratribus multo ante sine hærede extinguitur.

DRAO anno 1381. Comes Zatmariensis, ac sexenio post, ut supra inuimus, Vajvoda Transilvaniæ genuit tres filios: EMERICUM, SANDRINUM, et GEORGIUM, qui quod Dragi filii essent, Drágfi compellati sunt. Emerico sine liberis decedente, Sandrinus, et Georgius anno 1427. bona partiti sunt. Habuit SANDRINUS Conjugem Veronicam filiam Simonis de Sebes, cui sub annum 1432. moriens partem possessio-
num transcriperat, sed quod ea ad alteras nuptias Andreæ de Buthka profi-
lierit, Georgius Affinis tradere renuit,
quoad Barbaræ Reginæ mandato com-
pulsus, Veronicæ ex affe satisfecit. MI-
CHAEL Sandrini II. filius a Majoribus ^{Michael} omnibus suis prorsus degeneravit, vitamque tot ^{bonis ex-}
sceleribus infamem vixit, ut eum Ma-
cidit.
thias

thias Rex anno 1470 a) omibus latifundiis privaverit, eaque Bartholomæo agnato contulerit. In literis Regiis hoc seorsim exprimitur: „ quod is (Michael)
 „ Uxorem suam legitimam interfecisse,
 „ et quemdam Nobilem famulum suum,
 „ propter quandam mulierem, quam in
 „ adulterio tenuisset, sine omni culpa
 „ miserabili nece interemisse dicatur.“
 Neque quidquam præterea seu de ejus
 Uxore, sive de liberis compertum habeo.

GEORGIUS Sandrini II. frater, stemma longius propagavit; ex NICOLAO II. enim filio, qui anno Christi 1436. floruit, Agathamque, nisi fallor, de Kálló in Conjugio habuit, plures nepotes sustulit, quorum nomina sunt:

1. JULIANA Nicolai de Zokol Confors,

2. BARTHOLOMÆUS, seu Bertholdus, de quo infra.

3. FRANCISCUS,

3.

c) Vixit sub idem fere tempus Thomas de Drag Personalis præsentia Regiæ, cui M. Joannes de Thurocz partem Chronicorum suorum inscripsit. Bonfinius Thomam vocat Prætorem Regni, eumque laudat, ut legatum ad Sextum Pontificem, *e sententia cuncta mandata cum summa laude, ac munificentia peragentem, item maximi, callidissimique ingenii virum, et ad maxima quoque negotia natum, præterea Scythica lingua nimis eloquentem.* Sed Thomas eum cæteris Drágliis nexus incertus est

4. GEORGIUS.

5. PETRUS, qui quidem tres potissimum virilem etatem vix attigerint.

BARTHOLOMÆUS contra, ubi hanc affecutus est, belli, pacisque artibus Bartholomæus inclinatus, ut præcipuis quibusque Pincernarum Magistris gerendis admoveretur. Erat Mathiæ I. Regis non solum Pincernarum Magister, verum etiam militarium expeditionum, quæ in Austriam suscepæ sunt, comes. Interfuit Urbis Viennensis expugnationi, ac quæ hanc consecuta est, pompæ triumphali. Ab *Doin Cu-*
Wladislao II. primum Cubiculariorum *biculares*-
Regalium Magister, deinde anno 1493. *orum*
cum Ladislao de Löffontz Vajvoda Tran-
ster, de-
silvaniæ creatus est; cum omnium copi-
mum Vaj-
arum imperium accepit, cum Lauren-
voda
tium Duce de Ujlak refractarium; *Wla-*
dislaus bello impetiit. Bartholomæi in-
dustriæ, virtutique debetur, quod Lau-
rentius suis arcibus multatus, supplex
ad obsequium Regis redierit. Præfuit
autem Transilvaniæ usque ad annum
1498. quo vel certe in sequenti e vivis
excessit. Duas Uxores habuit; primæ
nomen, et familia ignoratur; altera
fuit Dorothea de Hedervara, quæ elato
Marito tertium, quem vocant, Ordinem S. Francisci ingressa, in Cæno-
bio Kusalensi, quod id temporis vitæ
sanctimoniam, et regularis disciplinæ fa-
ma celebre habebatur, diem extreum
clausit.

clausit. Ex priore nati sunt GEORGIUS III. et JOANNES III.

GEORGIUS III. qui anno 1508. floruit, quam Conjugem? quosve liberos habuerit, nondum reperi: ejus fortasse filia fuit CATHARINA Ladislai de Kanisza Vidua, et Christophori de Frangenibus Sponsa, sed antequam nuptiarum dies advenisset, præcoci fato Sponsor suo orbata.

Joannes III. in prælio Mohacsi enficit. JOANNES III. plures Regni Hungariae Magistratus, quos Baronatus vocant, ex ordine gessit; anno siquidem 1511. Pincernarum, triennio vero post Dapiferorum Regalium Magister fuisse legitur. Bello rustico, quod anno 1514 erupit, præclaram Reipublicæ navavit operam, quemadmodum Stephanus Taurinus in sua Stauromachia memorie prodidit. Anno 1518. Ludovicus II. Rex eum jam tum Comitatum Zolnok mediocris, et de Krazna Comitem, Tavernicorum Regalium Magistrum creavit, quo in munere plures annos egit, quoad occupato a Turcis Belgrado, cum barbari finitimam regionem spoliis, incendiisque vastarent, ut eorum furorem reprimeret, Provinciae Temesieni Comes præfectus est. Demum Judex Curiæ Regiæ in fatali pugna Mohatsiana, ubi grande Regis vexillum præferebat, anno 1526. vitam posuit. Sponsam ejus invenio Aimam de Wärda, sed reapse cum Catharina Drueth de Ho-

Homonna in matrimonio vixit, ex qua sustulit SOPHIAM Joannis de Peron Confortem, MAGDALENAM, quæ ad nubiles annos pervenisse non videtur, et GASPAREM.

Hic amissio præmature Patre, fidei *Gaspar*
novatoribus opportunus visus est, cui *fidei no-*
peregrina dogmata instillarent. Et *vatori-*
bus favet. Ro ex Optimatibus fere primus fuit,
qui ea non solum combibit, sed etiam
omni ope, atque opera tuenda, propa-
gandaque suscepit; multis propterea
magnisque laudibus a suis celebratus.
Fuit, ut Pater, Comitatuum Zolnok
mediocris, et de Krazna Sūpremus Co-
mes. Tabulis supremæ voluntatis, quas
anno 1545. condidit, Uxorem suam An-
nam de Bathor, et filios GEORGUM
IV. ac JOANNEM IV. Ferdinando Re-
gi majorem in modum commendavit;
sed ea cura Joannes non eguit, mori-
entem Patrem paulo post fato consecu-
tus. Anna de Báthor, etiam postquam
Antonio Drueth de Homonna nupsit,
volente Ferdinando officium Supremi
Comitis dictorum Comitatuum admini-
stravit, quoad Georgius filius adolesce-
ret. Atque hic ubi muneri erendo par-
stremus habitus est, fasces quidem Provinciarum *Georgius*
IV. po-
assumpsit, verum et hos, et totam gen-
tem Dragomanam tumulo secum intulit,
sub annum 1555. nullo reliquo hærede
extinctus.

Plura fortasse de Dragfis in medium adserri potuissent, nisi eorum epitaphia, quæ in templo Arcis Erdöd in Provincia Szatmariensi visebantur, jam ante ducentos, et quod excurrit annos violata fuissent, ut Istvánfius in hæc verba adnotavit: A) *Svendius in templum ingressus, duos milites Germanos, qui Drágfiorum sepulchra revulsis marmoribus, opimæ, quam incesse putabant, prædæ investigandæ causa impio conatu aperuerant, forte offendit, et enormis facti indignitate permotus, alterum pugione extemplo confudit, altero sauciato, et præcipiti fuga se subducente.*

IV.DRU-

A) Historiar. Libro XXII. pag. mihi 278.

IV.

DRUGETH DE HOMONNA.

(Fig. 4.)

Drugethios Italici generis, et specia-*Drugethi*
tim Salerno e Regno Neapolitano ori-*ex Regno*
undos fuisse, dubitare nos non finit *Neapoli-*
luculentum testimonium Joannis Bocatii,*tano ori-*
Poëta laureati, quo tametsi jam alias
usq; sumus, A) ad faciendam tamen si-*undi,*
dem, hoc loco quoque repetere juve-
rit, ita vero habet: *Joannis*

Est locus Italiz, veteris qua clara *Bocatii*
Salerni *testimo-*

Mœnia, citrifero proxima rure *nio.*
folo:

Illius hic quondam Majores, Urbis
honores

Imperium, ac fasces sustinuere diu;
Posteritas donec bellorum huc tem-
pore missa

Præfuit, ac sedes cœpit habere
suas,

Florida magnanimus Regni cum sce-
pta tenebat

Carolus, Hungaricam cum mo-
deratus humum,

Druge-

▲) Analectorum Scepus. Parte III. in Phi-
lippo Drugeth Comite Scepusieni.
DECAS III. C

Drugethos aluit binos tunc nobile
Regnum :
Par titulos merito gessit uterque
graves.

Philip- Venerunt autem in Hungariam cum
pus, et Carolo I. Rege duo fratres PHILIPPUS,
Joannes et JOANNES Viri sagè non minus, quam
Fratres toga præclari, qui cum bello, paceque
Palatini fidelem operam eidem navassent, non
Regni solum copiosis fundis, verum etiam am-
Hunga- plissima apud Hungaros Proregis digni-
rice. tate, ab eodem donati sunt. Fulsit eo
honore Philippus una Comes de Scepus,
et Ujvár ab anno 1322. ad 1327, quo
improlis decepit, fratrem in Palatini
munere excepit JOANNES, simulque sex
Provincias Comes gubernavit: Simigi-
ensem videlicet, Tolnensem, Bachien-
sem, Albensem, Zemplinensem, et Un-
ghensem. Obiit sub annum 1334. re-
lictis tribus filiis: WILLERMO, NI-
COLAO, et JOANNE II. ac filia
Anonyma.

Willer- WILLERMUS et ipse Regni Hunga-
mus iti- riæ Palatinus, ac Comes de Scepus,
dem Pa- et Ujvár, postquam hos Magistratus ali-
latinus. quot annos præclare gessisset, amore
solitudinis sponte abdicavit, et reliquum
vitæ, procul aulæ strepitu exegit. Cum
nullum hæredem haberet, supremis ta-
bulis Uxori suæ Mariæ Folyk ingentem
vim rerum aurearum, argentearumque;
Nicolao vero Fratri præter arma, et
equos,

equos, octo Arces cum adfatis ditionibus transcripsit. A)

NICOLAUS hic bello Neapolitanus *Nicolaus*
ea dedit militaris virtutis specimina, ut *Judex*
a Ludovico I. Hungariæ Rege, Urbi *Curiæ*,
Salerno, natali scilicet familiæ suæ lo-^{author}
co præficeretur; mansitque ibidem fere *Geren.*
tres annos; quoad bello pace composito,
in Hungariam redux, anno 1354 Ju-
dex Curiæ Regiæ, et Comes de Thu-
rocz creatus est. Bonorum sortitione,
quam cum Joanne II. Fratre inierat,
quamquam plures Arces obtinuit, nescio
tamen, qua ex causa de Geren, loco
Ungvariensibus vicino, axioma tulit,
quod in posteros quoque transfudit; at-
que hos, quod longe ante, quam Dru-
gethii de Homonna defecerunt, jam
nunc continentि serie enumerare placet.

Genuit porro NICOLAUS JOANNEM
III. qui anno Domini 1373. floruit, re-
liquitque duos Filios: JOANNEM V. et
NICOLAUM III. Hic anno 1379. Comi-
tatus Unghvarensis Comes, anno vero
1391. Banus de Zewrino fuit. Ex Cou-
juge Margaretha procreavit filias: HE-
LENAM Georgii de Dob, ANNAM La-
dislai de Telegd Uxores, et VERONI-
CAM. Filius ejus STEPHANUS II. Ma-
riam, quam thoro sociaverat, ante an-
num 1437. Viduam reliquit. Neque est.

C 2 quod

A) Testamentum ejus videri potest Anales etorum Scapus. Parte I.

quod de Gerenienfibus Drugethiis amplius addam; redeat itaque ad Drugethios de Homonna narratio.

*Joannes II. au-
thor ra-
mi de Ho-
monna.* JOANNES II. Nicolai I. Frater, quinque filiorum Parens fuit: JOANNIS IV. NICOLAI II. LADISLAI, PHILIPPI II. et FRANCISCI; sed trium extremorum hæredes non invenio. LADISLAUS perennem sui memoriam apud Ordinem Paulinum reliquit, cui in Oppido Ungvár Cœnobium anno 1384. non solum a fundo excitavit, verum etiam agris, vineisque liberaliter donatis auxit. JOANNES IV. ex Uxore Helena de Pákos sustulit filium JOANNEM VI. qui litteris, quibus Rex Sigismundus XIII. Oppida Scepusiensia Polonis anno 1412. pignori opposuit, subscriptus legitur, et filias MARGARETHAM, ac HELENAM. NICOLAUS II. denique genuit BERTOK, seu BARTHOLOMÆUM, SIGISMUNDUM, et STEPHANUM I. BARTHOLOMÆUS defecit. SIGISMUNDUS ex Conjuge Ursula, incertum cuius familiæ? Pater fuit BARTHOLOMÆI II. qui ex Anglys, vel Agneta de Rozgon suscepit quidem Filium LADISLAUM II. sed hic etiam post annum 1476. defecit.

*Stepha-
nus in
Husita-
rum po-
testatem
venit.* STEPHANUS I. nomen Drugethianum de Homonna longissima serie, ut patebit, propagavit. Erat vir non solum militaris, sed propter egregias animi, corporisque dotes omnibus acceptus: hunc Hussitæ cum nepote BARTHOLOMÆO

M&O II. interceperant, de quorum potestate, ut eximeretur, Episcopus Agriensis Civitatum Superioris Hungariæ opem hujusmodi Epistola imploravit:
 „ Sapientes, et honesti Viri, Amici
 „ nostri dilecti. Casum fratrum nostrorum Stephani, et Bartholomæi de
 „ Homonna, priusquam nos, percipere
 „ potuistis. Rogamus easdem vestras
 „ amicitias, quatenus dictos Fratres nostros Stephanum, et Bartholomæum
 „ ad diem certum ad vestram fide jussioriam cautionem de captivitate Bohemorum excipere, vel saltem unum eorum, qui pro eliberatione ipsorum,
 „ coram Dominis Prælatis, Baronibus et Regnicolis laborare valeat, eliberare velitis: huic Regno, nobisque consequenter, et omnibus Fratribus nostris in hac parte magna ostendetis complacentiam, et amicitiam specialem. — — Datum Agriæ feria quinta proxima post festum B. Johannis Apostoli ante portam Latinam Anno Domini 1459.

Ladislaus de Hedrehwára
Episcopus Agriensis.

Et Druethii quidem Civitatum Liberae ope, haud multo post liberi abierunt, verum ita, ut confectis anno in sequenti induciis, cum ipsi, tum quatuor Comitatus: Sárofienfis videlicet, Unghenfis, Zemplinienfis, et Abaujvariensis, milie fiorenos auri, septingentos cubulos

frugum, et octodecim media vasa vini
Bohemis polliceri sint coacti. Cæterum
Stephanus habuit hos Filios: JOAN-
NEM VII. STEPHANUM III. *απαύδας*, et
SIMONEM A) qui moriens quam Uxo-
rem? et quos natos reliquerit? ex li-
teris Wladislai II. Regis ad Conven-
tum de Jazow scriptis patet, earum
pars ita habet: „ Exponitur nobis in
„ in persona fidelis nostri Spectab. et
„ Magnifici Domini, Stephani de Za-
„ poly, Comitis Perpetui terræ Sce-
„ pus. et dicti Regni nostri Hungariæ
„ Palatini, quomodo circa festum B.
„ Michaelis Archangeli in anno Domi-
„ ni 1492. transacto præteritum, Ge-
„ nerosa Domina Sophia B) Relicta,
Joannes ac Egregii Joannes VIII. et Gaspar
VIII. et filii quondam Simonis de Homonna,
Gaspar „ missis quibusdam latrunculis, qui ar-
spoliant „ matis manibus, et potentiaris ad
Clau- „ Claustrum Religiosorum Fratrum Car-
firn „ thusiensium Lechnitz vocatum, in Co-
Lehnitz. „ mitatu Scepus. fundatum, sub juris
„ Patronatu, tutamineque, et prote-
„ ctione ipsius Domini Stephani Pala-
„ tini exponentis existens irruendo,
„ quosdam

A) Lego præterea ad annum 1479. Si-
monis Druethi de Homonna Annam
Relictam, et aſi annum 1489. alterius
Simonis Sophiam Bebek Viduam; niſi
eadem fit cum Sophia de Vámos.

B) Infra dicitur: de Vámos.

„ quosdam ex Fratribus prædictis gravibus vulnerum plagis affecissent, et calides, ac nonnulla ornamenta Ecclesiastica ipsius Claustrum deprendendo, ab eodem ad dominia dictorum Joannis, et Caspari de Homonna deportassent, qui scilicet Joannes, et Gaspar certas ex hujusmodi rebus deprendatis, quas voluerent, dicto Claustro restitui fecissent, reliquias vero, quo eorum placuerent voluntati, asportari fecissent.“ Scelus hoc correxisse videri possint, cum anno 1505. Cœnobio Paulinorum Ungariensi pisceanam Horgastó attribuerunt, ac rursum anno 1511. Joannes omnes donationes a Majoribus eidem domui factas confirmavit.

Præter hos filios erant Simoni et filiæ: duarum meminit bulla Pontificia anno 1499. signata, qua Sophie dæ Vámos, ac Joanni et Gasparo, nec non Catharinæ et Hedvigi ejus prolibus ex Simeone condam de Homonna susceptis indulgetur altare portatile, Sacerdos Secularis, vel Regularis servandus, et Missæ Sacrificium ab eo ubicunque celebrandum. Aliæ duæ Simonis filiæ: BARBARA videlicet et ELISABETHA id temporis in alienas domos jam enupta erant, et hæc quidem Sigismundo de Loßfoncz; illa vero Nicolao Zolyomi A)

C 4

Jo-

a) In Analectis Scipulii Parte IV. authori-

Joannis VIII. liberi. JOANNIS VIII. anno 1495. Sponsa
fuit Christina A) Stephanii de Zapolya
Palatini filia, cui Provinciae Zemplini-
ensis Castrum Barko inscripsisse legitur.
Ex hac præter filiam CATHARINAM,
Joannis Dragfi de Béltek Conjugem,
plures mares suscepit, quorum nomi-
na sunt:

Franciscus II. Tavern. Regalium Magister. I. FRANCISCUS II. anno 1520. Cu-
bicularius Ludovici II. Regis, et Co-
mitatus Ungvariensis Comes. Post cla-
dem Mohatsianam, ex qua ægre fe ex-
pliicut, Joannis de Zapolya, necessa-
rii sui partes secutus, ab eo non solum
in munere Comitis Ungvariensis firma-
tus est, verum insuper Tavernicorum
Regalium Magister, et Comes Sárosi-
ensis renunciatus. Homo alieni adeo
cupidus, ut nec sacris pepercerit; cu-
jus rei testimonium perhibent sequentes
literæ: „ In nomine Domini Amen. An-
no nativitatis ejusdem Domini 1532.
„ 6. die mensis Februar. hora tertia-
rum, vel quasi, in Sacristia Ecclesiaz
„ S. Crucis de Lelez, indictione V.
„ Pontificatus autem Sanctissimi in Chri-

Fræposi- turam Lelez spoliat. „ sto

tate Ill. Bethleimi adductus, quinque
filias Simoni adscripteram, vereor ta-
men, ut is rem ex sincero fonte hau-
serit.

▲) Bocatius, de quo supra, Margaretham
vocat: binominem itaque fuisse opor-
tuit.

„ sto Patris , et DD. Clementis Divina
 „ providentia Papæ VII. anno ejusdem
 „ X. in mei Notarii publici infrascripti,
 „ et testium infrascriptorum præsentia
 „ personaliter constituti : Reverendus
 „ in Christo Pater D. Joannes , Præpo-
 „ situs prætactæ Ecclesiæ S. Crucis de
 „ Lelez , tum primo de persecutione
 „ revertens , et in Sacristiam ejusdem
 „ Ecclesiæ suæ intrans , Religiosique
 „ Fratres Ordinis Præmonstratenſis , in
 „ eadem Ecclesia S. Crucis de Lelez
 „ degentes videlicet : Fr. Joannes Chy-
 „ babecz , et Fr. Paulus de Jazo , ac
 „ Fr. Ladislaus de Vagyocz Presby-
 „ teri Profesū , concorditer uno voto
 „ solenniter potestati sunt super eo :
 „ quod Magnificus D. Franciscus Dru-
 „ geth de Homonna , propria authori-
 „ tate in Eccleſiam prælibatam medio
 „ ſuorum fervientium manus violentas
 „ immisit , ac eandem Eccleſiam cum
 „ omnibus pertinentiis occupavit , et
 „ occupatam vi , et potentia mediante
 „ certis diebus poffedit , et quoslibet
 „ fructus , et utilitates ejusdem per-
 „ cepit , usque ad valorem octo mil-
 „ lium florenorum , citraque , vel ultra.
 „ Insuper quod de Sacristia argentea-
 „ riam , et diversa bona Ecclesiæ aspor-
 „ tavit , valentes flor. — — Præterea
 „ conservatorium , sive conservatorii
 „ ostium confregit , et literas Privile-
 „ giales tam ejusdem Ecclesiæ , quam

„ rum cuiusvis gradus, status, et con-
 „ ditionis præminentium hominum illic
 „ existentes asportavit: ideo si qui de-
 „ fectum paterentur in Privilegiis ipso-
 „ rum illic existentium, id non vitio
 „ præfati D. Præpositi, neque Conven-
 „ tus ipsius factum, sed prælibati Ma-
 „ gnifici D. qui medio Hominum suo-
 „ rum conservatorium confregit, et li-
 „ teras Privilegiales exportavit, super
 „ quo potestati sunt expresse, quod
 „ Ecclesia præmissa damnum, et præju-
 „ dicium, ac injuriam totius Ordinis
 „ Præmonstratensis, quod intulit, ges-
 „ fitque, et fecit, in calculum revo-
 „ cando pati noluisset pro 60. millibus
 „ florenis auri justi, et veri ponderis
 „ de quibus solenniter protestati sunt,
 „ et expresse — —

2. GEORGIUS, de quo infra.

3. GABRIEL, de quo pariter infra.

4. STEPHANUS IV. cuius Uxor et

Stephā-
nus IV. annus emortualis innotescit ex Ferdi-
ndi I. Regis mandato, quod ad Con-
ventum Leleziensem hoc tenore dedit:
et Un-
gvdr. Co-
mtes. exponitur Majestati nostræ in per-
 „ sona Generosæ, et Magnifica Domi-
 „ ne Claræ de Báthor, alias Relictæ
 „ Maguifici quondam Stephani Drueth
 „ de Homonna, nunc vero Consortis
 „ Magnifici Antonii de Loffoncz quo-
 „ modo circa festum Beatorum Viti, et
 „ Modesti MM. in anno Domini 1540.
 „ transacto præteritum, Magnifici Ga-
 „ briel,

„ briel, Georgius, et Emericus Dru-
 „ geth de Homonna, nescitur unde
 „ moti, missis, et destinatis certis ho-
 „ minibus, et Servitoribus suis arma-
 „ tis, et potentiaris manibus, quen-
 „ dam equum Turcalem ipsius Dominæ
 „ Exponentis, quem mortuo dicto con-
 „ dam Stephano Drugeth, tempore fe-
 „ pulturæ ejusdem, ante feretrum ad
 „ Claustrum Fratrum Heremitarum de
 „ Uughwár detulissent, et per ipsam
 „ Dominam exponentem ab eisdem Fra-
 „ tribus Heremitis per omnia redem-
 „ pta fuisset, ex stabulo dictæ Domi-
 „ næ exponentis — — abduci et aspor-
 „ tari, quo eorum placuisse voluntati,
 „ fecissent “ A) — — Cæterum ad an-
 num 1539. duorum Comitatuum Zem-
 pliniensis, et Unghvariensis Supremus
 Comes fuit.

5. EMERICUS, qui JOANNE IX. et *Ferdinan-*
GABRIELE II. filiis præmortuis, Nico-*di I pecu-*
LAUM IV. Orphanum reliquit. Hunc *a-liaris cu-*
deo peculiari cura complexus est Rex *ra super*
Ferdinandus I. ut cum anno 1560. An-*Nicolaos*
tonium Verantium Episcopum Agrien-
sem, et nonnullos ex equestri Ordine
ad componendam Hungariam superio-
rem

A) Literis his Druethii ad Regiam per-
 sonalem præsentiam evocantur. Datae
 autem sunt Posonii Sabbatho proximo
 post festum Conversionis S. Pauli Apo-
 stoli anno Domini 1543.

rem mitteret, inter cætera instructionis
 capita hoc exerte adjecterit: „ quia si-
 „ gnificatum nobis est, inquit, Tutores
 „ orphani filii Emerici quondam Ho-
 „ monnai, Egregios videlicet Mathiam
 „ Viczmandi, et Blasium Hozzumezej
 „ officium tutoratus sui non sine damno,
 „ et detimento bonorum, et proven-
 „ tuum Orphani ipsius administrari, in-
 „ que proventibus ipsis dispensationem
 „ facere; nos, qui supremi sumus in
 „ Regno isto nostro post Deum pupil-
 „ lorum, et orphanorum tutores, vo-
 „ lentes dama dicti orphani præcave-
 „ ri, præfatis nostris Commissariis injun-
 „ gimus, ut super administratione pro-
 „ ventuum, et bonorum dicti orpha-
 „ ni ab idoneis, et ejus rei non igna-
 „ ris personis inquirant, ac postea vo-
 „ catis ad se dictis Tutoribus, eisdem
 „ penes literas nostras credentie, no-
 „ mine nostro dicant, et committant,
 „ ut quia ipsos officio eorum in Tuto-
 „ ratu non per omnia respondere infor-
 „ mati sumus, eam habeant administra-
 „ tionis bonorum, et proventuum or-
 „ phani ipsius curam, ut nulla fiat in
 „ illis dissipatio, atque ipsi suo post ea
 „ tempore super ea sufficientem ratio-
 „ nem dare valeant: nam alioquin nos
 „ non esse admissuros, ut puer ipse or-
 „ phanus per ipsorum vel negligentia-
 „ am, vel dissipationem damnum pa-
 „ tiatur. „ Hactenus Ferdinandus. Ni-
 „ co-

COLAI IV. filia fuit ANNA Michaelis Kathaj Consors, ac fortasse Elisabetha, quæ in Poloniam Petro Zborowski, Viro clarissimo enuplit.

6. ANTONIUS, cuius prima Uxor, *Antonii* seu nomen, seu familiam spectes, ignoratur: altera erat Anna de Bathor *Capostieri*. sparis de Drághfi de Bélthek Vidua. Ex priore nata est BARBARA primum Martini Kechet de Kyres, Magistri Curiae Regiae, deinde Francisci Kendy de Zentiwán, Vajvodæ Transilvaniæ Coniux. Ex utra natus sit NICOLAUS V. Antonii Filius? compertum non habeo: postquam adolevit, Margaretham de Zrinio, Nicolai Szigethani filiam, anno 1563. matrimonii fædere sibi adjunxit. Memoria ejus occurrit in Sanctionibus publicis anno 1575. conditis. Moriens reliquit filiam BARBARAM, subinde Georgio Warkots de Nöpschütz nuptam; Dynastiam vero Barkoiensem et Jezenwiensem, Gabrielis I. et Georgii I. quos jam exequemur, posteris.

GABRIEL I. ex duabus Uxoribus Barbara Warkots, et Euphrosyna Gyulaffi suscepit quatuor liberos; MARGARETHAM Jobi Paxy de Pákos Consortem, STEPHANUM V. CHRISTINAM, et CLARAM. STEPHANI V. Ungvariensem, Zemplinieniumque Comitis vitam, et res bello, pacèque gestas Joannes Bo-

ca-

Stephani catius , cuius supra meminimus , his
V.res bel- verbis expressit : A)
lo et pace Swendius Hungaricas cum jussu Cæ-
gesiae. faris arces
 Ferdinandi eriperet , forte favente ,
 Getis :
 Centenis tulit auxilium Comes ipse
 Caballis ,
 Marte potens equites rexit et ipse
 suos .
 Zakmaris ad pluteos specimen virtu-
 tis honestum
 Fecit , et egregio pectore gessit o-
 nus ;
 Præterea celsæ specta vitrobora mentis ,
 Arx ubi de requie b) diruta Mar-
 te jacet .
 Prælia testantur Sixovia quantus hic
 Heros !
 Quanta viro virtus , gloria , quanta
 fides !
 Tunc ubi cum paucis contra eginma
 plurima Turcæ
 Iret , et innumeros sterneret ipse
 Viros :
 Usque tenax calide pugnavit , et inter
 atroces ,
 Quando foret mediis cinctus ubique
 Getis ,
 Obru-

A) In Elegia . quam Stephani funeri in-
 scripsit .

b) Fortasse arcem Regecz intelligit .

Obrutus a tergo tulit horrida vincula,
servis
Cassus, et a Socia porro relictus
ope;
Sed Deus, et solers industria, libera
capto
Membra dedit, rursus victor et in-
de redit.
Quid memorem? qualis fuerit per thu-
rea rura,
Mascula Turcigenis intulit arma lu-
pis.
Hinc etiam summo quamvis discrimi-
re vitæ,
Fortis honorificas retulit ense notas.
Nil referam, quid præstiterit per prata
Kereszti? A)
Res ubi cum Getico bellica Xerxe
fuit,
Pro patria vitæ contemptor, in agmi-
na mille
Se tulit, ex patriis fortior ipse Vi-
ris. — —
Sumptibus Aonios magnis provexit a-
lumnos,
Inque tuas misit Teutonis ora, scho-
las:
Cumque intelligeret, et quanta po-
tentia doctis,
Literulis natos imbuit hisce duos.
Er-

A) Pugna Keresztesiensis videri potest apud
Istvánium Histor. Libr. XXX.

Ergo bonis favit Doctoribus utque
 juventam
 Promptius instruerent, larga dida-
 ctra dedit. — —
 Osor avaritiae, splendoris amator ho-
 nesti,
 Congrua personae fecit ubique suae.
 Non usus, non usus erat fabristicus,
 intra
 Magnificum norat se retinere cho-
 rum. — —
 Mollis ad offendam, motae placabilis
 irae,
 Supplicibus veniam pro bonitate
 dedit:
 Summa mihi laudum nova surgeret
 ilias, omneis
 Si res illius enumerare velim.
 Lustra decem postquam superasset, et
 insuper unum
 Scandit ad emeritos, clara per astra
 polos.
 Vexillum vero sepulcrale idem Poe-
Ejusdem ta his versibus exornavit:
epitaphi- Drugethius jacet hac Stephanus sub
 um. syndone nigra,
 Inlyta virtutis gloria, Martis ho-
 nos.
 Non supereffe virum, pietas cum Cæ-
 sare Magno
 Mœret, et Hungarici natio tota
 soli.
 Duo porro STEPHANI V. nati, quo-
 rum Bocatius commeminit, erant LADIS-
 LA-

LAUS II. VALENTINUS, sed hic illo, *Valenti-*
 et Magistratibus et rebus gestis multo *nus Judex*
 clarior. Tumultu Botskaiano factioni il-*Curiae Re-*
 li non modo socium, sed Duce*m* quo-*giæ.*
 que se præbuit, et Ujvarinum, quod
 Archiepiscopale vocant, diucurna obsi-
 dione fatigatum cepit. A morte Bots-
 kaji, cum Principatum Transilvaniæ,
 in quem summa cupiditate ferebatur,
 consequi non posset, Principis thesaurum
 avertit, suumque fecit: memoriæ pro-
 ditum est, pecuniæ, gemmarumque se-
 decima currus ab eodem interceptos.
 Rediit subinde in fidem Cæsarî, a quo
 non solum in munere Supremi Comita-
 tuum Zempliniensis, et Maramarosiens-
 sis firmatus est, verum etiam honorem
 Judicis Curiaæ Regiæ accepit. Obiit
 anno Domini 1609. relicto filio STE-
 PHANO VI. qui in flore ætatis Patrem
 consecutus est. Num plures liberos ge-
 nuerit Valentinus? haud conitat, illud
 exploratum, duas Uxores ei fuisse: al-
 teram Christinam Horváth de Palocsa.

GEORGIUS I. ante annum 1558. mor-*Gasparis*
 tuus, Conjugem habuit Annam Thar-*II. vita flæ*
 czaj de Tárkő, filios vero FRANCISCUM *gitiæsa.*
 III. et GASpareM II. Hic a prima in-
 stitutione, quam a Moderatoribus optimam
 hauſit, adeo deflexit, ut gentis
 Druethianæ dedecus ex merito vocari
 possit. Certe Rudolphus Imperator anno
 1595. ei omnia bona, quæ in Ungva-
 riensi, et Zempliniensi Comitatibus ha-
 Decas III. D bē-

bebat, ademit, eaque in Stephanum V. eius Patrum transtulit, quod Gaspar (verba sunt Regia) cuiusdam libertini sui manum sinistram detruncasset, et alioquin vitam per omnia scelera, et flagitia infamem duceret. Ex Conjuge Clara Loffonezi genuit Filiam CHRISTINAM Joannis Fügedi de Naszvaj Uxorem.

Francis. FRANCISCUS III. Comes Unghváriensis anno 1552. nuptias celebravit *Comes* cum Magdalena, Francisci de Réwa filia, quæ num sterilis, an contra decesserit? haud constat. Ex altera Uxore Elisabetha de Peren suscepit EUPHROSINAM Stephano Báthory de Etsed, Judici Curiæ Regiæ nuptam, et Georgium II. qui supremis tabulis Gabrielis de Peren Avunculi sui, ad Dynastiam Terebessiensem pervenit. Thoro adjunxit Euphrosynam Doczy de Nagyluche, sublatisque ex ea GEORGIO III. ex ELISABETHA prolibus, Viduam florente ætate reliquit. Nupsit hæc subinde Christophero a Tiffenbach, ac deum Joanni Mnissek, secumque ingenitem pecuniæ vim in Poloniam abstulit, ut testantur literæ in Conventu Leleszieni catenus confectæ.

Georgio III. fit via delia etorūm. GEORGIUS III. juvenilibus annis in Ordinem Equestrem adeo violentus fuit, ut Judicium Regni decreto, capitis damnaretur; „ inveniente tamen (verba „ sunt Rudolphi II. Cæsaris) pro illo a- „ pud Majestatem nostram, partim Se- „ , re-

„ renissimi Principis D. Mathiae Archi-
 „ ducis Austriæ , et Fratris nostri cha-
 „ rissimi diligentí intercessione , ac di-
 „ versorum fidelium nostrorum humili-
 „ ma supplicatione , partim ipsomet quo-
 „ que ad implorandam gratiam nostram
 „ ad nos humillime persigiente , et ar-
 „ denti desiderio delicti veniam demis-
 „ se postulante , eidem Georgio Ho-
 „ monnai , defixis in ipsum benignita-
 „ tis , et clementiæ nostræ Cæsareæ ,
 „ Regiæque oculis , ipsiusque juvenili ,
 „ et florente ætate , aliisque bonis , ac
 „ ingenuis moribus , et qualitatibus per-
 „ pensis — — capiti , et bonis , ac ju-
 „ ribus ipsius possessionariis — — gra-
 „ tiam nostram Regiam clementer fa-
 „ ciendam , et impertiendam duximus .
 Multatus tamen est , ut porro saperet ,
 ditione Terebessieni ; ne vero etiam Ar-
 cem Nevytzka amitteret , singulari Ru-
 dolphi Cæsaris indulgentiæ debuit . Erat
 Georgius , postquam Calvini dogmata , *Relicto*
 quibus innutritus erat , ejuravit , Catho- *Calvino*
 licæ Religionis acerrimus et propugna- *servens*
 tor , et propagator . Condidit Homon- *Catholi-*
 næ Societati JESU Collegium , quod *cus.*
 subinde Unghvarinum translatum est ;
 ubi etiam magnificam Virginì in cœlos
 assumptæ ædem statuit . Cæsari usque a-
 deo fidus , ut reœctis tumultuantis Be-
 thlehenii partibus , in Rakoczium ejus
 Ducem arma sumeret , prælioque victum
 sugarèt . Georgius Zawodsky Scriptor

Lutheranus Drugethum non satis æquo calamo descripsit, cum ad annum 1619.
A) hæc inferuit: *Georgius Homonnaj simili fere labe (proditi scilicet Regni) contaminatus, patriæque Civis pessimus, cum viribus Rakoczianis resistere minime valuisse, ex Arce Fezenew clancularie in Poloniam aufugit, Uxore relicta.* Teste eodem Authore ibidem obiit, sic enim ad annum insequentem scribit: *Non postremus præmissorum omnium (Cæsarea-norum) fautor, et promotor Georgius Homonnai, dum in Polonia exularet, ac xul in Po-vitam miserrime ageret, a propriis Ser-vitoribus est intoxicatus. Cadaveri Tyrnaviam delato, et in Principe Ecclesia sepulto, hoc epitaphium adjectum est:*

Eius epitaphium.

Illustrissimus Dominus, Dominus Georgius Drugeth de Homonna, Ju-dex Curiaz Regiaz, Comit. Zemplin. et de Ungh Comes, Eques auratus, ac Sacr. Cæsar. Regiæque Majestatis intimus Consiliarius et Cubicular. Obiit 1620. die 21. mensis Junii ætatis suæ 37. sepultus Tyrnaviæ.

O magni Drugeth manes! hic patria Patrem,

Arma virum, pietas plangit avita
Ducem:

Toxicat hunc livor fidum Regique,
Deoque;
At nunc tuta Deo pocula fonte babit.

A) In MS. Diario, quod autographum possidet Bibliotheca Universit. Regia Budens,

Catharina de Nadasd GEORGII III.
 Uxor, præter filias MARIAM Georgii
 Széchy de Rimaszéch, et ELISABETHAM
 Ladislai de Rewa Conjuges, peperit
 quoque filium JOANNEM X. qui in ve-
 stigia Patris ingressus, arma per Hun-
 gariam circumferente Georgio Rakoczio,
 Transilvaniæ Principe maluit patriam,
 Conjugem, et quidquid charum habe-
 bat, deserere, quam fidem Regi datam
 infringere. Anno 1636. Caffoviæ, et to-
 tius Hungariæ superioris bellicus Præ-
 tor, nec multo post Judex Curiaæ Re-
 giae creatus est, quod munus usque ad
 mortem geslit, quam anno 1645. die 17.
 Decembr. oppetit. Uxori Anna Jakuffith
 de Orbova auxit eum prolibus: CATHA-
 RINA, BARBARA, quæ Adamum Vesselé-
 nyi de Hadad, ac Nicolaum Drasko-
 vich de Trakostyán Maritos habuit,
 et filio GEORGIO IV.

Primam lucem is aspexit die 8. Ju-
 nii anni 1633. In tenera ætate Patre,
 et Matre orbatus, ut eorum volunta-
 ti morem gereret, postquam adolevit,
 Patres Franciscanos, quos strictioris
 observantiæ vocant, Homonnam acci-
 vit, eisdemque Cænobium instauravit.
 Anno 1659. Præfecturam bellicam Huuga-
 riæ superioris adeptus, ea post bien-
 nium decederè debuit febri maligna ex-
 stinctus Ungyarini die 9. Octobbris an-
 ni 1661. Ex Maria Eſzterházi Conju-
 ge sua quatuor liberos vidit: VALEN-

TINUM II. SIGISMUNDUM II. JOANNEM XI. in juventute defunctum, et CHRISTINAM, quæ tres Maritos ex ordine habuit: Andream Forgach de Ghymes, Franciscum Pálfy ab Erdöd, et Nicolaum Beresényi. Obiit ex partu in Tavarnok, Provinciæ Nitriensis p. 20, die 17. Martii anno 1691. ætatis fùæ 36.

Valentinus II. Episcopus Corbav. VALENTINUS II. sacram militiam complexus, cum Sacerdotio Strigoniensi, insulam etiam Corbaviensem emeruit: ne majores honores adiret, mors fecit, quæ eum Csejthæ die 26. Maii anno 1691. ætatis 38. e numero vivorum sustulit. Narrant, cum Fratri Sigismundo plures annos superstes esset, a summis Viris non raro incitatum esse, ut abdicato Sacerdotio, bona Pontificis venia, conjugales amores meditaretur, et intereuntem familiam repararet; at illum rem uxoriā constanter abnuisse, neque genus suum, ut ut claram, et vetustam tanti sibi videri, qui nofset suminorum quoque Regum itemmata intercidisse.

Sigismundus II. ultimus familiæ. SIGISMUNDUS II. postquam bonis artibus primaria ætatem excoluit, exteras Provincias inviit. Magna benevolentiae significatione ubique exceptus est, ac Romæ præsertim, ubi ab Innocentio XI. Pontifice corpus S. Bonifacii Mart. impetravit, illudque in patriam anno 1677. detulit. Emerico Tökölî interim omnia miscente, tempori aliquam-

diu

diu servire coactus est Sigismundus ; verum sibi redditus , fidem itegerrimam Cæsari servavit. Itaque cum seu minis, seu blanditiis nihil proficeret Tökölius, refractarium in Arce Unghvár , cui se incluserat , obfedit. Et Unghvarinum quidem post diurnam oppugnationem captum est , verum quo genere mortis occubuerit Sigismundus , non satis cognoscatur. Est qui eum Unghvarini exspirasse afferat ; at non deest idoneus Author, qui vincitum Cassoviam perductum , icidemque capite plexum esse scribat. Utrumvis sit , cum eb stirps Druethiana, seu Homonnaiana interit anno 1684. mense Majo ; cum ejus Uxor Theresia Keglevich , quæ annum 1710. supremum habuit , nonnisi tres foemellas enixa esset : natu maxima JULIANA vixit in matrimonio Nicolai Pálfi ab Erdőd Custodis Coronæ , et Michaelis Francisci ab Althan , obiitque anno Domini 1727. mediocris BARBARA justam ætatem non attigit ; natu minimam CLARAM Petrus Zichy de Vásonykő Uxorem accepit.

V.

LiSZTHIUS DE KÖPCSENY.

(Fig. 5.)

Liszthii Familia Liszthius, cui Nicolaus Olá-
Cibinio hus Metropolita Strigoniensis do-
ex Tran- mum suam affinitate innexit, Ferdi-
silvania o- nandus autem I. Rex Hung. aditum ad
riundi. honores aperuit, Cibinio Transilvanie
 Urbe oriunda est: quod literæ Regie
 adeo planum faciunt, ut nullus locus
 dubio eatenus esse possit; quam tamen
 clara, vetustaque illic fuerit? tacenti-
 bus monumentis, non habeo, quod di-
 cam.

Primum reperio CHRISTOPHORUM,
 Virum Senatorii Ordinis, cuius, et filii
 ANDREÆ, meminit sepulcrale monumen-
 tum in Principe Templo Cibiniensi his
 verbis inscriptum:

Andreae Sepultura Andreæ Liszthii, filii
Christo- Christophori Liszthii, Senatoris Ci-
phoro ge- binensis, et ex hac vita vocati An-
niti epita- no Domini 1561. die 9. Octobris in-
phium. ter horam 7. post meridiem.

Mole sub hac tegitur , properato fune-
re campos

Liszthius Andreas raptus in Elysios.

Frater in Augusti Ferdnandi Cæsaris
aula ,

Mœstus ob hoc mœsto cum Ge-
nitore dolet.

Posuit hæc Genitor dilecto epitaphia
Nato ;

Fratez at hæc Fratri tristia dona
suo.

Si probitas morum , generis si splen-
dor , honestas ,

Candor , et integritas fata movere
queant :

Talibus instructus poterat virtutibus
annos

Liszthius Andreas vivere perpe-
tuos.

Andreæ Fratres JOANNES , et SE- *Sebastia-*
BASTIANUS , postquam bonas artes , ac *uus majo-*
calligraphiam in primis combibissent , ex- *ris Can-*
tra patriam sedem , et fortunas quærere *cellariæ*
constituerunt , delatique in Hungariam , *Notarius.*
ab Olaho contribule , propter egregias
animi , corporisque dotes non solum be-
nigne recepti sunt , verum etiam eo
commendante , Viennam promoti , Se-
bastianus Majoris Cancellariæ Hungariæ
Notarius , Joannes vero Secretarius crea-
tus est . Fovit utrumque impense Ola-
hus ; et Sebastianus quidem anno 1559.
Cruciferatum Jaurinensem , qui morte
Marci Præpositi Jaurinensis vacabat , con-

tulit, anno vero in sequente eidem Curiam nobilitarem in possessione Mülej impetravit. Sed neutro beneficio diutius perfui potuit. Sebastianus, eodem anno 1560. die 24. Junii Vienæ e vivis eruptus.

Joannes Maritus deinde E. pisc. Vesp et Jaur. JOANNES jam anno 1554. in ordinum primum equestrum cum Fratribus adscriptus, fortunam altius provexit, Lucretia Nipotus Olahi nepte in connubium adlecta. Nuptiæ celebratae sunt Posonii die 14. Julii anni 1555. ad quas non modo totam late viciniam, sed et ex remota Transilvania Decanum, et Capitulum Cibiniense literis excivit. Demortua post aliquot annos conjugé, animum ad Ecclesiasticum vitæ genus applicuit, et ex Marito Sacerdos, ac subinde Vesprimenlis, et Jaurinensis Episcopus factus, una munus Pro-Cancellarii, ac subinde Cancelarii gessit. Anno 1576. Dynastiam Köpcényensem, unde posteris axioma, novis literis pro utroque sexu adfirmavit. Obiit Pragæ anno 1578. ineunte, suscepitis per vitam, raro exemplo, omnibus septem, quæ Ecclesia habet, Sacramentis. Liberos ejus, quos ante Sacerdotium procreavit, hos reperio: JOANNEM II. AGNETEM Joannis Szunyogh de Jezenicze, eoque vita perfuncto, Stanislai Senioris Orlík Uxorem, et STEPHANUM.

JOANNIS II. diem, et annum nata- *Joannes*
 lem Nicolaus Olahus in hæc verba ad- *II. judici-*
 notavit: *Anno 1556. die 18. Junii sta-* *orum O-*
tim post horam tertiam antemeridianam um Affes-
natus est filius Joannis Liszthii, Joannes jor. *ctavali-*
nomine. Propter egregiam, qua polle-
 bat, juris scientiam, publicis Regni Co-
 mitiis anno 1588. delectus est, qui pro
 tribunali, quod Hungari octavale vo-
 cabant, assideret. In matrimonio habuit
 Annam Neuhaus L. B. de Rueting
 Stadt-Kirchen, et Senftenberg, Viduam
 Joannis Christophori de Zinzendorf; ex
 qua filiam ANNAM ROSINAM primum
 Stanislai Thurzo de Bethlemfalva Re-
 gni Hungariæ Palatini, deinde Stephan-
 ni Pogrányi de Nemeskürth Uxorem,
 et filium JOANNEM CHRISROPHORUM
 natum esse constat. Hic ex Apollonia
 Pueheim plures liberos suscepit: et se-
 quioris quidem sexus erant; ANNA,
 aliis Johanna, ELISABETHA Gabrielis
 Palugyai, MARIA BARBARA Andreæ
 Majthényi de Kesselökö Conjuges; sed
 filii SIGISMUNDUS, et FRANCISCUS II.
 ante demortui videntur, quam virilem
 ætatem attigissent.

STEPHANUS Joannis II. Frater ger-
 manus, juris scientia itidem clarus vi-
 tam produxit ultra annum 1625. et ex
 connubio Annæ Csorom de Devetser
 reliquit filiam ELISABETHAM anno 1604.
 Laurentii Dóczi de Nagy-luche Spon-
 sam, ac filios FRANCISCUM, JOANNEM
 III.

Stepha-nus II. falso studio perdite addictus, non solum pa-sam mo-ternum æs, quod bene copiosum acce-perat, in sumum dissipavit, sed ut vi-tam pro dignitate tueri posset, falsam monetam procudere occepit. Tanti cri-minis insimulatus, Posoniique damna-tus, dimidium possessionis Köptsény, quod reliquum habuit, amisit. Ex Uxo-re Sophia Banfi de Lindva num pro-les sustulerit? haud liquet.

JOANNES III. pér Conjugem Catha-rinam Széchi de Rimaszéch ad Dyna-stiam Arcis Lipche, quæ in Comitatu Zoliensi est, pervenit, sed eam subin-de Catharina, non invito Marito in Franciscum Vesselényi de Hadad trans-scripsit. Ejus liberos duos reperio: THOMAM, qui ad virilem ætatem non pervenit, et JOANNEM IV. Huic U-xor erat Barbara Berényi de Karancs-berény, foemina, ut opinor, sterilis: certe Leopoldus Imperator Joanni po-testatem fecit dominium Köptsény, cui vellet vendendi, quod etiam Paulus Eszterházy de Galantha anno 1670. nu-merato ære suum fecit. Vixit adhuc Jo-anne anno 1676.

Ultimum gentis Liszthianæ surcu-lum Joannes Korneli FRANCISCUM fa-cit, cum enim Susannæ Gyulai de Rá-thot Francisci Uxor obitum prescri-bit,

bit, A) ita habet: *Mors Susannæ Gyulafij*
lafiae pauculis Catholicorum in Transilva-
nia Ecclesiis, ab heresi ornamenti, et
dote dispoliatis, Veselényianæ item fami-
liae, bac tempestate omnibus incommodatum.
Susannæ
Gyulafij
Francisci
Uxoriste
stamens
accidit peropportuna. Nullos Francisco
Liszthio, florentis Baronum familie po-
stremo, liberos genuit. Hinc Georgio Laz-
lofio a Viro præmortuo in filium, Lisz-
thiam familiam, et nomen adoptato, Po-
sonii domum, Paulo Veselényio nepoti
omnia in Transilvania bona, secundo
Kalend. Martii legavit ea lege, ut tria
florenorum millia ad instauranda Szilágyi-
ense, Csiksomlyoiense, Albense, ac Mo-
nostoriense templo eroget. Adoptatus bic
Lisztius anno 1679. cum instaurata Lisz-
thiorum familia, misere in carcere finiet.
Hactenus Korneli.

At cum FRANCISCUM jam sub an-
num 1650. rebus humanis exemptum
fuisse constet, JOANNES IV. contra an-
no 1676. in vivis fuerit, quomodo
Franciscus postremus familie dici pos-
fit? non video. Genuit deinde Franci-
scus Susanna filium LADISLAUM, tamet-
si non modo nullius frugis, sed flagi-
tiosum etiam hominem. Meminit illius
Cynosura Juris Hungarici in hæc ver-
ba: *Liszthius Ladislaus Magnificus de*
gra-

A) In Fragmentis Hungaricæ Historiæ ad
annum 1664.

gravibus excessibus per Fiscum incusatur.
Qui comperta rei veritate, ad exemplum,
et terrorem aliorum, per Dominum Regni
Palatinum extraordinarie, et perempto-
rie puniatur; syn vero judicialiter inno-
cens compertus fuerit, absolvatur. A) Num
 vero in præsens reapse innocens com-
 pertus fuerit? exploratum quidem non
 habeo, at illud certum est, in sœda.
 quoque non multo post prolapsum, et
 Viennæ capite plexum fuisse.

Ladislau. Cum id, tum quod Fiscus ejus bo-
 us Vien- na usuciperit, graviter tulerunt Status
 næplexus et Ordines Regni Hungariæ in Comi-
 tiis 1662. collecti. Exstat certe eate-
 nus in Actis, quæ Diætalia vocant,
 gravis querela punto 53. unde etiam
 constat Ladislai Matrem Gyulasiam fu-
 isse; sic autem habet: „Qua Comes
 „quondam Ladislauus Liszthius in cer-
 „to delicto superioribus temporibus in
 „Archiducatu Austriae deprehensus, ac
 „Viennæ judicatus, et capitaliter sen-
 „tentionatus fuisse, cuius sententia e-
 „xecutioni demandata, Fiscus suæ Ma-
 „iestatis bona ejusdem in Hungaria
 „habita, signanter autem Kóptsényi-
 „enii, sub prætextu notæ infidelita-
 „tis, quam extranei Judices pronun-
 „ciare nequivissent, citra omne jus,
 „et æquum in præjudicium legitimò-
 „rum

A) Sub Leopoldo I. anno 1659. artic. 112.

„ rum Successorum occupasset, et ap-
„ prehendisset: quod contra manifesta
„ jura, et libertates Regni idem Fis-
„ cus nequit facere potuisse; id-
„ circa suæ Majestati Sacratissimæ de-
„ misse supplicant Status et Ordines,
„ quatenus prænotata bona, ita illegi-
„ time occupata, per antelatum Fiscum
„ Magnifico Joanni Liszthius juniori,
„ veluti legitimo eorundem honorum
„ Successori, stante Diæta, restitui man-
„ dare dignetur: prætensiones autem
„ Generosæ, ac Magnificæ Dominæ Su-
„ sanæ Gyulai præfati Ladislai Lisz-
„ thius Genitrici ad eadem bona habi-
„ tas, Dominus Comes Regni Palati-
„ nus jure extraordinario pereutorie
„ revideat.

VI.

PÁZMÁNY DE PANASZ.

(Fig. 6.)

Origo familiæ ex genere Pazman. Joannes Kitonich de Koztanica, celebris Jurisconsultus, cum Directio-
nem methodicam Processus judiciarii Pe-
tro Pázmány, et Sigismundo Forgách, huic
quidem Regni Hungariae Palatino, illi
vero Primiati inscribit, Majores Petri
usque ad tempora D. Regis Stephani
referre non dubitat, sic enim ait: *Hæc,*
atque alia gentis tua decora, non vano
a me rumore bausta, sed ex vetustis, ac
originalibus tabulariis eruta recensere, ac
oratione exaggerare; quin ad eum usque
fortasse Pazmanum, qui S. Stephano pri-
mo Regi nostro, Rem Christianam in
Hungaria fundanti, e Germania auxilio
occurrit, generis tui originem transcribere
possem. Atque utinam id fecisset! mihi
quidem, qui ejus gentis vetustas tabu-
las neque legerim, neque viderim, fa-
cere in præfens haud licet, quam-
quam collectanea de Pazmani posteris
non pauca præsto sunt; quos tamen,
cum in varios ramos abierint, conne-
ctere per quam difficile est.

Stephanus tres pagos acquirit. Itud utut sit, meminit idem Kitonichius Stephani Pazmany sub Carolo I. Rege

I. Rege in hæc verba : *Vidi egomet originales literas Caroli Regis Hung. anno 1319. datas, quibus Magistro STEPHANO, filio Comitis GREGORII de genere Pazmany ob impensa Majorum, ac sua obsequia, nominatim vero, quod Rex ipse bastiludio cum Stephano Pazmany concurrens, tres illi dentes fortuito excusserit, tres pagos Posa, Somogy, Som Regia liberalitate donavit, qui hodie quoque à familia Pazmaniana possidentur.* A)

Abhinc, cum Kitonichius filium abrumpat, usque ad extrema Sigismundi Petri filii Regis tempora, quod de Pazmanis diis bona cam, non habeo: floruit autem sub anno 1430. PETRUS, cui tres filii erant: PETRUS II. MICHAEL, et ANDREAS; his, ut laudatus Author memorat, Matthias Rex anno 1465. ob egregia illorum erga Regem, et Coronam merita, accedente etiam intercessione Joannis Archi-Episcopi Strigoniensis, bona omnia familie Pazmanianæ, in quorum possessione progenitores ipsorum ab antiquo perfitterant, titulo novæ donationis contulit, atque confirmavit.

Ex ANDREA nati sunt: GEORGIUS, *Andrea* qui post annum 1489. defecit, et *Jo-posteri.* ANNES. Hic in matrimonio habuit Catharinam Arthandi, Pauli illius, et Blasii Sororem, quos Grittus e medio tolli

A) Scribebat hæc Kitonichius anno Domini 1619.

tolli curavit propterea, quod ad Ferdinandi partes, deserto Zapolio, transire meditarentur. Fuit Catharina Mater filiorum: PETRI II. et GASPARIS. Hic ducta in Uxorem Veronica Boda prægenuit duos liberos: BARBARAM, quæ primum Francisco Balogh, deinde Joanni Ewdentifi de Nagymihály nuplit, et GREGORIUM II. cuius filius GASPAR. II. fine sobole obiit; filia vero ANNA Franciscum Széchényi Maritum accepit.

PETRUS II. duas thalami socias habuit; prioris nomen ignoratur: ex hac lucem aspexit WOLFGANGUS, sed qui cum Uxore sua Margaretha Vantsodi nonnisi duas filias eduxit, quarum altera Solymosium Maritum delegit. Posterior Petri II. Conjux sub anno 1544. fuit Catharina Csáky, Joannis Jakchy de Kusal Vidua, quæ Virum auxit filia BARBARA Gregorii Tholdi Consorte, et filio NICOLAO. Huic prima Uxor fuit Margaretha Maffai, ex Italicis Masse Marchionibus, si patriis Scriptoribus fides, oriunda; altera Barbara Tholdi.

Ex illa natus est PETRUS IV. cuius virtutes, et res gestæ cum notiores sint, quam ut eas commemorare sit necessum, eloquium tantum hic adscribam, quo eum laudatus Kitonich exornat; ita vero loquitur; *ex patro te solo emigrantem A) Austria excepit, et sicut*

*Elogium
Petri IV.*

A) Natus est Varadini in Comitatu Bi-

scut temporum, ita solidiorum disciplina-
rum accessione provexit. Hinc divitem il-
lam, et virtutum, et maximorum Viro-
rum Societatis JESU Religionem, et tui Qui ex
percupidam, et bene præfigam præclaro- S. J. Re-
rum eventuum, tamquam omnium bono-
rum, quæ in hac vita obtineri passunt, ligioso
fontem ingressus, ita illis ante coæquales
tuos ditatus es, ut Italiam, Germani-
am, Hungariam: nec vicinas tantum re-
giones, sed remotiores etiam nationes in
tui admirationem excitaveris. Romæ cer-
te eam nominis tui memoriam, atque
famam adhuc juvenis relinquisti, five alios
oppugnar's literarii exercitii causa, five
temetipsum defenderes disputando, quam
nonnisi rari, atque doctissimi Viri conse-
quentur. Postea vero Græcensem in Sty-
ria magni nominis Academiam Philoso-
phicis, atque Theologicis, et quidem diu-
nturnis prælectionibus tuis, tanto fructu
cumulaisti, ut multos a te, optimo Ma-
gistro non degeneres discipulos, tuo quasi
ex sinu, tua certe ex disciplina emiseris,
qui vicissim alibi diversis scilicet in Re-
gnis, atque Provinciis vel doctissimos Ma-
gistros agerent in eadem, quæ te aluit,
Societate, vel alio vite instituto, præ
multis aliis prodeßent Reipublicæ Christi-
nae. Auditum hoc a multis, et a ma-
E 2 gnis

har..anno Domini 1570. die 4. Octo-
bris.

gnis sœpe Viris , et si neminem Hominum
in hac vita ex omni parte beatum esse in-
telligamus , tibi tamen fere nihil eorum
deesse , quæ vel ad ingenii subtilitatem ,
vel ad soliditatem judicii , vel ad sermo-
nis cultum , atque elegantiam , vel ad
longum rerum usum , atque unicam Sa-
pientiæ Matrem experientiam pertinerent.
Quot te , et quam præclara tua opera ,
alia latina , patrii idiomatis alia , quæ
jam in manibus , et ore etiam externo-
rum hominum summa cum laude versan-
tur , non tantum utilissimum , sed et admiri-
randum reddiderunt Hungariæ ! quæ si-
ve libros tuos legat , sive te concionan-
tem , consulētem , aut consultantem au-
diat , attonitis in te , tuaque doctrina ,
atque summorum experimentorum facil-
lima , lucidissimaque ratione , explicatrice
eloquentia cogitationibus defigitur , et sic
ut longi temporis inopiam , quo tibi simi-
lem non habuit , tui jam copia compen-
satum gaudet , ita te ad ultimam usque
posteritatem in libris tuis , factorumque
tuorum memoria vivitrum non falso spe-
rat , et jacluram vitæ tue mortalis , cu-
jus debitum , ut admodum sero solva-
tur , primo voto desiderat , aliquando
tamen solvendum abs te timet , in hoc im-
mortalitatis tue continuatione reponit.
Hec Imperatori Mathiæ sicut maiestate ,
ita æterna memoria Auguſto , dignam pla-
ne tanti Principis sapientia causam dede-
runt , ut te nihil ejusmodi cogitantem ,
et

*et cum significatum tibi fuisset, eousque
reluctantem, donec a supremo totius Or-
bis Christiani Pastore Paulo bujus nomi-
nis V. Pontifice Maximo, cui te jam
pridem sacrosancte devoveras, et debitam factus
deferebas religiosam obedientiam, obse- Strigon.
qui jubeberis, in locum magni illius, Archie-
et in animis, atque laudibus hominum piscopus.
nunquam intermorituri Francisci Forgach
Cardinalis in sedem Archiepiscopalem Me-
tropolitana Ecclesiae Strigonensis colloca-
ret. Hactenus Kitonichius.*

Petrus autem S. R. E. Cardinalis *Et S. R.*
renunciatus, cum in Urbe Ferdinandi *E. Cardi-*
II. Cæsar, et Hungariæ Regis Lega-*nalis.*
tum ageret, titulum Ecclesiæ S. Hiero-
nymi Illyricorum accepit. In patriam
redux Academiam Tyrnaviæ condidit:
quo uno, et si cætera abessent, immor-
talitatem nominis consecutus videri pos-
sit. Laboribus, etateque fractus obiit
Posonii die 19. Martii anno 1637. ibi-
demque in Basilica D. Martini ad pe-
dem Mausolei S. Joannis Elæmosinarii
humatus est, pauculis his verbis, ut
ipse caverat, marmoreæ statuæ inscriptis:

Petrus Pazmanus Cardinalis.

At Collegium Sacerdotum Strigo- *Eius epi-*
niensium, acceptorum ab eo beneficio-*taphium*
rum memor, adhuc viventi tubeum
marmor posuit, quod Sacrario Templi
Principis Tyrnaviensis immisum, hanc
epigraphen præsert:

Eminentissimo Domino, Domino Pe-
tro Pazman, S. R. E. Presbitero

*Et me-
moria in
marmore
Tyrnavi-
ensi.*

Cardinali, Archiepiscopo Strigon. ob tempum istud septem capellis ampliatum, marmore stratum, sedibus cathedra, altaribus novis, et sacrificia hac ornatum, et variis donis auctum. Ob deferentium Sacramentum. Menstruum Rorate celebrantium. Cantorum, et egentium Parochorum provisionem perpetuam, fundationes alias Capitulo consignatas, Capitulum Strigoniense. Praelato gratiosissimo, gratitudinis ergo posuit Anno 1630.

Nicolai alter filius ex Barbara Tholii fuit GEORGIUS II. quem inquies Transilvanica sub Gabriele Bethlen patria, bonisque ejecit, et ad Fratrem Petrum traduxit. Hujus ille beneficio non solum, quoad vixit, liberaliter habitus est, sed et demortuus ne e memoria hominum, ut sit, dilaberetur, monumentum sepulcrale accepit, cui haec incisa leguntur :

*Georgii
H. epitaphium.*

Generoso, ac Egregio Georgio Pazmany, Fratri charissimo, Illustrissimus DD. Petrus Pázmány Archiepiscopus Strigon. monumentum hoc posuit Obiit 4. Mart. Anno 1627.
æ at. 45.

Re iquit filium NICOLAUM II. qui cura Patrui, liberales artes Olomucii apud Moravos combibit: Logicis excultus disciplinis animum ad Societatem JESU applicuit, eamdemque superatis pluri-

pluribus, qui ab Amicis interjiciebantur, obicibus Romæ anno 1639. ingressus est. Sed expleto tyrocinio, Religioni valedixit; *id quod non juvenis levitati, et inconstantiae* (verba suæ Joannis Schmidl) A) sed totius domus, et clientelæ Pazmanianæ desiderio, et forte apud summum Pontificem precibus tribuendum autumo. Ille vero Roma revertens, et possessionibus suis redditus, vixit nibilominus quasi unus ex nobis, et suæ Valachorum A) gentis Apostolus: nam latifundia sua per nostros Missionarios ad veterem fidem reducere in primis semper curis habuit. Thori sociam adlegit Rosinam Pethe de Hethes, Emerici Ja- *Nicolaus*
II. gen-
ris postre-
mus.
kussith de Orbova Viduam, cuius filio ex priore matrimonio suscepso Tutor datus, munere suo haudquaquam curate usus est: certe in Comitiis Posoniensibus anni 1659. B) male audiit, quod præter fundos pupilli, pretiosam etiam supellestilem decoxisset. Nulos ex Rosina liberos reliquit; quare et Comitis axioma, quo a Regibus Hungariæ donatus est, tumulo secum intulit.

A) Nomine Valachorum Pastores, et Opi-
liones Moraviae intelligit.
B) Vide Articulum 110.

VII.

D E R O Z G O N.

(Fig. 7. et 8.)

Origo fa- Rozgon locus Provinciæ Abaujvarien-
miliae in sis , ad annem Tarczam , in Historia
certa. patria duplici ex causa celebratur , cum
 quod in ejus campis Carolus I. Rex
 Hungariæ , Matthæum Trenchinensem
 anno 1312. cruento prælio fuderit , tum
 quod familiæ olim clarissimæ , et pluri-
 bus gestis Magistratibus conspicuæ nomen
 dederit . In primam ejus originem , quo sci-
 licet genere nata sit ? frustra inquisivi , for-
 tassis et hanc , et remotissimos Majores ve-
 niens te nups in luce collocabit .

Raynal- Sub Stephano V Rege , virtute
dus Ma- militari eminuit RAYNALDUS , cui cum
gister Da- idem Rex terras in Comitatibus Aba-
pifero- ujvár. Szabolch. et Zemplin. atque in
rum Du- hoc , prout Dux Ratislaus habuit , et pos-
cis La- sedit , contulisset , hujusmodi elogium
dislai. adscripsit : „ dilectus , inquit , et tide-
 lis noster Reynoldus , Magister Dapi-
 ferorum Ducis Ladislai , charissimi
 Filii nostri , Comes Agazonum no-
 strorum , et de Szabolch , a primæ
 vis suæ , et nostræ pueritiæ tempori-
 bus , et specialiter ab eo tempore ,
 quo Ducatum Styriæ tenebamus , tam
 in Teutonia , Carinthia , et Bohemia ,
 „ quam

„ quam etiam omnibus aliis expediti- *Ejus res*
 „ onibus nostris fidele semper , et lau- *bello ge-*
 „ dabile servitium impendendo — — *stæ.*
 „ — verum cum olim superstite adhuc
 „ prædicto charissimo Patre nostro , Du-
 „ catum Transilvanum teneremus , idem
 „ Magister Reynoldus cum honesta , et
 „ armata familia in exercitu nostro ,
 „ quem in Græciam simul cum aliis Ba-
 „ ronibus nostris miseramus , coram
 „ omnibus in ipso insultu , seu deva-
 „ statione Regni Græciæ claruit , tam-
 „ quam miles strenuus , exinde succes-
 „ sibus prosperis redeundo ; postmodum
 „ etiam quinque vicibus de Bulgaria ,
 „ scilicet bis cum nostra persona , et
 „ ter cum aliis Baronibus nostris per-
 „ nos in Bulgaria cum exercitu de-
 „ stinatis , dictus Magister Reynoldus
 „ victoriosus , laudabilem triumphum
 „ votive reportavit . Demum cum ad-
 „ huc eundem tenentibus nobis Duca-
 „ tum Transilvanum , graves persecu-
 „ tiones Parentum nostrorum , licet ex-
 „ tra meritum , perpetrati fuissetus , idem
 „ Magister Reynoldus inconcusse fide-
 „ litatis fervore perseverans , nobis
 „ semper affuit , et adstitit , fidelissi-
 „ mum famulatum semper exercendo ,
 „ et cum in ipsa eadem persecutio-
 „ debellatis , et captivatis per nos qui-
 „ busdam Baronibus eorundem Paren-
 „ tum nostrorum , videlicet Laurentio
 „ Palatino , et Erneo Bano , cum toto
 „ auxi-

„ auxilio nostro , super relictum exer-
 „ citum dictorum Parentum nostrorum
 „ in locum , qui Ilsazeg dicitur , vér-
 „ sus Danubium venissemus , ibi acie-
 „ bus hinc inde adstantibus , et invicem
 „ concurrentibus , idem Magister Rey-
 „ noldus nobis cernentibus , ante alias
 „ Henricum Banum , Principem illius
 „ exercitus lancea dejectum captivavit ;
 „ ubi in sinistro oculo dictus Magister
 „ Reynoldus exstigit crudeliter vulnera-
 „ tus . „ A) Hactenus Rex Stephanus .

Raynaldi filius LADISLAUS præter
 filiam CLARAM , Chamaz filio Olthman
 nuptam , genuit quoque PETRUM , ac
 fortasse NICOLAUM , et JOANNEM . Ex
Ladisla-
us II. jus
gladii
impetrat.
 hoc natus eit LADISLAUS II. qui Ludo-
 vicum I. Regem in bellum Neapolita-
 num secutus , ab eodem anno 1350. in
 Castro Aversæ jus , quod vocant , gladii
 sibi , familiæque suæ emeruit . Reliquit
 præstantissimos tres filios : OSWALDUM ,
 LAURENTIUM II. et JOANNEM II. sed
 omnes in pugna Nicopolitana , quæ an-
 no 1396. cum Bajazeth Turcarum Im-
 peratore commissa est , interemptos , ut
 testatur Rex Sigismundus in hæc ver-
 ba : „ ad ultimum autem fatorum simi-
 filii ad
 Nicopo-
 lim cœ-
 duntur . „ stris accessibus , partis nostræ victo-
 ria , subacta æmulorum potestati , il-
 lustres juvenes Oswaldus , Laurenti-
 us ,

A) Literæ signatæ sunt anno Domini 1270.

„ us , et Joannes , Ladislai memorati
 „ filii , mortalis debiti pensionem in ore
 „ gladii s̄æventis finaliter exsolverunt ,
 „ domibus paternis jugis doloris mæsti-
 „ tiam relinquentes . „ De Joanne vero
 seorsim alio Diplomate sic loquitur :
 „ in virtute bellandi , ob suæ juventu-
 „ tis florem , animositate multa conspi-
 „ cuus , inter prælantium congressus
 „ asperrimos , cecidit flebiliter inter-
 „ emptus . „

Ladislai I. filius alter PETRUS vixit
 anno Christi 1334. genuitque LAUREN-
 TIUM I. cui duo filii erant : JOANNES
 III. et SEBASTIANUS. JOANNES III. una
 cum Stephano necessario suo , de quo
 infra , motibus illis , quæ Sigismundum
 Regem cum Regno commiserant , im-
 plicitus , atque adeo læse Majestatis re-
 us , gratiam hoc tenore obtinuit : „ quam-
 „ quam nos , loquitur Rex Sigismun-
 „ dus , Joannem filium Laurentii de Roz- *Joannes*
 „ gon , nunc Comitem , et Castellanum
 „ nostrum de Sárus , ac Stephanum fi-
 „ lium Ladislai dè eadem Rozgon , Au-
 „ læ nostræ militem , Castellanum no-
 „ strum de Segvár , et Comitem de Ba-
 „ kan , qui quidem Joannes et Stepha-
 „ nus dudum videlicet temporibus di-
 „ sturbiorum , et motionum Regni no-
 „ stri , Divini arbitrii magnifica dispo-
 „ sitione jam sopitis , cum nonnullis
 „ Prælatis , Baronibus , Proceribus , et
 „ Nobilibus Regni nostri , spiritu rebel-
 „ , lionis

III. Co-
mes et
Castella-
nus do-
Sáros.

„ lionis inflammatis , commotisque sug-
 „ gestione ruinosa , et ad nostri priva-
 „ tionem regiminis , soliique perperam
 „ machinantibus , in quorum manibus
 „ vice prima capit is nostri captivitas ,
 „ et secundo gravis Regni nostri vasti-
 „ tas , et ruina , prædaque multimoda ,
 „ cum execrabilis strage plurimorum Re-
 „ gnicolarum nostrorum , in geminas
 „ partes , nostram utpote rectissimam ;
 „ et oppositam , scilicet rebellium no-
 „ strorum divisorum commissæ fuerunt ,
 „ et patratæ , prout de his adhuc in
 „ hodiernum tempus fama dirigitur per
 „ multas mundi Regiones , Reverendis-
 „ simi in Christo Patris D. Joannis Ar-
 „ chiepiscopi Strigoniensis pro tunc fa-
 „ miliares , uia cum eodem in primis
 „ motionum indiciis , pro suæ fa-
 „ cultatis viribus adhæserant , nec non
 „ Virum Magnificum Comitem Simo-
 „ nem de præfata Rozgon , nunc Juði-
 „ cem Curia nostræ , ac Magistrum La-
 „ dislaum Patrem antedicti Stephani , fi-
 „ lios condam Nicolai , qui cum omni-
 „ bus filiis ipsorum , excepto duntaxat
 „ Stephano filio ipsius Magistri Ladis-
 „ lai prænotato , atque condam Lau-
 „ rentio Patre , ac Sebastiano fratre
 „ prædicti Joannis , præmissis temporis-
 „ bus in eorum habitationibus , seu do-
 „ mibus , neutri partium prædictarum
 „ adhærendo moram ducentes , allectio-
 „ ne tamen vinculi naturalis , prædictis
 „ Joanni ,

„ Joanni , et Stephano hospitalitatem ,
 „ favorem , et subsidia fuerant imperti- *Ab solvi-*
 „ ti , a crimine lœsæ Majestatis , et no- *tur a no-*
 „ ta infidelitatis , quam exinde in se *ta infide-*
 „ contraxerant , tum ex innata cordi
 „ nostræ pietate , qua lapsis , et delin-
 „ quentibus veniam præbemus , humili-
 „ liter postulantibus universis , tum eti-
 „ am pro eo , quod iidem modico val-
 „ de , post præmissam sui adhæsionem
 „ dierum spatio præterlapsò , debitum
 „ suæ fidelitatis , quo nostrum naturale
 „ dominium tenentur amplecti , constan-
 „ ter advertentes , prædictis aliis infi-
 „ delitatis complicibus , in proposito
 „ laborantibus antelato , ad quod perfic-
 „ ciendum , si potuissent , intensissimis
 „ ducebantur affectibus , Ladislai filii
 „ Caroli de Duracio allecti favoribus ,
 „ quem in nostri regiminis solium sub-
 „ ducere conatibus totis nitebantur ,
 „ ipso negotio malitia convoluto , in
 „ suæ furia fervore dimisso prorsus ,
 „ atque derelicto , cum cunctis eorum
 „ Fratribus , et sibi adhærentibus , in
 „ partem nostram se subito ante cun-
 „ ctos cæteros diverterunt , et ad re-
 „ ctiora mentium acies dirigendo , se
 „ debitæ nobis obedientiæ manciparunt ,
 „ fidelissima tandem continuantes obse-
 „ quia in suis , et suorum multis labo-
 „ ribus , et expensis , quorum provi-
 „ dentiæ maturitatem , plurimi Regni-
 „ colarum nostrorum imitantes , cum
 „ maxi-

„ maxima parte antefatorum nostrorum
 „ rebellium, ad nostræ Majestatis de-
 „ bitam obedientiam per ipsos, et ipso-
 „ rum exemplo didicerunt remeare,
 „ gratiam super delictis humiliter peti-
 „ turi. Unde etiam nos clare sensimus,
 „ ex hac nostræ partis vires existisse
 „ non modicis incrementis amplias,
 „ ipsorumque inclinationem tam fructu-
 „ osam, ad recuperandum nostri regimi-
 „ nis statum pacificum, quem Deo præ-
 „ vio suimus solemniter assediti, non
 „ modicæ subventionis adminicula præ-
 „ buisse: idecirco mox post hujusmodi
 „ ipsorum reversionem ad nostræ Ma-
 „ jestatis obedientiam, et obsequia,
 „ nullam ulterioris ambiguitatis scintil-
 „ lam de nostri status pacificatione in
 „ eorum cordibus reservantes, sed pro-
 „ ut Deo disponente, cui humanus in-
 „ tellectus nequic contraire, sicut sub-
 „ secutum, firmiter tenentes nos in
 „ nostri culminis folio successivis tem-
 „ poribus regnatores, rerum præmissa-
 „ rum finales exitus minimè prætolan-
 „ tes, adhuc prænarratis procesibus
 „ gverarum in iuuo fervore perduranti-
 „ bus, ad obtinendam gratiam in no-
 „ stro conspectu humiliter procumbere
 „ studuerunt. “

Persequitur deinde Rex Sigismundus, quomodo iis veniam erratorum fer-
 cerit, tum subjicit: „ requentibus po-

„ tifi-

„ tislime multimodis fidelitatum exhibi-
 „ bitionibus, et laudabilium obsequio-
 „ rum gratuitis meritis, quibus post
 „ præmissæ gratiæ nostræ largitionem
 „ liberalem, sepe fati fideles nostri ac-
 „ cepti beneficii non immemorès, imo
 „ verius juxta posse gratuiti retributo-
 „ res, nostrum, et nostri regiminis ho-
 „ norem diligere studuerunt, nominis-
 „ que nostri magnalia cum immenso de-
 „ fiderio dilatare. Quæ quamvis præ
 „ sui copiositate per singula describi
 „ nequeant, nonnulla tamen ex eisdem
 „ prædigna memoria, subsequentis or-
 „ dine sermonis jussimus exarari, ut
 „ exinde laus crescat fidelium, gratiæ
 „ recompensa videatur, et meritorum
 „ retributio subsecuta animet alios fi-
 „ dei vestigiis inhærere; siquidem tunc
 „ sedatis jam pro majore parte discor-
 „ diis antelatis, Fratre Thoma de Lu- *Rozgo-*
 „ dán, dudum Episcopo Agriense, cum *strum Ag-*
 „ plerisque suis complicibus adhuc in *riense ob-*
 „ suscepta perfidia stante, et *Ca-sident.*
 „ strum Agriense, sub multorum in-
 „ fidelium etiam ad resistendum ro-
 „ busta virium congestione suffulto-
 „ rum, custodia conservante præ mani-
 „ bus violentis, prænarrati nostri fide-
 „ les cunctis infidelitatis radicibus *ex*
 „ eorum cordibus amputatis, cum quad-
 „ ringentis equitibus virorum pugnan-
 „ tium numero completis, una cum ali-
 „ , is

„ is nostris fidelibus Castrum ipsum obſit
 „ dione dura concludentes, renovare fa-
 „ delitatis primitias impenſione diligen-
 „ tis obſequii laudabiliter exſolverunt
 „ in suis, et fuorum expensis, læ-
 „ ſionumque diſpendiis, et labo-
 „ rum. — —

*Bart-
pham a
Polonis
elibe-
rant.*

„ Cumque iisdem diebus quidam
 „ Poloni Civitatem nostram Bartpha
 „ nuncupatam, quam primo diutius sub
 „ nostro nomine tenuerunt, tandem ul-
 „ terius contra nostrum nūtum cœpiffent
 „ retinere, non modicam nostris fide-
 „ libus circumſitis turba ionem inferen-
 „ tes, ex eodem quadringentorum equi-
 „ tum bellantium numero adunato, non
 „ sine arduis expensis, et laboribus,
 „ präfati nostri fideles Civitatis obten-
 „ tionem, et antedictorum rebellium
 „ detentionem, cum cæteris nostris fi-
 „ delibus in suæ fidei perseverantiam
 „ procurarunt. “

*Reliqua
corum
merita.*

„ Quid deinde porro Joannes, et
 Fratres ejus egerint, idem Rex in hunc
 modum subnectit: „ nobis pro certo-
 rum negotiorum conclusione, velut
 „ jam fecurius ab hostibus paulisper
 „ ibidem (in Regno Bosniæ) repau-
 „ ſantibus, nonnulli Bosnenses ex ad-
 „ verso clam adunatis catervis, nos
 „ hostiliter invadere proposuerunt, quo-
 rum adventum nos präcognoscentes,
 „ ipliſ fidelibus nostris, quos jam an-
 „ te remiseramus ad propria, intimare
 „ de-

„ decrevimus : qui confessim hoc intel-
 „ lecto redierunt pugnaturi , per quos
 „ etiam de his victoriam indubie spe-
 „ rabamus , nisi iidem nostri æmuli cu-
 „ jusdam auroræ diluculo per vias obli-
 „ quas prælii faciem clam evasissent.
 „ Porro post tempora præmisorum tan-
 „ ta fuit eorundem indefinientis zeli
 „ constantia jurgiter nobis serviedi , quod
 „ in cunetis exercitibus , et expeditio-
 „ nibus nostris , signanter aduersus Bos-
 „ nenses , Turcos , et Australes plerum-
 „ que nobis , et Regni nostri confiniis
 „ æmulantes motis ; etiam interdum
 „ non vocati per nos , sed liberali , ac
 „ proprio motu ipsorum , suis laboribus ,
 „ atque sumptibus pro nostri honoris
 „ exaltatione largissime expositis non
 „ parcendo , in universis fere expedi-
 „ tionibus personaliter constituti , fide-
 „ liter nobis servire non cessarunt. In
 „ ipsorum namque constantioris fidei de-
 „ monstrationem , plerumque salario
 „ ipsis per nos deputata relaxando , pro-
 „ priis eorum bonis pro nostri nominis
 „ excellentiâ militare maluerunt , non
 „ nunquam quoque erga nostram Cu-
 „ riam residentes , occurrente subita mo-
 „ tione circa Regnorum nostrorum con-
 „ finia , disimulatione relegata , et se
 „ præparandi mora minime postulata ,
 „ absque protelationum dispendiis , se
 „ ad nostra servitia jugiter hucusque
 „ paratos præbuerunt , et prætent de
 „ præsenti. — —

Ab Sigis- „ Horum itaque , et cæterorum fi-
mundo „ delium obsequiorum ipsorum confide-
Rege ve- „ ratione , ex mera Regia authoritate ,
niam im- „ et potestatis plenitudine — — præ-
petravit. „ missam nostram gratiam in utroque
 „ discordiarum captivitatis nostræ sci-
 „ licet , et processus in favorem La-
 „ dislai de Duracio tempore antefatis
 „ Dominis , seu Nobilibus per nos , uti
 „ meminimus , liberaliter factam pro
 „ eisdem — — denuo , et de novo ex
 „ nunc prout ex tunc ; et sic omnino
 „ de præsenti , sicut primitus omnimo-
 „ dam remissionem et plenam gratiam
 „ facimus , immo fecimus effective spe-
 „ cialem “ A) Hactenus Sigismundus ,
 qui deinceps JOANNEM ita charum ha-
 buit , ut eum thesauro suo moderando
 præficeret , quod munus ille plures an-
 nos summa cum fide administravit . Sub
 annum 1434 . Tavernicorum Regalium
 Magister , ac 1451 . nisi fallor , Vajvoda
 Transilvanie creatus est ; sed hac digni-
 tate , quod viribus satisceret , anno 1458 .
 sponte decessit . Incertum est , et quan-
 do obierit ? et num ex Conjuge Apol-
 lonia de Tharcza hæredem reliquerit ?

Sebastia- Frater ejus SEBASTIANUS sub Si-
nus Vaj- gismundo Rege miles , pluribus susce-
vod. ptis vulneribus , inclitus sub Mathia ve-
Transil- ro
vaniæ.

A) Excerpta sunt hæc ex Diplomate da-
to anno 1410 . IV . Kalend . Junii .

Ilo de Hunyad Dux, ac primum Aga-
 zonum Regalium Magister, deinde Vaj-
 voda Transilvaniæ, has ab eo laudes
 emeruit: „ Consideravimus, inquit, cla-
 „ riſſimam fidem, virtutes magnificas,
 „ ac alta obſequia, fidelis nostri, fin-
 „ cere dilecti Magnifici Sebastiani de
 „ Rozgon, Vajvodæ Transilvani, qui-
 „ bus idem ſe primum Prædeceſſoribus
 „ noſtris Regibus Hungariæ, ac quon-
 „ dam illuſtri Principi, D. Joanni de
 „ Hunyad Comiti Perpetuo Bistriciensi, *Eius lau-*
 „ alias Gubernatori dicti Regni noſtri, *des.*
 „ Genitori noſtro chariſſimo, felicis
 „ memoriæ, et expoſt Majestati noſtræ
 „ ſumme gratum reddidit, et honoran-
 „ dum. Ipſe enim Sebastianus de Roz-
 „ gón ab ineunte ætate ſua ita servi-
 „ tiis Prædeceſſorum noſtrorum, et ipſi-
 „ us Genitoris noſtri incubuerat, et pe-
 „ ne cuncta alia negligens, ſolum ea,
 „ quæ voluntatis eorum erant, cura-
 „ bat fideliter adimplere. Demum ve-
 „ ro ipſo D. Genitore noſtro, ut Do-
 „ mino placuit, ab hac luce deceden-
 „ te, et nobis feliciter in regimine hu-
 „ jus regni noſtri ſuccedentibus, idem
 „ Sebastianus lateri noſtro adhærens,
 „ cuncta negotia noſtra fidei ſuæ con-
 „ fiſa prudenter, ac cum ſincera fide-
 „ litate direxit, ita ut ab omnibus et
 „ prudens, et fidelis dici, exhińque
 „ laudem habere meruit. Postremo ab
 „ hiſ temporibus, quibus nos contra

„ æmulos nostros , et Regni nostri , Teu-
 „ tonicos videlicet , et Bohemos latro-
 „ nes , qui nonnullas partes Regni no-
 „ stri vaftabant , exercitus diversis plu-
 „ ribus post sepe vicibus ad varias par-
 „ tes ejusdem Regni nostri movimus ,
 „ idem Sebastianus semper cum nota-
 „ bili copia gentium suarum persona-
 „ liter interfuit , ac contra ipsos Teu-
 „ tonicos , et Bohemos in contritione ,
 „ et repressione virium eorum , ac ex-
 „ pugnatione fortalitiorum , a manibus
 „ ipsorum Bohemorum veluti tunc Ca-
 „ pitaneus generalis hujusmodi exerci-
 „ tuum nostrorum primus , et principa-
 „ lior inter alios fuit , non pepercit
 „ personæ , ac rebus , laboribusque , et
 „ expensis suis ; sed ita semper coopè-
 „ ratus est , ut in his omnibus exerci-
 „ tibus nostris , contra præfatos æmu-
 „ los nostros , ac Regni nostri , Teu-
 „ tonicos videlicet , et Bohemos latro-
 „ nes , honorem nobis , et triumphum
 „ reportaret , A) castraque , et fortali-
 „ tia

A) Victoriam de Bohemis relatam ; aliis
 literis Rex Mathias sic describit : „ ad
 „ obsidionem fortalitii Wádva vocati ,
 „ ubi satis magna multitudo latronum ,
 „ cum quibusdam Komotouczky , et
 „ Valgatha Capitaneus eorum exis-
 „ bat , idem Sebastianus cum fami-
 „ liarium suorum multitudine , de no-
 „ stro speciali mandato eundo , coope-
 „ rantibus etiam sibi nonnullis fideli-

„ tia magis ejus studio, diligentia, et
 „ virtutibus, a manibus ipsorum Bo-
 „ hemorum recuperata esse, et dicere
 „ possumus, et confiteri. In his quo-
 „ que faciendis magnas, et notabiles
 „ habuit expensas, ita ut manu nostra
 „ munifica ei ad plenum suffragari ne-
 „ quiverimus, a principio motionum
 „ præfatorum Exercituum nostrorum ad
 „ sustentationem hujusmodi gentium sua-
 „ rum magna de suis propriis addidit.“ A)

F 3 Non

„ bus nostris, ipso fortalitio Wadva
 „ expugnato, præfatum Valgatha Ca-
 „ pitaneum cum suis complicibus ca-
 „ ptim, tandem cum quodam Axam-
 „ myth, et Thalafuz cum duobus mil-
 „ libus, et quingentis equitibus trans-
 „ vadato fluvio Bodrogh, capta nota-
 „ bili præda, ad proprias corum spe-
 „ luncas reverti voluissent, prænota-
 „ tus Sebastianus, cum ditis familia-
 „ ribus suis, ac cæteris nostris fideli-
 „ bus, in quodam campo, prope Ci-
 „ vitatem Sárospatak cis obviando,
 „ inibique data nobis ab Altissimo
 „ victori, præfatoque Axamyth cum
 „ cæteris latronibus imperfectis, mul-
 „ tos ex eis captos cum præfato Val-
 „ gatha, ad Civitatem nostram Bu-
 „ densem vinctos transmittendo, ma-
 „ nibus nostris assignavit, — — Da-
 „ tum Zegedini in festo B. Ægidii Ab-
 „ batis anno Domini 1458,“

A) Literæ hæ, quarum partem recitavi-
 mus, datæ sunt Cassoviæ in festo B.
 Elisabeth anno 1460,

Non diu abhinc vitam produxit SEBASTIANUS, ejusque filius LADISLAUS V, post annum 1482. defecit.

Nicolaï posteri. Extinctis itaque Joannis, et Petri posteris, NICOLAUS Frater, certe necessarius, progenitus ex Anna Merse de Zwinye tribus filiis: LADISLAO III, STEPHANO, et SIMONE, stemma sere usque ad cladem Mohatsianam propagavit. De Stephano non est, quod addam; Ladislai contra, et Simonis preclara facinora Sigismundus Rex his verbis extollit: „ Cum dudum D. Ludo-
 „ vicus Rex Pater, et Prædecessor no-
 „ ster charissimus in dilatationem titu-
 „ li sacræ Coronæ Hungaricæ cordialis
 „ affectionis zelo prorsus anhælando,
 „ ducto adversus Venetos, et eorum
 „ parti adhærentes, qui nonnullos pro-
Simon et Ladislaus III. ad Tarvi- tunc ejusdem coronæ tenutas inde-
perantur. bitæ usurpationis titulo detinebant,
 „ exercitu numerosa bellantium conge-
 „ rie copioso, unde factis plerisque
 „ sium vul- laboribus, et expensis, voti sui opta-
 „ tum accepisse recolitur effectum tri-
 „ umphalem, inter cætera bellicosa cer-
 „ tamina, quæ ibidem congruenter e-
 „ mergebant, Civitatem Tervisi in par-
 „ tibus Italiz sibi pro tunc rebellem,
 „ et multa firmitate, ac opum abun-
 „ dantia suffultam, obsidione dura con-
 „ clusisset, ejusdemque Civitatis inha-
 „ bitatores ad repellendi vires animis
 „ erectis arma cepissent, obsidionis ipsi-
 „ us

„ us repulsiva , ibidem præfati Comes
 „ Simon , et Ladislaus Frater ipsius ,
 „ tamquam verissimi Regii honoris ama-
 „ tores , inter turmas fidelium obsedio-
 „ nem eandem intentissimis nisibus con-
 „ foventium , ad præfatae Civitatis , et
 „ ejus inhabitantium offensionem , præ
 „ cæteris animorum intentionibus anhe-
 „ lantes , ex crebris sagittarum , et la-
 „ pidum emissionibus hostilibus , pluri-
 „ mas in suis corporibus læsiones , imo
 „ idem Comes Simon vulnera lethalia ,
 „ vitæ suæ dubiositatem inducentia gra-
 „ tanter pertulisse , relatione narrante
 „ cognoscuntur fide digna .

„ Porro ipso D. Ludovico Rege *Idem Si-*
 „ ex hujus laboriosæ vitæ certamine in *mon in*
 „ superni Regni patriam , Regis Regum *Massovia*
 „ vocatione translato , et antefata Se- *lethalem*
 „ renissima Principe Domina Maria Re- *plagam*
 „ gina ipsius nata , in solium paternum *accipit*
 „ vero hæreditatis jure succedente , dum
 „ eodem tempore nos ipsius Regni Hun-
 „ gariæ Tutores existendo , certis pro-
 „ vocationibus odiosis concitati , in ter-
 „ ram Massoviæ adversus ejusdem terræ
 „ Ducem , et incolas debellandos exerci-
 „ tum duxissimus , in Virum fortitudi-
 „ ne vigorosum præfatus Simon suæ le-
 „ galitatis , et fidei constantiam , apud
 „ Prædecessores nostros laudabiliter ob-
 „ servatam , nostris in temporibus ma-
 „ jori continuans perseverantia , in ipso
 „ nostro exercitu multa bellandi ani-

„ mositate procedens , in persistentia:
 „ que factorum strenuorum manu vali-
 „ da sub quodam fortalitio pugnam
 „ agens , de manibus ab intra repugnan-
 „ tum mortiferi vulneris plagam tulit
 „ in suo corpore graviorem.

*Et ad Ni-
cepolim.*

„ Denique evolutis quibusdam tem-
 „ porum currinalis , et suo more annis
 „ certis se comitantibus pertransitis,
 „ nos coronam , et solium dicti Regni
 „ Hungariæ , ejusdemque sceptra regi-
 „ mis , cum Regie dignitatis fastigio
 „ adepti , ipsius Regni , imo verius to-
 „ tius Orthodoxæ fidei , sub cuius ve-
 „ xillo sanguine Crucifixi laureato ,
 „ summis super omnia desideriis intra-
 „ triumphantium consortia speramus co-
 „ ronari , de monsis vexationibus , quas
 „ Turcorum , et Paganorum ipsius fi-
 „ dei persecutorum infesta rabies ab
 „ antiquis temporum evolutionibus do-
 „ lenter inferebat , cordiali compas-
 „ sione permoti , imo nostri officii debito
 „ urgente , juste permoti adversus ipsos
 „ hostes fidelium , et fidei , conquisito
 „ nobis undique subsidio bellicoso exer-
 „ citum duximus instaurandum , in ma-
 „ gna valde gentium numerositate plu-
 „ ralem , in quem ipse Comes Simon
 „ plurimo Fratrum , et familiarium tuo-
 „ rum exercitu comitatus , una nobiscum
 „ dirigens gressus bellicosos , nonnullis
 „ peractis negotiis triumphalibus glo-
 „ riose , virtuosa bellandi strenuitate ,
 „ conspi-

„ conspicueque præliando, tandem juxta
 „ castrum Nicopolis majoris, ubi cum
 „ præfato nostro exercitu nimium vi-
 „ goreso, præ multitudine gentium bel-
 „ landi agilitate suffultarum castra fixe-
 „ ramus, connectis usque ad locum il-
 „ lum gentibus post terga dimissis, no-
 „ stræ ditionis potestati in brachio for-
 „ titudinis subiungatis; ex adverso Tur-
 „ corum Imperator cum immensa co-
 „ piolitate Paganorum, velut ex Tar-
 „ tari profundo malignorum spirituum
 „ eructante multitudine nobis occur-
 „ rens, præliaturus in area certaminis;
 „ gravis inter utrosque conflictus est
 „ a gressus, et bello durius instaurato
 „ cædes fit maxima, et strages indici-
 „ bilis ex utraque parte committitur,
 „ cadentibus innumerabilibus utrinque
 „ personis in ore gladii sanguentis, sed
 „ intermedio conflictus tempore, per-
 „ mittente occulto Dei judicio, qui
 „ suæ incomprehensibilis sapientiae ju-
 „ dicio, cuncta dispensat ad suæ ar-
 „ bitrium voluntatis, cui idem facere
 „ est, quod velle, et tunc facere,
 „ quando velle, exercitus noster fle-
 „ xis habenis coactus fuit (pro dolor)
 „ a facie hostium terga dare, nempe
 „ præfatus Comes Simon, quamquam
 „ in sharum virium agilitate, animosi-
 „ tate multa resisteret, quia tamen
 „ bellorum audacia circa victores sem-
 „ per viget animosius, post multa in
 „ sua

„ sua propria persona laudabiliter com-
 „ missa certamina , a turmis hostium
 „ exiliens , in gravibus vulnerum , et
 „ ictuum lesionibus , vita ipsius fina-
 „ lem exitum comminantibus , evasit
 „ in labore nimiis periculis discrimi-
 „ noso . — —

Item ad „ Præterea quondam Regni nostri
Castrum „ nonnulla confinia olim Procopio Mar-
Nagyvár „ chione Moraviæ , dolosus ingressioni-
 „ bus perturbante , nobisque adversus
 „ ipsum exercitum ducentibus , versus
 „ Castrum nostrum Nagyvár vocatum ,
 „ quod pro tunc idem Procopius , per
 „ suæ dolositatis machinamenta ad su-
 „ as manus usurparat , in ejusdem Ca-
 „ stri obsidione , et expugnatione bel-
 „ licosa , prætitulatus Comes Simon
 „ semper sua gesta virtuosa , subse-
 „ quentibus operum laudabilibus conti-
 „ nuans incrementis , in suæ agilitate
 „ militiæ fortiter persistens , acerrimi
 „ vulneris plaga dies plures duxit ægro-
 „ tas vita suæ finaliter dubiosas : tot
 „ enim in diversis præliis , et tempo-
 „ ribus in ferventis fidei obsequium va-
 „ rias pertulit vulnerum passiones in
 „ persona , quod nullatenus dubitari
 „ potest , ipsum suæ strenuitatis exi-
 „ miæ non modicas vires amisisse , cum
 „ maxima virtus defecerit in eodem ,
 „ ex continua sanguinis effusione de-
 „ currentis . “ A) Hæc

A) Diploma hoc scriptum est 14. Kalend.
 Augusti anno 1412.

Hæc belli, et foris egit Simon,
 domi vero non tam virtute militari,
 quam consilio, et eloquentia, quibus
 perinde valuit refractarios, qui in Si-
 gismundum Regem arma corripuerant,
 ad officium reduxit. Luculentum ejus
 rei testimonium idem Rex perhibet in-
 quiens: „ Denique Castro ipso (Agri-
 enſi) pro nostræ Majestatis voto re-
 cuperato, adhuc nonnullis nostro-
 rum infidelium in catervam rebellio-
 nis adunatis, ipso etiam Fratre Tho-
 ma, et Stephano de Debraw, ca-
 pitalibus æmulis nostris, cum eisdem
 existentibus — — ibidem prælibatus
 Comes Simon, sanissimi consilii ma-
 turitate perspicuus, in suorum mo-
 nituum eleganti facundia, præfato-
 rum nostrorum æmulorum corda fle-
 xit indurata, fane sentiens opus non
 esse præliis, ubi grata patientia tri-
 umphat gloriose, et exinde nostros
 æmulos nostræ reduxit gratiæ, præ-
 fato tamen Stephano de Debraw cum
 suis excepto, qui postmodum partes
 nostras Transilvanas infestans, ibidem
 in sua perfidia paucis diebus evolutis
 vitæ metas emeavit. “ Tot præcla-
 ra Simonis facinora remuneraturus Si-
 gismundus, eum non solum amplissi-
 mis bonis, sed et officio Judicis Cu-
 riæ Regiæ anno 1409. donavit. Obiit
 quinquennio post, relicta Vidua Had-
 viga

*Agriam
recupe-
rat.*

*Fit Judex
Curiæ
Regiæ.*

viga de Dob, et tribus Filiis: A) Si-
MONE II. STEPHANO III. et GEORGIO.

SIMON II. post minora Sacerdotia
Simon II. Episcopus Vesprimiensis, ac tandem
Episco- Agrienfis, et Wladislai I. Regis Hun-
pus gariæ, Poloniæque Cancellarius, cum
Vespr. Castra Georgii Groff de Bozyn infide-
deinde lis, ejus liberalitate acciperet, has
Agr. laudes a Rege abstulit: „ Cum de Re-
„ gno uostro Poloniæ per notabiles
„ Dominae Elisabeth Reginæ, ac uni-
„ versitatis Prælatorum, Baronum, et
„ Nobilium hujus Regni Ambasatores,
„ pleno eorundem mandato ad nos trans-
„ missos ad regimen hujus Regni Hun-
„ gariæ non tam invitati, quam solen-
„ niter electi, hoc Regnum Hunga-
„ riæ ipsius electionis jure, in spe pro-
„ missæ pacis invitantium, nullius do-
„ lositatis infidias timentes ingredere-
„ mur; medioque tempore per Domi-
„ nam Elisabeth Reginam prædictam,
„ hujusmodi spontaneæ suæ invitatio-
„ nis, ac electionis de nobis facta-
„ rum propositum iniquo consilio in-
„ constanter immutantem, initis cum
„ nonnullis perversis Teutonicis, et
„ Bohemis damnosis confœderationibus,
„ exqui-

A) Suppare his erant Margaretha Nico-
 lai Fergach, ex Anglys, vel Agnes
 Bartholomæi Drueth de Honionna Con-
 fortes; cujus tamen Rozgonii filiæ? in-
 certum Sigillum Simonis exhibet Tabela

„ exquisita impedimentorum genera con-
 „ tra hujusmodi electionem nostram, ne
 „ eadem efficeretur, fabricarentur, præ-
 „ fatus Dominus Simon Episcopus, non
 „ obstantibus his, in suæ fidei fixus
 „ constantia nostri obviam, dum jam
 „ terram Scepusiensem attigissemus, co-
 „ pioso familiarum agmine conducto
 „ adveniens, fideique suæ sinceritatem
 „ primitiali oblatione nobis demon-
 „ itrans, adducensque illuc ad nos
 „ sui exemplo, et cæteros nonnullos *Wladis-*
 „ alti status hujus Regni Barones parti- *laum I.*
 „ ter cum eisdem ab illinc usque Agri- *Regem*
 „ am; locum scilicet Præfusatū sūi, *Agriam* *perducit.*
 „ securō itinere nos conduxit, reli-
 „ ctisque nobis in suo Castro ibidem
 „ habito, interim solus pariter cum
 „ certis Fratribus, et gentibus suis,
 „ in Civitatem nostram Budensem, ad
 „ præparandam viam nostrām, et con-
 „ servandam nobis Civitatem eandem,
 „ quæ eotunc proximis fibi gentibus
 „ Reginæ prædictæ capi timebatur, non
 „ sine personæ suæ imminenti periculo,
 „ potenti adventu ingressus ipsam Civi-
 „ vitatem, tam forti manu præservavit
 „ ab hostibus, ut tandem de Agria præ-
 „ dicta in pace desiderata introitum in
 „ eandem habuimus, feliciter adopta-
 „ tum, advenientibusque tandem illuc
 „ ad nos sui exemplo dietim pluribus,
 „ ac pluribus hujus Regni Prælatis, Ba-
 „ ronibus, Militibus, et Nobilibus, hu-
 „ jus-

*Ac Bu-
dam.*

„ jusmodique electionem nostram , sic
 „ uti per prius fecerant , ultro con-
 „ firmantibus , ac nonnullis etiam ex
 „ his , quo in favorem prædictæ Re-
 „ ginæ , a fidei ad electionem hujus-
 „ modi præstitæ semita deviantes , no-
 „ bis rebellare prætendebant , sicuti con-
 „ filio , sic non minus comminatione
 „ ejusdem Domini Simonis Episcopi ,
 „ in nostræ gratiæ finum reductis .

*Ulicum
Cilicæ Co-
mitem
capit.* „ Démum idem ab illinc ad obsi-
 „ dionem Castri Jaurinensis , in quo
 „ ampla Teutonicorum , et Bohemorum
 „ partem Reginæ foventium caterva ;
 „ de eodem partes superiores præda-
 „ tura se recluserat , per nos una cum
 „ cæteris suis Fratribus , et Amicis ,
 „ nostris scilicet fidelibus transmissus ,
 „ plurimaque virtuosa gesta illie suo
 „ consilio , ac cæterorum suorum Fra-
 „ trum sagaci opere peragens ; captum
 „ Ulricum Comitem Cilicæ , eorundem
 „ Teutonicorum , et Bohemorum Capi-
 „ tanœum nobis ab illinc additxit , no-
 „ stræ captivitati mancipandum ; tandem
 „ que signanter coronationis nostræ , ut
 „ plurimum suis laboribus , et providen-
 „ tia habita tempore , nostra semper obse-
 „ quia grata fidelitate continuans , et
 „ nos in rerum gerendarum primordijs
 „ provido consilio dirigens , se nobis
 „ reddidit valde gratum .

*Et plura
Caytra.* „ Consequenter vero ipso Domino
 „ Simone Episcopo , etiam in præsenti
 „ nostro

„ nostro exercituali progressu , cum
 „ ampla gentium quantitate ubique no-
 „ biscum procedente , etiam has supe-
 „ riores Regni nostri partes , quas re-
 „ bellium metus a fide nostra averte-
 „ rat , captis plurimis Castris , et for-
 „ talitiis , signanter humanitate , et
 „ artibus , consilioque , et auxilio ipsi-
 „ us Domini Simonis Episcopi in no-
 „ stram redire coegimus obedientiam
 „ adeo , ut plurimi nostri rebelles , quos
 „ nostra absentia presumptuosos effe-
 „ cerat , visa nostra potentia , humili-
 „ lia nobis capita suppliciter inclina-
 „ runt . „ A) Mansit porro Simon con- *Post pu-*
 stans in fide Wladislai , eumque ad *gnam*
 pugnam Varnensem , quæ anno Domini *Varnen-*
 1444. evenit , secutus , num illic in acie ? *sem nun-*
 an fuga ceciderit , exploratum non est ; *quam vi-*
 certe nusquam postea comparuit .

STEPHANUS III. Simonis II. Fra-
 ter vix ex ephœbis eggressus , præcla-
 rum facinus sub Castro Dobor edidit ,
 cuius Sigismundus Rex in hæc verba
 commeminit : „ strenuæ agilitatis ado-
 „ lescens in nostræ Majestatis conspectu
 „ Castellanum ejusdem fortalitii morta-
 „ libus plagis prostravit sauciatum . „ Alias vero eum ita commendat : „ Or-
 „ tis siquidem — — inter nos , et Re-
 „ gnum nostrum Bosnæ gverris damno-
 „ sis

„ sis — — cum Castrum Dobor apel-
 „ latum , ex quo per intra morantes
Stephani „ plurimæ Regnicolis nostris injuriæ —
III. faci- „ inferebantur , obſidione dura cœ-
nus ad „ piſſemus expugnare , quidam ado-
Castrum „ leſcens , filius ipſius Comitis Simo-
Dobor. „ nis , Stéphanus proprio nomine vo-
 „ catus , usque ad ipſius Caſtri forta-
 „ litra viriliter aſcendendo peruenit :
 „ unde per creberrimas ſagittarum , et
 „ lapidum emiſſiones , velut imbriūm
 „ densas asperſiones , ipſum obruerē
 „ finaliter fatagēntes , no is clare con-
 „ ſpicientibus ; et viidentibus in aspe-
 „ ctū personali toties per ſui brachii
 „ vires vices reddidit ſavientibus in
 „ eum , quod multis ab intra reniten-
 „ tibus , ipſum in ſua virtute bellan-
 „ di pluries ipſius Caſtri latera vidimus
 „ propingvafle , licet varias vulnerum ,
 „ et cicatricum in utroque ſuo brachio
 „ ſuscepert laſiones , rivos ſangvinis
 „ in effuſione bullenti exundantes ; ubi
 „ tam strenua virtute ſuæ peregit auda-
 „ ciæ , ut nedum præ cæteris juveni-
 „ bus ſibi æqualibus , verum etiam in-
 „ ter adultos , in plenitudine virium
 „ militantes , in ſuæ animositatis fir-
 „ mitate præcellenter meruerit com-
 „ mendari. “ A)

Anno

▲) Ex eodem Diplomate anni 1412. cu-
jus partem ſupra recitavimus.

anno 1421. Sigismundus Rex eum
Comitem Posoniensem, amoto Kaple-
rio renuntiat, editoque eateius Diplo-
mate, quo Stephanum suum specialem
familiarem et continuum commensalem
nominat, hæc inter cætera de eo ad-
fert: „ præfertim in Regno nostro Bos-
„ næ, sub Castro nostro Dobor voca-
„ to, ubi a Bosnensibus tunc nostris
„ notoriis æmulis in tuis manibus, qua-
„ rum cicatrices etiam de præsenti evi-
„ denter apparent, lethalibus fuiſti vul-
„ neribus fauciatus; et expost in Lom-
„ bardia et Alamannia, ac in præ-
„ dicti Bohemia, ubi a Wikleffistis,
„ seu Bohemis hæreticis — — in con-
„ flictu cum eis per nostros fideles an-
„ te Civitatem nostram Neuburg apel-
„ latam commisso, aliud vulnus in tua *Ad Ca-*
„ facie per cujusdam cuspidis ictum, *Neuburg*
„ cuius similiter cicatrix etiam pronunc grave
„ cuilibet intuenti patet evidenter, gra-
„ vius sustinuisti, aliisque quam pluri-
„ bus mundi partibus — — celſitudi-
„ ni nostræ laudabiliter studiasti, coram
„ multis Principibus, et Dominis terra-
„ rum diversarum ad summum nostri
„ Regii culminis honorem complacere,
„ et in antea, de quo non ambigimus,
„ hoc idem facere nisibus totis anhe-
„ labis.“

A Sigismundi, Albertique Regum
Hungariae morte, Stephanus Wladis-
lao Polono se adjunxit, ejusque par-
tes

*Arci Po-tes sub Castro Posoniensi, quomodo tu-
soniensi itus sit, idem Rex literis anni 1440.
annonam in hunc modum declarat: „ præfatus
infert,*

„ Comes Stephanus, cuius consors,
„ et filii medio tempore in Castro Po-
„ soniensi per gentes Reginæ prædictæ
„ (Elisabethæ) contra nos obfesso, et
„ quotidiana expugnatione afflito re-
„ clusis, per defecatum, et penuriam
„ victualium valida fame, proh dolor!
„ ad extreum pro nobis laborabant,
„ aggregatis gentibus, quibus potuit,
„ utpote dolore Sociæ, et filiorum ama-
„ rificatus, ad ipsum Castrum, non si-
„ ne fui, et suorum imminentि peri-
„ culo, expugnatis plurimis sub eodem
„ per æmulos struetis fortalitiis, et eje-
„ ctis de sub eodem hospitibus, uti
„ Vir spectatæ strenuitatis irruens Ca-
„ strum ipsum, quod jam in captionis
„ fuerat articulo, per fortia victualibus
„ refertum ab hospitibus liberavit, per
„ quod tandem Regina prædicta captio-
„ nis hujusmodi Castri spe frustrata,
„ certorum dierum cum ipso Comite
„ Stephano treugas fecit, mutuis per
„ partes hinc inde cautionibus robora-
„ tas. „ Hactenus Wladislaus, cæterum
„ Stephani Sociæ, filiorumque, quorum
Diploma meminit, nomina reperire haud
potui, si filiam MARGARETHAM, quæ
posteaquam Mathia Pongracz de Den-
gelech Marito viduata esset, Nicolao
de Ujlak nupsit, et SEBASTIANUM II.
fili-

filium excipias , de quod id monitum velim , me omnino dubitare , num ea , quæ Sebastiano I. adscripti , huic tribuenda non sint . Sed rem , monumentorum inopia , in præsens expedire non licet .

GEORGII , et STEPHANI III. de quo nunc egimus , merita Sigismundus Rex *Georgius, et Stephanus* eodem Diplomate anno 1430 signato , *III. itinerum Sigismundi* eodemque tenore sic recenset : „ Stephani „ nūs , et Georgius de Rozgon Comi- „ bus Posonientes , nobis alias in parti- „ bus Alemaniæ , Lombardiæ , Franciæ , *Imp. co-* „ Angliæ , Arragoniæ , et aliis nonnul- „ lis Regni , ditioni Sacri Romani Im- „ perii subjectis , pro Sacrofanciæ Ro- „ manæ , ac universalis Ecclesiæ uni- „ one , communique bono — — fere „ infra sex annorum integras revoluti- „ ones laborantibus , cum decenti ap- „ paratu , et copiosa familiarium eorum „ comitiva , continue usque felicem præ- „ missi salubris operis nostri consum- „ mationem cum nostra Serenitate pro- „ cedendo , et latèrī nostro jugiter ad- „ hærendo , cum omni fidelitatis fervo- „ vore , pro nostri Regii honoris ex- „ altatione , multimoda , et uberrima „ exhibuerunt servitia , et obsequia vir- „ tuosa . — —

„ Tandem dum in anno , cuius *Eorum* „ jam sexta instaret revolutio , valido *virtus* „ nostro exercitu instaurato prædictum *sub Cæsare De-* „ Regnum nostrum Bohemiæ , ad re- *victæ,* „ frænandam proterviam nostrorum re-

„ bellium , utputa Bohemorum — —
 „ Castra metati suissemus , Civitatem
 „ que nostram Deviczka vocatam , for-
 „ tissima murorum , et turrium latitudi-
 „ ne , et altitudine fulcitam — — quam
 „ tunc dicti hæretici tenebant , occupa-
 „ tam expugnaturi obsedissemus : in e-
 „ jusdem Civitatis obsidione , et expu-
 „ gnatione , memorati Stephanus , et
 „ Georgius Comites Posonienses primi-
 „ puli , seu Ductores prætacti exercitus
 „ nostri exeundo , speciales emissiones
 „ bombardarum , ac telorum , et lapi-
 „ dum densitates non advertentes —
 — non sine ipsorum , et familiarium eo-
 „ rum in linea consanguinitatis ipsis
 „ conjunctorum sanguinis effusione , lau-
 „ dabilia exhibuerunt servitia : quam
 „ quidem Civitatem nostram in manu
 „ forti , Deo auxiliante reobtinuimus ,
 „ et suuditus everti , et dirui fecimus .

„ Inibi itaque ipsa Civitate ever-
 „ sa — — aliis etiam quampluribus no-
 „ stris — — in eodem Regno nostro
 „ Bohemiæ , et Marchionatu Moraviæ
 „ — — in prædicto nostro exercituali
 „ progressu pro nobis victoriose — —
 „ recuperatis — — in ipsa quoque no-
 „ stra revertione duabus Castris , seu
 „ fortalitiis fortissimis ipsorum nostro-
 „ rum æmolorum expugnatis , ipsisque
 „ nostris infidelibus in eisdem Castris
 „ repertis , quibusdam in ore gladii ,
 „ quibusdam vero per pœnam merito-
 „ riam

„ riam , ignis voragine interemptis , ad
 „ Civitatem nostram Hraschyē vocatam
 „ applicantibus , nonnullos milites , et *Hradisti-*
 „ Aulæ nostræ familiares ad stipendia *um suis*
 „ nostræ Serenitatis , pro ipsius Civita- *fumpti-*
 „ tis conservatione , et pārtium nostra- *bus custo-*
 „ rum superiorum defensione dimississe-
 „ mus , ecce prædictus Stephanus , fi-
 „ lius præfati condam Comitis Simonis ,
 „ nullo pecuniali nostro Regio admini-
 „ culo stipendiatus , sed in propriis su-
 „ is sumptibus , et expensis cum copi-
 „ osa fuorum , et dicti Georgii Fratris
 „ sui familiarium comitiva , in ipsa Ci-
 „ vitate nostra Hraschyē , inter cæte-
 „ ros fideles nostros remansit , et in
 „ eadem usque nutrīta nostræ volunta-
 „ tis perseveravit , dictisque æmulis
 „ nostris , utputa Moravis — — dam-
 „ na irreparabilia irrogavit , possestio-
 „ nesque , et fortalitia nonnulla eorum
 „ dem in favillam convertit , et mul-
 „ tos ex eisdem in prælio campestri —
 „ — ante Civitatem nostram Oztro vo- *Ad Ostro-*
 „ catam , quam tunc dicti nostri æmuli *viam Mo-*
 „ gubernabant , commisso interfecit ; *ravos vin-*
 „ ubi — — viribus dictorum nostro- *cunt.*
 „ rum infidelium demolitis , eosdem
 „ hæreticos præfati nostri fideles in ore
 „ gladii , usque ad muros ipsius Civi-
 „ tatis sunt persecuti , inter quos idem
 „ Stephanus Comes , velut aurum puri-
 „ tatis suæ splendore cæterorum metal-
 „ lorum præcellens nitorem — — stu-
 „ ,
 „ duit

Georgius „ duit nobis complacere. “ Hæc de Ste-
Judex phano et Georgio Fratribus Sigismun-
Curiæ dus. Georgii porro , qui sub Wladis-
Regiæ lao I. Rego ad annum 1444. Judex Curiæ Regiæ fuit , prolem alias non le-
go , quam Helenam Emerici Comitis
de Bozyn et S. Georgio , ut reor U-
xorem. Sed jam ad Ladislauum Simo-
nis I. et Stephani I. Fratrem ejusque
posteros redeundum est.

Genuit autem dictus LADISLAUS PE-
TRUM II. JOANNEM IV. STEPHANUM
II. et NICOLAUM II. ex quibus Joa-
nes et Nicolaus , justam ætatem haud
Petrus II. attigisse videntur. Petrus II. ex Prä-
Vesprim. polito Demesiensi , primum Vesprimien-
deinde sis , deinde Agriensis Episcopus creatus
Agr. Epi- est. A) Stephanus II. complures annos
scopus. Comes Temesiensis , scientiæ , fortitudi-
nisque militaris non unum exemplum
dedit. Certe anno 1592. ut nostri vi-
ctoriam obtinerent , magnum pondus ad-
jecit , cum classem Turcicam , quæ in
Morava fluvio stabat , exussit. Rem
Elisabetha Regina Sigismundi filia in li-
teras , quas anno 1438. dedit , his ver-
bis retulit :

Stepha- „ Adhuc Domino Imperatore vi-
nus II. „ clarem „ vente , inquit , dum quidam Barones ,
classem „ Tyci- „ et
Tyrci- „ et
eam exu-
rit.

A) Plura de Petro videri possunt apud
Cl. Schmitti in Serie Episcoporum
Agriensium Parte II.

„ Nobiles Regni nostri , præfertimque
 „ partium nostrarum inferiorum , de
 „ ipsius Domini Imperatoris mandato ,
 „ ad rumpendum , et comburendum quas-
 „ dam galeas , seu naves præfatorum
 „ Turcorum ingentis numeri , et appa-
 „ ratus , per eosdem in fluvio Morava
 „ vocata , indictis partibus nostris infe-
 „ rioribus habito fabricatas , et labora-
 „ tas , ex quibus scilicet ipsi Turci Re-
 „ gno nostro damna non modica inferre
 „ nitebantur , cum exercituali apparatu
 „ accessissent , tunc præfatus Comes Ste-
 „ phanus volens suæ consuetæ fidelita-
 „ tis constantia famulandi promptitudi-
 „ nem demonstrare , copiotam multitu-
 „ dinem gentium — — suarum — —
 „ et dicti Domini Episcopi Fratris sui
 „ — — ad obruendas dictas galeas —
 „ — affluerit transmisisse , quæ quidem
 „ galeæ postmodum notabiliter ex sui ,
 „ et eorundem aliorum Baronum Regni
 „ nostri industriosâ cooperatione fundi-
 „ tus ruptæ , ac penitus combustæ , et
 „ concrèmatæ extiterunt . “

In pugna vero ad arcem Galam- *Sigis-*
 bocz anno 1428. commissa , quomodo *mundum* *Regem*
 Sigismundum Regem capitis sui pericu- *capitis*
 lo servaverit , idem Diplomate octen- *periculo*
 nio post scripto hunc in modum testa- *servat*
 tur : „ in expugnatione Castri Galam-
 bocz , apud manus ipsorum Turcarum
 habiti , quod alias obsidione circum-
 vallaveramus , in directione bombar-
 darum „

„ darum nostrarum inibi pro tunc ad
 „ rumpendum muros , atque turres ipsi-
 „ us Castris habitarum , quarum unam
 „ grandiorē ipsemēt Comes Stephanus
 „ tegebāt , et ex ea sagittando cer-
 „ tas ejusdem Castris turres in notabili
 „ parte rupit : in conflictu etiam cum
 „ ipsis Turcis , qui nobis cum nostro
 „ exercitu ab obsidione dicti Castris Ga-
 „ lambocz treugis pacis inter nos , et
 „ Omorath eoruadēm Turcorum Domi-
 „ num pr̄ehabitis , et firmatis removen-
 „ tibus , et secus Danubium absque ul-
 „ la formidine , ad partes Regni noītri
 „ Hungariæ transfretare volentibus , imo
 „ jam majore parte dicti nostri exer-
 „ citus transyadante , fraudulenta hosti-
 „ litate durantibus treugis pr̄euotatis ,
 „ nos , et nostras gentes nobiscum eo
 „ tunc in nostro descensu adhuc existen-
 „ tes , impetuose invaserant , facto , et
 „ initio , ubi dum videlicet nos perso-
 „ naliter coacti etiam ipsum Danubi-
 „ um transfretare volebamus , idem Co-
 „ mes Stephanus cum suis nostræ Ma-
 „ jestatis personam , tunc pr̄e maximis
 „ laboribus , et fatigiis nimium lassa-
 „ tam , ad navem nostram inibi habitam
 „ introduxit , et nisi ejus vigilans ad-
 „ suisset solertia , in manus nostrorum
 „ forsitan incidissimus æmulorum : ipse-
 „ met vero Comes Stephanus in hu-
 „ jusmodi nostro ad navem ascensu , et
 „ introitu , in personæque nostræ de-
 „ sen-

„ fensione in aquam cadens Danubii,
 „ taliter exstiterat demersus, quod si
 „ per certos nostros fideles statim ex
 „ ipsa aqua ereptus non fuisset, utique
 „ ibidem fuisset suffocatus, et extin-
 „ ctus. „ Obiit sub annum 1446. reli-
 ctis ex Cæcilia Comite de S. Georgio,
 et Bozyn, animi plane virilis matrona,
 a) pluribus liberis, quorum nomina sunt:

I. LAURENTIUS III. de cuius mor-
 te Ladislaus Posthumus in Diplomate Lauren-
 anno 1453. dato familie Rozgonianæ, *tius III.*
 ita scribit: „ Dum partes nostræ See ad Oppi-
 „ pusenses, ac Cassovienses, ac cir- *dum Zech*
 „ cum vicinæ, multiplicatis nonnullis la- *cadit.*
 „ trunculis, qui eas non solum vasta-
 „ verant, sed quasi domicilia in eis fi-
 „ xerant, nonnullis ibidem erectis for-
 „ talitiis, immensis malis premerentur,
 „ præfatus quondam Laurentius de Roz-
 „ gon inter cæteros tot malorum for-
 „ tis ultior fuit, aggregatis enim gen-
 „ tibus pariter in exercitu fidelis nostri,
 „ Magnifici Domini Joannis Guberna-
 „ toris, cuius tunc Capitaneus factus
 „ fuerat, contra, et adversus ipsos la-
 „ trunculos procedens, fortalitium eo-
 „ rum in oppido Zech erectum, ipso-
 „ rum tunc principale domicilium, po-
 „ tenti manu pluribus mensibus obse-

G 5 „ dit;

a) Heroicum ejus facinus legi potest De-
 cade II. in Comitibus de S. Georgio,
 et Bozyn.

„ dit ; sub quo quotidie habitis conflitibus, et exercitiis militaribus hostes oppressit, fecitque, ut licet ipse ictu pyxidis casualiter proh dolor ! ibidem interierit, paratam tamen in deditioinem hostes cum fortalitio deduxit, morteque sua mortem multorum innocentum fugavit, et terris in illis gloriose mortis pretio, pacem comparavit. “

2. JOANNES V. de quo infra.

3. STEPHANUS III. quem anno 1431. in vivis fuisse lego.

Raynal. 4. RENOLDUS, vel RAYNALDUS II. *dus II.* cujus idem Posthumus eodem Diplomatico commemoratur : „ præfatus Raynoldus, Comes Temes. et Tavernic. inquit, similiter in ipsius Matris nostræ obsequiis, post multa gesta insignia, quibus honorem ejusdem Dominae Reginæ, et nostrum impugnantibus obvius fuit, captivitatem perfonæ, diraque vulnera passus est, et suscepit. „ Anno 1448. interfuit pugnæ, quæ in campo merulæ commissa est, ex eaque rursum susceptis aliquot vulneribus, ægre se explicuit. Fuit anno 1453. Siculorum, ac subinde Temesienis Comes, demum anno 1471. Tavernicorum Regalium Magister, cui muneri immortuus est, relicta Vidua Elisabetha de Maynberg, et filia ANNA Stephani de Loffoncz anno 1477. Con sorte.

5. OSWALDUS II. itidem anno 1453.

Siculorum Comes, et septennio post Agazonum Regalium Magister. Pater fuit STEPHANI V. OSWALDI III. qui anno 1483. e vivis excedens, reliquit filiam Dorotheam, Stephano Gyulafsi nuptam, et DOROTHEÆ filiæ. Hæc elato Marito suo Emerico de Palocz, pie-tatis operibus, ut mea Adversaria habent, possessionem suam Csernabo, in Comitatu Zempliniensi existentem, Religiosis Dominabus tertii Ordinis S. Francisci in Claustro ad Sanctum Spiritum in Oppido Sárospatak degentibus, una cum Sacello e fundamentis exstrucio, anno 1503. confert.

JOANNEM V. cum Rex Mathias I. sub annum 1471. Judicem Curiaꝝ sua juberet, has literas vulgavit: „ nos vo- „ lentes juxta morem antiquorum Re- „ gum, nostrorum scilicet prædecesso- „ rum, ut armis, sic non minus le- „ gibus, et earum interpretationibus „ idoneis, utilitati Regni nostri con- „ sulere, sive providere, fidelem no- „ strum dilectum, Magnificum Joa- „ nem de Rozgon, Magistrum Taver- „ nicorum nostrorum, cui in compara- „ tione virtutum suarum paria sunt, „ que in promotionem ejus conferun- „ tur; siquidem fidelis, strenuus, in „ consilio utilis, et in omni virtute præ- „ ditus est, in Comitem, et Judicem „ Curiaꝝ nostræ, obeunte condam Ma-

„ gni-

„ gnifico Ladislao de Palocz , hujus-
 „ modi honore potestatis , auctoritate
 „ nostra Regia , et de consilio Præla-
 „ torum , et Baronum nostrorum duxi-
 „ mus præficiendum , et honorem ipsi-
 „ us sibi dandum : ita præficiimus , et
 „ damus per præsentes , cum tota illa
 „ jurisdictione , quam alii Comites , seu
 „ Judices Curiæ nostræ ab antiquo ha-
 „ buerunt . “ Neque tamen diu Joanni
 Magistratu illo perfaci licuit , vertente
 enim anno morbo correptus , vacuum
 morte Stephano de Bathor reliquit . Ex
 Uxore Barbara progenuit : STEPHANUM
IV. GEORGIUM II. JOANNEM VI. CÆ-
CILIAM , et JOBUM ; sed nullius hære-
dem invenio , si JOANNEM VI. demas,

*Joannis
VI. pro-
les.* Qui gemino matrimonio innexus , al-
 tero cum Dorothea Bánfi de Alsolin-
 dva , altero cum Dorothea Pethö plu-
 rium liberorum Pater effectus est , et
 ex priore thoro quidem hi nati me-
 morantur :

1. JOANNES VII. cuius Relicta Mar-
 garetha anno 1481. legitur.
2. CLARA primum Georgio de Ka-
 nisa , deinde Ladislao de Egervára
3. APOLLONIA ; aliis , sed meudo-
 se Susanna , Benedicto de Chák
- BARBARA Michaeli de Frangepan
 nuptæ. Ex posteriore vero :
5. OSWALDUS IV. et
6. STEPHANUS V. in quem , emor-
 tuis cæteris Rozgoniis , amplissimæ Dy-
 nastie

nastiæ devolutæ sunt, ut inter Proceres Hungariæ, qui tunc vivebant, facile copiosissimus esset. Uxorem primam habuit Catharinam de Hederwára, Matrem JOANNIS VIII. PETRI III. et CATHARINÆ Andreæ de Báthor in matrimonium datus, sed Filii Patri præmortui sunt. Mortua Hederwariana ad alteras nuptias aiumum adjecit, A) Christinamque Zerechen de Mezegnyö thoro sociavit, sed et hæc nonnulli filiam CATHARINAM peperrit, quæ quidem ad nubiles annos morte prærepta non pervenit. Stephanus itaque cum videret se masculo hærede orbum esse, ditionesque suas lege patria in jus coronæ reddituras, diligenter egit apud Ludovicum II. Regem, ut bona ejus venia, partem non minimam in generum suum Andream de Bathor, e-jusque Fratres transcribere posset, quod etiam obtinuit anno Domini 1519. Vixit abhinc quadriennium in res, personasque sacras admodum liberalis, tumultu quoque gentem suam intulit anno a nato Servatore 1523.

VIII.

A) Sunt, qui ei, et tertiam Conjugem agscribant, Ursulam videlicet filiam Stephani Török de Enning: verum istud in medio relinqvo.

VII.

D E T H E L E G D.

(Fig. 9.)

Thelegdii de genere Chanad. Gens Csanad, vel quemadmodum pri-
sci scribebant, Sunad, unum ex
vetustissimis apud Hungaros fuit. Me-
minit Thuroczius A) Chanadi, tamquam
unius ex Majoribus D. Stephani Hun-
gariæ Regis. Anonymus quoque Belæ
Notarius Sunadium nepotem Divi Re-
gis vocat; b) verba ejus sunt: *ex cu-*
jus (Gaad) progenie Obtum fuit natus,
quem postea longo post tempore S. Regis
Stephani, Sunad filius Dobuca, nepos
Regis, in Castro suo juxta Morustum in-
terfecit eo, quod prædictio Regi rebellis
fuit in omnibus. Cui etiam prædictus Rex
pro bono servitio suo Uxorem, et Ca-
strum Otham cum omnibus appendiciis fu-
is condonavit. — — Quod Castrum nunc
Sunad nuncupatur. Jam nomine Castri
Sunad, Chanadinum intelligi facile quis-
que videt: quod tametsi conditio Epi-
fco-

A) Parte II. Chronicorum Hung. Cap. I.
B) Historiæ Ducum Hungariæ Cap. XII.

scopatu in Præfulum potestatem pervernit, genus tamen Chanad plagam finitimatam late obtinuisse satis constat, unde verisimilime confit, Sunadi illius posteros, hæredesque fuisse. Atque ab hoc genere oriundos Thelegdios veterum literarum fide tenemus: quod nomen a Thelegd Provinciae Bihariensis opido consecuti sunt, pæstquam illud foritione bonorum adierunt.

Cæterum series Majorum ignota est *Pangratii* usque ad tempora Belæ IV. Regis Hung. *posteri*. sub quo vixit Comes PANGRATIUS de genere Csanad; ejus filius THOMAS habuit quatuor liberos: A) LAURENTIUM, cuius progeniem, quod postrema omnium intercidit, postremo quoque loco adservamus, CHANADINUM, NICOLAM, et PANGRATIUM II. Chanadinus ex Cantore, Lectore, ac quemadmodum nonnulli volunt, etiam Præposito Magno-varadinensi, Episcopus Agrienfis, ac demum Metropolita Strigonienfis, in fragmento Chronicæ Thuroczi-
ani B) ad annum 1329. insigni elogio celebratur:

Eodem

- A) Literis anno 1299. scriptis hi præterea Thomæ necessarii recensentur: GREGORIUS filius Csanad, DOMINICUS filius Barnabæ, BENEDICTUS filius Philippi, et STEPHANUS, ac PAULUS filii Dionisii.
 B) Quod ab III. ADAMO FRANCISCO KOLLARIO tepertum, CL. NICOLAUS SCHMITTH vulgavit in Episcopis Agrienfibus Parte I.

Chanadi- Eodem anno, inquit, *D. Chanadinus ni Episc.* *Episcopus Agrienſis*, filius Comitis Tho-
Agr. et mæ, filii Pangratii de Thelegd, de ge-
litæ Stri- nere Csanad, egregius Doct̄or in jure,
gon. elo- multum activus, ac astutus in omnibus
gium. suis factis, per Papam Ioannem XXII.

Divina providentia Archiepiscopus Strigo-
nienſis creatur, qui mox ſanctuarium
Adalberti glorioſi Martyris, cathedralis
ſue Eccleſie funditus eversum, et tota-
liter demolitum, ſectis lapidibus, et do-
latis, ac curioſis cœlaturis, columnis,
duris basibus, et epiftiliis mirifice fabri-
catis arte latonica; et cum glorioſa teſtū-
dine inchoavit - ac inchoatum opus cum
fenestris vitreis decorando, et exterius
propugnacula faciendo, nec non totam
Eccleſiam tegendo celeriter, et feliciter
consummarit. Nam et eandem Eccleſiam
tabulis deauratis, calicibus peroptimis,
et ornamentiſis pretioſis, ac aliis utensili-
bus Eccleſiarum ſuper omnes ſuos Præde-
ceſſores magnifice, et abundantius opi-
mavit, ac uberioriſ ſucundavit. Mœnia
etiam et turres Caſtri, que p̄e nimia retu-
ſitate, et ex negligentia ſuorum Prædeceſſo-
rum fere approximabant ruinae, fecit
totaliter renovari; turres deſtructas eri-
gere, tegere, et omnia ſtuduit curioſius
melioriari. Nam et alias turres in ro-
bur Caſtri quam plures, altas, et ſoli-
diſſimas aedificavit, inter quas unam Ar-
cem in debiliori parte Caſtri tam fortem,
et altam fieri procuravit, ut omnibus
aliis

aliis turribus præmineret, quam cum solario, et mæniano robورans, ut omnium intuentium appareat oculis, mirabiliter venustavit. Et licet Castrum esset inex-
pugnabile, et firmum propter multiplici-
tatem turrium, ut superius est præmis-
sum, tamen alio muro solido, et for-
ti usque ad Danubium circumvallando,
firmius robورavit. Palatum etiam Ar-
chiepiscopale ab antiquo desertum, et in-
habitabile fecit summo studio restaurare,
et duas capellas de latere palatii consur-
gentes fecit ædificare, omnium oculis gra-
tiosas. Insuper Civitatem Castro annexam
firmam ædificavit, et validam, quam
mænibus solidissimis, et turribus firmis-
simis præmunit, quam etiam Neme-
Varas censuit appellare: in qua quidem
Civitate plures Ecclesiæ fecit confiruere,
quibus dotata necessaria largiter condo-
nacit. Ædificavit etiam Fratribus Mi-
noribus pulchrum Canobium, in posse-
sione propria Thelsgd vocata, quod mut-
tis calicibus, ornamentis diversis, libris
multis, et optimis liberaliter copiavit.
Benedictus Deus! qui talem præfecit Præ-
latum, qui post aurum non abiit, nec
speravit in pecunia, et thesauris, sed
omnia in usum, et utilitatem Ecclesiæ
rum consumpxit pariter, et exegit. Hac-
tenus dictum fragmentum. Obiit autem
Chanadinus sub annum a Christo na-
to 1348:

NICOLAUS ejus Frater genuit tres filios: STEPHANUM, GEORGIUM, et NICOLAUM II. STEPHANUS defecit. Ex GEORGIO nati sunt: NICOLAUS III. nec scio cuius Ecclesiæ Cantor, et PETRUS II. qui anno 1380. floruerunt. NICOLAI II. filius NICOLAUS IV. sub Maria I. *Nicolaus*
IV.Janit.
Regal.
Magister. Regina Janitorum Regalium Magister duos Filios reliquit: JOANNEM VI. et ANDREAM, exstat utriusque memoria, in literis Sigismundi Regis anno 1387. ad Capitulum Varadinense scriptis, quibus eos ob vim alienis fundis illatam in suam præsentiam evocari mandat. JOANNIS VI. filius PAULUS II. anno 1413. ejusdem criminis reus fuit. Neque quidquam abhinc de Nicolai I. posteris reperio, itaque ad PANGRATIUM II. ejus Fratrem redeat narratio.

Fratres hi Filiis suis testamento non parvam æris summam transcripserant, eamque quoad adolescerent, in Sacrario Ecclesiæ Varadiensis affervandam reposuerant. Insimulabatur primum ab illis patruus Chanadinus, quasi eam pecuniariam in fabricam Strigoniensem, cuius supra meminimus, avertisset; eo deinde mortuo, Capitulum Varadinense, et Strigoniense: illud quidem, quod rem alienam invitis Dominis dilabi passum esset; istud vero, quod indidem ædificiorum suorum compendium fecisset. Causa plura tribunalia obivit; sed cum eam Thelegdii nec idoneis tabulis,

hec

uec testibus rite probare possent, Palatini judicio anno 1380. condemnati sunt. Præcipui, qui hitem suscitarunt, erant Pangratii II. Fili: THOMAS III. Ecclesiæ Strigoniensis Lector, ejusque Frater CLEMENS, et ex hoc nati JOANNES IV. AGIDIUS, JACOBUS, et LADISLAUS I. Pangratii nepotes. JOANNES IV. genuit PAULUM I. hic JOANNEM VIII. qui anno 1469. prædium suum Themerkén vendere coactus est, quod ipse pro quibusdam magnis, ut literæ Capituli Chanadiensis habent, et inevitabilibus necessitatibus evitandis, præsertim pro non modica pecunia, quam in redemptione capitis sui de captivitate Turcorum, sævissimorum crucis Christi ini micorum eisdem persolvere haberet. Confors Anna peperit ei quidem filios: FRANCISCUM III. et ANDREAM II. sed num stemma propagaverint? exploratum non est. A)

LADISLAUS I. Joannis IV. Frater habuit filium FRANK, vel FRANCISCUM *Thelegdi*. Linea I. qui anno 1418. floruit, et ab oppido orum de Zombor, quod et sortitione, et nova Zombor. Sigismundi Regis donatione obtinuerat, Thelegdi de Zombor appellatus
H 2 est.

A) Francisco, et Andreæ ad annum 1473. suppare erant Petrus Decretorum Doctor, Magister Capellæ Strigon. et Ladius, incertum ejus filii?

est. Reliquit præter filiam CLARAM Nicolao de Zokol nuptam , duos filios: NICOLAUM V. et LADISLAUM II. quorum uterque a Turcis in campo Merula anno 1448. cæsus fuisse videtur. Ladislai II. filia CATHARINA , quæ ex Anna Drugeth in lucem prodiit, Stephano de Sövényháza in matrimonium data est. Supererant quidem diutius Thelegdii de Zombor , sed cum inopia monumentorum eos connectere non liceat , fragmentum solum , quod præ manibus est , hic adjicere placet ; ita vero habet : „ Anno Domini 1549. Franciscus „ filius quondam Stephani de Sövény- „ háza , ex Catharina filia olim Ladis- „ lai Thelegdi de Zombor progenitus , „ repetit portionem aviticam Thelegdi- „ anam apud manus Elenæ Relictæ , et „ Ladislai , ac Georgii filiorum quon- „ dam Ambroſii Thelegdi , Stephani „ filii olim Nicolai ſimiliter Thelegdi , „ nec non filiorum Michaelis Weſſenyi , „ et Georgii Czibak , ſimiliter filiorum „ ex Anna filia quondam Thomæ The- „ legdi , item Frusinæ , alias Rósa vo- „ catæ Relictæ Sigismundi Thelegdi de „ eadem Zombor exiſtentem.“ A)

LAU-

a) Fragmentum hoc benevole communi-
cavit nobiscum Sp. D Stephanus Nagy
de Csukár-paka S. C. A. M. Confilia-
rius ; cuius liberalitate plura poſſide-
mus , quod hic grati proſitemur.

LAURENTIUS I. Metropolitæ Cha- *Laurentii*
nadini, Nicolai et Pangratii II. de qui- *I. posteri.*
bus supra egimus, Frater natu maximus, Pater fuit JOANNIS I. et THOMÆ
II. Hic anno 1336. cum familia Kaza,
de genere Rátholth, certarum possessio-
num cambium init; sed in PETRO,
et JOANNE III. filiis, ut reor, extin-
ctus est. JOANNES I. progenuit LAU-
RENTIUM II. de cuius posteris infra, et
JOANNEM II. hic JOANNEM V. ex quo
natus est JOANNES VII. qui ex Conju-
ge Elisabetha de Báthor suscepit STE-
PHANUM II. familiæ suæ decus, et or-
namentum.

Erat is anno 1488. Vice- Vajvoda *Stepha-*
nus II. Transilvaniae. Sub Wladislao II. vero *Thefau-*
Hungariae Rege, non solum ærarii Præ-*rarius.*
fectura, et legatione Polonica præclare
functus est, verum etiam in numerum
Senatorum adlectus, anno 1514. lucu-
lenta oratione promulgationem indul-
gentiarum, quas Thomas de Bakocz
Cardinalis Strigonensis in bellum Tur-
cicum ituris impetraveret, disvalit. Hinc
tantum Georgij Siculi, agrestum Ducis
in eum odium, ut captum indigna pro-
fus morte necari curaret, sed eam ma-
lo Istvanfi verbis dare, qui hunc in
modum scribit: A) *Georgius omnem iram,*
vindictæque suæ odium in Stephanum The-
H 3 *leg.*

legdinum effudit, — eum siquidem domum proficiscentem, cum in itinere agrestes intercepissent, nox, et in hanc diem inaudito tormentorum genere, et quod non solum oculi honestorum hominum, sed etiam piæ aures aversentur, et medio toliendum curavit. Funibus enim per testes, et membrum genitale in præalta furca suspensus, Vir clarissimus, et ea calamitate prorsus indignus sagittis, et scopetis, spectante Georgio, miserabiliter interfactus fuit. Lapidem sepulcrale in Templo oppidi Thelegd vivus apparari curavit, cui hæc leguntur incisa:

Eius epiphaphium. Stephanus Thelegdi Regis, deinde Regni Hungariæ Thesaurarius, ex-ternis Regibus notus, charusque, hoc faxum perpetuam tibi, posterisque suis quietem posuit Anno 1505.

Ex Margaretha Bebek de Pelsütz præter tres filias: CATHARINAM Stephani Bathori de Somlyo, Vajvodæ Transilvaniæ; URSULAM Niçolai Bánfi de Nagyfalu, et FRUSINAM, seu EUPHROSINAM Ladislai Zolyomi, et Pauli Artandi Consortes, reliquit NICOLAUM VII. quem Filius homonymus ab obli-vione exemit, cum demortuo sepulcrale vexillum, in eoque sequentes ver-sus innovavit:

Et Nico-lai VII. Nicoleos veteri Procerum de sangvi-ne cretus,

Acer et ingenii virtutibus, acer et armis,

Clara

Clara Telegdinæ tulit hæc insignia,
gentis,
Virtutis monumenta suæ, veterum-
que laborum.
Sed ne longa situ consummeret illa
vetustas,
Filius ejusdem renovavit nominis
haeres
Nicoleos ; patriæ sanctissimus arbit-
ter aukæ,
Addidit et prisco vexilla recentia
busto. A)

NICOLAO VIII. Nicolai VII. filio *Ac Nico-*
epitaphium, quod in Templo Thelegdi-*lai VIII.*
ensi visitur, has laudes adscribit:

Inclyta contulerat, cui gens Theleg-
dia nomen,
Hic tegor Herorum gloria Nicoleus :
Rex tulit a nobis materni sanguinis
ortum,
Qui sedet in folio Sarmatis ora
tuo : B)
Dotibus ipse meis insignia sanguinis
auxi,
Stemmate nec major, quam probi-
tate fui ;

H 4 Numi-

A) Vide Hungarum Tymbaulem continua-
tum pag. 62.

B) Stephanum Báthori Regem Poloniæ
intelligit, de quo Decade I. egimus.

Numinis in primis cultor, fideique Pa-
tronus

Munifica sovi Templa, Scholasque
manu

Candoris nemo vixit studiosior alter,

Nemo fide major, justitiaque fuit.

Arcani, verique tenax, et fortis in
armis,

Acer et ingenio, consilioque sui.

Jam prope lustra decem tuleram, cum
mœsta sepulto

Hunc posuit tumulum Lonia Clara
viro

Obiit anno Domini 1583.

Fuit Nicolaus literarum non mi-
nus, quam literatorum amans: ei Theo-
dorus Beza librum epistolarum anno
1573. inscripsit, et Michael Paxi, ut
studia sua commodius proveheret, sex-
centos Imperiales ab eo donum acce-
pit. Cæterum Nicolaus ultimus linea-
tuæ sive videtur. JOANNES IX. enim
illius Frater, iam ante obiit, ut docet

Nec non vexilli sepulcralis inscriptio, quæ ita
Joannes habet:

IX. Joannes habet hæc proavita Teleg-
dius arma,

Martia quem virtus felicibus extu-
lit ausis,

Fecit, et acceptum Ducibus bellique,
domique

Non unquam mutata fides, con-
stansque voluntas.

Ergo

Ergo licet tellus mortalia texerit ossa,
Clara tamen vivit terrarum fama per
orbem.

En etiam signis fraterna recentibus
auget

Nicoleos vexilla Thelegdius, inclyta
cujus

Gloria non uiquam venientibus ex-
cidet annis.

LAURENTIUS II. Joannis II. Frater,
cujus mentionem supra fecimus, quique *Laurentii*
in aula Ludovici I. Regis Hungariæ an- *II. po-*
no 1374. floruit, Pater fuit *LAURENTII*
steri.

III. Hic ex Conjuge Dorothea genuit
MARTINUM, ex quo natus est FRAN-
CISCUS II. vir pugnax non minus, quam
cautus, cuius industriæ, vigilantiæque
Provincia Bihariensis debet, quod ma-
jora incommoda bello rustico non acce-
perit. Duos ejus filios reperio: NIC-
LAUM VI. A) et MICHAELM, qui ad-
lecta sub annum 1550. in thalami socie-
tatem Sophia Banfi de Loffonez, qua-
tuor liberos progenuit: en eorum
nomina!

1. JOANNES X. de quo infra.

D 5 2. CA-

a) Anno 1580. Nicolaus Thelegdinus fui^t
Episcopus Quinque-ecclesiensis, et Vi-
carius Generalis Strigoniensis; sed num
Thelegdiorum, quos perscribo, neces-
sarius fuerit? definire non ausim. Ea-
dem ratio est de Joanne Thelegdino,
qui inde ab anno 1624. ad 1647. Me-
tropolim Colocensem gubernavit.

2. CATHARINA Nicolai Zokolyi
Consors.

3. BARBARA primum Christophoro
Csapy de Eszén, deinde Sigismando
Rákoczy de Felsö Vadász, qui Prin-
ceps Transilvaniae fuit, nupta.

4. PAULUS III. Hic connubio soci-
avit Catharinam de Warda, sublatisque
ex ea binis filiabus, ineunte Seculo
XVII. fatis cessit. Filiarum altera fuit
CATHARINA, altera ANNA, quæ Mari-
tum Stephanum Nyári accepit. Mor-
tuam is in Templo Kiswardensi sepeli-
vit, marmoreoque tumulo hanc epigra-
phen incidi curavit:

*Anne epita-
phium.*

O sors ! o rabies ! misereri o nescia
Parca !

Tune etiam thalamos lœdis iniqua
meos ?

Mene inter lacrumas iterum gemina-
re querelas

Mors facis ! et totos funera flere
dies !

Anna mei thalami pignus, mea por-
tio , honorque ,

Anna Thelegdiæ gloria summa
domus ,

Ut subito arescis ! super velut aura
virebas ,

Jamque files ! oculos claudis in
orbe tuos ?

O quam te reducem vellem ! sed ro-
bora fati

Obstant , et solidò porta adamante
negat !

I, Jesus jubet, ipse brevi comitabor
euntēm.

Si parili tecum sorte theatra colam.
Jamque abis? hac etiam fama rema-
nebis in arce:

Hie ubi sunt per me membra se-
pulta tua;

Nec male gratus erit, tumulo hoc
qui ponat honores,

Subscribatque pia paucula metra
manu;

Hic Stephani Nyári Comitis, jacet
Anna Thelegdi

Conjux; mens cæli ast incolit alma
domus.

Illustriſſ. Comes, Dominus Stephanus
Nyari de Bedeg,

Comes Perpet. et Supremus Comita-
tus de Zabolch, ac Sacré Cæsar.

Regiæ Majest. Consil. Camerar. E-
ques aureatus, Janitorum Regal. in

Hungaria Magister, obeunti Illustriſſ.

Comitiſſe D. Annæ Thelegdi de ea-
dem, Consorti charifſimæ ſuæ, lu-

gens fieri curavit, anno 1635. die

17. Octobr.

JOANNES X. Michaëlis filius vi- *JOANNES*
tam, quam ex pluribus præliis incolu- *X. ad Ke-*
mem etulit, in pugna Keresztesiensis *refates*
anno 1596, pro patria posuit. Ex Con- *caudit.*
juge Anna Zegnyei de Lapispatak re-
liquit duos filios: FRANCISCUM IV.
natus majorem, et adolescentiorem CA-
SPAREM; ille in ſterili conjugio cum
Doro-

Dorothea Melith de Fryber vixit, hic
ex Susanna Nyári de Bedegh proge-
Stepha- nuit STEPHANUM III. postremum fami-
nus III. lix Thelegdianæ surculum, nullis ex
gentis po- Margaretha Lonyai, quam Uxorem du-
stremus. xerat, suscepitis liberis. Obiit Stephanus
anno Domini 1653. cuius Vidua
haud multo post Stephano Cháky de
Keresztszegh nupsit.

IX.

TÖRÖK DE ENNING.

(Fig. 10.)

Törökiorum, qui primum de Zygeth, *Törökis* deinde ab Enning compellati sunt, *sub Matthia Corvinus* familiam etiā pervetus tam esse non dubitem, quia tamen olim seu sub alio *vino in clare scunt* nomine latuit, sive quia Majores a te- nibus, ut sit, initiis sensim belli, pacisque artibus, atque adeo et fama in claruerunt, ante Mathiae Corvini Regis tempora non est, quod de iis adferam. Incertum scilicet est, num origine Hungari? quove genere prognati sint? quid egerint? quo ordine, serieque fese excepérint?

Sub laudato Rege, cum Austriaci finitimiā Hungariam incursionibus *Ambrosius Comes Soproni* xarent, qui eos reprimeret, Provinciæ Soproniensi Comes datus est *AMBROSIUS. ensis*: Eum munere suo non impigre perfundum suisse, discas ex querelis Friderici Cæsaris, ad quas Mathias Rex hunc in modum respondit: *Petit a nobis Serenitas Vestra*, ut captivi illi, quos filialis noſter Ambrosius Török Comes, et Capitanus Soproniensis tenet in vinculis, nequaquam liberi emittantur; imo potius manibus Serenitatis *Vestrae*, digna facinorum

norum suorum subituri supplicia praesentur: præterea ut præfatus Ambrosius Török operam adhibeat diligentem, quatenus Castrum — — vocatum de manibus ipsorum prædonum eripiatur, et gratia ulterioris illarum partium securitatis funditus destruatur. Noverit vestra Serenitas, quod captivitas hæc hominum illorum, quam præfatus Comes noster fecit, de scitu, et voluntate nostra non processit, verum quoquo modo tales homines capti sint, minime volumus, ut improvidè, ac temere dimittantur. Ad habendum illud Castrum placet nobis omnem curam impendi, quod ubi Deo juvante obtentum fuerit, nos pro parte nostra id facere curabimus, quod utriusque nostrum subditis, et Regnis magis videbitur profuturum. A)

Decessit tamen Ambrosius haud multo post munere Comitis Soproniensis, eoque Sigismundus de Weisprach, qui pro redimenda Hungariæ corona dimidium æris contulisse legitur, exornatus est. Ambrosius vero deinceps in Provinciæ Simighiensis Castro Szigeth, quod liberalitate Mathiæ Regis acceperat, se re privatius egit, nisi quod anno 1479.

Et Banus cum Georgio de Szentesébeth Provin*Zewrini*ciam Zewrinensem Banus administravit. Ejus Frater, vel necessarius fuit

STE-

A) Literæ hæ scriptæ sunt anno Domini
1464.

STEPHANUS, cūjus filia URSULA Francisco de Nadasd, Thomæ Palatini Parenti in manus convenit.

Amicus, cuius beneficio ad fragmentum Genealogicum stirpis Törökianæ perveni, Ambrofio ANDREAM filium adscribit; ego vero et EMERICUM, si ratio temporis habeatur, adjiciendum puto. Genuit porro ANDREAS MARGARETHAM Gabrielis Sullyok de Lekche, HELENAM Emerici Perneszi de Osztopan Uxores, ac fortasse STEPHANUM II. cūjus filia MARGARETHA in arce Papensi anno 1540. nata; die vero 10. Martii anno 1570. Kiraly Helmeczini rebus humanis exempta, Conjux fuit clarissimi Viri, Laurentii Nyári de Bedegh. *Emericus*

EMERICUS jam de Enning, qui lo-
cus est in Provincia Albensi, compella-
tus, magna Joannis Corvini Illyrici Ba-
ni, et Liptoviæ Ducis gratia floruit, e-
jusque liberalitate Castra Cherenth in
Syrmiensi, et Krupa in Zagrabiensi, nec
non oppidum Futak in Báciensi Comi-
tatibus sita, in familiam suam intulit:
eo potissimum agente, et commendau-
te, Banus Castri Nandoralbensis creatus,
Præfecturam Turcis vicinam, difficilli-
mo tempore, magnæ industriæ, vigi-
lantiæque laude usque ad mortem ad-
ministravit, quem anno 1521. oppetiit
sub ipso Belgradi a Solimano Turcarum
Cæsare oppugnandi apparatu, cui si pau-
lulum supervivere concessum fuisset, for-
taffe

taffe Urbs longe clarissima, in barbari potestate non devenisset. Uxorem habuit Christinam de Pákos; filios vero NICOLAUM, cuius ad annum 1511. mémoriam invenio, et VALENTINUM.

Hic Patris in Præfecturā Belgraden-
Valenti- si Successor, num imminentis obsidionis
nus ejus metu, an alia de causa? incertum, non
filius iti- expectato novo Præfecto, Urbe turpi-
dem Ba- ter excessit, ac propterea insequenti-
nus Nán- tibus comitiis proscriptus, et bonis om-
doralben- nibus muletatus est; verum quod ju-
sis. ventæ vitio potius, ut Istvanus scri-
bit, A) et malorum hominum pravis
consiliis, quam sponte deliqueret; du-
cata etiam in conjugem ex Reginæ aula
Marci Pemlingeri filia in gratiam re-
ceptus fuit. Anno 1526. e pugna Mo-

Evadit
ex pugna hatsiana, in qua Regii corporis custos
Mohatsi- constitutus erat, ægerrime evolutus,
ana. deinceps nec Joanni Zapolio, nec Fer-
dinando Regibus satis fidus, patriam
cædibus, et prædis miserrime affixit;
quoad anno 1536. arce Hunyad, et op-
pido Debreczen, quod ei Zapolius 16.
mille florenis inscripserat, captus, huic
constans adhæsit, ab eoque summus Dux
copiarum creatus, et Joanni quamdiu
vixit, et Vidua Isabellæ obsidione præ-
fertim Budensi, quam Rogendorfius an-
no 1541. jussu Ferdinandi I. Regis su-
fce-

sceperat, fortem, fidelemque operam
navavit. Tristem hominis exitum idem
Istvánhus in hæc verba adnotavit: A)
Solymanus Valentinum, quem Budæ pau-
lo ante ceperat, adversa tentatum valetu-
dine, sub eadem custodia Belgradi reli-
quit, constituto ad ejus suslentationem in
quemlibet diem singulo nummo aureo: jus-
famque, ut recuperata sanitate se et Ca-
stra jequeretur; qui tametsi Rustani, et
purpuratis, cæterisque Aulæ Proceribus
maxima munera dando, profuseque lar-
giendo, amplissimas facultates expendis-
set, eumque illi spe, et desiderio optatæ
libertatis, blandioribus verbis diu lacrias-
sent, tandem tamen post duros quinquen-
nii carceres, ad Propontidem septenaria Et Con-
in turri vitam finivit, et scelerum, qui stantino-
bus patriam inimiciter evaslatam, omni poli ca-
que pristina dignitate exutam reddiderat, ptivus
ac postremo barbarorum servituti manci-
paverat, meritas pœnas persolvit.

Reliquit duos filios JOANNEM, et
FRANCISCUM, qui bona ita parti sunt,
ut ea, quæ sub Transilvanica ditione
erant, Joanni, Hungarica vero Franci-
scus cederent: Castra Szigeth, quod ne-
uter in vim Turcarum satis tueri pote-
rat, Ferdinandi Cæsaris manibus, pote-
testatique tradito. Erat Joannes ab eo-
dein Ferdinandu anno 1535. Prior Au- *Joannes*
ra- *Prior*
Auranæ

A) Libro XIV.

tranx creatus , et exstant eatenus literæ , quas collatorias vocant, ubi inter cætera Rex ait: *ita tamen, ut idem Joannes Török, ubi ad etatem legitimam adoleverit, Ordinem S. Joannis summere debeat, quem nos illi, cuius interererit, in eodem Prioratu confirmandum repræsentabimus.* Sed seu quod Auranam biennio post Turca occupavit, sive quod Joannes a Religioso vitæ genere abhorruit, nihil eatenus factum invenio. Cæterum fuit Vir militaris quidem, sed adeo præferoci ingenio, et ad miserendum flecti nescius, ut propriam Conjugem Barbaram, Melchioris Balassa Sororem verine? an falsi adulterii insimulatam, et Deum, hominumque fidem nequidquam implorantem, capitis supplicio anno 1550. afficeret. Eodem anno, nè in Castris Turcarum militare cogeretur, ab Isabella Regina committatum accepit; ante tamen, ut Patris manibus inferias litaret, Fervaga barbarorum Duce cæso, imperfectoque. Anno 1557. eidem Isabellæ quater mille florenos dedit, quibus vacillantem Oppidi Debreczen possessionem sibi adfirmavit. Abhinc quamdiu vixerit? quo-
ve mortis genere obierit? haud constat.

Genuit filium JOANNEM II. de quo nihil , quod addam , habeo , et VALENTINUM II. cuius acta pariter obscura sunt, verisimile est Transilvaniam incoluisse , ubi etiam ejus Conjuræ in templo
pagi

pagi Valachici haud procul Deva tumulata est. Mortuæ nomen, et familiam ab oblivione vindicavit lapis sepulcralis, cui hæc incīla sunt:

Sub hoc faxo jacet Domina *Valentini*
Catharina Czerepuit, Magnifici Domini
Valentini Török Conjux.

Olczaravit mœrens hoc Margaritha
 sepulcrum

Condiderat natæ quæ Catharina suæ
 Ista Virum Kató A) dilexit amore,
 Deumque:

Hanc genus, hanc pietas, nobilitatque thorus.

Obiit Catharina anno Domini 1572.
 Altera Valentini Uxor fuit Margaretha
 Orbaj, ac duo liberi: JOANNES III. B)
 qui tunc hærede decepit, et CATHARINA,
 c) quæ primo nuptias cum Michaeli
 Dengeleghi, alteras cum Michaële
 Vadász iniit.

FRANCISCUS Joannis I. de quo supra, Germanus Frater, ut ea tempora scus Vir
 ferebant, ætatem fere belli posuit, con- militaris
 I 2 scri-

A) Catharina Hungaræ est Kató, vel Kata.

B) Suppare huic erant ad annum 1589.
 alter Joannes, et Barnabas filii quoniam Thomæ Török de Enning; at cujus filius fuerit Thomas? ignoratur.

C) Catharinam Török de Enning Uxorem Stephani Cháky de Mihály lego: num autem eadem cum superiore lit, non invenio.

scriptasque ex suis fundis copias, quo patriæ necessitas postulabat, dubitavit. Severus militaris disciplinæ exactor Petrum Szél, quod ex arce Kaposvár clam ausfugiens, eam Turcis occupandam reliquisset, Papæ comprehensum, ex præalta furca suspendit. Ejus potissimum industriae, virtutique debetur Vesprimium anno 1566. a nostris interceptum. Matrimonio sociarat Barbaram Orszagh de Guth, quæ elato Marito, primum Ecchio Comiti Salmenſi, deinde eo quoque Jaurini anno 1571. die 14. Maji e vivis erepto, Francisco de Geszth nupſit. Peperit ea Törökio quatuor liberos, quorum nomina sunt:

*Stephanus III.
ultimus
gentis.*

I. STEPHANUS III. Vir apprime militaris, et pluribus expeditionibus, quæ in Turcas suscepτæ ſunt, notus. Tumulto Botskajano adeo abripi ſe non ſivit, ut Arcem Vásonkö, quam hōftes anno 1605. fraude occupaverant, pari et ipfe dolo eodem anno Cæſari restitueret. A) Fuit literarum admodum amans, et Typographum, quod Majo- res ſui Papæ intulerant, florentius effecit. Cum duodecim aetatis annum age-ret, Petrus Bornemisza quartum volu-men ſuarum Concionum, quæ anno 1578. Sempthaviæ lucem conſpexerunt, ei inſcri-

A) Vide Chronica Hungarica Gregorii Pe-thö ad eundem annum.

inscribere nihil dubitavit. Diem èt annum ejus emortualem Georgius Zawodsky in suo Diario in hæc verba adnotavit : *Anno Domini 1618. die 3. Junii Spectabilis, et Magnificus Dominus Stephanus Teoreök, præsidii Papa Capitaneus, et Consiliarius suæ Majestatis, fatis concessit ætatis suæ anno 54.* Obiit autem nulla relieta sobole, quanquam tres ex ordine Uxores duxisset. Prima erat Catharina, Joannis Rueber de Pyxendorf celebris Herois filia, quæ primam lucem anno 1563. aspexit. Hac communi legi succumbente, duxit Helenam Tapoltsányi de eadem, ac demum Margaretham Pethö de Gerse, quæ plures annos Marito superstes vixit.

2. SUSANNA Pauli Nyári de Bedegh,
 3. EUPHROSYNA Stephani Drugeth de Homonna Consortes.
 4. HELENA, quæ anno 1570. in vi-
vis fuit.
-



X.

ZUDÁR DE OLNOD.

(Fig. 11. & 12.)

Zudarii **Z**udarianum nomen recentius est, neque ex etate Ludovici I. Regis Hungariae excedit, quamquam familia ipsa longe vetustior est; sed cum sub nomine de Bulch ante latuerit, neque plura monumenta eatemus confecta videre licuerit; quo genere? quibus item Majoribus oriunda sit? compertum non est. Meminit quidem et Thuroczius A) Bulchu unius ex Majoribus D. Regis Stephani, et rursum idem Thuroczius, et Anonymus Belae Notarius B) alterius Bulsu incliti et gloriofissimi militis, *Zultae Ducis Hungariae*; at num ab iis propagati sunt Zudarii? in tanta temporum illorum caligine quis affirmet? missis itaque dubiis, et incertis.

*Dionysii
de Bulch
filii.*

Floruit sub Carolo I. Rege Dionysius de Bulch, cuius tres filios lego: DOMINICUM, JOANNEM, quem verisimile est defecisse, et ALEXANDRUM.
Hic

A) In Chronicis Hungarorum P. H. C. I.
B) Hilloriæ Ducum Hungariæ Cap. LV.

Hic in tenera ætate Varadini literis o-
peram dedit, cuius rei testis supereft
Epiftola Senatus Varadiensis, ad Kalla-
ios Alexandri neceſſarios, hoc tenore
data: „ Nobilibus Viris, et honestis,
„ Magistris Emerico, et Petro filiis Si-
„ monis de Kálló amicis suis reveren-
„ dis: Petrus, et Jacobus Judices de
„ Varadino, ac jurati, et universi Ci-
„ ves de eadem ſincereſ salutis effectum.
„ Noveritis, quod Domina relictā Pau-
„ li, quondam Sartoris de Varadino,
„ nunc autem Uxor Fyuche Corrigato-
„ ris, fecii, et concivis nostri, coram
„ nobis personaliter comparendo, dixit
„ ſana mente, ſpontaneaque voluntas
„ te, quod ipſa Alexandrum filium Dio-
„ nysii de Bulch, tempore puericiæ ſue,
„ dum idem ſcholas Varadini frequen-
„ taret, per annum pro tribus marcis
„ fuiffet pacta habere euadem, et ipſo
„ anno completo absque aliqua ſolutio-
„ ne facta, idem furtive receffifet, cu-
„ jus pecuniæ medietatem ipſa ad reci-
„ piendam, et rehabendam Benedicto
„ filio, ſuo ex prædicto Paulo, filiolo ſuo,
„ præſentium exhibitori commiſſifet, et
„ commiſſit coram nobis. Quocirca pe-
„ timus vos diligenter, quatenus cum
„ ipſe Benedictus pro ipſa pecunia pro-
„ hibitionem fecerit, eidem justitiæ fa-
„ ciatis complémentum, ut ipſam pecu-
„ niā rehahere poſſit ab eodem.
„ Datum Varadini feria 6. proxima poſt

„ festum omnium Sanctorum anno Do-
„ mini 1347. “ Ex ALEXANDRO natus
est PETRUS, ex hoc GREGORIUS, cuius
filius NICOLAUS anno 1455. portionem
Bulchensem familie Kiswardaianæ too-
florenis pignori opposuisse legitur, sed
nos ad DOMINICUM Zudariorum paren-
tem redeamus.

*Domi-
nus Zuda-
riorum
Pater.*

Suscepit is ex Uxore Catharina de
Kallo, septem Filios, quorum plerique,
regnante Ludovico I. honestissimos Ma-
gistratus consecuti sunt. Pro quarta,
quam puellarem vocant, anno 1354. ces-
sit eis familia Kallaiana vicos Balkány,
et Guth in Szabolcsenii; Béltek, Ban-
háza, Körtvélyes in Szatmariensi, et
Dersik in Krazneusi agro sitos, ipli-
etiam latifundia, quæ in Comitatu-
Zagrabieni possidebant, cambiaron, et
a posteris Mykh Bani Castrum Uj-
vár, quod in Provincia Sárotiensi est,
anno 1370. acceperunt. Porro in hæc
Regiis, quæ cambium illud complectua-
tur, hoc ordine recensentur:

Petrus
*post mi-
nores Ma-
gistratus,*
Banu-
Szlv. et et omniū bellorū, quæ Ludovicus
Vajvoda I. Rex Hungariæ gefferat, comes. Inter
Rujsiæ. Præfecturas, quas administravit, hæ
præcipue sunt: anno 1358. rexit Pro-
vinciam Sárosiensem Supremus Comes,
una Castellanus de Diosgyör; triennio
post

post Pincernarum Regalium Magister, ac sub anno 1360. totius Sclavoniæ Banus renunciatus, eo munere ipsos duodecim annos continenter perfunctus est; abhinc Russiam, seu hodiernam Galliam, et Lodomeriam Hungariæ rursus adjectam, titulo Vajvodæ gubernavit, quoad honorum, et publicorum munerum satur, ad quietem respexit, eamque impetravit. Provinciæ Borsodiensis Castro Olnod, hodie Onod, unde sibi gentique suæ axioma peperit, vicinum est prædium Lád, ameno inter fluvios Sajonem, et Hernadum loco: huic Religiosos Eremitas D. Pauli cum Fratre Georgio anno 1387. intulit, et ut haberent, unde se alant, fundis, et censibus locupletavit. Reliquit Viduam Dorotheam, incertum qua familia natam, et duos filios, de quibus infra.

2. STEPHANUS ad annos 1378. et *Benedictus de Makowicz co-nomina-tus.* insequentem Janitorum Regalium Magister, Pater fuit GEORGII II. NICOLAI, qui post annum 1388. defecisse videntur, et BENEDICTI. Hic novo axioma de Makowitz (amplissima Dynastia est in Comitatu Sárofensi) utebatur; certe literis publicis, quibus Sigismundus Rex Hungariae XIII. Oppida Scepusiensia Polonis pignori dedit, eo titulo subscriptus legitur. Cæterum et ipse, et ejus necessarii vicinis Bartphensibus graves, molestique erant, neque eos metalla rimari, colereque finebant; quod cum

I 5 Rex

Rex Sigismundus intellexisset, acrem
ad eos perscripsit, eatenus epistolam,
cujus finis ita habet: „ alioquin com-
misimus, et serie præsentium firmiter
committimus, fidelibus nostris Magni-
ficis Viris, Petro filio Henrici de
Berzevicze, Magistro Tavernicorum
nostrorum, et Johanni de Rozgon,
summo Thesaurario nostræ Majestatis,
et Comiti Comitatus de Saros, ut
ipſi in exercendo labores prædicta-
rum minerarum præfatos nostros Ci-
ves, et alterius status homines, con-
tra vos protegant, et tueantur, ut
de cætero continue dicti labores præ-
dictarum minerarum, et urbicularum
exerceantur sub nostra protectione
et tutela speciali: aliud in præmis-
sis nullo modo facere ausuri. “ A)
Erant BENEDICTO duo filii: JOANNES III.
et PETRUS II. qui num stemma propa-
gaverint? haud constat; illud de Joa-
nne reperio, quod anno 1428. in mat-
rimonio vixerit cum Hedvige de Pálócz,
olim Nicolai de Peren Conjuge.

*Michael
Janito-
rum Re-
gal. Ma-
gister.*

3. MICHAEL ad annum 1376. iti-
dem Janitorum Regalium Magister, quem
optima ætate florentem, improlemque
obiisse suspicor: ejus Vidua, cuius nec
nomen, nec familiam reperiri potui, ta-
edio rerum humanarum capta, in Cæ-
no-

A) Literæ signatæ sunt Cassoviæ, in vi-
gilia Corporis Christi anno ejusdem 1419.

nobium B. M. V. de Nagy Patak fecerit, ibique inter sacras Deo Virginem et ipsa Sanctimonialis vitam clausit.

4. SIMON, quem ante annum 1370. e vivis excessisse oportuit, cum in supra nominatis Ludovicæis literis non recensetur.

5. GEORGIUS anno 1373. Comes, *Georgius Vajvoda Russiæ.*
et Castellanus de Sarus, biennio post Curiæ Regiæ, deinde Pincernarum Regalium Magister, ac demum sub annum 1382. Vajvoda Russiæ, filium habuit DOMINICUM II. cuius memoria superstet in literis Conventus Lelesziensis anno 1395. scriptis.

6. JOANNES II. humanis, Divinisque literis egregie excultus, ac in Italia, ubi diutius studuit, Decretorum Doctor renunciatus, in patria primum Custodiæ, deinde Præposituram Ecclesiæ Albæregalensis obtinuit: obiit post annum 1396.

7. EMERICUS in vestigia Joannis Fratris ingressus, et sacræ militiæ ad eius Escriptus, ex Præposito Colocensi, Episcopus Agriensis factus, regimen multis litibus impeditum habuit, quod Capituli sui decumas in usum mensæ Episcopalis averteret. Sunt, qui eum in hac Sede obiisse velint; at ad Imolensem in Italia Cathedram translatum fuisse, docet Urbani V. Pontificis bulla, quam Luceria Pontificatus sui anno 7. ad Joannem de Kanysa, electum Agriensem dedit.

dit. Verba, quæ huc faciunt, sunt : *Sane Ecclesia Agrienſi ex eo vacante, quod nos nuper Venerabilem Fratrem noſtrum Emericū Imolensem, tunc Agrienſem Episcopum, licet absentem, a vinculo, quo ipſi Agrienſi Ecclesiæ, cui tunc præerat, tenebatur, de Fratrum noſtrorum confilio, et Apostolicæ potestatis plenitudine absolventes, ipsum ad Ecclesiā Imolensem, tunc Paſtore carentem, authoritate Apostolica duximus transferendum.*

Jam Petrus Banus, de quo supra, progenuit filios: JACOBUM, et SIMONEM II. hujus nullos hæredes reperio; ille sub annum 1422. vivere desit, relictæ Conjuge Catharina. Exstat hujus epistola latina, propria manu conſcripta, qua incolis vicorum Luzan, et Bujak præcipit, ut deinceps novis Heris pareant, quam eo Lubentius huc inserimus, quo rariores Heroidum Hungaricarum esse scimus, in hunc vero modum exarata *Cathari-* est: „ Præmissis omnibus, et singulis næ Zudariæ epijo-“ Jobagyonibus nostris, in possessioni- la latina, „ bus Luzan, et Bujak, quibus expe-“ dit universis, quod nos Magnifica Do-“ mina, Relicta condam Jacobi, filii“ Bani de Olnod, damus pro memoria,“ quod secundum convenientiam Nobi-“ lium Virorum Joannis Gombos dicti,“ nec non Benedicti de Thernye, una“ cum eorum Fratribus inibi, cum qui-“ bus exstitissent statuti, sed secundum“ dispositionem nostram, nos prænota-“ tos

„ tos Nobiles transmisimus in medium
 „ vestri , more solito regere , et gubernare. Ideo serie præcipientes manda-
 „ mus vobis , quatenus mox viis præ-
 „ fentibus , supradictos Joannem Gom-
 „ bos , et Benedictum de Thernye , una
 „ cum eorum fratribus , tanquam Do-
 „ minos vestros naturales , secundum
 „ quod ab antiquo foret constitutum ,
 „ — Scriptum in Olnod Sabbatho pro-
 „ ximo ante festum B. Dionysii Mart.
 „ anno Domini 5435. ,

Hæc porro Catharina Mater fuit *Simon*
 SIMONIS III. et JACOBI II. Ille sub Wla- *III. Pin-*
 dislao Polono , et Ladislao Posthumo *cernar. et*
 Pincernis , sub Mathia vero de Hunyad *Curiæ*
Magister
 Curiæ Regiæ Præfector , avitis ditioni-
 bus plures , quas inter Tokainum etiam ,
 adjectit. Anno 1460. Janitorum Rega-
 lium Magistrum suisse testatur autogra-
 phum , quo Bartphensibus significat , Ca-
 stellum Serke e potestate Bohemorum
 vindicatum , et ab Rege Mathia expu-
 gnatum esse. Ejus hæredes non reperio.

JACOBUS II. Simonis III. Frater ma- *Jacobus*
 gna Regis Mathiæ gratia floruit. Vidi *III. ulti-*
 plures Epistolas , quibus Jacobum de *mus gen-*
 rebus suis certiore facit , ab eoque vi-
 cissim de rebus Hungariæ superioris edo-
 ceri petit ; en earum unam ! „ Magui-
 „ ficè fidelis nobis dilecte ! Pro certo
 „ scimus , quod prout fidelem subditum
 „ decet , de nostris prosperis successibus
 „ gaudetis : ob hoc quæ bene , et pro-
 „ spe-

„ spere ad honorem , et voluntatem no-
 „ stram in his partibus Regni nostri Transfil-
 „ vanis omnia succésserunt, vestræ fidelita-
 „ ti præsentibus duximus notifica da A)—
 „ Quantum etiam ad alia , res nostræ
 „ in omnibus bene stant ad nostrum
 „ commodum , et honorem. Præterea
 „ rumorem ad nos deferentem intelle-
 „ ximus, quod in illis partibus quidam
 „ tumultus insurrexisse, et quod novæ
 „ gentes ad ipsas partes Regni nostri ,
 „ animo nocendi introduci conarentur,
 „ et cum nos illi tumultui , si , et in
 „ quantum in veritate erit , obviare vo-
 „ lumus , et providere , et cum Dei au-
 „ xilio curare , quod et vos , et terra
 „ illa ab omnibus nocumentis , eum bo-
 „ na pace permaneatis : quamobrem fi-
 „ delitati vestræ harum serie firmiter
 „ mandamus , quatenus si hujusmodi tu-
 „ multus insurgere , et gentes novas Re-
 „ gnum nostrum nocendi animo ingre-
 „ di certitudinaliter cognoveritis , ex
 „ tunc quamprimum nos superinde red-
 „ datis certiores , ut eisdem tempesti-
 „ ve resistere possimus, — — Datum
 „ in Koloswár feria 4. proxima post fe-
 „ stum B. Matthæi Apostoli , et Evan-
 „ gelii-

A) Fragmentum , quod exmittimus , oppor-
 tuniore loco alias inferuimus , Collecta-
 neorum videlicet Historico - Genealogi-
 corum Decade II. in Comitibus de S.
 Georgio , et Bozyn.

„ gelistæ anno Domini 1467. Regni no-
„ strī anno 10. coronationis vero 4. B.). „

Genuit Jacobus filiam ANNAM, sed
hæc Patri præmortua videtur, stemma-
que Zudarianum inclusit sub annum 1470.
defunctus. Bona ejus, quæ amplissima
erant, de more ad Regni coronam re-
ciderunt; ex quibus Makoviczam fami-
lia Rozgoniana, Onodinum vero Thar-
czajana, sed multo serius, adepta est.

b) Inscriptio literarum hæc erat: *Magni-
fico Jacobo Czwdar de Olnod, fideli no-
bis dilecto.*


Michaelis Bodij

Fig. 1.



Ex Sigillo Anni 1530.

Fig. 2.



Anni

1596.

Fig. 3.

*Bartholomei Braghi
Wawod. Frenysilr*

A 4.

97.




Fig. 6.




Fig. 7.

*George
Comitis*




Ex Sigillo

Jacobi Zudor de Olnod

Ex Sigillo

Anni 1409.




Ex Sigillo Anni 1422.

Fig. 12.

Simonis Guidarde Ob.




Ex Sigilo Anni



0 anni 147

Ex lapide sepulcrali Thelegdiensi.

000



000 1445.

COLLECTANEA
GENEALOGICO - HISTORICA
ILLUSTRIUM HUNGARIAE
FAMILIARUM,
QUAE JAM INTERCIDERUNT.

EX

MS. POTISSIMUM ERUIT, ET SCUTIS
GENTILITII AUXIT

CAROLUS WAGNER,

CONDAM BIBLIOTHECAE UNIVERSITATIS REGIAE
BUDENSIS CUSTOS.

D E C A S IV.

Cum X. Scutis gentilitiis ari incisis.

*POSONII, PESTINI, ET LIPSLAE,
TYPIS ET SUMPTIBUS
JOAN. MICHAELIS LANDERER, DE TUSKÁT*

CONSPECTUS FAMILIARUM

D E C A D I S IV.

- I. APAFI DE APANAGYFALVA.
 - II. DE BOCHKA vel BOCHKAJ DE KISMARIA.
 - III. CHAPI DE ESZÉN.
 - IV. DERSFI DE ZERDAHELY.
 - V. ELDERPACH DE MONYOROKERÉK.
 - VI. — — — DE GARA.
 - VII. LÓRÁNDFI DE SERKE.
 - VIII. ORSZÁGH DE GUTH.
 - IX. RÁKÓCZI DE FELSÖ VADASZ.
 - X. — — — DE ZOKOL.
-

I.

APAFIDE APANAGYFALVA.

(*Fig. I.*)

Illustris familiæ Apafianæ , quæ jam
desit , & Betlenianæ , quæ apud *Apafios*
C. Betlen
Transilvanos in præsens quoque floret ; eundem Authorem esse plerique , quos *ex genere* *Aba de-*
hactenus legerim , consentiunt . Facem dicit .
iis , nisi vehementer fallor ; prætulit C.
Alexius Betlen , qui ramī utriusque Ta-
bellam Genealogicam contexuit : ordi-
tur , ut olim fieri amabat , ab Atila
Bendecuzi filio , delabiturque ad Sarol-
tam S. Stephani I. Regis Hungarorum
Sororem , & Abz itidem Regis Hunga-
ræ conjugem , *ex cuius genere* , inquit ,
testantibus id ipsum literis Andreae Regis
Hungariae sub Sigillo autentico , descen-
dit C. Marhardus . Quæ quidem quo
pertineant , qui in rebus patriis hospes
non est , facile videt .

Porro Comiti Marhardo adscribit
quinquæ filios hoc ordine : *Bochon* , qui
in Ilsvaszegh in confliktu , quo Henricus
Palatinus cum duobus filiis captus est ,
at deinde sub Castro Faurin . per Teuto-
nnes occupato , in brachio letbale vulnus ac-
cepit , qui genuit Paulum 2. Bencz. 3.
Bencze Comitem , qui dum Stephanus ju-

nior Rex Hung. Dux Transilv. persequen-
tibus ejus Parentibus Castrum Feketéba-
lom adiisset, memoratus Bencze dictum
Castrum cum eodem Rège intrans, & in
eodem permanendo, multa, & grata ser-
vitia impendit Regi; qui genuit Magi-
strum Matthæum, & Michaelem 4. Chák
Banum, qui Dominicum. 5. Betlen, qui
ut ex familia Hungariae Regum Panno-
nicæ imperantium se ortum ostenderet, in-
signibus in sue domus decus: serpente
tortuose caudatenus super annixo, ore
pomum Imperii Hungarici, diademaque
Regium capite gestante, velut Regiae Ma-
jestatis monumento uti meruit. A).

Et

A) Hoc loco dictus Comes subjicit ap-
pendicem, quæ ita habet: *Hi Bochon,
Bancz, Bencze, Betlen fuerunt Tarni-
ci Regis, qui vulgariter Kurmis-Tar-
nok dicuntur.* Idem, & filii eorum
tempore Ladislai IV, cum Budam in-
vasissent Barones, ac hosties capitales,
ipius Regis infideles, ibique, & in cir-
cumiacenti terra vastitates, spolia, in-
cendia, cœdes, exsirrationesque vincâ-
rum committerent, aliis fidelibus Re-
giae Majestatis se adjungentes, ac infi-
deles Barones irruentes, viriliter con-
tra illios dimicarunt, ubi Matthæus vul-
nus lethale accepit, & Frater ejus Mi-
chael capite est truncatus. Cæterum cum
Rolandus filius Rolandi, gener Stephani
filius Marci infideles ejusdem Regis, cum
iuri complicibus insurgentes, ad spolian-
dum,

Et de armis utcumque sit, in alia *Husztius*
 tamen abit Andreas Huszti; A) qui quan- *vero ex*
quam & Apafiorum, & Betleniorum eu- *genere*
dem stipitem fuisse credit, ex diverso *Becha-*
tamen prorsus genere, quam laudatus *gregor.*
Comes velit, utrosque profluxisse, alios-
que eorum Majores sub idem fere
tempus vixisse docet. Verba ejus sunt:
Liceat - unum duntaxat adjicere In-
strumentum literale, omni memoria di-
gnissimum, in quo duarum in Transil-
vania illustrium, earumque Principalium
nempe Apafi, ac Betlen nuncupatarum fa-
miliarum truncus, & origo continetur,
cujus tenor talis est: „Bela Dei gratia
„Hungar. Dalmatiae &c. Regum est
„causas legitime terminatas, literarum
„suarum testimonio roborare, & ne li-
„tes ex litibus orientur, litigantium
„calliditates obviare. Proinde ad uni-
„versorum notitiam tenore praesentium
„volumus pervenire: quod cum inter
„Apam filium Comitis Joannis, Diony-
„sium filium Demetrii, Johannem, &

A 3 „Er-

dum, & defruendum Comitatum Alben-
sem venissent, hi prænotati cum aliis
confusgentes, cum iisdem certamine ha-
bito, victoriam laudabilem sunt adepti.
Pro quibus meritis donati sunt possessio-
nibus Lectiferorum - in Comitatu Al-
beni in Hungaria, ac prædio Gyula in
Insula.

A) In opere MS. de Wajvodis Transilva-
 nis, & Comitibus Siculorum.

„ Erney , & Magistrum Laurentium
 „ Præpositum S. Irenæi , ac alios Co-
 „ gnatos suos de genere Bechagregor
 „ ex una parte ; Comitem Dionysium
 „ filium Becha , & Laurentium filium
 „ Laurentii de eodem genere ab altera,
 „ super Patronatu duorum Monasterio-
 „ rum , quæ Peturmonustura , & Die-
 „ nusmonustura vulgariter nuncupan-
 „ tur , & super possessione Taman no-
 „ mine cum suis pertinentiis , quæ fu-
 „ erat Boti Comitis de generatione
 „ eorundem : de quibus quidem Mona-
 „ steriis medietatem juris Patronatus ,
 „ & similiter de possessione memorata
 „ idem C. Dionysius & Laurentius , a
 „ memoratis Laurentio Præposito , A-
 „ pa , & Cognatis eorundem medie-
 „ tatem requirebant , in persona Om-
 „ pudini filii Omodei Comitis pro
 „ C. Dionysio , & Laurentio duellum
 „ in armis , & equis adjudicassemus ,
 „ A) Husztii itaque judicio & Apafii , &
 „ Betlenii de genere Bechagregor oriun-
 „ di sunt : quod cum Comitis Alexii sen-
 „ tentia prorsus non congruit ; sed cum
 „ hic gentis suæ Tabularium perspectum
 „ habuerit, indidemque , ut conjicere pro-
 „ num

A) Clausula literarum hæc est : Datum
 per manus Magistri Smaragdi Aulæ no-
 stræ Vice Cancellarii , electi Colocensis,
 dilecti , & fidelis nostri Anno Domini
 1258. Regni autem nostri anno 23.

*Sed illi
 videtur
 major fi-
 des ha-
 benda.*

num est, Genealogiam confecerit, Husztium, eatenus lapsum dicere nihil vetabit.

Jam dictus BETLEN Pater fuit trium Filiorum; sed nos missis cæteris, unius OLIVERII Apafiorum satoris progeniem persequemur. Ex Oliverio natus est JOANNES ob insignem religionem, candidosque mores vulgo Pater, Hungaris APA, vocatus; ex APA præter alios filios JOANNES, ex Joanne *Nicolaus* APA II. ex hoc denique GEORGIUS, *Apafi datus*, PETRUS, JACOBUS, ac NICOLAUS, Apafi seu Apæ filius dictus, qui, verba sunt Comitis Alexii, Regiae clementiae virtutis, ac pacis documento, suæ posteritatis ornamento galeam vertice tenuis accinace subtus transfixam, vitis sacræ arboris trunio impositam, virenti palmite, & maturos botris incumbratam usurpare, ac insignia Betleniana commutare voluit, & scriptus est cognomine de Apa-nagyfalva.

NICOLAUS, ut mea tabella habet, *Eius postea* genuit ANNAM Joannis Vajvodæ, steri filii Petri Vajvodæ Consortem, & LADISLAUM, cuius filio MICHAELI titulus Vajvodæ Transilvani adscribitur. Ex MICHAELE progeniti sunt quatuor filii:

A) Cl. Josephus Benkö, apud quem Transilvaniæ Tomo II. pag. 369. prolixior series Apafiorum videri potest, Nicolai hujus Parentem Petrum facit.

1. FRANCISCUS, qui in Filio NICOLAOU III. & nepote FRANCISCO II. a) defecit, cum hic nonnisi filiam MAGDALENAM eduxisset, quæ geminis nuptiis innexa, Balasium Miko de Orofz-faja, & Blasium Bogáthi Maritos habuit.

2. SIGISMUNDUS improlis.

3. LEONHARDUS GEORGII, & LADISLAU II. Pater, quorum ille in GABRIELE, hic in EMERICO, & GASPARE Claræ Károlyi Conjuge, filiis defecit.

4. NICOLAUS II. qui stemma per GREGORIUM natum propagavit, filiorum enim alter WOLFGANGUS, quanquam ex Uxore Helena Sármasaghi STEPHANUM progeniisset, hic tamen ex primo thoro Elisabethæ Kenderessi duas tantum filias BARBARAM, & ELLSABETHAM procreavit, altera Conjuge Anna Pereszi de Osztópan sterili demortua. Fuit STEPHANUS apud Christophorum Bathori Principem Transilvaniz summo gratiæ loco, ejusque Curiæ Magister, & Capitaneus arcis Déva, obiit a reparata salute anno 1584.

GREGORIUS, de quo supra, Isabellæ Hungariæ Reginæ, & filii ejus Joannis Sigismundi supremus Aulæ Præfectus, tres Uxores habuit: primam Eli-

A) Barbara de Wárda alterutrius Francisci Uxor fuit, quam ad annum 1537. Relictam lego.

*Stepha-
nus Cu-
riæ Ma-
gister in
Transil-
vania.*

*Grego-
rius Au-
læ Tran-
silvanæ
Præfe-
ctus.*

Elisabetham Terjek, alteram Annam Despotum ex familia Despotarum Rascie oriundam, postremam denique Elisabetham de Gerend, ac totidem natos, videlicet: LEONARDUM II. qui in conjugio sterili cum Anna Bánfi diem supremum clausit, BALTHASAREM *ἄπειχον*, & NICOLAUM IV. Comitatus de Kükölö Supremum Comitem, qui ex Margaretha Orbaj Valentini Török Vidua, præter FRANCISCUM III. filium, Gabrielis Báthori Principis Transilvaniæ Supremum Cubicularium, suscepit GEORGIUM II. cuius elogium, & mortem monumentum Almakerekense exhibit in hæc verba:

D. O. M. S.

Magnificus DD. Georgius Apafi de *Georgii Apanagyfalyva*, Celsiss. Transilv. Princeps ab intimis consiliis, itemque Comitatus de Küköllö meritiss. & Adfessor Tabulæ Judicariæ laudatiss. postquam invicta Christiani pectoris patientia, pertinacem capitis dolorem tolerasset, animam suam pie juxta, ac hilariter Deo Creatori, & Redemptori suo reddit Anno Xti 1635. ætatis sue 47. die 18. Februar. inter tertiam & quartam horam mortalitate sua hic deposita.

Commendare solent alios quæ singula:
la: Apafi.

In te certatim cuncta videre licet.
Stirps antiqua tibi, generoso pectus
honesto

Excoctum, conjux Turturis instar
amans,
Natorum series, series & avita bo-
norum,

Legati gravitas, consilii integritas,
Ingenius vultus, mores gravitate ni-
tentes,

Inque Deum pietas, inque homi-
nes probitas;
Hæc tibi dum vixti, Divino munere
vidit

Zoilus ipse data. Hic vidit & hoc-
ce datum:

Corde quod infracto superasti prælia
morbi,

Et contempsti spicula mortis ovans.
O felix animi! tribuit miseratio Jovæ
Vivere cui sancte, cui placideque
mori.

Generosa DD. Barbara Petki Magnifici
DD. Joannis Petki Consiliarii, Cancell.
ac Sedis Siculicalis Udvarhely Capita-
nei nec non Comitis Cottus Dobo-
czenis quondam Transilvaniæ con-
sultissimi Filia, Marito eheu desidera-
tissimo, Filio svavissimo superstes,
hoc monumentum honoris, & amoris
ergo fieri fecit.

Appositum est illic & Barbaræ epitaphium, quod ita habet:

Conjux Apafii modico sub marmore *Et Conju-
gis Bar-
baræ Pet-*
Georgii

Clara soloque, polo, Barbara Pet-
ki jacet.

Vis vitam? pietas, casum? sub
Principe clades

Rakoczio natos tres simul hostis
habet.

Maximus emoritur, modico alter tem-
pore liber;

Principis at minimo Dacia sceptrum
parat.

Nati absunt, gemebunda migrant fi-
ducia, Nato

Designat media in morte futura
bona

Princeps Apafius Michael celissimus
Heros,

Adposuit Matri quam pius ipse piæ
Denata Anno Domini 1660. ætatis 62. A)

Matrimonium hoc omnino foecundum
fuit, viditque Georgius undecim
liberos, quorum catalogus hic est:

I. GEORGIUS III. cuius memoriam
laudatum monumentum his verbis ad-
seryat: Generofus D. Georgius Apa-
*Filiū item
Georgii*
III.
de Apanagysalva Illustr. Transilv. Prin-
ci-

A) Hæc, & quæ sequentur, epitaphia
exscripsimus ex Petri Bod Tymbaule
continuato.

cipis Cubicularius primæ ceræ, placidissime obiit Albæ Juliæ Anno Christi 1637. ætatis suæ 19. die 12. Julii corpore ad optimi Parentis cineres translato honorificentissime.

Ille ego, qui sacris Musarum operatus, & almæ

Qui semper colui Religionis opus
In mediis Aulæ qui vixi fluctibus ins-
fons,

Principis observans, officiique me-
mor.

Et qui Matris eram spes unica, fir-
ma columnæ

Atquæ domus patriæ, desubito ec-
ce cado!

Ecce cado nondum numerans tria lu-
stra! sed ecce

Quod negat Aula soli pensat id ara
poli.

2. STEPHANUS II. Comes Comitatus Szolnok interioris, & Georgio Rakoczi Transilvaniz Principi a consiliis, demum post fatalem in Polonos expeditiōnem obses, ex Uxore Catharina Loranti genuit MARIAM, SUSANNAM, GEORGIUM IV. & NICOLAUM V. qui filium GEORGIUM VI. anno 1688. in tenera ætate amisit.

*Reliquæ
proles
Georgii
II.*

3. BALTHASAR II. bello Polonico, cuius meminimus, a Tartaris captus, ibidem vitam finivit, relicta ex Eva filia Sigismundi Barcsaj FRANCISCO, qui defecit.

4. MI-

*Stepha-
nus II.
Comes
Comita-
tus Szol-
nok inte-
rioris.*

*Reliquæ
proles
Georgii
II.*

4. MICHAEL , de quo infra.

5. CHRISTINA Stephani Tholdi.

6. ANNA Joannis Henter, ac fortasse etiam Georgii Gilányi de Berinczbaza.

7. CATHARINA Francisci Tholdalagi de Iklód.

8. ELISABETHA Georgii Lazar Conjuges.

9. FRANCISCUS IV. cuius epitaphium in Alma kerek hujusmodi est :

Semestris, bimusque cito Franciscus avitæ

Libertatis amans Regna suprema peto.

10. NICOLAUS VI. ibidem tumulatus est cum hac epigraphe :

Annum cum medio certanti æterni, triumphi

Nicolao æteri laurea plexa mihi est.

11. MARGARETHA Joanni Gyeröfi in manus convenit.

MICHAEL omnibus Apafis major, *Michael* feliciorque videri possit, quod ipsum *Principis* Transilvanie Principatum in domum suam *Tanfilvia* intulerit, nisi eum favore Turcico magis, quam virtute propria parasset. Characterem hominis Cl. Josephus Benkö A) ita expingit: *Princeps a teneris ungvicularis lenissimus, neminique molestus, tam natura, quam propter diuturnas carceris*

A) Transilvanie Tomo I. pag. 308. & sequ.

ceris Crimensis molestias, ad extremam usque patientiam demissus erat; sed ipsius bonitas, in privata persona forsitan encomiis celebranda, multis in Transilvania contentionibus, & innoxiis cædibus -- an-sam præbuisse, & Fiscum ad extremam redigisse paupertatem visa est: cum levibus subinde ex causis integros vicos, & eorum portiones possessionarias non nullis donasset. Laus Michaelis maxima est, quod excusso jugo Turcio, in clientelam Leopoldi Cæsaris cum tota Provincia se tradidit. Obiit anno Domini 1690. 15. Aprilis sub ipsis Comitiis, quæ Fogarasinum indixerat, cum annum ætatis ageret 58. Principatus vero 30.

Amiserat biennio ante Conjugem Annam, Pauli Bornemisza Arcis Jenö, & Aulicæ Militiæ Supremi Capitanei filiam; mira bæc Princeps, inquit Petrus Bod A) ac in Historiis etiam inaudita, ultimis vitæ annis laborabatphantasie turbula, ac animi perturbatione. Omnes muscas pro sagis intuebatur, quas proinde nulla ratione ferre potuit; quascunque igitur ædes ingredi vellet, ab Aulicis muscae abigi debuerunt. Si utensilibus musca infidelisset, quod mirum, olfactu cognoscebat. Hinc semper novæ mensæ, novæ mapæ, orbes, cultri, cochlearia linteis puris involuta, ad manus Aulicis esse debuerunt. Paucis tandem ante ultimum vitæ exordium

Eius Con-
jux Anna
Borne-
misza.

A) In Tymbaule continuato.

dum diebus, misera ab hac perturbatione
mentis liberata pie, ac placide cum an-
bela Salvatoris invocatione deceffit anno
1688. Numerosam ea sobolem in lu-
cem estudit videlicet: EVAM, GREGO-
RIUM, MICHAELEM, FRANCISCUM, SU-
SANNAM, MARIAM, GREGORIUM alte-
rum, GREGORIUM III. & MARIAM al-
teram, sed omnes præcoci fato sublati
sunt, si demas

MICHAELEM II. qui tametsi anno *Michael*
1681. vivo Patre, Transilvaniæ Princeps *II. ulti-*
inauguratus est, Rempublicam tamen non *mrus fa-*
administravit, primum quidem, quod *milia.*
per ætatem immaturus effet, deinde vero
quod Emericus Tököli Provinciam in-
vaserit. Eam itaque non invitis Transil-
vaniæ ordinibus, Leopoldo Cæfari tra-
dedit, ipse vero Viennam habitatum
concessit, ubi S. R. I. Principis honore
auctus, & pro dignitate per quam li-
beraliter habitus, vita excescit die 1.
Februarii anno 1713. Obiit ultimus fa-
miliæ, nulla ex Catharina Betlen, quam
anno 1694. thoro sociaverat, prole su-
cepta.



II.

**DE BOCHKA vel BOCHKAJ
DE KISMARTA.**

(Fig. 2.)

*Bochkaj
de genere
Boxa.*

*Ex quo
Simon
Miczban
7. Filio-
rum.*

Bochkajos de genere Boxa profluxisse, quemadmodum vetustæ dilucide literæ tradunt, ita sane quam obscurum est, qui eorum Majores fuerint? quid vè egerint ante Seculum XIII. hoc ineunte celeberrimus fuit Simon dictus Miczban, cuius Conjugem, scribit Mathias Belius A) uno partu anno 1222. filios septem exclusisse accepimus. Quum autem ob tantum partum territa Uxor, uno filio retento, reliquos per agrestem fæminam ejiciendos curaret, forte ei occurens Marius, qui tunc venatus causa aberat, interrogat, quid efferet? illa respondente: canes; hic videndi eos desiderio incensus, dum liberos suos esse comperisset, clam eosdem hinc, & illinc distributos, apud agrestes educari. & ubi adoleverunt, Conjugi suæ representari jussit. Hactenus Belius.

A) In notitia MS. Comitatus Sáros.

lius. Fabula ne sit? an Historia? non inquiro: res certe ad posteritatis memoriam lapidi sepulcrali, quem infra proferemus, incisa est.

Porro septem filiorum nomina, ut *Et 6. Familias* addam, istiusmodi erant: Thomas Chapianæ, Briccius, seu Boxa Zerdahelyianæ in peninsula Bodroghköz, *rum Pater.* Dionyius Bochkaiianæ, Detricus Zéchianæ de Gálfzéch, Simon Ztritthejanæ, Georgius Sófianæ de Sóvár, quæ in præsens quoque superat, familie Authores, & Demetricus, qui sacrum Præmonstratenium ordinem ingressus, Præposituram S. Crucis de Lelez cum laude gubernavit. Sed nos cæteris suo loco adseratis, DIONYSIUM persequamur: memoriam ejus reperio ad annum 1280. quo cum Fratribus suis a Mathia, & Ratoldo filiis Rolandi Palatini Castrum Kövesd in Provineia Zempliniensi acquisivit, cum ipsi possessiones suas juxta montem Makra fitas in eos transculsissent.

Dionysii filius **GREGORIUS** anno 1320. *Georgius de Bochka;* cuius suis necessariis fundos partitus est; ex literis Capituli Agriensis audiamus, quarum pars quæ hæc attinet, ita habet: „item possessiones Bojoda, Honky, Agolz, vocatæ inter fluvios Thyciæ, & Butrugh in Comitatu Zemplin. existentes, cum omnibus utilitatibus suis; „item Kinches, Adorjašásza, & Kis DECAS IV. B „Boch-

„ Bochkon ad Castrum Porostyan per-
 „ tinentes, cum universis utilitatibus
 „ suis, præter silvam in eodem Comi-
 „ tatu de Zemplin situatam; item Kech-
 „ zajla prope Castrum Sirok in Comi-
 „ tatu de Hevès existens, similiter
 „ cum utilitatibus ipsarum cessissent
 „ Gregorio filio Dionylii, & suis hære-
 „ dibus perpetuo possidendæ. „ Abhinc
 Gregorius, & ejus posteri de Bochka A)
 compellari coeperunt.

Habuit autem Gregorius tres filios:
Eius posteri. DEMETRIUM, DIONYSIUM II. propter
 insignem eruditionem literatum dictum,
 cuius filius STEPHANUS anno 1399. flo-
 ruit, & LADISLAUM, cui præter PE-
 TRUM, & MATHÆUM natus est filius
 JOANNES, qui genuit STEPHANUM II.
 atque hic num defecerit? an contra?
 haud liquet. Demetrius Pater fuit LA-
 DISLAI II. hic JOANNIS II. Joannes de-
 nique DIONYSII III. & LADISLAI III.
 quibus suppar fuit BLASIUS filius AN-
 DREÆ, filii STANISLAI, Filii DOMINICI
 anno 1451. die 14. Novembr. Præpo-
 fitus Leleszienis electus, & a Bohemis,
 qui Hungariae superiori incubabant, mul-
 tas, magnasque calamitates perpetratus:
 præfuit usque ad annum 1478.

Eo-

A) locus in Provincia Zemplin. ca-
 stello ornatus, ho die Baronum Fischer
 ne Nagy-izaiam.2.

Eodem fere tempore in GEORGIUM
Dionysii III. Filium, elatis jam ante LA-
DISLAO IV. & STEPHANO III. improlibus
Fratribus, complura latifundia recide-
runt; qui moriens quatuor superstites
filios reliquit: a) SIMONEM II. GREGO-
RIUM II. NICOLAUM, & GEORGIUM II.
hic sub annum 1545. e vivis sublatus,
præter BARBARAM filiam, genuit filium
NICOLAUM II. sed qui rami sui postre-
mus fuit, cum ex conubio nonnisi ter-
nam sequioris sexus sobolem sustulisset,
videlicet: HELENAM. Stephani Barcsai,
ANNAM Christopori Csapy, & CLARAM
Joannis perinde Csapy Uxorem. Atque
hæc supremum vixit anno 1586. die 23.
Februari. defunctæ Andreas Károli hu-
jusmodi epitaphium posuit:

Hic quoque Csapino quondam con- *Claræ*
juncta Joanni *Botskai*

Clara jacet, generis gloria magna *epitaphi-*
fui *um.*

Casta pudicitiæ famam servavit ho-
nestam,

Qua generosa nihil foemina majus
habet.

B 2

Hæc

a) Georgio I. synchroni erant duo Nico-
laï, quorum alter anno 1496. Præposi-
tus Mislenensis tres Episcopatus deinde
ex ordine tenuit: Syrmensem, Nitrien-
sem, Transilvanum; alter Nicolaus
Menhardi filius anno 1507. Præpositus
Ecclesiæ Agriensis fuit. Sub idem pla-
ne

Hæc quo dicta fuit. dignam se nomine gesfit :

Clara fuit meritis, & pietate simul.
Affidue quoniam doctos audire solebat,
Nilque habuit sancta Religione
prius.

Ipsa senes, inopesque nurus, ægros
que fovebat,

Et viduis larga præbuit æra manu:
Virginibus, fuerant quæcunque Paren-
tibus orbæ,

Pronuba confortes tradidit ipsa
thori,

Naturæ bonitas, fidei constantia, can-
dor,

Lingva in consiliis adfuit apta piis;
Cumque Vir e terris sublatus in afra
fuisset,

In viduo mansit foemina casta thoro.

In vita viguere preces, fiducia
Christi;

In gremio vitam mortua cuius
agit.

Principibus quondam, quos aurea
protulit ætas.

Ista fuit vere foemina digna Viris.
Nulla unquam illius virtutes nesciet.

ætas;

Has nullum in laudes mors habe-
ulla locum.

Si-

ne tempus florebant in Croatia Boch-
kaji de Razina, qui quatenus nostris
innexi fuerint? mihi non constat.

Simonis II. filius GEORGIUS III. homo versatilis ingenii & rerum novarum cupidus, quin præcipuus minister, multos Hungariæ Proceres in Maximilianum Cæsarem concitavit; & res in magnum discrimen ventura erat, nisi proditio maturius detecta fuisset. A) Georgius itaque rebus suis male metuens, in Transilvani Principis ditionem se recepit; ubi sub annum 1571. e vivis excessit. Thoro adjunxit Christianam Blasii Sulyok de Lekche Filiam, *Georgii* quacum copiosam sobolem eduxit, en *III. liberi* filiorum, filiarumque nomina:

1. ELISABETHA Christophoro Báthori de Somlyo Transilvaniæ Principi.

2. SARA Georgio Bagdi.

3. HELENA Gabrieli Haller.

4. CHRISTINA Georgio Horváth de Vegla nuptæ.

5. STEPHANUS IV. e privato homine ad fasces Transilvaniæ eluctatus *Stephanus IV.* *Transilv.* quot damnis Hungariam affecerit, notius est, quam ut hic a me commoretur; ad summam felicitatis id ei deesse videri poterat, quod cum Catharinam Hagymássi de Berekszó, Nicolai Warkotsch Viduam, Uxorem duxisset, & cum ea plures annos egisset, nullum tamen hæredem reliquerit. Exaggeratis laudibus a suis colitur; exemplo sit vexillum, quod olim in Princi-

B 3 pe

pe Templo Albæ Juliæ appensum, hanc aureis literis inscriptam epigraphen ostentabat:

*Ejus
epita-
phium.*

Memoriæ , & honori

Serenissimi Stephani Bochkaj de Kis maria , Dei gratia Hungariae , Transilvaniæque , Sacri item Romani Imperii Principis , & Siculorum Comitis , pii , & mansueti , obure magni momenti res gestas titulum Patris Patriæ promeriti : qui postquam ruiturum avitæ libertatis , & salutis Hungariæ statum , impeditum præterea Religionis orthodoxæ cultum , correptis vindicibus armis , heroica , Atlanteaque plane virtute reparasset ; arma que inter potentissimos Orbis Monarchs , Romanum videlicet , & Turcicum Imperatores , a continuis XVI. annis dubio , arduoque Marte exercita (fessis rebus Christianis succurrendo) authoritate sua sustulisset , & composuisset , ingenti omnium dolore , clade penatum gravi , & jaætura Christiani orbis inenarrabili , septimo ægrotationis mense , non sine suspicio ne infidiose surrogati veneni , o sce-lus ! o nefas ! inter continua ad Deum suspiria , & ardentes suas preces , Czassoviæ anno Christi 1606. Decembris die 29. in Domino non minus animose , quam pie , & placide ob-dormivit , positum.

6. Hr-

6. HIEREMIAS apud Georgium Draskovich Episcopum Zagrabensem educus, videtur improlis decepsisse.

7. NICOLAUS III. cuius stemma gentilitium, & originem, quam nos firmaturos supra promisimus, monumentum Zerdaheliense, quod in peninsula Bodrogköz visitur, hunc in modum refert:

Monumentum Spectabilis ac Magnifici D. Nicolai Bochkaj de eadem, Electi Regis Hungariæ A) Consiliarii intimi, qui dum vixisset annos LIV. menses IV. dies XVIII. animam Christo tradidit Anno Domini MDCXXI. XVI. Julii

Undique Christiadum furerent dum bella per orbem,
Vexaret miseros dira famesque
Viros,

Nicolaus præstans atavis, & Principe Fratre,
Qui Stephanus Bochkaj Teutonis
arma tulit,
Ac Gabriele juvans electo limina
Rege,

Et patriæ, & puræ Religionis opus.
Hoc genus a Mitzban Simone trahebat avitum,
Cujus septena prole erat aucta
domus:

B 4

Sex

A) Gabrielem Betlen intelligit, ut tertium Distichum exerte habet.

Sex jubet exponi Conjux , qua sorte ferente
 Obvius it Miczban ; res patefacta
 fuit ;
 Infantes Miczban , famulis melioribus
 usus ,
 Caute , clam timida Conjurę , curat ali
 Atque ubi creverunt , numeros auxerè
 suorum :
 Ex his Bochkajus Vir pius ortus
 erat .
 Erectos animos leo , victoremque co-
 rona
 Prudens serpentis nomen , & omen
 habet :
 Non frustra est , quæcunque gerunt
 generosa leones
 Pectora , primatum sceptrę veren-
 da notant .
 Inde fit , ut constans animo , crista-
 ta coronam
 Regalem patulam casside teſta ge-
 rant .
 Divitiis inhient alii ; sed sufficit unum :
 Ingenii pretio , & Regis amore frui .
 Hunc igitur tumulum quisquis con-
 spexeris , opta ,
 Molliter ut cineres , mortua & offa
 cubent .

8. JUDITHA Christophoro Bánfi in matrimonium data.

GREGORIUS II. Georgii I. filius nulli operæ pepercit, ut Ladislai de Zerdahely deficientis bona, quæ Caspar Serédi occupaverat, & literis Regiis adfirmáverat, sibi, suisque vendicaret, diu tamen frustra fuit, nam Gaspare demortuo primum Benedictus Serédi ejus necessarius, deinde Anna de Mére Casparis Vidua, & puellarum Barbaræ, & Susannæ ex eodem Gaspare genitarum Mater iterum, atque iterum intercessit, & variis Tribunalibus tot obices posuit, ut lis, quæ anno 1548. inchoaverat, sub exitum demum anni 1572. a Nicolao de Báthor Judice Curiæ Regiæ terminaretur. In potestatem itaque Gregorii cum pluribus fundis rediit Castrum Kövesd: cuius tamen filio ANDREÆ diutius potiri haud licuit cum Barbaram Bornemisza ejus Conjugem anno 1582. Relictam legam. Ex Andrea natus est NICOLAUS IV. qui ex Juditha Berzevitzia Uxore genuit STEPHANUM V. ultimum familiæ Bochkajanæ surculum, neque enim seu ex priore connubio Susannæ Lonyai de Nagy-lonya, seu ex posteriore Catharinæ Török ullum hæredem reliquit. Cum vixit, multis a Ferdinando III. & Leopoldo Regibus Hungariæ favoribus cumulatus, Zempliniensique Provinciæ Supremus Comes datus, ad extreum a fide, quam jura raverat, turpiter defecit, & Francis-

*Gregorii
II. lis
diurna*

co Rakoczio in Hungaria superiore tumultuanti adhæsit. Resipuit interim Franciscus; at Stephanus nihilominus copias ad Bodrogum amnem ductabat, Dux adeo imbellis, ut sola adventantium Cæfareorum fama, exercitu solo, in latebras se conjecerit. Ab hinc in perduellium numerum adscriptus & bonis omnibus multatus obiit post annum 1671.



III.

CHAPI DE ESZÉN.

Chapii, ut supra indicavimus, ex eodem genere Boxa, quo Bochkaji, *Chapi de genere Boxa oriundi.* originem ducunt: communis utrisque Author SIMON, dictus Miczban, cuius inter cæteros natos THOMAS, magna apud Ladislausum Cumanum, Hungariæ Regem gratia floruit; certe plures fundos ejus liberalitate accepit; ad manum sunt germinæ literæ eatenus datæ, quas quod breviculæ sint, hic adferrè placet. Primarum exemplum ita habet: „Nos La-
 „ dislaus Dei gratia Rex Hung. tenore *Thomæ factæ dominionis.*
 „ præsentium, quibus expedit, signifi-
 „ camus univerolis, quod nos confide-
 „ ratis fidelitatibus, & officiorum me-
 „ ritis Comitis Thomæ, filii Simonis,
 „ quæ nobis impendit, quandam terram
 „ Custodum silvarum nostrarum ad Po-
 „ tok pertinente, Rodvan vocatam,
 „ prout in antea contulisse dicimur, re-
 „ linquimus eidem pacifice possidendam,
 „ cum omnibus utilitatibus, & perti-
 „ nentiis suis univerolis. Datum in Byster-
 „ che feria 4. post Octavas Epiphaniæ
 „ Domini. Anno Domini 1280. „

Al-

Alteræ vero in hæc verba prescriptæ sunt: „Nos Ladislaus Dei gratia Rex Hung. memoriarum commendantates significamus universis, quibus expressi pediti, prætentium per tenorem: quod nos quandam villam nostram, Lypche vocatam, in Lyptou existentem, Comiti Thomæ, filio Simonis, ac per eum suis heredibus, pro servitius suis meritoriis dedimus, seu contulimus perpetuo possidendam. Volimus igitur, ut tam idem Comes Thomas, quam etiam ipsius Successores, dictam villam pacifice possident, & quiete. - - Datum in Pesth feria 5. proxima ante Dominicam Invocavit. Anno Domini 1281. „

Ejus Fratrum meorum mea rita. Triennio demum post, cum Thomæ, & fratribus ejus villam Rath, que in Provincia Ungensi est, donat, hæc de ipsis universim adfert: „considerantes, inquit, multiplices famulatus, & laudabiles filiorum ejusdem Simonis, quos nobis in diversis expeditionibus Regni nostri, cum summo ardore fiti delitatis impenderunt, & specialiter in exercitu nostro, quem in Hod A) contra Cumanos habuimus, ubi iidem versi in perfidiam, contra nostram insurrexerant Majestatem, prædicti filii Simonis in ipius belli ditricte exar-

A) Alii Hunc volunt.

„ examine strenue dimicantes A) - - &
 „ nobis - - se viriliter opponentes , ea
 „ triumphaliter superata , & contrita ,
 „ duos Comanos bene armatos in area
 „ belli in insigne suæ fidelitatis meri-
 „ tum , & actus bellici evidens argu-
 „ mentum - - - honorificentia Regiæ ,
 „ ad instar munericis , & auspicium trium-
 „ phi magnifici , obtulerunt præsenta-
 „ tos . „ Erant Thomæ duo filii LA-
 DISLAUS , & DONCH , seu Tomtso , La-
Donchii
 tinus parvulum Thomam diceret , quod laudes.
 nomen ab externa specie ei adhæsse
 puto : fuit autem Vir clarissimus , & an-
 no 1312. postquam in pugna Rozgoni-
 ensi lethalia vulnera accepisset , multis
 fundis in Comitatu Bereghiensi , a Ca-
 rolo I. Hungariæ Rege donatus . Præ-
 fuit deinde Comitatibus Lyptoviensi , &
 Zoliensi Supremus Comes . Meminit
 ejus non sine laude Thuroczius , b) cum
 bellum in Valachos obmotum prescri-
 bit , postquam enim exercitum Hunga-
 ricum insidiis Valachorum intercepsum
 & omni ex parte clausum memorasset ,
 quanta fortitudine Donch Regem Caro-
 lum servaverit , subjicit : *Stabant enim ,*
in circuitu ejus , quasi muri la-
pi.

a) Membrana pluribus lactunis affecta hic ,
 & inferius legi nequit .

b) Chronicorum Hung. Parte II. Cap.
 XCVII.

pidei Magister Donch cum Ladislao filio suo - - qui omnes iectus gladiorum & sagittarum super se recipiebat, velut imbre pluviarum, ut Regis vita a mortis impetu servaretur.

Ladislaus, & Donch jam anno 1320. cum necessariis suis bona sortiti sunt; quid autem illis obvenerit, literæ Capituli Agriensis in hunc modum adnotant: „ quod possessiones Eszén, in qua Ecclesia lapidea in honorem B. Ladislai Regis est fundata, & Ogthelek in Comitatu de Zobouch existentes, cum earum utilitatibus omnibus, videlicet: terris arabilibus, silvis, pratis, fluviiis, & molendinis; item sexta pars Villæ Zecch, ac villa Visnou, & Pernou in Comitatu de Zemplin situatæ, pertinentes ad Castrum Purusthyan, similiter cum utilitatibus earum, præter silvam ipsarum, item Keeth Bozza in eodem Comitatu Zemplin. cum earum utilitatibus omnibus cessissent prædictis Ladislao, & Donch Magistris, filiis Thomæ supradictis, ac eorum hæreditibus jure perpetuo possidendæ, & habendæ. „ Ex Donch nati sunt: LADISLAUS, NICOLAUS, & JOANNES, quibus tamen, quæd axioma Csapi de Polyanka sibi proprium fecerunt: in medio relicts, ad Ladislaum Donch Fratrem, & Csapiorum de Eszén fatorem redeamus.

Habuit autem tres filios: THOMAM *Thomas*
H. MICHALEM, & **LADISLAUM II.** hi
 cum agnatis suis, qui jam in plures ra-
 mos excreverant, anno 1355. coram *Eszén*
Paulinos Capitulo Agriensi bona partiti sunt. *inducit.*
 Thomas II. præter multa alia dimidiam
 possessionem *Eszén* crevit, quam ut ce-
 lebriorem faceret, Ordinem D. Pauli
 primi Eremitæ haud multo post loco in-
 duxit, eique præter Cenobium, & Ec-
 clesiæ, largos redditus assignavit, quos
 quide[m] & Nicolaus Episcopus Agriensis,
 & Ludovicus I. Rex Hung. literis suis
 adfirmarunt. Ladislai II. filium STEPHA-
 NUM sub annum 1371. vixisse lego,
 sed num genus propagaverit? non in-
 venio

Thomas II. genuit SIMONEM II.
 EMERICUM, LADISLAUM III. & JOAN-
 NEM, ex quibus Emericus Pater fuit
 quinque filiorum: ACHATII seu Akus,
 PETRI, LADISLAI IV. STEPHANI II. ex quo
 GREGORIUS. THOMAS III. GEORGIUS na-
 ti sunt, & AUGUSTINI. Achatius anno *Achatio*
 1441. jus, quod Patronatus vocant, Ec-
 clesiæ S. Crucis de Lelez ab Wladisla^{jus Patro-}
 I. impetravit. Verba Regia sunt: „ *Ecclesiæ*
 „ quia nos ex seriebus certarum lite-
 „ rarum autenticarum, Prædecessorum
 „ nostrorum, Regum Hung. per fide-
 „ lem nostrum Egregium Akus, filium
 „ Emerici de Chap, Aulæ nostræ mi-
 „ litem coram nobis, ac Prælatis & Ba-
 „ ronibus nostris, in specie producta-
 „ rum,

„ rum , ac per nos , & eosdem diligen-
 „ ti examine revisarum , ipsum Akus ,
 „ & Fratres suos subscriptos ad Patro-
 „ natum Ecclesiae S. Crucis de Lelez &
 „ Præposituræ ejusdem Ordinis Præmoni-
 „ strat. per Prædecessores eorum , ut
 „ fertur , A) fundatæ pariter , & dotatæ ,
 „ merum jus habere , ac Progenitores
 „ ipsorum hujusmodi jure Patronatus
 „ dictæ Ecclesiae , in conferenda , &
 „ disponenda , cui maluissent , Præpo-
 „ fitura ejusdem , per plura tempora
 „ usos , & gavisos fuisse ; sed tandem
 „ ipsum jus Patronatus ab eis per quos-
 „ dam prædecessores nostros Reges
 „ Hung. eisdem Prædecessoribus ipsius
 „ Akus , & Fratrum suorum , ad de-
 „ fendendum jura eorum tepidis occu-
 „ patum , & hucusque indebite tentum
 „ exstitisse certitudinaliter comperimus :
 „ ideo nos tum proptera , tumque con-
 „ sideratis fidelitatibus , & multimodis
 „ obsequiis dicti Akus , quibus ipse a
 „ primordio nostro adhæsione , & nego-
 „ tiorum nostrorum , suæ actioni com-
 „ missio-

A) Hodie certum est , Præposituram Le-
 lefziensem a Boleslao Episcopo Vaci-
 ensi & fundatam , & dotatam fuisse ;
 non negaverim tamen Chapios , & reli-
 quos de genere Boxa , eam multis be-
 neficiis auxisse , quando in peninsula Bo-
 drogköz , ubi Lelefzinum est , late do-
 minabantur .

„ missorum fidi expeditione , perso-
 „ næ , & rebus non parcendo , inter
 „ cæteros singulariter Majestati nostræ
 „ se gratum reddidit , & acceptum ,
 „ nec minus in recompensam expensarum
 „ ipsius Akus , quas idem in eisdem nostris
 „ obsequiis , grandi numero consumpsit ,
 „ jus Patronatus dictæ Ecclesiæ & Fa-
 „ cultatem collationis Præposituræ ejus-
 „ dem , simul cum omni jure Regio ,
 „ si quod in eadem forsan ex quacun-
 „ que causa haberemus , ipsi Akus , &
 „ per cum Stephano carnali --- novæ
 „ nostræ donationis titulo dedimus , do-
 „ navimus , & contulimus . „

Uxorem habuit Achatius Elisabe- *Achatii*
 tham , Barnabæ Chire de Almosd filiam , *posteri.*
 ex eaque tres liberos : APOLLONIAM
 anno 1476. Ambrosii de Dolha Relictam ,
 FRANCISCUM , & ALBERTUM. Hic ex
 Ursula de Bala procreavit GEORGIUM
 II. cui dñe conjuges , altera Catharina
 de Bathka , altera Catharina Dobo de
 Ruzka , & tres filii erant : FRANCISCUS
 II. PETRUS II. & WOLFGANGUS , qui-
 bus Antonius , & Stephanus , filii quon-
 dam Sigismundi de Loffonez , anno
 1534. possessionem Bezded cesserunt.
 FRANCISCUS II. sub annum 1570 e vi-
 vis sublatus , ex Clara Büdy genuit GRE-
 GORIUM III. sed qui Patri haud diu
 superstes , absque liberis obiit. Gre-
 gorii III. Sorores erant : CLARA Fran-
 cisco Ibranyi , DOROTHEA Stephano Mi-
 DECAS IV. C lith.

lith, CHRISTINA Paulo Milith, & SUSANNA Petro Rétej in matrimonium collocatæ. Petri II. filius JOANNES II. cui Conjugem fuisse Claram Bochkaj, alias docuimus, PETRO III. filio defecit.

Wolf-gangus ad Ferdinandi I. partes accedit.

WOLFGANGUS primum Joannem de Zapolya secutus, cum bello egregius esset, magni vulgo habebatur. Michael Büdy, & Christophorus Kavasi Ferdinandi addicti, ut hominem tam opportunum hosti detraherent, eum pollicitationibus aggrediuntur, svadentes fore, ut & delicti veniam, & stipendium militare obtineat, modo animal induceret, ut ad Ferdinandum transeat, idque chirographo suo firmet. Morem gescit Wolfgangus, & has literas perscripsit: „ Ego Wolfgangus Csapi de Eszén, promitto ad fidem meam Christianam, honoremque, & humanitatem, quod si Egregii DD. Michael Bydy, & Christoferus Kavassi, a Serenissimo Principe, D. Ferdinando Romanorum, Hungariæ, Bohemiæque Rege semper Augusto, capiti, bonis, & omnibus, quæ ad me pertinent, gratiam impetrare, & obtainere potuerint, eidem Serenissimo Princi, D. Ferdinando fidelis, & obediens ero, dum ejus Majestas dominium hujus Regni Hung. obtainuerit, in eoque fideles habuerit; si vero servitum, ac solutionem ab eadem Majestate ordinare potu-

„ potuerint , more aliorum Aulicorum,
 „ & Servitorum ejus Mæjestatis , fide-
 „ liter inservire paratus ero. In cuius
 „ rei testimonium , præsentes literas
 „ nostras Sigillo nostro munitas , duxi
 „ dandas , & concedendas. Datum in
 „ arce Munkách 30. die Octobr. Anno
 „ Domini 1537. ”

Neque de Wolfgango plus com-
 pertum habeo , quam quod ex Clara
 Vitéz de Nagy Kálló , præter filias EU-
 PHROSYNAM Stephani Zinyi de Choth,
 & ANNAM Pauli de Deregnö Confortes
 genuerit filium CHRISTOPHORUM. Hic
 geminum matrimonium iniit , sed nullo Christo-
 hærede masculo i beatum ; prior enim phorus
 conjux Anna Bochkaj , postquam filiam ultimus
 SUSANNAM , quæ subinde Stephano Ken-
 di de Lonya nupsit , in lucem effudis-
 set , fato perfuncta est ; altera Barbara
 de Thelegd sine Matris nomine Mari-
 tum extulit : nec felicior futura apud
 Sigismundum Rákóczi de Felső Vadász ,
 qui Viduus viduam thoro suo adlegit .

IV.

DERSFI DE ZERDAHELY.

(*Fig. 3.*)

*Dersfi
de genere
Gewr.*

Dersfianam gentem, quamquam olim celeberrima fuit, paucis perscribere licet, inopia monumentorum, quæ aliquot abhinc annis evolveram quidem, sed exscribere non vacabat. Profuit de genere Györ, vel ut veteres literæ habent, Gewr, quod in Transdanubiana Hungariæ regione late quandam dominabatur. Ex eo primum reperi ad annum 1243. SAULEM filium DERS, qui Belam Hungariæ Regem a Tartaris viatum in Dalmatiam consecutus, grata, & accepta servitia eidem exhibuisse memoratur.

Sub initium Seculi XIV. floruit **DERS II.** de Zerdahely, cuius filii NICOLAUS & PETRUS, Versfi dicti, jus, quod Patronatus vocant, in Abbatiam S. Jacobi de Silisio anno 1356. vindicarunt. Meminit præterea Nicolai ad annum 1336. Andreas Eggerer A) in hæc ver-

A) In fragmine Panis Corvi proto-eremitici
. pag. 120.

verba : Aliud rursus Monasterium in medio duarum Villarum Szerdahel, & Thermoch, sub invocatione D. Ladislai Regis religionis, ac patriæ ornamento consurrexit, quod postmodum a fundatore suo D. Comite Nicolao Ders fundis, ac possessionibus dotatum, non postremum existit. Genuit autem Nicolaus sex filios GEORGUM, JOANNEM, PETRUM II. BARTHOLOMÆUM, PAULUM, & DERS III. quorum memoria ad annum 1376. reperitur. Ex Joanne natus est EMERICUS: A) atque hic, nisi me omnia fallunt, author est rami Imrefiorum de Zerdahely, quem, si Superi voluerint, alias exequemur.

PETRUS Nicolai Frater, Parens suit MICHAELIS, hic JACOBI, STEPHANI, & JOANNIS II. dicti Chepel: Ex Joanne II. progenitus est DANCH, qui anno 1422. ex Danch vero PAULUS II. & JOANNES Stanis. III. qui anno 1438. in vivis erant. Qua laus C-
necessitudine his innexus fuerit Stanis-
laus, exploratum non habeo; illud con-
stat, eum anno 1421. a Sigismundo
Rege Dynastiam Sztretsen, quæ in Pro-
C 3 vin-

A) Emerico suppares erant Georgius, Ders,
et Petrus filii Martini Dersfi, nescio
cujus Provinciæ Bani, & anno 1405.
quon oblit, Dapiferorum Regalium Ma-
gistri. Ejus Vidua Anna Cænobio Pau-
linorum in Zerdahely contulit villam
Kispalocz.

vincia Trenchiniensi est, impetrasse. Fuit Stanislaus assiduus Sigismundi comes, neque solum itinerum, quibus Alemaniā, Franciam, Lombardiā, aliasque Europæ Provincias obivit, sed etiam bellicarum expeditionum, quas in Turcas, & Bohemos hæreticos suscepit.

*Ejus li-
beri.*

Ex Stanislao progenitus est JOANNES IV. qui cum Perpetua de Batthyān foecundum omnino matrimonium habuit. Fructus ejus fuerunt :

1. ANNA Sigismundi Pogrányi de Nemeskürth.

2. ELISABETHA Petri Pogány de Cseb.

3. MARGARETHA Ladislai de Réwa Uxores.

4. STEPHANUS III. de quo infra.

5. URSULA Leonardo de Nogarola.

6. SOPHIA Petro Pálfi.

7. CATHARINA Bernardino de Menesiis Hispano.

8. POTENTIANA primum Antoniò Bánfi de Alsó lindva, deinde Nicolao Jurissith, qui propugnato contra Solymani exercitum Ginslio immortale nomen promeruit; demum Erasmo ab Eyczing in matrimonium datæ.

9. In harum prolium censum venire fortassis potest LUPUS seu WOLFGANGUS, cui anno 1554. Turcæ Arcem Kaposvariam ademerunt. Lupi filius STEPHANUS IV. ex Barbara filia Antonii Thegzes

zes de Anares genuit ANNAM, quæ Bernardo Dengelegi in manus convenit.

STEPHANUS III. post administratas *Stepha-*
minores Praefecturas, Chiliarcha Caffo- *nus III.*
viensis anno 1556. renuntiatus, non *Genera-*
solum rem bellicam, sed & religionis *lis Caffo-*
negotium per Hungariam superiorem
curare jussus est, severaque illi inter-
dictum, ne privatas Sectariorum coi-
tiones toleraret, neve Monachos, &
Clericos uspiam ab illis vexari patere-
tur. Biennium restitit Caffoviæ; ab-
hinc Nitriæ, & ultra danubianæ nobili-
tati præpositus fuit, quod munus usque
ad mortem tenuit. Geminam Uxorem
habuit: alteram Annam Nicolai Kosz-
ka de Zedlecz filiam, alteram Annam
Petri Erdödy Illyrici Bani natam, quam
anno 1568. sibi adjunxit, sed insequenti,
mortis violentia ab eadem separatus
est. Ex priore thoro nati sunt

1. BARBARA nupta Joanni Bakoss
de Osgyan.

2. NICOLAUS II. Comitatus Hon- *Nicolaus*
tenfis Supremus Comes ineunte Seculo *II. Co-*
XVII. e vivornm numero sublatus, ex *mes Hon-*
r'xore Barbara Préayi, alias Emerici
Czobor Vidua, quæ annum 1619. su-
prenum habuit, reliquit filiam CA-
THARINAM Stephani Veszelényi de
Hadad Conjugem, & Francisci Palati-
ni Matrem.

*Francis-
cuss Co-
mes Sá-
ros ulti-
mus fa-
miliae.*

3. FRANCISCUS anno 1594. Pincernarum Regalium Magister, & Comitus Sárofensis Comes, pluribus præliis cum Truca commissis, & expugnationi Papensi, quæ anno 1597. suscepta est, interfuit. Biennio post a Cæfare in Transilvaniam legatus, Mariam Christiernam Archiducem, quæ in matrimonio, sed infelici, apud Principem Sigismundum Báthori erat, accepit, eamque incolument ad Matrem perduxit. Meminit Francisci Pacificatio Viennenis anno 1606. inita, ubi articulo XII. ei Arces Zolyom, & Dohraniwa restituenda, vel certe summa inscriptionis persolvenda decernitur. Uxorū altera Magdalena Thurzo de Betlemfalva, sine liberis, præmaturo fato decepsit, altera Ursula Császár de Lanzér homonymam filiam peperit. Hæc primum Francisco Magotii Viro & genere, & divitiis claro nupsit, quem cum florente ætate amississet, neque ullam prolem ex eo suscepisset, Maritum alterum delegit Nicolaum Eszterhazi de Galantha, in cuius domum Császárianas, Dersianas, & Magotsianas opes intulit. Obiit Ursula, ut habeat trophæum familie Eszterhazianæ, die 15. Martii, Anno Domini 1619. Veterozelii, sepultaque est Tyrnaviæ in cripta Esztorasiana.

Cæterum pro firmanda Dersfiorum Genealogia adjicere fragmentum literarum Nicolai Istvánfi Propalatini, quæ au-

anno 1601. super divisione Castris Sztrechen datæ sunt. Pars earum ita habet:
 „ Magnifici DD. Nicolaus Dersfi de Zerdahely, Comes Comitatus Hontensis,
 „ prædicti D. Imperatoris, & Regis nostræ Consiliarius, & Franciscus Dersfi similiter de eadem Zerdahely, Comes Comitatus Sáros, ac prædictæ S. C. Regiæque Majestatis Pocillator, fratres scilicet carnales, & ute-
 „ rini, filii vero Stephani olim Dersfi de Zerdahely, filii Joannis Dersfi, filii Stanislai similiter Dersfi, Supremi Tavernicalis D. Sigismundi Romanorum Imp. Arcis, & bonorum Sztrechen in anno adhuc Dominice Incarnationis 1421. acquisitoris, coram nobis personaliter constituti, idem D. Nicolaus Dersfi Generosæ, ac Magnifica pueræ, Catharina Dersfi, præfatus autem D. Franciscus Dersfi Magnifica itidem pueræ Ursulæ Dersfi, filiarum suarum - - oneribus, & quibusvis gravaminibus per omnia in se assumptis - - sponte & libere confessi sunt,, &c.

V.

E L D E R B A C H
D E
M O N Y O R O K E R É K.

(Fig. 4.)

*Eller-
bachii ex
Svevia
oriundi.* Elderbachii, Ellerbachii, vel ut Wolf-
gango Lazio A) scribere placuit,
Ollerbachii, sesqui seculo in Hungaria
floruerunt: eos Germanicæ originis fuisse
nomen ipsum satis prodit. Laudatus
Author Svevos equites in Pfaffenhouven
facit: *in quorum armis*, inquit, *sunt
duæ glandes virides ex transvero clypei
colore separati; sub quorum ditione fue-
rat Tanhausen, & Neuburg.* Adne&tit
subinde Genealogiam, quam hic exscri-
bere eo non piget, quod Lazius in pau-
corum fortasse manibus versatur. Sic
autem prosequitur:

*Forum
series
opinione
Lazii.* 1. *Albertus I. de Olerbach, a Comi-
tibus de Schalklingen ducens originem, ut
Burgovienses Marchiones, sepelitur Ulme
anno 1282. cuius Frater Henricus erat
Canonicus Augustanus; alter vero Pape-
linus Burcardum I. genuit.*

2. *Bur-*

A) De migrationibus Gentium Libro.VIII.

2. *Burcardus anno Domini 1316.*

*Pupelini natus ex Adelbaide a Leyrbaim,
progenuit Burcardum II. & Pupelinum.*

3. *Burcardus II. primi filius, ex
conjuge de Dornsberg, & altera de Ma-
czeſues, circa annum 1336. progenuit
multos filios: Henricum Canonicum Augu-
ſtanum, fundatorem Carthusie Puxnaym,
Cunradum item Canonicum, Joannem,
Henricum, Wolfgangum, qui ex Conju-
ge a Mardorf Henricum tulerat. Quorum
Frater ſolus Joannes ſucceſſionem tenuit
ex Conjuge Klyngengerina, Burcardo,
& Pupelino reličis, cuius ſoror Elisabetha
Henrico Comiti a Montfort nupſit, Wil-
helmi Comitis Mater.*

4. *Pupellinus Burcardi I. filius &
II. frater, ex Gucta a Biberbach tulit
Burcardum III. Burcardum Epifcopum
Augustanum, Fridericum Canonicum
Augustanum, & ſiam Marquardo a Schel-
lenberg locatam.*

5. *Joannes ex Conjuge Klyngengerina
Berchtdum, & Burcardum pro-
creavit, cum filiabus aliquot, quarum una
Diepoldo ab Aichelberg nupſit, Margare-
tha Hiltibrando Marescallo a Bibrach,
tertia Nobili a Randekh.*

6. *Burcardus III. Pupelini filius,
Burcardum IV. & Joannem tulit; quorum
Joannes ex Freybergerina nihil reliquit.*

7. *Berchtoldus Joannis filius, ex Con-
juge a Reisbach Pupelinum II. proge-
nuit,*

nuit, qui ex Conjuge a Wernavu Georgium procreavit.

8. *Burcardus IV. Joannis filius, & Berchtoldi frater Germanus, ex Conjuge Rechpergerina Joannem II. genuit. Sunt, qui hunc filium Burcardi III. autument; cuius soror nupsit Ingenuo a Randekb.*

9. *Joannes II. hoc nomine ex Comitissa a Montfort Burcardum, & Berchtoldum procreavit. Quorum Bertholdus ex Nobili a Waldek Berchtoldum III. progeniuit.*

10. *Berchtoldus hoc nomine III. profectus in Austriam sub Friderico III. Imp. Hungariam duxit Uxorem, Ducissam a Lymbash, ratione cuius matrimonii agros aliquot in finibus Hung. Austriae, & Styrie consecutus, construxit ibidem Castrum ac oppidum Eberavu, quod Hungari patria lingua Monyorokerek appellant, quæ nostra tempestate Petrus Erdeudy Satrapas Hungariae possidet.*

11. *Burcardus frater Germanus Berchtoldi III. Joannis II. filius, duxit Uxore quadam Austriaca, Wilhelnum filium reliquit. Hactenus Lazius.*

Jam de Elderbachiis, qui in Svevia agebant, res utcunque sit, eorum tamen, qui jure Civitatis apud Hungaros fruebantur, plures a Lazio prætermisso esse, ex iis, quæ max dicemus, patebit: certe sub Ludovico I. Hungariæ Rege, rei militaris scientia, animique fortitudine inclinavit incertum cuius

cujus nominis ? ELDERBOCH , neque bello Neapolitano modo , sed etiam Veneto in Dalmatia præclaram operam navavit. Sub annum 1356. occubuit ad Jadram , ut testatur Thuroczius in hæc verba : A) expugnata , & recuperata Civitate Jadrensi , que per strenuum militem Elderboh nomine Teutoniūm , cum gentibus Domini Regis , quadam nocte muros Civitatis ascendendo , per pugnam maximam cum gentibus Venetorum , armigeris Teutonicis , & Gallicis durissime commissam ; ubi idem miles lethaliter efflit vulneratus : ex quo cœlnere vitam finivit temporalem.

Cœsi liberos ut solarētur Rex Ludovicus , Dynastiam Monyorokerékiensem , quæ in Provincia Castriferrei est , eisdem nova donatione addixit. Atque ex his fuerit BERTHOLDUS , a quo oppido Monyorokerékino sacrum Ordinum Paulinorum anno 1373. inductum fuisse Historici ejusdem Ordinis B) memorant. Verum istud intergro Seculo occupatum alterique Bertholdo tribuendum esse , ex epitaphio Joannis II. quod infra adferemus , utcunque constabit.

Ber-

A) Chronicorum Hung. Parte III. Cap. XXVIII.

B) Andreas Eggerer in Fragmine Panis Corvi Proto - Eremitici , & Franciscus Qrosz in Synopsi Annalium Eremiticorum.

*Joannes
Castella-
nus
Trenchi-
nensis.*

Bertholdi I. filiusne? an nepos?
certe necessarius suit JOANNES I. ad quem
exstat Alberti Regis epistola his verbis
perscripta: „Albertus Dei gratia Ro-
„manorum Rex semper Augustus, ac
„Hungariæ, Bohemiæ, Dalmatiæ &c.
„Rex, & Dux Austriæ &c. fidelis no-
„stro Egregio Joanni de Elderbach,
„Castellano Castris Trenchin. Salutem
„& gratiam. Pro parte, & in Perso-
„na fidelis nostri, Petri filii condam
„Stephani parvi de Cazza A) nobis,
„Serenissimæ Dominæ Reginæ, Contho-
„rali nostræ charissimæ, Prælatisque, &
„Baronibus nostris exponitur gravi cum
„querela: quomodo tu quandam Scul-
„tetiam suam, in Civitate nostra Le-
„va b) vocata existentem, a suis Pro-
„genitoribus in ipsum jure hæreditario,
„& legitime devolutam, nullis suis
„culpis exigentibus, minus licite & in-
„debite occupasses, & de dominio
„eiusdem ipsum exclusisses, potentia
„mediante, in præjudicium suum non
„modicum, atque damnum. „Jubet
eum subinde in integrum restitui: ac
concludit: „Aliud facere non præfu-
„mas, gratia nostræ sub obtentu, per-
„, lectis

A) Arx quondam Provinciæ Trenchini-
euis, hodie in ruderibus jacet.

b) Leva, modo Illava, vel Illavia ejus-
dem Provinciæ oppidum.

„ lectis exhibenti restitutis. Datum
 „ Budæ Sabbatho proximo post festum
 „ B.Martini Episcopi An.Domini 1438.,
 Ex Joanne natus est BERTHOLDUS *Berthol-*
 II. qui quanquam sub principium *dus II.*
 derico Imperatori contra Mathiam Cor-*Comes*
 vinum adhæsit, pōste aquam tamen in *Vereū-*
 fidem Regis Hungariæ rediit, amplissi-*czenfis.*
 mos ab eodem honores accepit. Et pri-
 mum quidem Comes Comitatus Werew-
 czenfis, nec non Ecclesiæ Zagrabiensis
 fendorum Administer creatus est, quem-
 admodum ipse Rex indicat, cum anno
 1460. ad populum Zagrabensem inter-
 cætera perscribit: „ q̄apropter vice
 „ nostri, inquit, hunc Magnificum
 „ Bertholdum Elderbach de Manyoro-
 kerék, Comitem nostrum de Werw-
 „ cze, vestri in medium transmisimus,
 „ qui Ecclesiæ illius Castra, villas, &
 „ Oppida, cum pertinentiis quibuslibet,
 „ nostro interim nomine occupet, te-
 „ neat, & defenset. Proinde fidelita-
 „ tibus vestris districtissime præcipien-
 „ tes mandamus, aliud omnino habere
 „ nolentes, quatenus vivis præsentibus,
 „ memorato Magifico Bertholdo El-
 „ derbach, vel hominibus suis, non
 „ curando omnes alias personas, in
 „ cunctis obedire, tanqnam nobis, &
 „ quidquid vobis agendum præceperit,
 „ id sine contradictione, dilatione, &
 „ tergiversatione quapiam agere tam-
 „ diu

„ dia debeatis, quousque a nobis aliud
„ habueritis in mandatis. „

*Et Vaj-
voda
Transil-
vaniæ.*

Anno 1466. ac insequenti Joanni,
& Sigismundo Comitibus de S. Geor-
gio & Boczyn, Collega additus, Tran-
silvaniam Vajvoda gubernavit: abhinc
seu munerum publicorum satur, sive
quod ita Regi Mathiæ visum est, pri-
vatus egit. Moriens ex Barbara A) Uxo-
re, duos filios reliquit: JOANNEM II.
& STEPHANUM; qui quod necessitate
potius, quam voluntate Maximiliani Au-
striaci partes complexi sunt, Anno 1491.
ab Wladislao II. Hungariæ Rege ve-
niā facile impetrarunt. Quando obi-
erit Stephanus? incertum est;

Joannes II. annum 1499. vitæ su-
prenum habuit. Tumulatus est in Ec-
clesia Monyorokerékiensi; ubi lapis
sepulcralis hanc epigraphen exhibet:

D. O. M.

*Joannis
ultimi
epita-
phium.*

Domino Joanni Magnifici Bertholdi El-
lerbach Fundatoris hujus Cænobii filio,
Domino hic in Monyorokerék Thomas
Bakocz de Erdöd Card. Strigonensis
Archiepiscopus, Patriarcha Constan-
tinopolitanus, Fratri adoptivo ob pie-
tatem posuit. Obiit sine hærede 1499.

A) Cum Lazius, ut supra vidimus, eam
Lympachianam, seu de Lindva esse ve-
lit; Felsőlindva vero Széchyorum, Alsó-
lindva autem Bánfiorum, quemadmo-
dum alias docuimus, axioma fuerit,
Barbaram ex alterutra gente oriundam
esse oportuit.



V I.

D E G A R A.

(Fig. 5. & 6.)

In Comitatu Valkoviensi celebre olim *Gara*^{de}
 fuit Castrum Gara, quod, clien-^{genere}
 telis, opibus, & gestis summis Ma-^{Druſina,}
 gistratibus clarissimæ familiæ nomen de-
 dit, ejus tamen initia adeo obscura
 in Adversariis meis offendit, ut nec quo
 genere oriunda esset, nec Majorum se-
 riem reperire potuerim. Adnotaveram
 quidem ad annum 1270. Lorandum fi-
 lium Gara, quod perditionem in Ste-
 phanum Regem concitataverit, e Regno
 profugisse, & ad annum 1338. Helenam
 filiam Petri filii Keme de Gara Relictam
 Nicolai de Kukenus, sed cum non ig-
 norarem in Comitatu Bachiensi quoque
 esse locum Gara, an hi illo non per-
 tineant, merito dubitabam, & præterea
 multi hiatus, quos nuspian explere po-
 teram, occurrabant, itaque ne gentem a-
 deo claram pro dignitate non perscri-
 berem, manum de tabula tollere pa-
 rabam, eum Amicus difficultatibus com-
 DECAS IV. D mo-

modum occurrit , & genus, ac Majores Garaianos Tabula Genealogica expressos suggesit ; ejus principium ita habet :

Joannes Comes de genere Drusina Banus de Gara.

1269. Stephanus Banus Machov.

Joannes II.

Enifer Ducis Belz.

1324. Stephanus II. Joannes III. Paulus II.

1310. et 24. Paulus I. Paulus III. † 1386.

Joannes IV. † 1386.

Jam Pauli I. posteros idoneis mo-
numen is , quæ in Adversaria mea re-
tuli , utrumque firmabo. Habuit autem
tres filios NICOLAUM, JOANNEM V. &
fide Kerchelichii A) LADISLAUM Epi-
scopum Vaciensem ; sed hunc brevi ad-
modum tempore Ecclesiæ præfuisse oportuit , eum ejus nomen in Diplomatibus,
quæ quidem viderim , non legatur. Jo-
annes V. ex sede Zagrabienti ad Me-
tropolim Coocensem translatus , ibidem
obiit sub annum 1402.

*Joannes
V. Arch.
Colocen-
sis.*

NICOLAUS Banus Machoviensis con- *Nicolaus*
tra Valachos quid egerit ? Albertus *Banus*
Rex in literis Ladislao hujus Nicolai *Macho-*
nepoti collatis , sic recenset : „namque *vienfis*.
„ Avum ipsius Ladislai , similiter Ni-
„ colatum de Gara , a tempore olim fe-
„ licis reminiscentæ D. Ludovici Re-
„ gis , Prædecessoris nostri , sub ætate
„ juvenili initiatum , successive variis
„ Baronum titulis functum , & ad ulti-
„ mum Palatinum Regni prædicti con-
„ stitutum , in arduis ipsius D. Ludo-
„ vici Regis expedititionibus , & præ-
„ fertim in partibus Valachorum , licet
„ juvenem tempore , strenuum tamen ,
„ & agilem in rebus bellicis ; exerci-
„ tum ipsius Ludovici Regis ab Ad-
„ versariis peine oppressum , & suæ
„ subactum , Banum Machoviensem pro-

D 2

„ tunc

A) In Historia Ecclesiæ Zagrab. pag 144.

„ tunc existentem suis bauderiis & gen.
 „ tibus fultum virtuose restaurasse,
 „ de hostibus vero ejusdem gloriosum
 „ triumphum obtinuisse, ejusdem Præ-
 „ decefforis nostri literalibus historiis,
 „ æternæ memorie traditum constat.„

Et Palatinus cæditur in conspectu Reginae rum.

Anno 1386. Nicolaus jam Palati-
 nus mortem oppetiit, quam idem Rex
 ita prescribit: „ ipso denique Ludo-
 vico Rege ab hac luce evocato, &
 „ prædicto D. Sigismundo Socero;
 „ Patre nostro in sua ætate juvenili,
 „ pro tunc Marchione Brandenburgensi,
 „ ad fastigium Regni Hung. incitato,
 „ nequum tamen Regii diadematis in-
 „ signiis adeptis, quibusdam perfidiæ,
 „ & iniquitatis alumnis, potentibus ta-
 „ men Regni Baronibus videlicet Paulo
 „ Episcopo Zagrab, ac Joanne & La-
 „ dislao de Horváthy Fratribus ejus,
 „ Joanne Crucifero Priore Auranæ, &
 „ aliis nonnullis perfidis sibi associatis,
 „ valida gentium perversarum caterva
 „ coacervata, multis, & diversis spo-
 „ liis, incendiis, & cæteris malorum
 „ generibus in eodem Regno nostro
 „ damnabiliter perpetratis, & com-
 „ missis, versus oppidum Gara vocatum,
 „ aviticum locum ipsius Ladislai Bani,
 „ in quo pro tunc ipse Nicolaus de Ga-
 „ ra Palatinus, Avus ejusdem residen-
 „ tiam faciens personalem, aggregata
 „ fidelium Regnolârum multitudine,
 „ suorumque familiarium, & Fratrum
 „ con-

„ concursu copioso suffultus , illustres
„ Dominas , dicti Regni nostri Hun-
„ gariæ Reginas , Elisabeth Relictam
„ memorati quondam Ludovici Regis ,
„ & Mariam natam ejusdem , prædicti
„ vero D. Sigismundi consortem , sub
„ quarum nutuo tempore Regni Hunga-
„ riæ gubernacula gerebantur , ob Re-
„ gni ejusdem seditiosa mala sedanda ,
„ illuc cum apparatu Reginalis dignitatis
„ declinantes fovebat , & tuebatur , hosti-
„ liter invadere non verentibus , præ-
„ dictum Nicolaum Palatinum , Avum
„ ipsius Ladislai Bani , cum nonnullis
„ suis Fratribus , & consangvineis vi-
„ delicet Joanne filio Pauli de dicta
„ Gara , & Georgio filio Andreæ mul-
„ tisque aliis præfatis hostibus prope
„ idem oppidum Gara bellicose occur-
„ rentes , & animose præliaentes , ipsum
„ siquidem Nicolaum Palatinum , foru-
„ tum adversante , in prælio devictum ,
„ in suæ fidei constantia , usque ad
„ mortem strenuæ militiæ animositate
„ certantem , eisdem duabus Reginis
„ aspicientibus decapitantes , cæteros
„ diverso mortis genere in gladio tru-
„ cidarunt , easdem Reginas , Domi-
„ nas suas naturales , læsæ Majestatis
„ crimine maculati , captivas cum non-
„ nullis ipsorum fidelibus Baronibus ,
„ Baronibus , & sequacibus , egregii
„ sanguinis generositate fulgentibus ,
„ abducere temerario furore præsumpe-
„ runt ,

„ runt , innumerabilibus earum Reginae
 „ lis decentiae thesauris, amictibus , &
 „ supellectibus in prædam direptis ,
 „ & distractis ., Reliquit porro Nicolaus
 tres libros : NICOLAUM II. JOAN-
 NEM VI. & HELENAM Nicolai de Zech
 Uxorem .

Nicoiaus Nicolaum II. idem Rex Albertus
II. Banus Virum indelebilis memoriae vocat, ejus-
Machov. que præclara facinora eodem Diplomati-
 perduel- te in hunc modum persequitur ; „ eo-
 les vincit „ dem D. Sigismundo socero , & Pa-
 „ nostro , jam Regio diademate insi-
 „ gnito , & in Regem Hungariæ subli-
 „ mato , Pater ipsius Ladislai Bani cou-
 „ similiter Nicolaus de Gara , Banus de
 „ Machov tunc existens , suo Banderio
 „ potenter erecto , ex iussione Regia , in
 „ vindictam paternæ necis paricidarum , &
 „ malorum prænarratorum , ad extermi-
 „ nium prædictorum infidelium , versus
 „ partes Temeienses , in quibus eorum
 „ pullulabat multitudo , cum nonnullis
 „ aliis fidelibus procedens , Ladislaum ,
 „ & Michaelem filios Dan ; alterum
 „ Ladislaum de Jank in offensam Re-
 „ giam cum multitudine exercituali
 „ congregatos , in potentia virtutis Al-
 „ tissimi superavit .

Joannem „ Abinde Danubio transfretato ,
de Hor. „ in Sirmium declinans , præsumum Joan-
váthii „ nem de Horwáthy , capitem hostem ,
capit. „ infidelem Regium , suamque detesta-
 bilem cohortem , in despectum suæ
 „ Re-

„ Regiæ Majestatis adunatam debellavit, Emerico filio Andreæ Vajvodæ
 „ cum multis aliis Regiis infidelibus,
 „ una cum Banderio Ladislai, filii Caroli de Duracio, sub cuius nomine
 „ iidem infideles, eundem Regem Hungariæ nominando procedebant, eidem
 „ D. Sigismundo Regi in signum victoriæ triumphalis destinatis. Ipsum de-
 „ nique Joannem de Horváthi, fugæ
 „ prædio in Castrum Possegavár vo-
 „ catum evadentem, idem Nicolaus de
 „ Gara, Pater ipsius Ladislai Bani, in
 „ eodem Castro inclusum, & obsecsum,
 „ Castro ipso expugnato, sub eo pacti
 „ conclusit vinculo, quod dictas Do-
 „ minas Reginas libertati redderet, iu-
 „ terim suam personam cogens in obli-
 „ dem assignare; quo recepto, ipso-
 „ que Nicolao Palatino, Patre ipsius
 „ Ladislai Bani tunc præmisso modo
 „ Bano Machov. adversus Rascenos,
 „ in subsidium dictorum infidelium mis-
 „ sos, confinia dicti Banatus invaden-
 „ tes, se protinus divertente, & eos-
 „ dem Rascenos ab eorum ingressu vi-
 „ tiliter compescente, interea ipse Jo-
 „ annes Banus obfes, per palliatam in-
 „ fidelitatem Stephani filii Dionysii
 „ Vajvodæ, cuius manibus ad conser-
 „ vandum fuerat assignatus, ab ipso
 „ vinculo evadens, Regnum Bosnæ sub-
 „ intravit.

Et plures „ Quo medio ipse Nicolaus Palatius
alios per- „ tinus, circa suæ fidelitatis indicia
duelles. „ continuus, quam plura Castra, &
 „ fortalicia apud manus infidelium ha-
 „ bita, ab eis aufereus, eosdem Re-
 „ gios infideles in exilium Bosnense
 „ potenter aufugavit; cumque eundem
 „ Regiorum infidelium perversitas, in
 „ dicto Regno Bosnae reaggregata, Co-
 „ mitatum de Valko more prædonico
 „ cum Bosnenibus hostiliter invalidisset,
 „ prædas, & incendia præsumptuose.
 „ committendo in eodem, idem Nico-
 „ laus Palatinus, tunc lateri antefati,
 „ D. Sigismundi Regis fideliter adhæ-
 „ rens, cum viris Egregiis: Stephano,
 „ filio Philpes de Korogh, Georgio,
 „ filio Andreæ filii Laczk, & Paulo,
 „ filio Joannis Bani de Alsan, gran-
 „ dem comitivam de sua gente trans-
 „ misit: quorum viribus, Divino auxi-
 „ lio, præfati Regii infideles devicti,
 „ nonnullique capitales eorum in præ-
 „ lio capti, debita poena plectendi,
 „ antefato D. Sigismundo Regi ad-
 „ ducti fuere per eosdem.

Lazarum „ Crescentibus iraque ipsius Nico-
Despo- „ lai Palatini virtutibus, Lazarum Do-
tam ad „ minum Rasciæ, Socerum suum, ab
objequi „ obedientia Regia declinantem, idem
um redu- „ Nicolaus Palatinus, suæ circumspe-
cit. „ ctionis industria, solitæ obedientiæ
 „ reduxit in gremium, debita coronæ
 „ Regiæ obsequia redditurum.

Ipsò

„ **Ipsò denique Lazaro, & Amu-** *Cum Si-*
 „ **rath Turcarum Domino, in conflictu** *gis mun-*
 „ **personali, mutuis bellis inter se com-** *do in Tur-*
 „ **missa, debita carnis universæ utrin-** *cas qua-*
 „ **que reddentibus, præfatoque Joanne** *ter profi-*
 „ **cifcitur,**
 „ **de Horwathy in sui detestabilibus pro-**
 „ **cessibus, districtus Regios Bellyn, &**
 „ **Machov invadente, idem Nicolaus**
 „ **Palatinus, tum Banus Machoviensis,**
 „ **prædictos districtus ab ejus insultibus,**
 „ **sue virtutis arduitate liberavit, con-**
 „ **sequenterque cum adversus Turcorum**
 „ **& Rascenorum prædicatorum malignam**
 „ **conspirationem, vicibus quatuor con-**
 „ **tinuatis, idem D. Sigismundus Rex**
 „ **exercitualiter processisset, præfatus**
 „ **Nicolaus Palatinus, suo banderio so-**
 „ **lenniter erecto, cum eodem proce-**
 „ **dens, laudabiles pro ipsius D. Sigis-**
 „ **mundi Regis honoris incremento ex-**
 „ **hibuit famulatus. Et tanu tunc, quam**
 „ **tandem per eundem ibidem adversus**
 „ **dictos Schismaticos, in custodia Re-**
 „ **gni nostri Hungariæ deputatus, loca**
 „ **ipsorum hostium pluries invadens,**
 „ **cum eisque militares agens conflictus,**
 „ **gloriosæ triumphalis militiæ præsignia,**
 „ **cum ipsorum hostium præda non mo-**
 „ **dica, nec absque jactura gravi pluri-**
 „ **morum Consanguineorum, & sequa-**
 „ **cium suorum, quietem D. Sigismun-**
 „ **do Regi, & Regno suo, per fideles,**
 „ **auctus, plerumque reportavit, subse-**
 „ **quenterque eodem pro reobtentione**

Capto „ Castri Dobor in Uzura situati, de
Castro „ quo Paulus Episcopus prædictus Re-
Dobor „ giæ Majeitatis infidelis, cum filio &
Bosniam „ proximis dicti Joannis de Horwáthy,
ad fidem „ & aliis eorum sequaces suos in Re-
revocat. „ gnicolas in desinenter offendebant,
 „ plurimum laborante, idem Nicolaus
 „ jam tunc exigentibus suarum virtu-
 „ tum meritis, Regnum Dalmatiæ,
 „ Croatiae, & Sclavoniæ Banus, &
 „ Joannes frater suus proprio eorum
 „ vexillo erecto, eidem D. Sigismun-
 „ do Regi taliter affuere, quod per
 „ ipsorum, & cæterorum fidelium
 „ opitulamina dicto Castro in cine-
 „ rem redacto, ipsos infideles Re-
 „ gios suæ captivitatis vinculis manci-
 „ pavit. Cujus famæ terrore percussus
 „ Dobissa Rex Bosniæ, se, & suos su-
 „ bditos restituit obedientiæ, & servi-
 „ tiis ipsius D. Regis, & sacræ coro-
 „ næ Regiæ, a quibus se retraxerat,
 „ observandis.

Et Dal- „ Et cum demum ipsos Nicolaum
matiam, „ Palatinum, & Joannem Fratrem su-
ac Croat- „ um ad recuperanda Regna Dalmatiæ,
tiam. „ & Croatiae prædicta, per violentas
 „ manus Wlk Bani Bosnenis, & dicto-
 „ rum utriusque Joannis, Regiorum in-
 „ fidelium occupatorum transmisisset,
 „ iidem solitæ fidei sinceritate illustres,
 „ exercitu ipsius Wlk. Bani prope Ca-
 „ strum Trimenyi devicto, præscripta
 „ duo Regna manibus, & dominio ipsius
 „ D.

„ D. Sigismundi Regis , cum aliis Ca- *Sigis-*
 „ stris , Civitatibns , & fortalitiis ip *mundum.*
 „ eisdem habitis , recuperarunt. *ex Vala-*
chia feliciter edu-

„ Similiter cum assumpto tandem si-
 „ delium suorum exercitu valido , ad *cit.*
 „ partes Transalpinas præfatus D. Si-
 „ gismundus Rex se moyendo , & fe-
 „ re majorem partem terræ ejusdem
 „ peragrando , Castrum minoris Nico-
 „ polis , ubi Turcorum multitudo reside-
 „ bat , potenter obsedit , eodemque Ca-
 „ stro , non absque ipsorum quondam
 „ Nicolai Palatini viribus obtento , &
 „ in suorum fidelium manibus derelicto ,
 „ Merche etiam Vajvoda Transalpino ,
 „ qui per ipsos Turcos oppresus ex-
 „ stiterat , juvamine ipsorum fidelium
 „ suorum , suo dominio restituto . Tan-
 „ dem felici triumpho , versus Regnum
 „ Hungariæ præfato D. Sigismundo Re-
 „ ge remeante , in Alpibus Pazaræ di-
 „ cctis , strictissimis indaginibus inclusis ,
 „ & obduratis , multitudo Valachorum
 „ per ipsum Merse Vajvodam in pri-
 „ stinæ infidelitatis , ingratitudinisque
 „ vitium relapsum , cum intoxicatis ,
 „ & mortiferis jaculis contra ipsum D.
 „ Sigismundum Regem , & suos insidio-
 „ se destinatorum , exercitum ejusdem
 „ circumdedit , moxque memoratus Ni-
 „ colaus Palatinus , Pater ipsius Ladis-
 „ lai Bani , se ipsum cum suis , eidem
 „ D. Sigismundo Regi sentum prote-
 „ ctionis opponens , ipsorumque Wa-
 „ lacho.

„ lachorum insultus , non sine morte ,
 „ & lesione suorum multorum sequa-
 „ cium , viriliter repellens ; eidem exi-
 „ tum viarum affecuravit .

*Post clas-
dem Ni-
copolita-
nam eun-
dem comi-
tatur.*

„ Cumque postea solenni fidelium
 „ suorum exercitu congregato , signan-
 „ ter ipsis Nicolao Palatino , & Joaan-
 „ ne Fratre ejusdem , cum magna co-
 „ piositate gentium eorundem secum as-
 „ sumpta , adversus prædictos Turcos
 „ versus Bulgariaam procesisset , ibique
 „ cum iisdem Turcis , & Bajazeth
 „ eorundem Turcorum Domino , circa
 „ Castrum majoris Nicopolis confictus
 „ personales habuisset , multa prius hinc
 „ inde strage cadentium in gladio com-
 „ missa , tandem permittente occulto
 „ Dei judicio , parte ipsis D. Regis
 „ hostibus cedente , suisque , & ipso-
 „ rum filiorum quondam Nicolai Pala-
 „ tini , ac cæterorum fidelium vexillis
 „ abstractis , versus dictas partes Trans-
 „ alpinas gressus retroflexos inire coa-
 „ctus fuisset , cum eisdem , & paucis
 „ aliis suis fidelibus per flumen Danubii
 „ navali passu versus Regnum suum Hun-
 „ gariae remeantibus , præfatoque Joan-
 „ ne , cum quibusdam aliis ipsis D. Si-
 „ gismundi Regis fidelibus , pro custo-
 „ dia Regni sui præmisso ; ipso vero Ni-
 „ colao Palatino erga suam Majestatem
 „ reservato , per annum meatus Con-
 „ stantinopolim , & dehinc ad Regna
 „ Dalmatiæ , & Croatiarum prædicta remi-
 „ gan-

„ gantibus , ipse Nicolaus Palatinus ,
 „ Pater dicti Ladislai Bani , præfatum
 „ D. Sigismundum Regem nusquam de-
 ferens , tamdiu affectione summa etiam
 „ in hujusmodi ipsius D. Regis penu-
 „ ria eidem adhærere non desis , do-
 „ nec dirigente Altissimo , in ipsum Re-
 „ gnum Hungariae regressum habuit fe-
 „ liciter adoptatum .

„ Cum itaque D. Sigismundus Rex *Ex capti-*
 „ *vitate li-*
 „ *berat.*
 „ moderamina Regnorum suorum præ-
 „ dictorum , hilari tranquillitate gubern-
 „ naret , svadente discordiarum incen-
 „ tore , occultaque conspiratione con-
 „ fecta , idem D. Sigismundus Rex per
 „ quosdam Prælatos , & Barones dicti
 „ Regni sui , ut in exilium relegaretur ,
 „ captus fuisset , jamque defacto Rex
 „ Poloniæ ex inticulatione dictorum si-
 „ bi adversantium in dictum Regnum
 „ Hung. ad usurpandum sibi Regnum ,
 „ & diadema suum Regale subintrare
 „ moliretur , præfati Nicolaus de Gara ,
 „ & Joannes Frater suus pro liberatio-
 „ ne personæ Regiæ se fortunæ casibus
 „ submittentes , diebus non paucis ipse
 „ Nicolaus Palatinus , per suos sudoro-
 „ fos labores inter præfatum D. Sigis-
 „ mundum Regem , & præscriptos Præ-
 „ latos , ac Barones pro pacis obtentu-
 „ multimodos tractatus facientes , ad
 „ ultimum Dei disponente clementia , in
 „ cuius manu omnia diriguntur , tracta-
 „ tus pacis interceptos , & diutius ru-
 „ , mi-

„ minatos fine , via , & modo laudabili
 „ libus terminarunt . Quibus conclusis
 „ persona ipsius D. Regis ex præscripta
 „ detentione liberata , ejusdem Nicolai
 „ Palatini , Patris ipsius Ladislai Banila-
 „ boribus , interceptorum tractatibus me-
 „ diantibus , pristinoque regimini diade-
 „ matis , & Regnum suorum prædicto-
 „ rum realiter , & integre fuit restituta ;
 „ nec in vindictam hujusmodi captivi-
 „ tatis Regius animus exarsit ; quin imo
 „ industria , & consiliis ipsius Nicolai
 „ Palatini , seditionibus , & patratis
 „ omnibus pacifice complanatis quies ,
 „ & indemnitas rerum ; corporum fuit
 „ omnibus reservata .

Ladislao
*e Duracio obi-
 fit.* „ Sane eodem D. Sigismundo Re-
 „ ge post tot temporum , & eventuum
 „ ingruentias , dispositione superna ,
 „ rursum sui Regii Status recuperata
 „ tranquillitate constituto , cum tempo-
 „ ris importunitate poscente ad Regnum
 „ Bohemiarum , & pro subtilio olim D.
 „ Wenceslai Regis ejusdem Regni ,
 „ Fratris sui , iter suum dirigens , ibi
 „ dem aliquantis per moram traxisset ,
 „ nonnullis Prælati , Baroniis , & Pro-
 „ ceribus ipsius Regni sui Hungariae , in
 „ hujusmodi sua absentia , conspiratione
 „ inita , ipsum D. Sigismundum Regem
 „ que de ipso Regno suo secludere , alium
 „ eis Regem , videlicet præsumptum La-
 „ dislaum , filium Karoli de Duracio ,
 „ in ipsum Regnum ducere machinantibus

„ bus , & erectis ejusdem Ladislai bani-
 „ deriis , in plerisque ipsius Regni sui
 „ partibus , & locis , sub ejus nomine
 „ jam palam procedentibus , plurimaque
 „ spolia , incendia , & cætera mala
 „ committentibus , idem Nicolaus Palati-
 „ nus , Pater ipsius Ladislai Bani , &
 „ Joannes Frater ejusdem , non atten-
 „ dentes vaftationem , vel amiffionem
 „ plurimorum bonorum suorum , suaque,
 „ jura possessionaria tam copiosa , ra-
 „ paci prædæ dictorum Prælatorum , ac
 „ Baronum , eorundemque sequacium
 „ pro ipsius D. Sigismundi Regis ho-
 „ nore exponere non formidarunt , suis
 „ banderii magnifice erectis , una cum
 „ suis fidelibus famulis , & ad hæren-
 „ tibus eisdem , dictis sibi adversanti-
 „ bus se constanter opposuerunt ; non-
 „ dumque eodem D. Sigismundo Rege ,
 „ ipsius Regni sui attingente confinia ,
 „ per ejusdem Regni sui loca diversa
 „ se exponendo , & tandem ipse Nico-
 „ laus Palatinus , Pater ipsius Ladislai
 „ Bani , præfato Joanne Fratre suo , in
 „ ipso Regno cum eorum potentia re-
 „ licto , præfatum D. Sigismundum Re-
 „ gem personaliter secutus , & dehinc
 „ per eundem pro ulteriori tutela , in
 „ ipsum Regnum suum remissus , cum
 „ ipso Joanne Fratre suo diversa Ca-
 „ stra , fortalitia , & loca a manibus
 „ ipsorum Regiorum infidelium ause-
 „ ren-

„ rendo', eidem D. Sigismundo Regi
„ assignarunt. - - -

*Cum. Venetis in-
ducias init.* „ Cumi collecta fidelium suorum ex-
„ peditione valida , pro recuperatione
„ Civitatum , Castrorum , & bonorum
„ suæ coronæ : sub tempore disturbio-
„ rum præmissorum , ad manus inimi-
„ corum Regni Hungariæ , & suorum ,
„ specialiter Venetorum , qui Civitatem
„ Jadrensem , & Castrum Auraniæ , cum
„ nonnullis aliis Civitatibus , Caltris ,
„ & fortalitiis Regni Dalmatiæ usurpa-
„ rant , in terras Istriæ , & Fori Julii
„ ipse D. Rex personaliter profectus
„ fuisset , præfatus condam Nicolaus
„ Palatinus , Pater ipsius Ladislai Bani ,
„ eundem secutus in plurimorum Ca-
„ strorum , & fortalitorum oppugnatio-
„ ne , & obtentione , gentium iuvarum
„ exercitualium stipatus animosa stre-
„ nuitate , eidem affitere non destitit ,
„ & virili conspicuus agilitate , multa
„ suis adjecit incrementa virtutibus ;
„ igitur dum idem D. Sigismundus Rex
„ præmissæ expeditionis processum felic-
„ citer continuaret , cogentibus eun-
„ dem Regni sui Romani expeditioni-
„ bus , ad cuius fastigium jam pridem
„ Principum Electorum Romani Imperii
„ votis concordibus fuerat assumptus , in
„ partes Alemanniæ , & Italiam per Princi-
„ pes Sacri Imperii evocatus , debuisset se
„ conferre , ne res ipsa Hungariæ im-
„ provide deserta remaneret , idem Ni-
„ co-

„ colaus Palatinus cum Venetis ante-
 „ latis , licet multis , recentibusque in-
 „ juriis , & damnis lœsis & asperatis trœu-
 „ gas quinquenii hinc inde pacifice du-
 „ randas , sui industria consiliū stabilivit. „

Subjicit deinde Albertus , quomo-
 do Nicolaus Barbaram Sigismundi Re- *Barba-*
gis Conjugem Aquisgranum , & hinc ram Im-
Constantiam comitatus sit ; sed cum cœ- peratri-
tera in MS. exemplari , quo utor , hi- oem in
ent , quid porro Nicolaus in Consilio niam de-
Constantiensi æque , ac Basileensi , quid dicit , Germa-
in bello Bohemico adversum Hussitas
fuscepto egerit , compertum non est.
Administravit Proregis officium usque
ad mortem , quam sub annum 1433. op-
petiit. Uxores duas habuit : alteram
Helenam Lazari Despotæ Serviæ filiam ,
alteram Annam Comitem Ciliæ , & Bar-
baræ Reginæ Hungariæ Sororem Ger-
manam , ex quibus nati sunt PETRUS ,
NICOLAUS III. & LADISLAUS II. de qui-
bus infra , ac BÁRBARA filia.

JOANNIS VI. qui Nicolai II. Frater *Joannes*
 erat , præclaræ faciūra , ex literis Al- *VI. Vaj-*
berti Regis , quas supra recitavimus , voda
facile colligas , quibus illud adjiciendum
venit , quod eo prælio , quo Patrem cœsum
esse diximus , ipse captus , & in vincula
abreptus fit. Alteram captivitatem in
Bosnia subiit , fatum hoc Sigismundus
Rex literis anno 1427. datus ita per-
scribit : „ Turci , inquit , crucis Chri-
, sti inimici , nostrique notorii æmuli ,
DECAS IV. E „ Ma-

„ Majestatem nostram in remotis agere
 „ præsentientes, superba eorum colla,
 „ contra culmen nostrum Regium, &
 „ Regnum Hungariæ prædictum erigen-
 „ tes, Regnum nostrum Bosnæ subin-
 „ trarunt, fines præacti Regni nostri
 „ Hungariæ satagentes impugnare: quod
 „ memoratus Joannes de Gara, qui eo
 „ tunc Vajvodatus Transilvanie funge-
 „ batur officio, tanquam Tyro, & Te-
 „ tragonas fortissimus, zelo fidelitatis
 „ succinctus, in defensionem fidei Ca-
 „ tholicæ, & Regnum nostrorum præ-
 „ dictorum, cum maximo gentium ex-
 „ ercitu, adunatis sibi plurimis Regni
 „ nostri Baronibus, Militibus, & Pro-
 „ ceribus in copiosa multitudine bella-
 „ torum, contra eosdem nostros hostes
 „ processit pugnaturus, & transfretato
 „ fluvio Zavæ, illico cum eisdem in
 „ forti brachio virtutis Dei, bellicum
 „ decrevit inire certamen, siveque' eis
 „ in area certaminis fortissime, diuque
 „ dimicantibus, tandem novercante si-
 „ bi fortuna, non sine multorum cha-
 „ rorum familiarium suorum mortibus
 „ succubuit, & nonnullis lethalibus vul-
 „ neribus in sui personam suscepit,
 „ captivitatem quorundam infidelium
 „ nostrorum Bosniensium subire coactus
 „ est, ubi per plura tempora tetro
 „ carceris ergastulo tentus, ferramen-
 „ torum immensa vincula ferre non ab-
 „ horruit: de quibus tandem opitular-
 „ „ te

„ te sibi Divina gratia liberatus, sal-
„ vus, & incolumis ad propria re-
„ meavit. „ A)

Fuit eodem anno 1427. Comes *Et Co-*
Temesienis, impetravitque universa bo-*mes Te-*
na Michaelis, filii Stephani, filii File
de Mikla; quod Ladislao de Duracio
contra Sigismundum Regem adhaesisset.
Connubio junxit Hedvigel, filiam Ze-
moviti Ducis Mazoviæ, quæ cum anno
1433. Relicta legitur, eum ante obiisse
oportuit. Nullam filiorum memoriam
reperio: duæ autem filiæ CATHARINA,
& HEDVIGIS Patri superstites manserunt.

Jam de PETRO, & NICOLAO III. *Ladis-*
Nicolai II. filiis, vix est quod adferam; *laus II,*
præterquam quod ex literis Conventus *Hung.*
Sexardiensis utrumque anno 1416. Ni-
colai vero etiam anno 1433. in vivis
fuisse constet, at eorum frater LADIS-
LAUS II. tum administratis Magistratibus,
tum rebus gestis multo clarior habetur;
postquam enim adolevit: Provinciæ Ma-
choviensi Banus, et Comitatui Lipto-
viensi Comes plures annos præfiuit, ab-
hinc Sacrae Coronæ Custos, demum Re-

E 2 gni

A) His addit Thuroczius Chronicorum Hungariæ Parte IV. Cap. XVI. pondus ferramentorum ingens; quibus vincitus erat, in Monasterio de Batha ad gloriam pretiosissimi Saginoris Domini Redemptoris nostri, pro illius, quod ibidem voverat, redemptione voti, futuram ad memoriam reliquit;

ni Hungariæ Palatinus renuntiatus est.
 Quid autem in his muneribus egerit?
 ne longior sim, A) consulto prætereo:
 laudes modo adscribam, quibus eum
 Mathias Rex exornat, cum eruendi mi-
 neras veniam ei largitur, sic autem ha-
 bet: „debitum itaque respectum ha-
 „bentes, ad integerimam fidem, in-
 „clytas virtutes, & præclara merita
 „fidelis nostri, sincere dilecti, Magni-
 „fici Ladislai de Gara, dicti Regni
 „nostrí Hungariæ Palatini, qui sicuti
 „claritate sangvinis, qua nobis proxi-
 „ma linea attinet, sic & multimodis,
 „temporibus suis, virtutibus & obse-
 „qiis merito se præ cæteris reddidit
 „honorandum. Nam sicut Progenito-
 „res sui, Patrum nostrorum temporî-
 „bus, sic & ipse tempore nostro, pru-
 „dentibus consiliis, & potentibus acti-
 „bus, status Regii conservatore's sem-
 „per fuere, & columna adeo, ut
 „etiam inter alios fideles nostros,
 „maxime dilecti Ladislai Palatini indu-
 „stria, & cooperatione regni nostri
 „Hungariæ, sublatis internis Schisma-
 „tibus, & civilibus bellis, quæ antea
 „& voluntates, & mentes eorum non
 „solum a se se, verum etiam ab obe-
 „dientia nostra distraxerant, concordi-
 „, ter

A) Videri possunt Thuroczius, Bonfinius,
Prayus, aliqui Scriptores.

„ tēr nos naturalem eorum Regem, &
 „ Dominum cognoverunt, & suscep-
 „ runt cum effectu., Hactenus Mathias
 Rex. Ladislau potro vitam non ultra
 annum 1460. perduxit; eo enim Ale-
 xandra, vel Alexandrina Boleslai Ducis
 Tessinensis filia, & Ladislai Conjux,
 die 15. Septembbris Relicta legitur. Ex
 hoc matrimonio in lucem prodierunt:

1. JOB, qui post annum 1475, abs-
 que hæredum solatio deceſſit. Mori-
 turus tabulas supremæ voluntatis condi-
 dit, iisque cum in alia sacra loca, tum
 in Cenobium S. Laurentii prope Bu-
 dam admodum munificus fuit.

*Ejus pro-
les.*

2. ANNA Emerici de Hedervára
 Bani Machovienis.

3. Anonyma Ladislai de Hunyad
 sponsa, eoque de medio sublatu, Ni-
 colai de Újlak Uxores. His Amicus
 adjungit.

4. JOANNEM VIII.

5. NICOLAUM IV. sed utrumque
 Patri præmortuum esse opinor; certe
 ad annum 1440, Joannis Viduam Mar-
 garetham invenio, quæ quod variorum
 scelerum condemnata esset, publico ju-
 dicio carceri inclusa fuit. Nicolao IV.
 Conjux adscribitur Anna, & duæ pro-
 les; HELENA, ac JOSEPHUS, quæ in
 tenera ætate obierint.

Meminit præterea Bonfinius, & ex
 eo Timon ad annum 1479. PETRI de
 Gara, qui cum idem sit cum eo, quem

E 3 supra

supra Nicolai II. filium dixi, compertum non habeo. Uterque laudat Petrum, quod Turcas ultra Jajczam infecutus, in Oppido Verboz deprehensos ceciderit. Addit idem Timon ad annum 1480. vivere hoc anno desit Michael Gara, in quo familia extincta, & bona ad Fiscum reciderunt; atque istud quamquam de linea Palatinali, quam hactenus executus sum, facile concesserim, alteram tamen, quam Banalem appellare placet, quæque Bánfi de Gara aut Garaj de Gotha, deinceps compellata est, paulo diutius superfluisse, ex iis, que mox dicturus sum, patebit.

*Lineæ
Palati-
nalis ul-
timus
Michael.*

*Lineæ.
Banalis
vero Lau-
rentius.*

PAULUS III. cuius supra mentionem feci, genuit filium DESEW, ac fortasse GEORGIUM, & JOANNEM VII. utrumque anno 1417. Canonicum Vesprimensem, illum insuper ejusdem Ecclesiæ Lectorem. DESEW contra in aula Sigismundi Regis Hung. primum Agazonum Reginalium Magister, deinde cum non solum animi, corporisque viribus, sed etiam scientia rei militaris polleret, Machoviensi Provinciae Banus praefectus est, quam annos complures strenue, fortiterque administravit. Ex Conjuge Anna, filia Michælis Szilágyi de Horogszegh sustulit filium JOANNEM IX. cui ex Uxore Anna plures filii erant videlicet: ANNA, DOROTHEA, CLARA Joannis Kishorváth de Allapsich thoro adjuncta; at filius unicus LAURENTIUS, ho-

homo inquies, & alieni adeo appetens,
ut rapinis non absfineret. Ab Wladis-
lao II. anno 1491. cum ante Maximili-
iano Austriaco adhæsisset, in gratiam
receptus est. Duas Conjuges habuit:
primam Sophiam Ostffii, ex qua nati
sunt:

- 1. PETRONELLA Pauli Istvánfi. *Ejus pro-*
les.
- 2. CATHARINA Petri Markus.
- 3. ANNA Joannis de Macedonia
Consortes.
- 4. LADISLAUS, qui virilem æstatem
non attigit. Altera Coniux Lucia Paxi
de Pakos in lucem effudit BARBARAM
Francisco Zaj de Chemer nuptam.

VII.

LÓRÁNTFI DE SERKE,

(Fig. 7.)

Lorantfios de genere Ratoldi ortos
Lorántfi esse, vetustæ literæ docent. Venit au-
de genere tem in Hungariam Ratoldus sub Colo-
Ratold
riundi. mano Rege, quemadmodum testatur
Magister Thwroczius: A) post hæc in-
quirit, *in trant Oliverius, & Ratoldus tem-*
pore Regis Colomanni qui de Regno Apu-
lorum, de Caserta ortum habent. Ra-
toldi posteri subinde adeo multiplicati
sunt, ut cum anno 1283, coram Ladis-
lao Rege fundos dividerent, jam in quin-
que ramos abierint; sic enim Rex lo-
quitur: Nobiles Viri Magistri Rolandus,
& Desev filii Leustacbi: Dominicus &
Ladislaus filii Stephani, Reynoldus, &
Nicolaus filii Oliverii: Magister Mathias
filius Rolandi Bani de eadem genera-
tione Ratold subjicitque infra, excepta por-
tione Magistri Balduini; atque ab hoc
Bal-

A) Chronicorum Hungariæ Parte II. Cap.
XVII.

Balduino Gyulafii de Rátoth , qui non ita pridem extincti sunt, profluxerunt

Obvenerunt autem Magistro Mathiæ filio Rolandi Bani: possessio Laapa in Comitatu Simegiensi , universæ possessiones in Comitatu de Posega , Castrum Nagy- Kemlek inter Dravum & Savum fluvios, possessio Nagy Rátold in Comitatu Veszprim. Halas in Comitatu Szabolcensi , & Kuesd , vel Kövösd in Comitatu Zempliniensi sitæ ; cæteri vero hæc loca adepti sunt sunt : Kaza in Comitatu Borsodieni , Puthnok , & Feled in Gömöriensi , Pata & Szentgyörgy in Simegiensi , Vjlah, Kevesd , & Olah-telek in Bihariensi , Szelpe in Posoniensi , Ratold in Pesthieni , Chicho demum & Rethek in partibus Transilvanis. Ortæ autem sunt ex his Viris claræ, illustresque familiæ, quarum non nullas hoc adscribere juverit ; ex Nicolao itaque filio Oliverii familia de Putnok, ex Dominio filio Stephani familia de Pászthó , ex Kakas filio ejusdem Stephani familia de Kaza , ex Ladislao filio itidem dicti Stephani familia de Tar, ex Desew filio Leustachii familia de Ilsa , ex Rolando demum filio ejusdem Leustachii familia de Feled , & Lorantiorum de Serke originem duxit.

Habuit enim duos filios : DESEW, ex quo natus Nicolaus axiomate de Feled uti cœpit , & LORANDUM , qui sub annum 1324. Castrum Serke in Provin-

Loran-
dus Au-
thor Lo-
rándfio-
rum.

cia Gömöriesi situm, sortitione acquisivit. Lorandi filius? an nepos? fuit JOANNES, quem titulo Vajvodæ de Serke exornatum reperio, nondum tamen satis exploratum est, cujus Provinciæ, Transilvaniæ? an Russiæ Vajvoda fuerit? Reliquit filium LORANDUM II. hic vero JOANNEM II. & GEORGIUM, sed Joanni II. unica filia erat HEDVIGIS, quam vetulam admodum decepsisse oportuit, cum anno 1493. adhuc in viuis fuerit. Tres maritos habuit primum Georgium Kakas de Kaza, alterum Nicolaum Tybold de Darocz, postremum denique Dionysium Alaghi de Bekény.

*Georgius
Comes
Comita-
tus Gö-
mör.*

Georgius a Cenobio Vallis S. Antonii de Lechnicz ordinis Carthusienorum in communionem bonorum operum adlectus, & anno 1443. Comitatus Gömöriensis supremus Comes, molestum, impeditumque regimen habuit, Joanne Giskra cum Bohemis, non solum Hungariæ superiori, sed etiam ejus bonis pertinacissime incubante; & a Castro quidem Gede, virtute propugnatorum, hostem rejicit, impedire tamen non potuit, quo minus avita arx Serke in Giskræ potestatem veniret. Ipse Rex Mathias anno 1460. exercitum loco admovit, & cæsis magna parte latronibus captum, veteri Hero restituit. Erat Georgio Uxor Anna de Széch, & septem proles, quarum nomina hujusmodi sunt:

I. Jo-

1. JOANNES III. Margarethæ, in-
certum ex qua familia, Maritus. *Eius li-
beri.*

2. THOMAS.

3. TOBIAS.

4. MICHAEL, cuius ad annum 1435,
Viduam invenio Agatham Balaffia.

5. CATHARNA.

6. ELISABETHA.

7. ANNA Ladislao de Széch nupta.

Deficientibus cæteris Fratribus To-
bias, qui anno 1495. floruit, stemma *Ladislaci*
propagavit, genitis duobus filiis: NICO-
LAO & LADISLAO. Huic ex Uxore
Dorotheæ de Csemek natus est TOBIAS
II. Tobiæ II. JOANNES V. qui ex con-
nubio cum Juditha Viczmandi inito su-
fcepit LADISLAUM IV. Patrem TOBIÆ
III. lineæ suæ postremi, cum mascula
sobole orbus, unicam filiam reliquisset
Dorotheam, Petro Szechényi in matri-
monium datam.

Nicolaus Ladislai I. Frater, ad *Item Ni-*
Regni Comitia, quæ anno 1505. in *colai,*
campum Rákos indicta sunt, a Provin-
cia Gömöriensi Legatus decreto, quod
ibi editum est, de non adoptando in
Hungariae Regem extero, subscriptus
legitur. Uxorem habuit Catharinam de
Csemek, & ex ea tres filios: JOAN-
NEM IV. CHRISTOPHORUM, & WOLF-
GANGUM. Hic, quanquam Magdalenam
de Raska in thori societatem adjunxis-
set, defecit. Christophorus, qui anno
1570, in vivis fuit, ex Margaretha Fe-
ledi

ledi Pater factus est SIGISMUNDI, & PETRI. Petrus Conjugem delegit Sufannam Keczer de Lipocz; sed sterilem: nec multo felicior fuit Sigismundus Frater, qui ex primo matrimonio Susannæ Pekri de Petrovina, unam filiam eduxit ANNAM, Michaelis Baso consortem; ex altero vero Annæ Horvath unum itidem filium LADISLAUM III. qui vix primam ætatem egressus, vitam cum morte commutavit.

JOANNES IV. ex Uxore Barbara de Derechen, præter tres filias: URSLAM videlicet primum Michaelis Tömösvári, deinde Joannis Bakos de Osgyán, SUSANNAM Sandrini Seu Alexandri Vétsej, & ANNAM Demetrii Borbély, alias Mezősi Conjuges, genuit filium LADISLAUM III. cui Elisabetha de Horváth duos liberos peperit: PAULUM, sed qui ante fato succubit, quam virilem ætatem attigisset, & MICHAELM II. Hic post existamt Dobonum de Ruzka gentem, Arcem Sárospatak vindicavit, & suam fecit. Ex duabus Conjugibus, quarum altera fuit Barbara de Zetemér, altera Catharina Andrássi de Csik szent Király, quæ Marito superstes mansit, quatuor filias procreavit; earum nomina sunt:

Michaelis II. filiiæ.

1. ELISABETHA.

2. SUSANNA, hæc stirpis Lorántfiaꝝ præcipuum decus videri poscit, cum Georgio Rakoczio, qui postea

Tri-

Princeps Tranfilvaniæ factus est, anno 1616. die 18. Aprilis in manus convenit. Laudatur a scientia, & eruditio-
ne, neque enim aliorum tantum opera
prælo subjicit, sed & proprium partum,
cui titulum fecit: *Moyses, & Prophetæ:*
in lucem edidit. A) Sublato marito, in
hæredium Sárospatckiene se recepit,
ubi Helveticæ Confessionis, cui ad-
dictissima erat, Scholas, & Col-
legium ad eum florem provexit, in quo
postea nunquam fuit.

3. MARIA.

4. CATHARINA Stephani Apafi de
Apanagyfalva Conjux. Obiit die 29.
Aprilis Anno Domini 1681. etatis vero
sue fere 65.

VIII.

A) Quæ fata liber hic habuerit, diffuse
narrat Kazy Histor. Hung. libro V.

VIII.
ORSZÁGH DE GUTH.
(Fig. 8.)

Familiae Guthi, vel Guthy; si recte ab Amico edoctus sum, locus est Provincia origo incerta. **G**uthi, vel Guthy; si recte ab Amico edoctus sum, locus est Provincia origo incerta. Szaboltsien; a quo gens Guthiana nomen suum duxit, eam condivisionalem, quemadmodum nostri Jurisperiti loquuntur, fuisse cum familia de Atthya, literæ Caroli I. Regis probant; sed quo genere profluxerit? cum nec opibus, neque gestis Magistratibus, ante Sigismundi Cæsaris tempora inclarerit, arduum est definire. Itud utcunque sit, floruit sub Carolo I. Salomon de Guthy, ex quo natus Petrus, quatuor filiorum Parens erat: Emerici, Andreæ, Joannis, & Ladislai, atque his sere æquales erant quatuor itidem CÄSPARIIS de Guth filii, quibus quemadmodum cognomen Országh adhæserit, jubarbit ex Dubravio audire: A)

Hæc

*Hæc audita (nempe Elisabethæ , & Unde Or-
Mariæ Reginarum captivitas) Sigismun- szdgh
dum , inquit ille , acerrimo dolore affe-
cerunt , cuius aculeo exsticulatus , toto
animi impetu , ad prosequendum in Hun-
gariam iter ferebatur , Jodoco Patruele-
eum comitante. Cum fines Hungariae at-
tigissent , occurrit illis globus puerorum ,
ritu gentili sagatus , cum signifero adul-
tiore. Interrogat Hungarice Sigismundus :
Quænam bæc militia ? & cuius sunt isti
milites ? respondit Signifer : en tibi præsens
adest Országh , qui tecum o Rex ! mili-
tia contra hostes tuos. Accipio , inquit ,
omen , & ita spero fore , ut a me stet
Országh , quod apud Hungaros sonat con-
cilium universi populi (verius Regnum)
quemadmodum paulo mox accidit Budam
ingresso , ut ei omnes ibi Ordines præsto
essent , rogarentque , ut illorum obsequio
ad omnes suos conatus uteretur. Huic
Signifero ubi ætas illi validior accessit ,
banc retulit gratiam , ut illum in loco
ignobili , A) & in egestate natum ad eque-
strem gradum ; & mox ad tantas divitias
pro-*

A) Quanquam in egestate natum facile
admisserim , haud tamen loco ignobili ;
Magister enim Thwroczius , qui Signi-
ferum illum optime norat , ita scribit :
quem præfatus Cæsar (Sigismundus)
non claro fine merito , humilis nobilita-
tis de tugurio , alia sublimavit Barona-
tus ad atria.

provexerit, quibus cum Proceribus Hungariae certavit, Országh illi cognomine indito, quo in hanc diem familia illa gloriatitur. Haec tenus Dubravius.

*Joannes
Præcep-
tor Cru-
cifero-
rum Al-
beregati.*

Porro signifero illi Michaelis nomen erat: de cuius Fratribus EMERICO, & SEBASTIANO non est, quod adferam; JOANNES autem demortua Uxore, sacram militiam complexus, Præceptor Cruciferis Albensibus plures annos præfuit, eorumque fundos contra vicinorum rapacitatem strenue defendit. Ante initum Ordinem genuit filium LAURENTIUM, cuius ad annum 1501. Elisabetham Relictam lego, & Anonymam filiam, quæ Joanni Giskra de Brandis in matrimonium collocata est. Sic enim exerte Bonfinus: A) paucis post mensibus Joannis Országh præstantis quidem Proceris e multis filia deligitur, qua cum Gis-
cra, cum solenni apparatu, nuptias celebravit, & addictam Regi fidem ad mortem usque sancte servavit.

*Michael
Palati-
nus.*

Fratribus suis MICHAEL, cuius supra meminimus, & rerum, munerumque gestorum gloria, & summa apud Reges gratia, facile anteivit; certe Sigismundi Imperatoris assiduus domi, forisque comes, postquam ex Italico itinere cùm eo in patriam rediit, non solum copio-

sis

nis prædiis donatus , sed & thesauro Re-
gio moderando præesse jussus est ; quod
munus etiam sub Wladislao I. Rege
integerime curavit. Sub Ladislao Post-
humo , & Mathia Corvino Magister Cu-
riæ Regiæ , ab hoc anno 1458. singu-
lare , atque haud scio , an ulli privato
indultum Privilegium emeruit , ut Ec-
clesiæ Nitriensis Episcopum , tanto ta-
men muneri parem , quoad sibi , & Fi-
liis vita suppeteret , nominare possit.
Abhinc Regni Hungariæ Palatinus , &
Judex Cumanorum renuntiatus , summo
huic officio sub annum 1482. in cana
senectutē , immortuus est. Uxorem ejus
haecenus non reperi , suspicor tamen dē
domo Rožgoniana fuisse ; reliquit filiam
BÁRBÁRÁM Joannis Podmaniczki de
Podmány Confortem , ac fortasse etiam
HELENAM , ad annum 1494. Ladislai
de eadem Podmány Relictam , & quat-
vor filios : JOANNEM II. qui ex Con-
juge Anna de Zéchén progenuit SIGI-
MUNDUM , & EMERICUM II. prætera
CASPARUM II. & MICHAELEM II. qui
quidem defecisse videatur , & LÁDIS-
LAUM. Hic ab anno 1484. ad 1493.
Agazonum Regalium Magister , ex Ma-
gdalena de Maróth sustulit decem pro-
les , quarum nomina sunt :

*Eius
posteri*

I. MAGDALENA Joanni Cheh de
Lévá nupta , deinde Francisco de Ha-
rafzta

2. SIGISMUNDUS II. tantarum opum, & facultatum, ut articulo 22. Comitiorum anni 1498. inter eos Proceres re- censeatur, qui Banderium, seu mille equites alere tenebantur.

Joannes III. Episcop. Syrm. & Vaciensis

3. MICHAEL III. de quo infra.
4. JOANNES. III. anno 1505. Syrmensis Episcopus nominatus, & 1520. ad Vacieensem Sedem traductus, evasit ex fatali elade Mohatsiana, superfuitque adhuc anno 1534.

5. EMERICUS III. Ludovici II. Cubiculariorum, Ferdinandi autem I. Regis Janitorum Magister, non reliquit, nisi filiam MAGDALENAM, quæ Stephano Bánfi de Alsó-lindva, in manus convenit.

6. FRANCISCUS anno 1522. Ludovici Regis Cubicularius, Pater fuit duarum filiarum CHRISTINÆ, & CATHARINÆ.

7. DOROTHEA Petri Korlathkewy de Buchán Consors.

8. CATHARINA.

9. BARBARA.

10. ANNA.

Ladislaus II. Comes Neogra. & Heves. Michael III. genuit filium LADISLAUM II. anno 1536. Comitatuum Neogradiensis, & Heveliensis Supremum Comitem, qui anno 1544. terris ereptus, ex Anna Pekry de Petrowina, deinde Stephano de Loffonez nupta, tres proles reliquit: CHRISTOPHORUM, HELENAM, & BARBARAM, hæc omnium diutissim-

tissime vixit, ternasque nuptias invit,
& primas quidem cum Francisco Török
de Enning, alteras cum Echio Comite
a Salmis, & Neuburg, postremas deni-
que cum Francisco de Geszth.

Helena longe meliore Marito di- *Helena*
gna fuit, quam Gabriele de Peren Per- *Uxor Gá-*
petuo Comite Abaujvár. cui nupsi; eum *brielis dē*
Franciscus Forgach Episcopus Varadi-
ensis A) tetro admodum colore hunc in
modum expingit: uxorem habuit, inquit,
Sororem Christophori Ország, letissi-
mam Matronam, cui venenum paulo an-
te mortem, ne sibi superviveret, propina-
vit; nam quum ab ea fluite admodum
peteret, ne se defuncto alteri nuberet,
precari se ei longiorem vitam respondit:
cæterum de futuris, nescire se quidquam
certi promittere, spem tamen meiorem
de se habere vellet. Quare Medicum Jo-
annem Vitum, srixi enī interminatus
ei præsentem mortem, adegit venenum
conficere, ac ei propinare, quæ paulo post
mortem Mariti, languescentibus sensim
membris, atque omnibus sensibus, pene-
trante vi veneni, in flore aetatis, misere
vitam finivit. Quod facimus nulla charita-
te ille perpetravit, quæ enim caritas in sce-
lere est, atque esse potest? sed vana tan-
tum inflatione mire ambitius, & elatus,
indignum esse inter secretos sermones jacia-

ret, ut sua conjux unquam ab alio atrectaretur. Ideo rara, & inaudita fere barbarire, nunquam in convivium alterius adibuit, neque etiam propriæ suæ mensæ nunquam cum Viro loqui, neque etiam intueri passus, neque feneſtras unquam proſpicere, quas absens quoque signare ſolebat; usque adeo cestimator ſui maximus, aliorum vero contemptor, ut cum quodam tempore æger decumberet, & illa ut erat pia, & curioſa circa Maritum, quendam Nobilem Adolescentem Stephanum Semsey veste tantum forte contigisſet, ita ira effervuerit, ut eam convitiis affectam, intra parietes vivam defodierat & enecandam fame mandaverit, niſi a familiaribus ægre diſſuſus fuifſet. Nobilis quidem ille Adolescens captus, & paulo poſt veneno ſublatuſ eſt. Porro tumulata fuit Helena in Templo Arcis Sárospatakienſis, cum hac inscriptione :

Helena epitaphium.

Epitaphium Illuſtris, ac Magnificæ Dominiæ, Helenæ Orſzágh, Confor- tis quandam Spectab. ac Magnifici D. Gabrielis Perényi, Comitis Per- petui Comitatus Abaujvár. Supremi- que Curiæ Regiæ Judicis &c. &c. Matronæ pietate erga Deum, fide, & amore in Maritum, pudicitia, mo- deſtia, beneficentia, aliisque animi dotibus ornatisimæ, quæ vixit an- nos XXXI. menses VII. cum Marito annos plus minus XVII. clausit vi- tam

tam feliciter in Arce Therebes postridie Kalend. Majas anno MDLXIX.

Hic Helena moriens post tristia fata
 Marito
Jungitur, Orszagiæ stirpis memoran-
da propago,
Ut quos certus amor vivos tenuisset,
 eodem
Foedere nec posset mors dissociare
sepultos.
Digna erat hæc Helene Gabrieli sola
Perenno:
Nam prælustre genus, formæ specio-
fa venustas,
Dótibus ast animi speciosior, æmu-
la quando
Virtutis solidæ laudes cumulavit avi-
tas,
Innumeris exculta bonis, Heroidas
inter
Pannonicas, tanquam lux spectatissi-
ma fulsit.
Mente pia Christum coluit, sic fida
 Maritum
Est venerata suum, verecunda mo-
destia pectus
Ornavit, castisque pudor, nec pro-
digia lingua:
Officiosa inopum nutrix, mens nescia
frangi
Tristibus ærumnis, quibus est lucta-
ta per omnem

Infelix vitam , siquidem nunc illa
triumphat ,
Et requies animam sovet immorta-
lis olympos ,
Spes eadem cumulo recubantia susti-
net ossa.

*Christo-
phorus
Iudeo
Curiae ,
ultimo
familie.*

Christophorus Helenæ Frater anno 1560, titulo novæ donationis Regiæ, ut nostri Jurisconsulti loquuntur, introductus est in totalia Castra Csejthe, Tapolcsan, Surány, Jókó, Szomolyan, Hollókó, Széchén, Sirok; atque tot arcum herus, felicissimus videri poterat, si non Patre, Vitrico una, ac Tutorè, quin & Matre præmatre orbatus, in via præceps ruinet, quibus adeo & dedit, ut etiam a Majorum fide prorsus deficeret. Legi epistolæ aliquot Ferendipdi I. Regis quibus ei severè precipit, *Concionatorem hæreticum Sacramentarium non solum a se di-
mittere, sed & ex bonis sp̄is immediate
pellere debeat sub gravi indignationis Re-
giæ comminatione;* at serum id reme-
dium erat. Cæterum Christophorus, ut memoratus Episcopus Forgach habet,
A) somno, otio, Venere, atque crapula,
corrupta prīnum sanitatem nox pedum,
manumque usum amissit, & intra primam
adolescentiam una cum familia extinctus
est, nulla ex Helena de Zrinio, quam
concupisio junxit, prole relicta, Cada-
ver

ver in templo Oppidi Csejthensis terræ
mandatum est, inciso marmori hujus-
modi epitaphio :

Hic jacet Spectabilis , ac Magnificus *Eius epi-*
D. olim Comes , Christophorus Or-*taphium,*
szágh de Guth , Judex Curiæ, ac Con-
filiarius Sacræ Romanæ Cæsareæ Re-
giæque Majestatis , nec non Comita-
tus Neogradiensis Comes , ætatis fæc
annor. XXXII. Obiit die XIX. Octobr.
anno MDLXVII.



I X.

R Á K O C Z I
D E
F E L S Ó V A D Á S Z.
(Fig. 9.)

Rákoczi de genere Bugad. radzán profluunt Genus Bugadradvan, vel ut alii scribunt, Bukathradvan, aut etiam Bugadpadvan, olim per Provinciam Zempliniensem late diffusum fuit, ex quo Rakoczios originem duxisse, edocuit me nuper. Vir nobilitate non minus, quam virtute, & literis inprimis conspicuus: a) monumenta certe, quæ submisit eatenus, rem extra controversiam ponunt; atque ea hic vel integra inserere, vel ubi ita videbitur, in compendium mittere nihil vetabit. Omnia autem vetustissimæ sunt Ladislai Cumani Regin literæ, quæ anno 1278, in hunc modum perscriptæ sunt:

„ Nos

A) Est is Spectab. Dominus Antonius Szirmaj de eadem, Inlyti Comitatus Zemplin. Notarius, qui suæ Provinciæ Supremos Comites ad fidem literarum exactos prælo apparat.

„ Nos Ladislaus , Dei gratia Rex *Eam in
Hungariæ, memoriæ commendamus,*
 „ tenore præsentium significantes uni- *rem li-
versis: quod cum Comes PAULUS fi- teræ La-
lius GÖPOL , de genere Bukathrad-
van , bæredum effet solatio destitutus
„ a nobis humiliter supplicando postu-
„ lavit universas possessiones suas , ser-
„ vos , & ancillas , ac alia bona sua ,
„ cuicunque vellet de cognatione sua ,
„ vel Monasterio suo A) vivens dona-
„ re , vel in extremis legare , sibi de
„ speciali gratia , liberam concedere-
„ mus facultatem . Verum quia idem
„ Comes Paulus nobis , & Regno no-
„ bis , & Regno diversa servitia fidel-
„ tatis impenderet temporibus oppor-
„ tunis , nos petitionibus ipsius , Regia
„ liberalitate anquentes concessimus per
„ præsentes , ut universas possessiones ,
„ servos , & ancillas , ac alia bona sua ,
„ cuicunque voluerit de cognatione sua ,
„ vel Monasterio suo dare , & legare ,
„ liberam , & securam haberet faculta-
„ tem , juxta libitum suæ voluntatis ;
„ de servis autem , & ancillis manu-
„ mittendis etiam concessimus faculta-
„ tem , „*

F 5

A) Szerentiensem Abbatiam intelligi ex
 aliis monumentis didici , quam Paulus
 Divorum Petri , & Pauli Apostolorum
 honori condidit , certe pago Szerentis ,
 & Ujeör cumulatam Ordini S. Benedi-
 cti tradidit .

„ tem , ratum & firmum habentes ! per
 „ omnia , quidquid idem fecerit , vel
 „ ordinaverit in præmisis. Datum in
 „ Regno Moraviæ juxta Castrum Laa
 „ in Octavis S. Regis. Anno Domini
 „ 1278. ”

*Paulus.
desciens
Fratri
filiis bo-
na cedit.*

Quadriennio post PAULUS cum LADISLAO & STEPHANO filiis ELIAE fratris dicti GOPOL Agriam adiit , ibidemque coram Capitulo proposuit *viva voce* : quod universas possessiones suas hæreditarias Kürthvelius , Harach , Mara , & Sinch nominatas , cum utilitatibus , & appertenentiis suis , item servos suos - - ob unam dilectionem proximitatis dedisset , & contulisset , & coram nobis dedit , & contulit dictis filiis Eliae , & suis hæredibus hæredumque Successoribus jure perpetuo , & irrevocabiliter posidere .

*Pauli II.
posteri.*

Jam nun ex Stephano , an ex Ladislao natus fit PAULUS II. nescio unde Cziz dictus , incertum est , Conjugem habuit Petri de Pazdits Sororem , ex qua in iucem editum esse GOPOL II. vel moliori enunciatione Gyapoly , Patrem ANDREÆ , JOANNIS , & LADISLAI testes sunt literæ Capituli Agrienlis anno 1392. pericriptæ , ex quibus clarum est , cum quod sex familie , Rakociana videlicet , Mörvajana , Körtvélyestiana , Izépiana , Czékeiana , & Monokiana ab eodem stipite , eodemque genere Bugadpadvan derivetur , tum quod seorsim Andreæ , Joanni , & Ladislao Gya-

Gyapoli filii in communi fundorum sortitione hi pagi obvenerint: Mora, Körtvélyes, Rakocs, Aracz, Kelöszegh, Szenk, Sofzkocz, & Mirk. Atque utinam literarum illarum exemplum, ex quo hæc exscripsi, integrum foret, fortasse in notitiam a quo dictorum trium Fratrum Rakoczii prostuant, perveniri posset; nunc cum ad pertexendam eorum seriem idoneis monumentis destitutus sim, quæ olim in Adversaria congefferram, hic sufficio. Itaque sub Mathia Corvino, & ad annum 1464. floruerunt: Benedictus Presbyter, nec non Michael & Gabriel filii Ladislai de Rakoucz; item Andreas, Paulus Gaspar, Melchior filii Stephani de eadem Rakoucz ex Conjugi Anna Beffenyei de Deregnyö progeniti: sub Wladislao vero, & Ludovico II. Regibus Franciscus, & Sigismundus, qui postquam anno 1517. de Felsö locum Felsö-Vadász in Provincia Abauj-Vadász var. cum pago Zelep suum fecisset, nou*dictus*. solum novo axiomate de Felsö-Vadász uti coepit, sed titulum illum etiam in posteros, quos jam, relictis aliis Rakocziis exequemur, transmisit.

Erant Sigismundo duo filii: GEORGII liberi, ac JOANNES; & ille quidem genuit tres liberos: EMERICUM videlicet LADISLAUM, & LUDOVICUM, sed nullus stemma, quod sciám, propagavit. Ladislao certe unica filia fuit JUDITHA, quam Andreas Anartsy in vita sociam delegit. Ludovici

dovici Istvánfius rerum Hungaricarum
Scriptor persæpe, neque sine laude me-
minit, fuit enim vero miles, & Dux
egregius, pluribusque susceptis vulheri-
bus clarus, qui Transilvanos, ac Tur-
cas præsertim clade non una prostravit.
Moriturus Calvinum, quem cum lacte
suxerat, ejuravit, & ut vivens voluit,
Szerentsini tumulatus est.

*Joannis
filius Si-
gismun-
dus II.*

Ioannes Georgii Frater præter fi-
lium FRANCISCUM, qui ex Conjuge Do-
rothea Keczer de Lipocz procreavit
JOANNEM II. Elisabethæ Lövej Mari-
tum, genuit insuper SIGISMUNDUM II.
Virum inter præcipuos Hungariæ Heroes
collocandum, cum Rudolphus II. Im-
perator, cum Regiis literis arma gen-
tilitia augeret, hoc elogium adscriptiit:
 „ postquam, inquit, singularis fidei in-
 „ tegritatem, & constantiam, adeoque
 „ animi tui fortitudinem, Sigismunde
 „ Rakoczy! nobiscum diligentius re-
 „ volvissimus, quibus te non solum
 „ Sacratissimo quondam Principi D.
 „ Maximiliano II. Romanorum Impera-
 „ tori, ac Hungariæ, & Bohemiæ &c.
 „ Regi, Domino, ac Genitori nostro
 „ charissimo, felicissime reminiscitæ,
 „ verum etiam nobis jam inde ab ado-
 „ lessentia tua probasse, non obscuris
 „ testimoniis didicimus, dignissimum te
 „ esse censuimus, qui præclare factorum
 „ tuorum testimonium in omnem tuam,
 „ & tuorum posteritatem, cum immor-
 „ ; tali

„ tali nominis tui memoria duraturum,
 „ a nobis sumas. Intelligimus quippe
 „ te, ubi primum adolevisti, viribus,
 „ aliisque animi dotibus, ac singulari pie-
 „ tate pollutem, non luxui, aut iner-
 „ tiæ corrumpendum dedisse, sed ani-
 „ mum quidem meditatione rerum præ-
Lauda-
 „ clararum, corpus vero more militari
 „ equitando, jaculando, cum æqualibus
 „ certando exercuisse, atque ad omnia
 „ certamina ita composuisse, ut nemine
 „ æqualium tuorum iusserior conspicere-
 „ ris, tempestatum etiam incommoda
 „ algorem, æstum, & similia, quæ ho-
 „ mines effoeminati refugiunt, singulari
 „ tolerantia pati consuevisse, quo cor-
 „ pus ad vigilias, certamina, & usitata
 „ bellorum stratagemata, quovis tem-
 „ pore obeunda aptius, habiliusque
 „ faceres, tyronum instar humi re-
 „ quiescere, integras noctes quandoque
 „ insomnes exegisse memorém neminem
 „ unquam bonum Imperatorem, belli-
 „ que Duce fieri posse, qui idem omnia
 „ belli tyrocinia, quantumvis difficultia,
 „ non sit expertus.

„ Cujus quidem præclaræ tuæ in *Sub Chri-*
 „ dolis varia specimina in diversis lo- *Sophoro*
 „ cis, & confiniis, & præsertim Agriæ *Ungnad*
 „ ostendisse, ubi sub Capitanéatu Ma- *militat.*
 „ gnifici quandam Christophori Ungnad
 „ in variis excursionibus, ac expeditio-
 „ nibus ea animi alacritate, & fortitu-
 „ dine, contra infensissimos Christiani

„ nominis hostes , Turcas dimicasse per-
 „ hiberis , ut junioris militiæ Capitane-
 „ atum tibi eo tunc concretum , cum
 „ laude etiam gesseris.

Fit Prae-
fedus
Arcis
Szendrő.

„ Posteaquam autem labentibus
 „ paulatim annis , maturiorem attigisses
 „ ætatem , animoque ad graviora certa-
 „ mina fuscipienda composito , Capita-
 „ neatum militiæ Hungariæ in Arce
 „ nostra Szendrő constitutæ . per nos
 „ tibi benigne delatum intrepide suscep-
 „ pisse , atque in eo officio multa præ-
 „ clara , ac fortí Viro digna facionora
 „ edidisse diceris , hostes sæpius urgendo ,
 „ fugando , atque Divina ope devincen-
 „ do , ita quod cum superioribus annis
 „ Filekienfis , Szétsényiensis , & Neo-
 „ gradienfis , quatuor Begi una cum
 „ Turcis Budensibus ad depopulandas
 „ & devastandas partes Regni nostri
 „ Hungariæ superiores , valido cum ex-
 „ ercitū progressi fuissent , tu illos pe-
 „ nes fluvium Sajó , ad pagum Kaza
 „ vocatum , cum subjectis tibi militibus
 „ paucisque aliis consecutus , Divino
 „ nixus auxilio , manus cum eis con-
 „ feruisse , illosque devicisse , ac pro-
 „ filigisse , multos prostravisse , complu-
 „ res cepisse , latusque cum insperata
 „ victoria rediisse , ac postea quoque
 „ primo conflictui Szikszoviensi inter-
 „ fuisse , ibique multa egregia facinora
 „ edidisse affirmaris.

„ Qui-

„ Quibus tuis militaribus virtuti- *Et Agriæ.*
 „ bus, ac præclara erga nos fide beni-
 „ gne moti, dignum te animo judicavi-
 „ mus, qui ad supremum Capitaneatum
 „ dictæ Arcis Agriensis promovereris,
 „ quo quidem in officio ea cum laude,
 „ felicitate, ac benigna nostra satis-
 „ factione es versatus, ut nullam ibi-
 „ dem cladem contraxeris, nec quid-
 „ quam vel errore, vel timiditate com-
 „ miseris, unde rerum tuorum felicita-
 „ ti macula aliqua inspergi posset; quia
 „ potius silentio nequaquam involvi de-
 „ bet, quod cum præfati hujus tui Ca-
 „ pitaneatus Agriensis tempore, hostes
 „ Turcæ multorum millium validissima
 „ manu, oppidum Szikszo iterum atro-
 „ citer depopulati fuissent, tu contracto
 „ protinus exiguo exercitu, in nostro-
 „ rum militum contra illos progreffio-
 „ rum auxilium, propere advolaris,
 „ ibique optimi Ducas, ac militis offi-
 „ cio perfunctus, animose, ac viriliter
 „ cum hostibus conflixeris, illisque tru-
 „ cidatis, captis, & dispersis, insignem
 „ victoriam cum amplissimis hostium
 „ spoliis, rerumque per te fortiter ge-
 „ starum perenne monumentum, indi-
 „ gni trophæo potitus reportaris, atque
 „ hisce proxiris annis quoque tam re-
 „ cuperationi Filekiensi, quam vero in
 „ aliis Castris Serenissimorum Principum
 „ Mathiæ, & Maximiliani Archiducum
 „ Austriae &c. Fratrum nostrorum cha-
 „ , ris-

„ rissimorum , propriis tuis cum militi-
 „ bus, & non exiguis sumptibus prompte;
 „ ac benevole, & obedienter interfueris;
 „ ibidemque nobis, & patriæ tuæ dul-
 „ cissimæ utilem, & fidelem operam ala-
 „ criter navaris. „

Eius epiphium. Cætera, quæ ad Sigismundum per-
 tinent, ne longior sim, prætero, compendio ea exhibet albitum marmor, quod
 in Templo Szerentsiensi cum hujus-
 modi epigraphæ visitur:

Insigni, ac Illustri, Spectabili, ac
 Magnifico Domino, Sigismundo Ra-
 koczi de Felsö Vadász, Comiti Co-
 mitatus Borsod. Rudolphi II. Roma-
 nor. Imp. ac Hungariæ &c. Regis
 Consiliario, olim Supremo primum
 Zendrő, expost Agriensi Capitaneo,
 ac Principi Transilvaniae, Partium
 Regni Hungariæ Domino, & Sicu-
 lorum Comiti: cuius virtus summa
 cum gratulatione saepius difficillimis
 temporibus apud Hungaros claruit,
 die V. Decembr. Anno MDCVIII. in
 Felsö Vadász loco nativitatis sive pie
 defunctus, cum vixisset annos circi-
 ter LXIV. tres Filii Georgius, Si-
 gismundus, & Paitlus Rakoczi Geni-
 tori eorum charissimo de ipsis, &
 patria bene merito, mœsti posuerunt
 Anno MDCCXVIII.

Hic

Hic Sigismundus ovans, post ultima
fata Rakoczi
Pannoniæ columnen pace, sagoque
cubat.
Agria fortunam tujus mirata secun-
dam,
Hectoris amœnum Cæsar & inge-
niūm:
Dacia Protectorem, atrox sed Turca
flagellum,
Nos patriæ Cives mite patroci-
nium.
Quare Panonia, Agria, Cæsar; Da-
cia, Cives.
Justa Patri Patriæ solvite cum la-
crumis.

Tres Uxores habuit Sigismundus:
primam Juditham Alaghi de Bekény;
ex qua nata ELISABETHA Valentini Dru-
geth de Homonina Consors; sub annum
1605 e vivis excessit, alteram Annam
de Gerend trium filiorum, quorum epi-
taphium meminit, Mátrem. Postremā
Barbara de Telegd Marito superstes-
mansit.

SIGISMUNDUS III. Sigismundi II. ^{Sigis-}
filius in primō flore raptus est, ut Ge- ^{mündus}
orgius Závodszki in suo Diario adno- ^{III. præ-}
tavit: Anno 1620. die 26. Decembr. ^{mature} mortuus:
spectabilis, ac Magnificus D. Sigismun-
dus Rakoczi, sue dominationis (Comi-
tis Emeriei Thurzo) juratus, & adop-
tivus Frater; juvenis certe excimie spei;
& magna exspectationis, in ipso æiatis
DECAS IV. G üren:

*urentis flore , mundo immundo extreum
valēdicens , vivere desit , relicta post se
Uxore juvencula , quam non pridem du-
xerat , & vix unum annum eidem coha-
bitavit , quēm tamen non multo post etiam
secuta est.*

*Paulus
Judex
Curiæ
Regiæ.*

PAULUS Sigismundi III. Frater a noverca in Romana fide eductus , & Græcii Styrorum literis excultus , animum ad societatem JESU applicuit , sed quod utilior Reipublicæ civili futurus videretur , repulsam passus , totum se deinceps servandæ a motibus Dacicis patriæ , & instaurandæ Religioni Catholicæ addixit . Provincias Tornensem , & Sárosiensem Supremus Comes gubernavit , & ex Janitorum Regalium Magistro , Judex Curiæ Regiæ creatus , annum 1636. die 12. Martii supremum habuit. A) Ex Conjuge Anna Pethe de Hetes progenuit ANNAM MARIAM , quæ in Viennensi Sanctimonialium Asceterio vitam clausit , & LADISLAUM II.

*Ladis-
laus Co-
mes
Sáros.
Varadini
sæditur.*

Hic a moriente Matre Georgio Lippaj Archiepiscopo Strigoniensi in tutelam commendatus , & Viennæ cum Ferdinando IV. Archiduce , liberalibus disciplinis eruditus , postquam adolevit , exemplo Patris , Romanam fidem , Regiasque partes constans tuebatur. Oc-

cu-

A) Ejus epitaphium , quod Analectorum Scepus. Parte II. dedimus , hoc loco re-
petere nihil attinet.

ebubuit pro porta Arcis Varadinensis, quam capta jam Urbe Turcis fortassis erepturus erat, nisi a Sociis, qui una irrumpere debebant, desertus fuisset. *Cæterum Dux, milesque in Castris, verba sunt Francisci Kazy, A) Cæsaris benevolentiam sibi demeruit, Regii propterea Cubicularii bonore auctus, & Sdrofienſi Provinciae Supremus Comes datus, per maiores, & dignitates, nisi præcipiti consilio fatum ipse suum maturasset.* Ex Uxore Elisabetha Bánfi de Nagymihály non aliam prolem suscepit, quam filiam homonymam, primum Adamo Erdödy, deinde Georgio itidem Erdödy de Monyorokerék nuptam. Tumulum invenit in Ecclesia FF. Minorum Clanicensi, ubi ejus sarcophagum his literis signatum est :

E. & I. C. D. Elisabetha Rakoczy
de F. W. & I. C. D. Georgii Er-
dödy de M. Jud. Cur. Reg. C. Con-
sors. Obiit anno ætatis sue 52. die
8. Mensis Novembris 1707.

GEORGIUM Sigismundi III. & Pau- *Et Gergij Tranſl-*
li Fratrem, qui nosse cupit, Historiam *vaniæ Principis*
ejus temporis evolvat, neceſſe eſt; nobis, qui compendio studemus, fatis fuerit attulisse epitaphium, e quo summa rerum peti possit, ita autem ha-
bet :

G 2 Mo-

A) In Historia Regni Hungariae ad annum 1664.

Monumentum Seruissimi, Celsissimi-
que Principis, D. Georgii Rakoczy,
Principis Transilvaniæ, potiorum Re-
gni Hung. partium Domini, ac Sicu-
lorum Comitis, Principis summa fa-
cientia, sancta temperantia, incredi-
bili vigilancia, incomparabili pietate,
admirabili felicitate laudatissimi,
optimi Patriæ defensoris, acerrimi
publicæ pacis Vindicis, addictissimi
Musarum Mecoenatis, syncerissimi Ec-
clesiæ Patroni, cum ineffabili Christia-
ni orbis damno, Albæ Julij Anno
MDCXLVIII. Octobris XI. hora ante-
meridiana ætatis LV. mense IV. die
III. sanctissime defuncti. X. vero Ja-
nuarii anni sequentis honorificentissi-
me tumulati.

Uxores habuit duas: primam ex
domo Betleniana, alteram Susannam
Loranti de Serke, & filios: **GEORGI-**
UM II. SIGISMUNDUM IV. FRANCISCUM,
qui quidem duo postremi præmaturo
fato erepti sunt, ut docet epitaphium
iisdem positum in hæc verba:

*Ac Sigis-
mundi
IV. &
Francisci*

Sigismundus, & Franciscus Rákóczi,
Georgii Primi, Susannæ Lorandi,
Principum Transilvaniæ filii, paternæ,
maternæque pietatis æmuli, hic, quod
mortale erat, terræ Parenti reddide-
runt. Oh dolor! oh fatum! quos Da-
cia Seculis, sceptrisque devovérat,
mors invida mature demessuit:

Si-

Sigismundus florentibus annis integer,
maximarum virtutum concursu incly-
tus , amissa communi lege Henrietta,
Conjuge sanctissima Friderici Palatini

Rheni filia , tantæ jaæturaæ propemo-
dum impatiens , inter vivos vivus
esse desit Anno 1652. die 2. Febr.
Franciscus odoribus bonaæ spei plenis-
simus , exacto vitæ quinquenio , bea-
tam æternitatem ingressus est. Su-
fanna Princeps Mater moestissima ,
hac sepulcrali erecta ara , bonaæ , piæ-
que memoriaræ charissima pignora com-
mendavit :

Flos tener hic cecidit , qui ni ceci-
diffet , abunde

Et Patris , & magni laude niteret
Avi.

GEORGIUS II. Patri in Principatu *Georgius*
Transilvaniæ successit , homo inquietus , *II. Prin-*
*cum alienam Poloniæ invadit , suam ^{ceps.} *Transil-**

vaniæ.

loco motus , & anno 1660. apud Clau-
diopolim cœsus , quanquam fortiter in
quinto equo dimicans , septemdecim
hostes peremerat , lethaliter nihilominus
sauciis Varadini , quo e fuga se rece-
perat , animam exhalavit. Uxor Sophia
Bathori de Somlyo cadaver Patakinum
transferendum , ibique anni insequentis
die 24. Aprilis solenni pompa terra
mandandum curavit. Reliquit Georgius
filium unicum

FRANCISCUM II. nominetenus Transilvaniae Principem, reapse enim Michael Apafius a Turcis impositus, fasces Provinciarum tenuit. Fidem Regibus debitam violare quam malum esset, magno suo damno didicit Franciscus, quamquam enim haud multo post resipuerat, & Matre integerim alias fidei Matrona Mediatrix apud Cæsarem uteretur, non aliter tamen in gratiam receptus est, quam grandi æris summa, & parte fundorum mulctatus. E vivis excessit in Arce Makoviczensi, sepultusque est Cassovia in Templo Sanctissimæ Trinitatis, quod suis, & Matris sumptibus exædificaverat. Pro tumulo appensum fuit grande vexillum, auro, argentoque distinctum, cum hujusmodi inscriptione:

*Eius filii
Francisci
II. epitaphium.*

Celissimus DD. Franciscus Rakoczi, Dei gratia electus Transilvaniae Princeps, Partium Regni Hungariæ Dominus, & Sicularum Comes, Perpetuus de Sáros, ejusdemque Comitatus Supremus ac Perpetuus Comes &c. pie obiit anno Dom. MDCLXXVI. die VIII. Julii ætatis suæ anno XXXI.

Eius Vidua Helena Zrini, quæ postea C. Emerico Tököli nupsit, Mater fuit trium liberorum: GEORGII III. qui mense Octobri anni 1667. in Lucem editus, altero post mense decessit; JULIANÆ BARBARÆ, quæ Ferdinandi Goberti Comitis Aspermontii connubio

jun-

juncta, eum duabus prolibus, & quarta parte hæreditatis Rakoczianæ auxit, terris erepta est die 26. Decembr. anno 1717. Postremus Helenæ liberorum fuit

FRANCISCUS III. paterni erroris, *Franciscus III.*
non item poenitentiæ hæres. Primam *patriæ*
lucem aspexit in Castello Borisi anno *turbator.*
1674. die 4. Septembr. Biennis Patre or-
batus, ac post caput Munkatsinum
Viennam una cum Matre translatus, sub
cura Cardinalis Kollonitsii, & C. Stephani
Csáky, liberales artes combibit. Anno
1701. quod cum Gallis perniciosem li-
terarum commercium soveret, intercep-
ptus, ex carcere Neostadiensi feliciter
in Poloniā evasit, unde biennio post
regressus, patriam ipsos octo annos mi-
serum in modum exagitavit. Abhinc re-
jecta, quam Principes Austriaci iterum,
atque iterum offerebant, gratia, pri-
mum in Poloniā se recepit, inde in
Angliam, & Galliam estugit, postremos *In Turcia*
demum vitæ annos in Turcia exegit. *obit.*
Obiit exul Radosti, Thraxiæ ad Pro-
pontidem oppido, die 8. Aprilis anni
1735. Erat ei Conjux Carolina Amalia,
Caroli Hasso-Wanfridiensis filia, quæ
Mariti etiam in acerba fortuna comes,
e vivis excessit Parisiis anno 1722. die
28. Februarii relictis duobus Filiis Jo-
SEPHO, & GEORGIO IV.

Eius filiorum minorum fors.

Hi scelere Patris, cum fortunis omnibus eversi essent, indulgentia Caroli VI. Cæsaris, e fundis Neapolitanis tantum accipiebant, ut se & commode & liberaliter alerent; mandatum tamen utriusque est, ut Viennæ resisterent, & abjecto Rakoczii nomine, alter Marchio a S. Carolo, alter a S. Elisabetha vocaretur. Neutri tamen adeo Vienna placuit, ut non inde diffugerent: & Josephus quidem post varia, quæ habuit, sata, Turcis bellum Carolo VI. obmoventibus adhæsit. Quare apud Romanum Pontificem insimulatus, & fidelium communione emotus est, neque multo post apud Vidinum vulneribusne? an mærore animi confectus? incertum occubuit, anno Domini 1738. GEORGIUS & ipse Vienna profugus, in Galliam pervasit, ubi anno 1732. Conjugem ex domo Marchionum de Bethunia accepit, sed inter Fordidas, vilesque animas, ut fertur, vitam traduxit, & ramo Rakocziorum Felsövadásziens, finem attulit.

Andreas Rakocziorum ultimus.

Illud pro coronide adnotare placet, alterius rami, qui axiomate de Rakocz usus est, quiique ultra equestrem ordinem nunquam assurrexit, ultimum furculum fuisse Andream, qui anno 1754. in avito pago Rakocz diem supremum clausit.



X.

DE ZOKOL.

(Fig. 10.)

Cum Collectaneorum Decade I. familiam de Báthor primum vulgavi, ad ejus calcem adjunxi laterculum Genealogicum trium Fratrum uterinorum, & carnalium: HODOS, STEPHANI, & FELICIANS, quos quidem Bathorios fuisse tunc putavi; sed postquam e pluribus literis, quas interea evolveram, didici eos revera Zokolios esse, errorem admissum hoc loco iterum corrigendum voleui. Quanquam enim & Bathorii & Zokolii ab eodem stipite, & ex eodem genere GUTHKELED, ut ibidem indicavi, profluxerint, a fundis tamen, quos jam ante annum 1300. fortiti sunt, diversa nomina consecuti fuerunt, ut Bathorii ab oppido Báthor, Zokolii a Zokol, vel Zakol, qui locus in Provincia Szaboltsensi est, compellarentur. Interim cum Feliciani linea illic ad septimum gradum producta sit, de ea in praesens nihil agere constitui: latet præterea mendum Typographicum in LADISLAO, & LAURENTIO, qui non Stephano, sed Hodos

Pa-

G 5

Patre nati sunt, quod etiam hoc loco
emendari oportuit.

*Lauren-
tii pro-
genies de-
ficit.*

Laurentius habuit tres filios: ELI-
AM, DOMINICUM, & LADISLAUM II.
qui Nicolaum & Joannem filios Bricii, &
Petrum ac Benedictum filios Lecokus fi-
lli dicti Bricii de Báthor, diuturna, mo-
lestaque lite exercuerunt, quoad anno
1338. amice composita, & latifundia
proborum Virorum arbitrio utrinque
divisa sunt. Unius Eliæ filium reperio
STEPHANUM III. qui anno 1394. adhuc
in vivis fuit,

*Ladislai
postori.*

LADISLAUS Laurentii frater proge-
nuit duos filios: JOANNEM & STEPHAN-
UM II. hic defecit; ex illo orti sunt
GEORGIUS EMERICUS, & LAURENTIUS II.
 $\delta\pi\alpha\iota\varsigma$. Emerico quidem quinque filii
erant: EMERICUS II. videlicet BRICCIUS,
JOANNES III. THOMAS & VALENTINUS,
sed hujus unius filium lego Balthasarem,
qui anno 1479. floruit, reliqui omnes,
ut conjicere fas est, sine hæredibus de-
cesserunt.

*Petrus
Banus
Macho-
viensis.*

Georgius longæ propaginis Author
sunt, præter STEPHANUM IV. enim, &
MARTINUM filios, procreavit JOANNEM
II. cui Susanna de Báthor filia Thomæ
peperit PETRUM Virum clarissimum sub
Mathia Corvino Rege Hungariæ Banum
Machoviensem, ac subinde Comitem
Temesiensem, de quo Bonfinius A) cum
Pro-

Proceres ad eundem Mathiam Regem Strigonię excipiendum missos enumerat, ita scribit: *Item Petrus Zokoli* - - vir impiger, ac strenuus, qui exercitui a Michaelie (Zilágyi) praefectus erat. Nam quum aduersio Turcarum bello claruisset, longaque armorum experientia præpolleret perpetuum Regis Avunculus hunc sibi Praefectum adsciverat, quem nunquam antea infeliciter pugnasse neverat. Immortalem nomini suo gloriam comparavit anno 1462. cum Halibegum Turcarum Duce ad Savum profligavit, cæsis quater milie barbaris, & liberatis multis millibus, qui in servitutem trahebantur Christianis. Conjugem habuit Potentianam de Kiswárda, & quatror filios, quorum nomina sunt:

I. JOANNES IV. inde ab anno 1466. *Joannes ad 1492.* Ecclesiæ Chanadiensis Episcopus, ex Epi-
pus, deinde Ordinis D. Pauli primi Ere- scopo
mita Religiosus. Placet hic de eo ad- Chanad.
nestore, quæ Annalibus suis inferuit An- Paulinus
dreas Eggerer A) in hæc verba: floruit
codem tempore, magno ordinis commodo,
Fr. Joannes Zakoly, qui calculo doctrinæ,
ac pietatis, in sedem Ecclesiæ Chanadien-
sis elevatus, denum Pontificia tiara, pro-
cucullo Emeritico permutata, in Monasterio
Sanctissimi Corporis Christi de Diogewr,
regularis vitæ alphabetum inter Novitios
auspi-

A) Annalium Eremi-Cænobiticorum Li-
bro II. Capite XXXII,

auspicatus est, directioni sui Instrutoris apprime subjectus, præteritæ dignitatis nudam etiam memoriam fastidiebat, temporis adeo studiosus, ut exercitiis piis, & honestis intentus, a nullo extra cellam otiosus versari consiperetur. Graviter senserunt tanti Viri jacturam Ecclesiarum per Hungariam Praelati: unde quandoque in aula Strigonensis Metropolitæ Budæ congregati, habito Senatus consulto idoneo conabantur, quatenus relitto Monachismo, in eorundem consortium transmigraret, ostensisque tiara, pedo, ac annulo, cum in proposito, adamante duriori reperissent, parum absuit, quin violentia Praefulum sacris penitentiae vestibus exueretur, nisi semet pugno defendisset, & cæteris grandiori quidam, Strigonensis nimirum Archipræfut, A) saniori mente præditus, audax facinus his verbis avertisset: dimittamus eum in pace, testis est mibi Deus, quod si ego senio confessus non essem, relatio Episcopatu meo, ipsius statum, & vestigia sequeret. Ita re infecta discessum est. Nec minori constantia, oblatum sibi post octavum suæ conversionis annum B) ab Wladis-

A) Metropoli Strigonensi id temporis præfuit Hyppolitus Estenis, cui num illud convenerit: cæteris grandior, definire nolim.

B) Cum Joannes anno 1494. mortuus sit, & anno 1492. adhuc Csanadiensis Episcopus legatur, non video, quomodo ad octavum suæ conversionis annum per venerit.

*dislao Rege Colocensem Archiepiscopatum,
Eremitice paupertati posthabuit, quamvis
id ab eo Rex cum Superiorum facultate
imperaverit, ne tractandis consiliis, quan-
doque Regiam suam frequentare gravare-
tur. Tandem Virorum optimus, post
multa præclare pro ordine gesta, in Mo-
nasterio eodem, ubi spiritum Eremiticum
primitus imbibisse diximus, personam bo-
minis cum Vicariatus officio depositus,
quod anno 1494. evenisse idem Author
infra narrat.*

2. NICOLAUS de quo infra.

3. ANDREAS anno 1486. Provinciaz *Andreas*
Zewrinienensis cum Francisco de Haraszth *Banus*
Banus, conjugem habuit Elisabetham *Zewrini-*
Dóezi, quam literæ anni 1509. ut Vi-
duam commemorant.

4. ALBERTUS cum Georgio More
de Chwla Banus Nándoralbensis, seu
Belgradensis. Fortassis non abs re fuerit *Albertus*
hic subjicere, quando & quibus condi- *Banus*
tionibus id munus illis sit collatum? *Nándor-*
quod quidem in *Rationibus A) Proven-*
albenfis.
tuum & expensarum sub Wladislao II.
Rege in hunc modum consignatum re-
perio: „ Regia Majestas Capitaneatum
„ sive Banatum Nándoralensem de no-
„ vo dedit, & contulit Egregio Geor-
„ gio More, & Alberto de Zokol in fe-
„ sto B. Emerici Ducis, hoc est: V.
„ die mensis Novembr. cum quibus sua
„ Majestas in dicto Castro Nándoral-
„ ben-

A) Affervat eas inter cætera sua MS. Cl.
Georgius Pray.

„ benisi , natione hujusmodi Capitanearum
 „ tus ejusdem Castri fecit infra scriptam
 „ dispositionem ; & principium dicti Ca-
 „ pitaneatus , sive Banatus , prefatis Al-
 „ berto Zokol , & Georgio More a præ-
 „ fato festo translationis S. Emerici de-
 „ bet incipi , & computari anno Domini
 „ MCCCCXCV .

„ Item prænotati Bani continue de-
 „ bebunt secum tenere , ad servitia Re-
 „ giae Majestatis , 200. equites levis ar-
 „ maturæ , ad quos Majestas sua eisdem
 „ Banis sic solutionem facere debebit , ad
 „ singulum videlicet equitem , ad singu-
 „ lum mensem per duos florenos auri com-
 „ putandos , faciet igitur per integrum
 „ annum ipsa solutio , in parata pecunia
 „ quatvor millia , & octingentos fl.

„ Insuper eisdem 200. equitibus pro
 „ subsidio , ad singulam equitem per u-
 „ num integrum annum per singulos X. fl.
 „ auri dabit in salibus , & ipsi sales in
 „ valore facient duo millia .

„ Præterea dictis ambobus Banis per
 „ annum integrum dabit Regia Majestas
 „ pro expensa eorum fl. octingentos .

„ Item si prefati Bani in conserva-
 „ tione bonorum , & fidorum Explora-
 „ torum facient bonam , & exactam di-
 „ ligentiam ad Turciam , & exposuerint
 „ ad hujusmodi exploratores viginti fl.
 „ vel amplius , usque centum per unum
 „ annum , Regia Majestas , visa eorum
 „ diligentia , respondebit eis de hujus-
 „ modi expensis eorum , usque ad cen-
 „ ta flore nos , prout dignum fuerit . „

Genuit porro Albertus ex Cathari-*Francis-*
na Ryl tres filios : FRANCISCUM amio*cus Prae-*
1520. Præpositum Orodensem, ANDRE-*positus*
AM II. qui defecisse videtur, & JOAN-*Orodien-*
NEM VI. Hic ex Margaretha de Podma-*sis.*
nyn procreavit NICOLAUM III. quem alii
Stephanum vocant, Annæ de Kiswárda
Maritum, & NICOLAI V. Patrem. Post-
quam gens Kiswardajana in maribus pe-*Nicolaus*
nitus intercidit, Nicolaus V. eodem ti-*V. in Po-*
tulo de Kiswárda usus est. Valuit facun-*loniam*
dia nòn minus, quam consilio ; hinc in
pluribus Regni Comitiis gravissima mu-
nera illi delata sunt. Egit etiam anno
1595. Oratorum apud Sigismundum III.
Poloniæ Regem, cui breve Carmen A)
obtulit, ut eum adferendam Hungariæ
opem excitaret. Ex Uxore Catharina de
Telegd (nam Catharina de Warda, quam
sibi desponderat, alteri in matrimonium
data est) unicam filiam reliquit ELISA-
BETHAM, quæ postquam Petro Milith
de Pryber nupsisset, ejus domum' Zoko-
lianis opibus non mediocriter auxit.

NICOLAUS Alberti Frater in Veróni-*Nicolai I.*
cæ de Báthor connubio vixit, e quo se-*posteri.*
quentes proles fustulit : MARGARETHAM
Pauli de Ruzka Confortem, NICOLAUM
II. & JOANNEM V. Nicolao II. duæ Uxo-
res ereant: altera Clara de Telegd, al-
tera Juliana Drágfi, & ex priore thoro
fi-

A) Inferuit illud Belius in Apparatu ad Historiam Hungariæ Decadis I. monu-
mento X.

filia BARBARA primum Joannis de Bathot , deinde Petri de Gereud Conjux: JOANNES V. Pater fuit GEORGII II. PETRI II. FRANCISCI II. & LADISLAI II. Duorum postremorum Viduas ad annum 1526. invenio Helenam de Lonya , & Barbaram, illam Francisci, hanc Ladislai II. ex quo lucem aspexerunt JOANNES VII. & BALTHASAR NICOLAI IV. Pater quorum literæ , in Conventu Leleszieni anno 1568. exaratæ meminerunt,

GEORGIUS III. incertum quo Parente editus ? gentem Zokolianam in duobus filiis terminavit. Erant ii PETRUS III. & GEORGIVS IV. uterque in legibus, quas Comitia Regni publica condiderant, saepius nominatus. De Petro certe, cum nescio quorum criminum reus in vincula conjectus esset, anno 1609.

Ut Petrus hujusmodi articulus scriptus est: *Supplicant ex capti- etiam status, & ordines Regni, penes Petrum vitate li- Zokoly in captivitate existentem; ut ipsum sua beretur, Majestas ad sufficientem fidejussionem idoneorarum personarum, benigne dimittere dignetur, Hungari, qui ipsum ad terminum, quem D. Palatinus ad revisionem causæ ipsius nominaverit, ad recipiendum sui facti, coram D. Palatino, & Jadicibus Regni Ordinariis judicium, personaliter juri sstant.* Num autem Petrus ex carcere liberatus sit? haud constat; illud comprehendere habeo, eum anno 1613. in humanis jam non egisse, cum ex Coujuge Sara Baso duas filias reliquisset, quarum altera SARA Gregorium Lonyai, altera vero CLARA Franciscum Ispány Maritum habuit.

Georgius ultimus in familiæ GEORGIUM Petri III. Fratrem anno 1618. in vivis fuisse, Comitia eodem anno coacta articulo 25. testantur. Nec Uxorem, proles ejus hactenus reperi; fortasse Pater fuit BARBARÆ, quæ Laurentio Kallaj in manus convenit.

Fig. 1.



Ex numero Anno 1577.

Fig. 2.



Ex lapide Szordahelyensi.

Fig. 3.

Francisci Mersfi de



Ex Pige

Fig. 6.



Anni 1440.


Fig. 7.



Anni. 1681.

Fig. 8.

Anni 1482.



DECAS IV

Szordabély.

Fig. 4.



Fig. 5.

1576.




Fig. 9.



Anno . 1635.

Fig. 10.



Anni . 1598 .